



DR
481
F38
v.4

Fevzi, Mehmet Mazhar
Haber-i sahih

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

Forzi, Mehmet Nazhan
111

﴿ خبر صحیح ﴾

Haber-i Sahih

جلد رابع

v 4

ایک فصلی شاملدر

فصل اول

غازی سلطان بایزید ثانی حضرت تئوینک مدت سلطنتلری
اولان (اوتوز ایکی) سنه لک وقایعی مشتملدر

اثر


محمد مظہر فوزی

سنه

۱۲۹۱

۱۸۷۴

DR
481
F38
v. 4



888955 - خبر صحیح -

﴿ سلطان بايزيد ثانی حضرت تریک جلوساری ﴾

فردوس آشیان فاتح سلطان محمد ثانی حضرت تریک
(ککبوزہ) مرحلہ سندنہ ارتحالری وقوع سندنہ
ارکان دولت طرف سندن (اما سیه) ده بوانان
شہزادہ (سلطان بايزيد) حضرت تریک عریضہ
مخصوصہ تقدیم لہ سر یہ پای تختہ تشریف لری
عرض اول سدیغی جلد ثالث خاتمہ سندنہ بیان
اولمشیدی .

ارکانک اشبو عریضہ لری سرای ہمایون خواص
خدمہ سندن (کککک مصطفی اغا) واسطہ سیلہ

۳ سلطان بایزید ثانی

درت کونده پادشاه جدید سلطان بایزید حضرتلرینه
واصل اوله رق پادشاه مشار ایسه درت کون ظرفنده
لوازم سفریه لرینی بالاکمال اما سیه دن حرکت و طقوز
کونده استانبوله موصلتله (سکزیوز سکسان اتی)
سنه سی ربیع الاولنک یکرمی برنجی (بازار) کونی
(اوتوز بش یاشنده) اولدق لری حالده (سکزینجی)
پادشاه اوله رق تحت عالی بخت عثمانی به جلوس
پیوردیلر .

پادشاه نوجاهک اما سیه ده معیتلرنده اولوب برلکده
کترمش اولدق لری حضرت بک زاده (مصطفی پاشا) نک
استانبوله دخولی حالده مسند وزارت عظمایه
تعین اولنسی محتمل اولدیغندن وزیر (اسمحق) پاشا
بو احتمالی دفع ایله کندوسنک وزارت عظمایه تعییننه
یول بولاق ایچون یکی چری طائفه سنه [مصطفی پاشا
برنادان ادمدر ! شاید مسند وزارتیه کچرسه بنم
معرفتمله ضم و تزییدایدیلان وظایف کزنی کسمسی ملحوظدر
بونک استانبوله ایاق باصددیرلما سی چاره سنی ارامکز

لازمدر • [دهرک خفیا القای فساد ایتمسندن ناشی
پادشاه اسکد اردن استانبوله کچرکن یکی چریلر قایقلرله
پادشاهک (قدرغه) سنه یناشوب مصطفی پاشانک
استانبوله کچرلماسنی بیان ایملریله مصطفی پاشا ناچار
کیرویہ اعاده اولن-دیغی کبی سرای همایونه دخول
شاهانه هنکامنده دخی ینه یکی چریلر پادشاهک
یولنی کسدیروب وزیر اعظم قرمانی محمد پاشانک قتلی
واستانبولده اغنیا خانہ لرنک نهب وغارتی کبی مرتکب
اولدقلری قباحتلرینی (بانک عصیان میزند ناقوس
استغفار ما) مضموننک تمام ماصدقی اوله رق
صورت استعفا واسترحامده جبراً عفو ایتدیردیلر •

اکثریا جلوسلر اثناسنده یکی چریلرک بویله حرکات
غریبه یه تصدیلری اوله کلدیکنندن جناب پادشاه مر احم
اکتناه بونلرک یولسزلقلرینی عفو ایدوب جله سنی معامله
نواز شکارانه ایله تلطیف بیوردیلر •

جناب خلد آشیان سلطان محمد خان حضرتلرنک
نعش عالیلری هنوز مسوقتاً مودوع محافظه کتمان

سلطان بایزید ثانی

اولدیغندن پادشاه جدیدنه پای تختنه وصولرینک
ایکنجی کونی علی العاصه نمازلی قلنوب جامع
انوار لامعلری باغچه سنده تهیه اولنان تر به مخصوصه لرینه
دفن ایدلدی .

﴿ جم سلطان وقعہ سی ﴾

پادشاه نوجاه اوچ کون رسم ماتم اجرا سندن صکره
(اسحق پاشا) بی صدارت عظامایه وسائر ارکان
وامرانی یرلو یرینه تعیین ایله تدابیر امور سلطنتله
اشتغال یورمقده اولدقلری حالده برادرلی شهزاده
(جم سلطانک) عساکر کلیه ایله (قونیه) دن
(بروسه) به طوغری یوریمکده اولدبغی خبردهشت
اثری ظهور ایتدی .

جم سلطانک بو حرکتی پای تخت ارکاندن بعضیلرینک
وقوعبولان دعوت خفیه لرینه مبنی امید تخت وتاج
سائقه سیله ایدی .

فقط بو تصورات و تشبثات بر نتیجه مفیده بی مستلزم

اوله میوب بالاخره بیچاره جم سلطان انواع فلاکت
اوغرادى .

سلطان جگ حرکتی پای تختده ایشیدلدکده
(لالا ایاس پاشا) بروسه نك محافظه سی ضمنده
ایکی بیکی چری ایله و بحرأ مدانبه طریقله بروسه
جانبه مأمور واعزام بیورلدى . و موکب
همابون دخی برأ یوریمک اوزره تدارکات مقتضیه
تشیث اولندی .

ایاس پاشا بروسه قیلوجه لرینه واصل اولجه جم
سلطان جانبندن سردار تعیینیه ایلر ویه سوق
ایداش اولان (کدک نصح بک) نام ذات دخی
عساکر کافیه ایله بروسه نك اوته یقه سنده کی صحرايه واصل
اولش ایدی .

هرایکی فرقه اولجه بروسه یه کیرو بده مملکتی ضبط
ایتمک غیرتنه دوشفرك سرعتله یوریدکلری حالده
یکدیگرینه بانتلاقی محاربه شیدیه یه کیرشدیله .
بروسه اهالیسی فاتحک و فاتی هنکامنده یکی چری

طائفك استانبول خلقه ايتدكاري جور و تعدياتي
 خاطر لرينه كتوروب شايد اياس پاشانك غالبتي حانده
 يكي چريلك بروسه ده دخی يغما كراك حرکات
 ظالمانه سنه تصدى ايللرندن قورقدقلى جهته اهالى
 كدك نصوح بك فرقه سنه معاونت كوستردكاردن
 بوقوت انضماميله نصوح بك غالب اوله رق اياس پاشا
 و يكي چريلقيد اسارته دوشديلر .

بووقعه دن اوچ كون مرورنده جم سلطان دخی
 بروسه يه بالوصول اهالى طرفدن كمال ممنونيتله قبول
 اولدى .

بو احوال مسموع شاهانه اولجه موكب همايونك حرکتى
 تعجيل اولتمه له برابر سلطان جك لالامى ومدبر
 امورى بولنان (اشتين اوغلى يوقوب) بکه ارکان
 دولت طرفدن برطاقم مواعيد دلفريبي وشهرزاده نك
 برصورتله اغغاليه (يكي شهر) اوواسنده اردوى
 همايونه قارشو كتورلسيچون تشويق وترغيبى متضمن
 مکتوبلر يازلدى .

مالک سریر سلطنت سلطان بایزید جم شوکتک
 (اسکدازه) کچوب قوه جسمیه ایله بروسه اوزر بنه
 یوریمکده اولدیغنی جم شهرزاده ایشیدنجیه قور قویه
 دوشهرک عقد صلح و مسالمت و تحریک اشفاق اخوت
 ایچون (چلبی سلطان محمد) مر حومک کریمه لری
 اولوب اوزمان حیاتده و بروسه ده بولنان بیوک عتمه لری
 (سلچوق سلطان) ی مشاهیر علمادن (مولانا ایاس)
 و (مولانا احمد چلبی) نام ذاتلرله برابر حضور
 شاهانه یه بعث واعزام ایلدی .

سلچوق سلطان بادشاهه بالتلاقی ایکی برادر بیننده
 ملک دنیای فانی ایچون قان دوکلمک لایق اولدیغندن
 بحکله مالک عثمانیه نک فرنداشجه بالتقسیم عقد مسالمت
 و حق اخوته رعایت اولدیسی ایچون مادرانه پک چوق
 نصیحت و شفاعت ایشیده - بین الملوک سریر
 و مملکت خصوصنده اخوتک قطعاً حکم و قوتی
 اوله میه چغندن - سلچوق سلطانک و علمای افندیلرک
 رجا و توسط لری مسوع اوله مدی .

شهرزاده جم مبعوثلرك ما یوساً عودتيله مصالحه دن امید
 اولدیغنی اکلاینبجه ناچار مقابله و مقاتله قیدینه دوشه رك
 كزیده عسكریله كدك نصوح بکی (ازریق) طرفنه
 كوندروب كندوسیده يعقوب بكك تندیسی وجهله
 (بکی شهر) اوواسنه طوغری یوردی .

جناب پادشاه دخی اناطولی بکک بکپسی (سنان پاشا) بی
 طایعه سرداری تعیینيله ایلرویه اعزام یوردیلر .

سلطان بايزيد ثانی حضرتلرینك بیوك شهزاده لری
 اولوب جدی زماندنبرو (صاروخان) حکمداری
 بولسان (شهرزاده عبدالله) عوجه سی سلطان
 چك بروسه اوزرینه حرکتی ایشتهدیکی زمان
 ولایت عسکرینی جمع ابله بروسه بی جیدن اول ضبط
 ایتك اوزره یوریمش اولدیغی حالده یولده ایکن
 ایلس پاشانك منوال مشروح اوزره منهرزم واسیر اولدیغنی
 و بروسه شهرینك شهرزاده جم طرفندن تسخیر اولدیغنی
 ایشتهدیکیچون تحویل طریق ایدرك کلیبولی معبرندن
 استانبوله گلش و موصکب همایونك اناطولی جانبنه

مرورینی اکلاینجہ اودخی اسکدارہ کچہرک خلال
 طریقہ موکب ہمایونہ التحاق ایشدر .
 طلیعہ سرداری سنان پاشا شہزادہ جک (کدک
 نضوح بک) قوماندہ سندنہ بولنان طلیعہ فرقہ سنی
 (دیکیلی طاش) نام موقعہ صفتش دیروب نضوح بک
 عدم مقاومتلہ (ازواد) در بندینہ و بوارالق
 موکب پادشاہینک (ازنیق) و وصولی خبر
 الدیفیچون اورادہ شبات ایدمبہرک سلطان جک
 اردوگاہ اتخاذا ایتدیکی (یکی شہر) اوواسنہ قدر
 قاجدی .

فقط سنان پاشا ارقہ سندن قالیوب یکی شہر نہری
 کنارندہ ظہورہ کلان محار بہ بی ینہ سنان پاشا
 قراندی .

متعاقباً موکب شاہانہ دخی یکی شہر اوواسنہ دہشت
 انداز اولدی .

جلد ثانیہ بحشی کچدیکی وجہلہ (اولونہ) سنجاغنہ
 مأمور اولوب (ایتالیا) جہت لرنندہ خلی فتوحاتہ

موفق اولان مشاہیر وزرادن صدر سابق (کدک احمد پاشا) ہم جلوس ہمایونی تبریک ایتک ہمده عساکر جدیدہ کافیه اخذبلہ ینہ ایتالیاہ عودت ایتک اوزره بوارالق چیقہ کلوب یکی شهر اوواستده خاکپای شاہانہ بہ یوزسوردی .

پاشای مشارانیہ فآخ زمانندہ وقوعات جسمیہ ومحاربات متعدده ایچندہ بولندہ رق کسب نام و شان ایتش بروزیر جلادت سمیر و فن حربہ مہارتلہ شہیر اولدیغندین پادشاہک فوق الغایہ التفاتلرینہ مظہر اولقلہ برابر اردوی ہمایونک عموم قومانداسی بد اقتدارینہ تفویض یورلدی .

﴿ خاطرہ ﴾

« احمد پاشانک بوصورتلہ مظہر التفات اولیشنہ دیہ جک بوقدر . فقط (ایتالیا) مادہ سی نرودہ قالدی ؟ مشار الیہ ونجہ عثمانیہ و قانلری مقابلندہ اوروپانک مہم بر نقطہ سنی الہ کچیرمش وسلطنت

سنه عثمانیه نك شان عالیسی دها ایلرویه ایصال
 ایده بیله جك اسباب ومعلوماتی وجوده کتیرهش ایکن
 کندی تصور وترتیبی وجهله مجددأ عسا کر کافیه
 ترفیقوله مشار الیه در عقب وهیج اولمسه جم غالمه سی
 بیتد کدنصکره ینه ایتالیا په اعاده ایدلمش اولسیدی
 صکره کی عصر لرده ایدیلان همتلر انضمامیله شمدی
 خریطه من بشقه یولده کور یوردی ظن اولنور . لیکن
 کیم بیلور او وقت نصل مانعلر ظهور ایتشدر که حقیقتی
 بزجه مجهولدر .»

والحاصل (سکزیوز سکسان التی سنه سی ربیع الاخرینک
 یکر می ایکنجی جمعه) کونی ایکی برادر خصمانه یکی
 شهر او واسنده بر شدتلی محاربه یه کیرشدیلر

شهنزاده جک مدبر اموری بولنان (اشتین اوغلی یعقوب
 بك) اثنای مقاتله ده فرصت دوشیروب مقدماتی ارکان
 دولتک ایتدکاری تشویق اوزرینه ویرمش اولدیغی
 سنوزک حکمنی اجرا یعنی جم اردوسندن کندوسنه
 اویدره بیلدیکی بر طاقم عسکر لرله اردوی همایونه

انضمام والتجایتمش اولدیغندن و مقدمجه ایاس پاشا ایله
 بروسه محار به سنده اسیر اولان یکی چریلر نصلسه
 قورتیلوب بو اراق کلیه ویردکلرندن اردوی همایون
 هر یوزدن قوت الهرق جم سلطان طاقی دوچار پریشانی
 وانهرام اولدی .

طالعسر جم جمعیتک بوزولدیغنی کورنجه فراردن بشقه
 چاره بوله مدیغندن بوله دوشه رک و کافه اشیا سی عسا کر
 شاهانه طرفندن ضبط اولمش اولدیغنی جهتله اثنای
 راهده پک چوق زحمتلر چکه رک کوج حال ایله قونیه یه
 واصل اولدی .

طرف پادشاهیدن بروجه اتی کدک احمد پاشا تعقیبه
 مأمور ایدلدیکندن قونیه ده دخی اوچ کوندن زیاده
 طوره میؤب والده و حرمنی و متعلقاتی بالاستصحاب
 جانب مصره عزیمت ایتدی .

پادشاه طغر پناه میدان حربده شهزاده جم عسکرندن
 و خصوصیه بروسه اهلیندن اولوبده جم اردوسنده
 بونانلردن اله کچنلری سیاستاً قلیچدن کچیروب جمی

بالتعقیب در دست ایتمک و (قرمان) حکمدار لغنه تعیین
 بیوریلان بیوک شهرزاده لری (سلطان عبده) ی کرسی
 حکومتنه بالاقعاد قرمان دیار بنک اسباب اداره و محافظه سنی
 استکمال ایتمک اوزره عساکر کافیه ایله کدک احمد
 پاشایی مأمور بیوروب کندولری پای تختنه عودت
 بیوردیلر .

بروسه اها ایتمک - ایاس پاشا قومانده سیله ابتدا بروسه یه
 کیدن ایکی بیگ یکی چری بی مملکتنه قویا یوبده
 - شهرزاده جم طافنه اطاعت و معاونت ایتمش اولاندن
 طولانی موکب همایونک عودتنده عموم یکی چری
 طافنه سی بتون اهاالی بی قیرمق درجه سنه قدر اخذ
 انتقامه قالقیشوب بو یولده رخصت طلبنده بولندیلر
 ایسه ده پادشاه عدالتپناه او فاجعه نک اجرا سنه مساعده
 بیورمد قلزندن یکی چریلر خیلی ادب سزلیکه جرئت
 ایتمک لری حالده نصیح و پند ایله و بخشش بذلیله
 فتنه لری تسکین ایتمشدر

کدک احمد پاشا مأموریتی وجهه شهزاده جی (قرمان ارکلی) سنه قدر تعقیب ایش ایسه ده مشارالیه مصر حکومتی حدودینه کچمش بولدیغندن یتیشه میوب کیفیتی طرف شاهانه به عرض ایتدی .

جانب پادشاهیدن دخی قرمان حکمدار جدیدی شهزاده عبداللہک محافظه سی ضمنده دزت سنجاق عسکرینک (قونیه) ده توقیفله کندوسنک عودت ایلسی احمد پاشایه امر و اشعار بیورلدیغندن احمد پاشا فرمان پادشاهی بی بالانفاذ پای تخته عودتله (قبه الی) و زراسی سلکته داخل اولدی .

لکن احمد پاشا قدمای وزرادن و خدمات جسمیه به موفق اولمش ذواتدن بولمغله برابر طبیعت ذاتیه سی غلظت و خشونتله مغطور اولدیغی ایچون ارکاندن کیسه به اهمیت ویرمیوب خود سرانه و متعظمانه برمسلاک طومش اولدیغندن پادشاه نوجاه مشارالیهک بو طورندن منفعل و بوسره ده بعضی ار باب نفاقک سعایتلری دخی انفعال شاهانه نک ترایدینه باعث اوله رق احمد پاشا

اعدام اولفق اوزره قیوجیلر اوطفه سنده حبس اولندی .

فقط وزیر اعظم (اسحق پاشا) ایله (هر سک زاده احمد پاشا) نك زجا و توسط لر یله ینه عفو عالی به مظهر و مأموریت سابقه سیله موقر بیورلدی .

§

﴿ قرمان اوغلی قاسم بکک ظهوری اوزرینه کدک احمد ﴾

﴿ پاشانک دیار قرمانه مأموریتی ﴾

قرمان اوغلارندن اولوب جلد ثانیده احوالی تفصیل اولسان (قاسم بک) متوفی (اوزون حسن خان) وقعه سنندن صکره دیار ایرانده قالوب بر تقریب ایله حکومت قرمانیه به نائل اولقی خلیا سبله اورالده سورنمکده ایکن شهرزاده جم و قوعا تنیدن طولایی قرمان دیار ینک قاریشغلغنی فرصت عد ایدرک بو اثناده قرمان ولایتنه ورود و (طورغود) و (ورساق) عشیرتلرندن وسائر اوباش طاقندن جمع جنود ایدرک (لارنده) طرفلرینی غارت ایلدکن صکره (قونیه) اوزرینه یوزیدی .

شهرزاده سلطان عبداللہک معینندہ اولدوق فرمان بکر
 بکیسی بولنان (خادم علی) پاشا قوہ موجودہ سنی
 بالاستصحاب قونیہ نک خارچندہ (پروانہ چابری) نام موقعہ
 قاسم بکلہ محاربه یہ کیرشمش ایسہ دہ قاسم بکک عسکری
 علی پاشانک اردوسندن بر قاق قات زیادہ اولدیغند
 علی پاشارجعتلہ قونیہ قلعه سنہ قیامتغہ مجبور اولدی
 قاسم بک دخی قونیہ قلعه سنی محاصرہ ایتدی .

بو خبر هائل سمع پادشاهه واصل اولتجه قاسم بک
 استیصالی ایله شهرزاده عبداللہک تہلکہ دن تخلیصی ضمنندہ
 کزیدہ بر فرقه عسکریہ استصحابیلہ عاجلاقرمانہ عزیمتی
 کدک احمد پاشایہ فرمان بیورلدی .

احمد پاشا ایسہ بویله سرہلرہ دولتجه وجودینک لزومنی
 بیلدیکی ایچون کندوسنی نازہ چکوب - واولجه سوء
 القات ایله پادشاهنی اغضاب ایدرک حبس و تحقیرینہ
 سبب اولان (مصطفی پاشا) دن [*] - اخذ انتقام

[*] بومصطفی پاشا سلطان یازیدک جلوسنی اثناسندہ

داعیه سنه دوشوب « بن مقدمه مصطفی پاشانک اثر
نفاقی اوله رق بغیر حق حبس و تحقیر اولندم . اوده
شمدی حبس اولم لیدر . اول نماز ایسه بنم ایچون سفره
کیدو بده ایش کوزمنک احتمالی یوقدر . « دبه رک
مصطفی پاشانک حبسنی طلب ایلدی .

احمد پاشا یکی چریلکدن یتشمه اولدیغیچون یکی چری
طاقه سی دخی بو طلبده اکا همزبان اولدی .

پادشاه ناچار حکم زمانه اتباعا مصطفی پاشایی حبس
ایدرك احمد پاشا ایکی بیک یکی چری ودرت بیک عزب
عسکری و (سلحدار) و (غربا) بلوکاری و بالجه
اناطولی طاقی ایله دیار قرمانه چیقارلدی .

لیکن احمد پاشانک اداب عبودیته مغایر او یله مصرانه بر
تکلیفده بولنیشدن جناب پادشاه دلکیر اوله رق حسب المصلحه

یکی چریلک استانبوله دخولنه مانع اولدقلری مصطفی
پاشادر که مؤخرأینه استانبوله کتیر یلوب دیوان وزراسی
سلیکنه ادخال بیورلشدر .

موقتاً غضب بر بنی اخفا و فقط احد پاشا - انك خصم
جانبته کچیویرمک کبی بر اهاننده بولنده مامسیچون احتیاطاً
مخدومی در دولتده توقیف وابقا بیوردیلر .

احد پاشا عسا کر مجتمعه ایله (قره حصار صاحب) ه
واصل اولنجہ قرمان اوغلی قاسم ک قونیه نک محاصره سنی
ترکله (ایچ ایل) طاغلرینه قاجش اولدیغندن احد
پاشا قونیه به بالوصول شهرزاده عبداللہک
حضورینه متول اولدقدنصکره قرمان بکلر بکیسی علی
پاشایی واوراده بولنان سائر امرایی استصحاب ایله قاسم
بکی طوتمق اوزره ایچ ایله توجه ایلدی .

قاسم بک سطوت قاهره عثمانیه قارشو ایچ ایل طاغلرنده
دخی بارینه میه جغنی اکلا دیغندن ایچ ایلدن (طرسوس)
جانبته فرار واحد پاشا دخی اورالده ذخایر قلتی اولوق
ملابسده سیله عسا کر شاهانه نک اداره سنه مقتضی ذخیره
تدار کیچون علی پاشایی (موط) قلعه سنده براغدرق
کندوسی قاسم بکی تعقیباً (سلفکه) به طوغری
الغار ابتدی .

قاسم بك علی پاشانك از قوتله کیروده بر اغلدیغنی استخبار
ایدرك زعمجه بر ایش کوره بیلك ایچون طاغ یوللرندن
سرعتله کیرو دونوب موط قلعه سننده علی پاشایی
باصدی .

لکن علی پاشا قاسم بك عودتنی اولجه بالتحقیق
در عقب سردار احمد پاشایه بیلدیروب مدافعه و مقاومته
جلادت کوسترمش اولدیغندن قاسم بك بر ایش
کوره میدهرك ینه قاچق قیدنده ایکن احمد پاشا علی
پاشانك اشعاری اوزرینه بسبکبارجه سلفکهدن کمال
سرعتله عودت وصعب المروز بر طاغده قاسم بك
جمعیتی اوزرینه هجوم و صولت ایتدی .

زوال وقتندن اقشام قرانلغنه قدر طرفین بیننده غایت
قانلور محاربه منند اوله رق اورته لغی کیجه نك ظلمتی
قابلا نیجه قاسم بك خصمنی اغفال ایچون اردو کاهنده
محل محل ایشلر یاقدیروب کیجه لین طرسوس طرفنه
جان اندی .

احمد پاشا صبا حلین دشمنك فرارینی اکلابوب طرسوس

حدودینه قدر تعقیب ایلیش ایسه ده قرمان فراریلرینه
 يتشمك قابل اوله مدیغندن دولت علیه و حکومت مصریه
 ممالکی بینی فاصل اولان (تکه صویبی) کنارندن کپرو
 دونوب و اثنای عودتده (ایلیاس) قلعه سنی بالایجاب
 تخریب ایدوب علی پاشا ایله بر اشه رك اورالرك تدابیر
 واسباب محافظه سنی بعد الاكمال قشلاق اوزره (لارنده) یه
 عزیمت ایلدی .

قاسم بلك نایره فسادی بسبتون سوندردم کجه اردونك
 عودت ایتدیرلمسنی احمد پاشا مناسب کورم دیکندن موسم
 بهاره قدر لارنده ده قالمق اوزره عسكرك مقتدر لرینی
 نزدنده ابقا ایله قدرتسز طاقنی وطنلرینه اعزام وتفصیل
 احوالی باب عالی دولتیه عرض واعلام ایتدی .

﴿ سلطان جمك قرمانه عودتی ﴾

قرمان زاره قاسم بك وجه مشروح اوزره كدك احمد
 پاشا اردوسنك سخطوتندن فراره مجبور اولدقده نصكره
 املنك حصولنه وصول ایچون بشقه بر یول اریوب شهرزاده
 جم طرفنه [ممالك عثمانیه نك بتون اهالی و صنوف عسكریه سی

سلطان بایزیددن متنفر و قدمکزه منتظر درل .
 بران اول بو طرفه تشریف بیورسه کز سریر
 سلطنت عثمانی به مالک اوله جغزده شبهه یوقدر [
 ماننده مکتو و بلر یازمغه باشلادیغی متلاو کدک احد
 پاشانک رفاقتده بولنان سنجاق بکلرندن فاتح زماننده
 یکی چری اغاسی اولان (انقره) یکی طربزونلی
 (محمد بک) دخی رؤسای عسکردن کندوسنه
 اویردیغی خیلی اشخاص ایله بالاتفاق قاسم بکک
 اشعاراتی مؤید اوله رق سلطان جه خفياً عربضه لر
 کوندردیله .

شهرزاده جمابسه اوارالق ایفای فریضه حج شریف ایله
 حجازدن مصره عودت ایلمسینه قاسم و محمد بکلرک
 معروضات فساد کارانه لر بنی النجه هوای سلطنت
 کندوسندن سلب عقل و راحت ایدرک همان ملک
 مصر (قاینای) دن استیصال اجازتله فرمانه متوجه
 مصردن چیقدی .

شهرزاده نك حرکتی و حلیه موصلتی برو طرفه

تحتیق و تحمین اولند قدہ طر بزونلی محمد بک دائرہ
اتفاقنہ الدیغی امرا و عساکر عثمانید دن جم غفیر
ایله سردار اردوسندن فرار ایدوب حلبده سلطان
جی قارشولدی .

سلطان جم محمد بک انضمام ایله قوتلشہ ک قرمانه
طوغری کلکه باشلدی .

(ادنه) یه ورودند، قاسم بک دخی التحاق و سلطنت
عثمانیه جه نصیب او اورایسه قرمان حکومتی تمام
کندوسنه احسان ایتک و کندسیده الی اخر العمر
دائرہ اطاعت و انقیاددن چیقمامق اوزره شهزاده ایله
عهدومیشاق ایتدی .

بونلر (قونیه) اوزرینسه کلکه اولسونلر .
بز برازده طرف سلطنتک تشبثاتندن بحث ایدلم .
سلطان جک مصدرن عودت ایتسی و طر بزونلی محمد
بک کلکی عسکرله اردودن ایریلوب جه تبعیت ایلسی
خبرلری پای تختہ عکس ایدنجه پادشاه ذاناً کدک احد

پاشادن پك او قدر امين اولد قلى حالده محمد بكك
 خصم جانبنه فرار والتحق ايديشنى پاشانك مواضعه
 ومساحده سنه حل بيورد قلرندن (سكز يوز سكسان
 يدى) سندنسى ربيع الاولى او اخرنده درس عادتده
 موجود بولنان صنوف عسكريه بي بالاستصحاب بالذات
 ديار قرمانه سفرى اختيار وكلك احمد پاشايه يازد قلى
 فرمان عاليده دخى - نزنده بولنان عسكركله شهرزاده
 (سلطان عبدالله) ي براكده الهرق (لارنده) دن حركت
 وشهرزاده بي (قره حصار صاحب) ه براغوب كندوسنك
 موكب همايونه التحاقه مسارعت اتمسنى امر واشعار
 بيورديلر .

احمد پاشا فرمان عالي بي الديغى آنده لارنده دن قونيه يه
 كلوب قلعه نك محافظه سيجون بكار بكى (على پاشا) بي
 قونيه ده تركله شهرزاده عبداللهه استصحاب وقره
 حصاره طوغرى شتاب ايتدى .

بولناده ايسه سلطان جم (اركلى) يه باؤرود احمد
 پاشايي اغفال ايجون عقد مصالحه شايعه سيله اولا

قبوچی باشی (سنان بك) ی كوندروب انك عقیندن
دخی شهزاده عیداللهی واحد پاشایی غافلاً
باصوب طوتمق اوزره كزیده برفرقه ایله طریزونلی
محمد بکی سوق ایلمشیدی .

شهزاده عبدالله واحد پاشا یولترینه دوام
ایتمکدهلر ایکن قونیه نك برو طرفنده (چقور
بایلاق) نام محله ده محمد بك بونلرک اوزرینه هجوم
کوسترمش ایسه ده احد پاشا حسن مدافعه ایله محمد
بکی رجعتیه مجبور ایدرک شهزاده بی سالماً قره حصاره
ایصال و کندوسیده (سید غازی) مرحله سنده
موکب همایونه الحاق ایلمدی .

طریزونلی محمد بك چقور بایلاقدن قونیه به طوغری
رجعت ایتمدیکی زمان سلطان جم ایله قاسم بك دخی
بتون قوتلریله قونیه قلعه سی خارجه نکلشیر ایلمدی .
بونلر قونیه بی شهیداً محاصره ایتمدیله رسیده علی پاشا
قویاً مقاومت کوستردیکندن محمد بك قلعه به ظفر
بولنه میه جغنی اکلابوب انقره ده بولسان عیال و اموالنی

المق اوزره سلطان جمدن بالاستیدان بیک نفر سواری
 ایله ابریلوب انقره به کیتدی .
 حالبو که محمد بکک عائله سی مقدمجه باراده پادشاهی
 انقره دن استانبوله نقل ایدلمش ایدی .
 محمد بک او یوزدن دخی مایوس اوله رق بر قاچ کون
 انقره ده اقامتی اثناده (رومیة صغری) [*] بکار بکیسی
 (سلیمان پاشا) نك مؤکب همایون ایله برلشمک
 اوزره ولایتی عسکر یله اماماسیه دن قالقوب انقره جوارندن
 کچمه کده اولدیغنی خبر المسیله برآو اولامق زعمیله
 (جبـق اباد) نام صحرا ده سلیمان پاشا فرقه سی
 اوزرینه صالدردی .
 لکن اثنای محاربه ده مقتول وعونه سی پریشان ومخذول
 اولدی .

﴿ خاطره ﴾

« وقوعات تاریخیه ایله مثبتدر که خدمت دولت علیه ده
 بوانانلردن هر کیم عصرینک پادشاهی تملیهنده

[*] اماماسیه وسیواس وملحقانندن عبارتدر .

بولندبسه بیک در او مهالکه اوغرا یوب الک صکره بو محمد
 بک کبی مقتول و ولی نعمته خیانت ابتدیکیم چون
 اخلاق اسانده دخی مدخول اوله کلشدر . سلطان
 جم ایافت جهتیه تخت و تاجه شایان اولسون اولماسون
 مادامکه سلطان بایزید حضرتلری بالارث والاستحقاق
 جالس سریر سلطنت و سبق بیعت عمومیه ایله اولوالامر
 ملت اولمشدر محمد بک و امثالک حرکاتی اولوالامر
 طغیان و خروج علی السلطان دکلیدر ؟ . «
 بحرزه دوام ایدهلم :

محمد بک قتل کیفیتی قونیه محاصره سیه مشغول
 اولان سلطان جمک مسموعی اونجه اوده سلیمان پاشایی
 تنکیل ایتمک قصدیه انقره یه طوغری شتاب ایتمش اینسه ده
 سلیمان پاشا شکارینی یعنی محمد بکک سره قطوعنی
 الدقدن صکره اورالده طور میوب کچمش کتمش اولدیغندن
 و حضرت پادشاهک جبوش بی پایان ایله او - والی یه
 تقریبی دخی ایشیدلدیکندن سلطان جم ارتق ثبات
 ایدهمه - یرک فرار یوانی الدی . و کمال سرعتمندن

عسکری کبروده قالوب کندوسنه کوچله (اقشهر) ده
یتیشه بیلدی .

طالعسن شهزاده نصل قاچاسونکه پادشاه سطوت پناه
بش بیک خفیف سواری ایله (اسکندر پاشایی)
کندوسنی طوتیق ایچون مأمور بیورمشلر ایلدی .

اسکندر پاشا شهزاده بی (ارکلی) به قدر قووالمش
ایسه ده شهزاده هر فرارینک ملجأ و مأمنی اولان ایچایل
طاغلرینه صاوشمش اولدیفنندن یتیشه میوب و ایچ ایل
قیالقرینه بالکن سواری ایله کیرمکه ده جسارت
ایده میوب ارکلیده موکب همایونک ورودینه منتظر
اولدی . برقاچ کون صکره ده موکب شاهانه و وصول
بولدی .

سلطان بایزید ثانی حضرتلری شفقت فطر به اصحابندن
بولندقلری جهته برادرلرینک قاننه کیرمک افکارنده اولمایوب
مجرد علت شرکته داخل دائرة مملکتده حصولی طبیعی
اولان فساد و اختلالی دفع و ازاله ایتمک آرزوسپنده
بولندقلرندن مزاج سلطنتک قبول ایده چکی بر صورت

ساله ایله عقد صلح او اتمق اوزرنده معتدلندن برینک
 حضور شاهانه رینه کوندرلسنی سلطان جه ارکایدن
 اشعار بیورملریله جم دخی قیوجی باشیسی (سنان
 بك) ی بعث واعزام ایلمش ایسه ده خلاصه مطالبی
 ممالک محروسه عثمانیه نك بر پارچه سنك سلطان جه
 ترك ایدلسنی متضمن اولوب پادشاه ایسه بوتکلیفی قبول
 ایده میهرک چک قدس شریفه چکیلو بده
 خزینه شاهانه دن تخصیص ایدیله چک معینات وافیسه
 ایله باصفای خاطر ذوق وراحت ایلمسنی مراد
 بیوردیلر .

بوصورت دخی سودای تاج و سلطنتله سر بهوای
 خیال اولان شهرزاده نك ایشنه کلمدیکندن برقاچ دفعه
 طرفیندن کیدوب کلان مبعوثلرک سرد ابتدکلی
 مقدمات مصلحانه نتیجه بخش اوله مدی .
 پادشاه جم جاه سلطان چک مملکت و سلطنت عثمانی به
 نظر خرص و طعمه باقمسدن فراغت ایده میسه چکنی
 اکلابجه ارتق بر چاره سنی کورلک ایچون قوه

کافیہ ایلہ (احمد پاشا) بی ایچ ایلہ س-وق
یوردیلر .

جم شاید فرار ایجاب ایدرسہ نہ طرفہ قاچمق
مناسب اولہ جغنی - فن فرارده ابا واجد ابدن میراث
اولہ رق مہارت تامہ سی اولان - قرمان اوغلی قاسم
بکدن سوال ایتد کجہ بلدیرم بایزید خان شہزاد کاندن
مؤسی چلبی بی مثال کتیرہ رک بحرأ روم ایلی جانبنہ
کچمسنی و او طریقلہ نائل امل اولمق ممکن اولہ جغنی
قاسم بک نصیحت ایدردی .

قرمان اوغلنک بو نصیحتدن غرض نہانیسی ایسہ
شہزادہ روم ایلنہ کچدیکی تقدیرده بالطبع اورالرجہ غائلہ لر
تحدیثلہ پادشاہ و عساکر عثمانیہ زوم النده مشغول
بولنق لازم کلہ جکندن او صرہده بلکہ قرمان حکومتی
کندوسی یدغصبنہ کچیرہ بیلک خلیاسی ایدی .

غافل جم قاسم بکک شو تو سویلنہ الدانوب احمد
پاشانک ہجومنی ایشیدیر ایشتمز (ردوس) حکومتی
واسطہ و معاونتیلہ زوم ایلی یقہسنہ کچمک

ایچون برسفینه یه سوار اوله رق اناطولی سااچلندن
آچلدی .

لیکن روم ایلنه کیده میوب طالع ناسازی کندوسنی
پک چوق مختلره اوغراتدیغنی حالده اون اوچ سنه
اوروپاده مجبوری برسیاحت ونهسایت ایتالیا
(نابولی) نام بلده ده مسموماً نوش جام مرکبی لذت
ایتمدر .

« سلطان جک بوندن صکره کی احوالی ذاتنه عائد
ترجه حال شخصی قبیلندن اولدیغندن بوفصلاک
ختمنده فصل مخصوص اوله رق یازیله جقدر . »

قاسم بک طوتدیغنی مسلاکک سلامتیه چیقار بریول
اولدیغنی سلطان جک مفارقتندن صکره اکلایوب
حضور پادشاهی به متضرعانه برعر ضحکال تقدیمیه
سیئات واقعه سنک عفوینی وایجابل سنجاغندن کندوسنه
برمحل اقامت تخصیص واحسان بیورلسنی استرحام
ایتمش اولدیغندن پادشاه مر احم اکتناه بو استرحامی
حسن قبول ایله (لارنده) قصبه سنک اوته جاننده

کائن (خجندی بلی) نام موقعدن اعتباراً ایچ ایل
سنجاغنی قاسم بکه توجیه بیوردیلر .

§

پادشاهک لارنده اقامتی ائتاده ممالک ذوالقدریه
حکمداری (علاء الدوله بک) عتبه پادشاهی به یوز
شوروب مظهر التفات واکرام اولمشدر .

§

سلطان جم غائله سی ازاله وانا طویله آسایش عمومی
اعاده اولندقدنصره موکب همایون استانبوله عودت
واو اراق اوروپالونک حدود ممالک محروسه سیه تجاوز
ایتمک افکارنده اولدقلری ایشیدلدیکندن ذات پادشاهی
استانبولده بر قاچ کونجکزارامله حدوده یقین بولنق
ایچون استانبولدن دخی حرکت ایدوب سنه مرقومه
رمضاننک ایتداسنده ادرنه پای تختنه موصلت
بیوردیلر .

سلطان بایزید حضرتلری رمضان شریفی بعد الامرار
بر کجه ادرنه سزاینده عقد بزم عیش و طربله خواص

وزرا و بندگانی انواع عطایا و نوازشله تلطیف بیورد قری
 صروده، مقدما مغایر شرط عبودیت ظهوره کلان
 حرکات ناهموارندن طولایی کدک احمد پاشانک خون
 حیاتی مانند صهبای کافام پیاله او بزم نوشانوش صفاده
 اساله ابتدیلر .

احمد پاشانک قاین پدری بولنان اسحق پاشایی ذخی
 احمد پاشا ایله متفتاً قرمان سفری هنکامنده حضر بک
 زاده (مصطفی پاشا) نک اعدامنه سبب اولدیغیچون
 وزراتدن عزل ایله تقاعداً سسلانیکده اقامته مأمور
 بیوردیلر .

§

جناب پادشاه ایام شتایی ادرنه ده کپیروب اشبو (سکز)
 یوز سکسان سکز) سنه سی ربیع الاولنده سطوت
 عثمانیه بی حدود بوینده اعدای دولته کوسترمک و بو
 نمایشله انلرک ممالک محروسه عایهنه نظر عداوتلرینی
 تکویل ایلمک مقصدی اوزرینه عساکر کایه استیخایله
 (صوفیه) (کوسندیل) (چاورلو) و (صاری بار)

شریف و بر مدرسه و برده عمارت انشا سیمچون حضرت
پادشاه بالذات وضع اساس بیوردیلر . و بومسبرات
واقدمجه بقضاء الله تعالی ادرنه ده ظهور ایدن حریقده
محترق اولان بزازستان و محلاتک سفر دن عودت همایونلرینه
قدر کار کیر اوله رق انشا واکمال اولمسنی امر و نأ کید
ایتدی لر .

جنود اسلامیه بعد الاجتماع موکب همایون ادرنه دن
حرکتله جهادی اثابینه نک ایکنجی کونی (ایساقجی)
موقعیدن طونه نهری پکلادی .

(افلاق بکی) یکر می بیک عسکرله پادشاهی طونه
کنارندن استقبال ابله عرض صدق عبودیت واردوی
همایونک هر خدمتده ابراز غیرت ایتدی .

ما، مزبوره کون برنجی کونی (کلی) قلعه شی محاصره
ایدیله رک برأ و نهرأ نقل اولنان متعدد وجسیم طوبلرله
قلعه یه کله یاغدی رلدی .

محصورلر ده ا زیاده مقاومتنه مقتدر اوله میء جقلرینی
اکلادقلرندن بالاستمیان قلعه نک تسلیمه مجبور اولدی لر .

کلی قلعه سی بوضورتله ضبط اولنه رق اسباب محافظه سی
بالاستکمال موکب همایون (اق کرمان) قلعه سنه توجه
ایتدی .

بو ائنه اده (قریم) خانی (منکلی کرای خان)
دخی الی بیک تاتار سوار بسیله موکب همایونه التحاق
ایتدی .

مذکور جادی الاخره نیک بکر می طقوزنده اق کرمان
قلعه سیده حصر اولندی . بو قلعه نیک ابنه سی اگرچه
متین و مستحکم و اطراف غایت درین بر خند قله محاط
اوله رق ذخایر و اسباب مقاومتی دخی مکمل ایدیسده
افلاقلونک و تاتار عسکرینک انضمامیله بر فائدها کسب
مکننت ایدن اردوی همایونک سطوت قاهره سنه
طیانه مدیغندن رجبک اون التیسنده محصور لر بالاستیان
قلعه بی پادشاهه تسلیم ایتدیلر .

اق کرمان قلعه سی اها ایسنک بر طاقی اناطولی یقه سنه
کچیر یلوب (اسکی بیغا) ده اسکان و بر طاقیده بر لرنده

ابقا وقلعه نك حفظ و حراستنه لازم اولان تدابیر اجرا
 اولندقدنصره موکب همایون عودت ایلدی .
 منکلی کرای خانک سلطنت سنییه بوصولته عرض
 خدمت و عبودیت ایتسندن طولایی حضرت پادشاه
 ممنون اوله رق (اق بورك) والتونلی (اسکف) الباسیله
 و عطایای کلیه احسانیه خانی توقیر و تلطیف و مطیبا
 مملکتنه ارجاع بیوردیلر .

« قریم خانلریك اسفار همایونده بانفعل خدمت حریبه
 دوات علیه ده بولملری بوسفردن باشلامشدر . »

§

سلطان یازید حضرتلری بغدادن (ادرنه) تختگاهنه
 عودتله اوسسنه نك قیشنی ادرنه ده امراروبر اراق
 (چوکه) ییلاغنه چیقوب تنزه و اراحه افکار
 بیوردیلر .

بوهنکامده هند پادشاهی (سلطان محمد بهمنی)
 جانبندن تبریک جلوس ایچون (نادره زمان خواجه
 جهان محمود کاوانی) نامسنده بر ایلیچی ورود ایتدیکی

کبی انی متعاقب مصر سلطانی و مجارستان قرالی
 طرفلرندن دخی سفیر کله رک حضور پادشاهی به
 متبوعلری طرفندن هدایای لایقه تقدیمه تآکید روابط
 محادنت ایتشلردر .

§

﴿ بغدادنه فرقه عسکریه سوتی ﴾

(اق کرمان) اها لیسندن بعد الفتح قبول رعبتله
 یرلنده ابقا اوانانلرک خفیا کوندر دکلی خبر اوزرینه
 (سکزیوز طقسان) سنه سنده بغدادن بکنک آب
 آنسزاق کرمانی ضبط ایتک قصدیله طونه نهرندن
 سفاین وعسا کر کلیه ایله کلیمده اولدیغی اق کرمان
 قلعه سی محافظلرینک مشهودی و بغدادن اونک بو حرکتی
 یراؤ طاقنک دعوت و تحریرلرندن نشأت ایتدیکی دخی
 معلوله لری اولنجه اولایر اولری قلیچدن کچیروب نایاد شبنی
 مدافعه به حاضرلندیلر .

بو حالده ایکن بغدادنلور کیمجه قلعه به هجوم وزر دبانلر

قوره رقی ایچرو به دخول ایتدیلز . لکن عساکر عثمانیه
 متیقظ بولندقلری جهته له اکثریسی سیف قهرمانی
 ایله مقتول و برطاقیده اسیر اولدقلری حالدیه بقیه السیوفی
 رجعت قهرقری ایله دونوب کتدیلز .

بووقعه اق کرمان محافظتک عرض و اشعار یله
 پادشاهک مسوعی اولدقده بغدادنلونک شو و حرکات
 تجاوز کارانه سنه مقابلهٔ زوم ایلی بکلر بکیسی
 (علی پاشا) قومانداسیله بغدادنه بفرقهٔ منتظمه
 سوق اولندی .

علی پاشا ابتدا افلاق بقه سنه کچوب و افلاق بکنی
 دخی برابر الوب مذکور (سکر یوز طقسان) سنه سی
 شعبانی او اخرنده بغدادن ممالکنه داخل اولدی .
 بغدادن بکی فرقهٔ عثمانیه نک سطوتنه مقاومت
 ایله میه جکنی اکلا دیغیمون اولجه (لهستان) .
 صاوشمش ایلی .

ایله علیه عساکر عثمانیه به قارشو طوران اولیوب

بالعكس بؤ- دانك بعض رؤ ساسى على پاشانك زدينه
 كلهرك عرض مطاوعت ايتديلىر .

على پاشا بغدادن ممالكنك عصيان حالنده بولنان محارر بنى
 عسكروه بغما ايتديروب عودت ايلدى .

﴿ بغدادنه تكرر عسكرسوقى ﴾

حضرت پادشاه على پاشايى بغدادنه سوق ايتدكدنصكره
 ادرنه دن استانبوله عزيمت بيورمشلايدى . استانبولده
 تزيين سرير شوكت واجلال وصنوف تبعه نك سعادت
 حالنى موجب اولان امور داخليله ايله اشتغال بيورمهقده
 اولدقلىرى حالده (سكرزبوز طقسان بر) سندس-سندس
 بغدادن بكنك على پاشا فرقه سنك عودتنى متعاقب
 ينه (كللى) و (اق كرمان) قلعه لر بنى استخلاص
 ايتك قصديله تداركات حربه يه تشبث ايتمش اولديغى
 حوادثنى الدقلىرنندن روم ايلي امراسنك سرآمدى
 بولنان (مالفوج زاده بالى بك) نام اميره (سلستره)
 ايلتنى بالتفويض روم ايلينك اقبجى عسكريله بغدادنه

کچوب بغداد بکنک قلعه لره تجاوز ینک منعی میره شار
الیهه حواله بیوردیلر .

بالی بک بر موجب اراده پادشاهی عساکر کافیه ابله
بغدان دیار ینسه یوردیکی مثللاو بغدادن بکی دخی
(اهلو) دن و (مجارلو) دن بالاستمداد عساکر
معاونه تدارک ایدرک مقاومته حاضرلندی .

بالی بک (پروت) نههری اوزر ینه کوپری انشاسیله
اوته یقه یه کچدی . ودشمن طاقندن قارشوسنه چیقار
اولدیغندن نههرک کنار ینه چادرلرینی قوردیروب عسکرک
قسم کلیمسینی اقینه طاغیده رف کندوسی جزئی بر عسکرله
اوراده توقف ایتدی .

بغدان بکی ایسه مترقب فرصت اولدیغندن بالی بکک
پروت ککنارنده بک از عسکرله قالدیغنی خنبر
النجه بالی بکک اوزر ینه الغار وجنک وجداله ابتدار
ایلدی .

بالی بکک قوتی هر نقدر دشمنه نسبتله جزئی ایدیه ده عثمانلی
دلاورلری سائر اولدقلری جلادت فطربه لری بکنک حکمنی

میدانه کتوره رك اعدایه مقاومنده دوام و صباحدن
 اقشامه قدر استعمال شمشیر خون آشام ایتد کلرندن
 واقشام اوستی یقین بر موقعهده بولانان بر فرقه عثمانلی
 قهرمانلری دخی امداده یتشمش اولدقلرندن بغدادن بکی
 منهرزماً فراره مجبور اولدی .

بالی بك او کچه مظفرأ عسکری دیکنلند پروب
 علی الصباح دشمنی تعقیب ایتسایله یتشبه ییلدیکنی
 قلیچدن کچیردی .

یغدان بکنک بو وقعهده دن صکره بری ایزی غائب
 اولدیغندن بالی بك اقبجی اصولی وجهله دیار بغدادنی
 عسکره یغما ایتدیره رك مقر مأموریتی جاننده عودت
 ایتدی .

§

﴿ دولت عالیله مصر حکومتی بیننده محاربات ﴾
 جلد نائنده بیان قلند یغنی وجهله بلاد ذوالقدر به حکومتنه
 اولاد ذوالقدر به دن برینی اقعاد ایتک افکار یله دولت

علیه ایله حکومت مصر یه دن هر بری بر بکه صحابت
 وقوه عسکر یه ایله اعانت ایتمسندن طولایی دولتین
 بیننده مقدا شدید ابرودت حاصل اوله رق فاتح مرحومک
 او احر مدت سلطنت لرنده سطوت قاهره عثمانیه پی
 مصر دواتنه طانت دیر مق اوزره کلی عسکر له حرکت
 بیورمش اولد قلی حالد برنجی مرحله ده خاقان مشار
 الیهک ارتحالری وقوع بولشیدی .

سلطان یازید ثانی حضر تارینک جلوسلرینی متعاقب
 شهرزاده جم غائله سی واندن صکرده اورو پا حدودنده
 سار غائله ل ظهور ایتمسینه مصر جانبند عطف نگاه
 اهمیت ایتمکه دولت علیه جه وقت بوانامش وملوک
 چراکسه دن سلطان مصر (قایتبای) طرفندن
 تبریک جلوس همایون وسیله سیله هر نقدر سفیر
 مخصوص کونز یله رک ظاهر حالد اعاده سلم ومصافات
 ایستلش ایسه ده سلطان مشار الیهک پادشاه عصره
 رغماً شهرزاده جی مصره قبول ایله مؤخرأ دیار قرمانه
 عودتنی تسهیل ایتمسی - و دولت علیه منسو بلرندن

بولنان (مرعش والبستان) بکی ذوالقدرزاده
 (علاءالدوله) بکی اردصره ازعاج ایلسی - و
 (ادنه) و (پیاس) طرفیندن جانب حجازه
 کیدوب کلان عثمانلی حجاجندن فاحش باج المسی
 - برده مقدمه تبریک جلوس ایچون نزد سلطنت
 سنیهیه کلان هند ایلچیسینک مصره ورودنده ذات
 پادشاهی به تقدیم ایتک اوزره مستحجب اولدیغی
 هدایانک اکثر یسنک (قابتباي) طرفیندن
 اخذ و غصب ایلدی - سیلری اسکی اسباب عداوته
 منضم اوله رق پادشاه جدید دخی پدر جنت مقرر یسنک
 ممانعت اجل ایله فعله کتوره مدکاری عربستان سفرینی
 اویاندرمغه قرار ویردیلمر .

بناء علی ذلک ذکر اولنان (سکزیوز طقسان) سنه سی
 جادی الاولاسنده قرمان بکلر بکیسی (قره کوز پاشا)
 اناطولی عسکر یله مصر لو یندنه بولنان ادنه و طرسوس
 وحوالیسنک تسخیرینه مأمور بیورلدیغی مثلا و عسا کر
 مصر به دیگر قولدن دخی اشغال ایدلمک اوزره ذوالقدر

زاده علاء الدوله بکک کندی استدعای وجهه رفاقتہ
ارکان دولتند بعتوب پاشا و سایر بعض امرا تعیین
واعزام قلندی .

ادنه و حوالیسی مقدملری طوایف ملوکدن بعض
امرانک زیر اداره استقلاللرنده ایکن مصر حکومتہ
نصل بکدی ؟ بوراسیده بوراجتده بیلنک لازمدر .

جلد اول ابتدا سنده بیان ایشیدک که سلاطین
عدل آیین عثمانینک جد اهلاری سلیمان شاه
ترکستاندن دیار رومه توجهله (جعبه) قلعهسی اوکنده
نهر فراتہ دوشوب غریق رحمت اله اولمشیدی . اوزمان برابر
بولنان امرادن (بورکر) (قصون) (قوشتور) (وارساق)
(قره عیسی) (اوزر) و (کندز) نام ذاتلر رفیقلرنندن ایریلوب
کندی تابعلریله چوقور اووایه بالورودیور کردیکرلرینه
رئیس اوله رق (مسیس) (ادنه) و طرسوس قلعه لرینی عهد

* ادنه ولایتندہ الحالہ ہذہ بو ذاتلرہ منسوب اوله رق
بورکیر قصون قشتور قره عیسی الو اوزرلی ناملریله یاد
ایدیلور ناحیہ و قریبلر واردر .

وامان ایله ارمنیلردن بالاخذ اورالده توطن و بورکک
 وفاتندن صکره اوغلی امیر رمضان ادنه بی مقر حکومت
 اتخاذایدرک استقلایت صورتده تسلطن ایتشلرایدی .
 امیر رمضانک وفاتندن صکره خلنی بولنان امیر ابراهیمه
 سائر قزنداشلری و دیگر امر ا منقاد اولملریله خیلی مدت
 حالری صورت صلاحده کچدی .

فقط امیر ابراهیمدن صکره کلنرک بیننده حاصل اولان
 اختلافات مملکتده موجب اختلالات و معادات اوله رق
 نهایت ایچلرندن بعضیلری رقیبلرینه غلبه ایچون زمان
 زمان مصر سلاطانلردن استمداد ایتلری اوزرینه مصر
 سلاطانلری دخی معاونت بهانه سیله اورالده صوقواوب
 رفته رفته بککک استقلالرینی محو و سلب و بالاخره
 اورالری ضبط و غصب ایتشلردر .

خاطره

« اکثر یابویله کوچک حکومتلریا اختلالات داخلیه دن
 و یاخود تسلاطات اجنبیه دن طولایی بر حال مضایقه یه

دوچار اولدقلری زمان کویا دشمنلرینه غلبه به کافی شوکت و اقتدار کسب ایده بئلك امبدیله بر بیوک دولندن استعانه واستمداد ایده کلمش لردر . انجق بین الدول حسبجه دوستلق وفداکارلق اوله میه جغندن اعانه ایدن دولت قویه استعانه ده یوانان کوچک حکومه تره اسکی دشمنلرندن زیاده نظر حرص و طمعنی دیکه رک دوستلق پرده سی التندن انواع شعبده بازی و پواتیقه دسبسه کاری اجرا سیله از بر مدت ایچننده بیچاره لری هیئتیه یوتمش اولدقلری تواریح اسلافی تتبع ایدنلرک . او میدر . روسیه دولتی لهستان کرجستان تانارستانی وسائر حکومتلری بو پولتیقه ایله یوتما دی؟

اوله مضایقه به دوشن حکومتلر ایچون مقتدر ایسه ینه کندی قوتیله دشمنده مقاومت چالشمق و دکل ایسه خصمک بعض تکایفنی قبول ایدوب و به مضایقه منی مقتضیات عصریه به کوره مدارات حکیمانانه ایله عفو ایتدیروب او بوشمق دیکر بر قوی دولتک اعانه سنه مراجعتدن بیک قات اولادر .

لکن بر زمان معینده و بر مسئلہ مخصوصہ دہ منفعت
 ومضرت مشترکہ اصحابندن اولان متفق دولتلك يكديكره
 تدافعی وتعرضی اعانه لری او قیلدن دکلدر انلر متفقلرینه
 یاردم ایتمک لری صرده کنندی حکومتلرینک موارنه تمامیت
 وسعادتنی محافظه ایچون چالشمش اوله جتلرندن او مثالولر
 بکشمزدن مستثنادر . «

صددمزہ کلهلم :

قرمان بکر بکیسی قره کوز پاشاقوه موجوده سیله قونیه دن
 ادنه جهته یوریدکده (النقش) و (ملان) قلعه لری
 خلقي و (طرسوس) اعیانی و (قشمتورلی) (قصونلی)
 و (قره عیسالو) قبیله لری پاشایین بالاسه تقبال عرض
 اطاعت ایتمش اولدقلرندن و او اراق مصر لونک اورالجه
 تدارکات حربیه و تدافعیه سی بولمادیغندن پاشا بلالمر احم
 ادنه و طرسوس و حوالیسینی ضبط ایتمدی .
 علاء الدوله فرقه سنندنه بحث ایدهلم :

بو فرقه دخی (عینتاب) جهتمدن یورو یوب مقابله لرینه
 کلان عسا کر چراکسه بی وهله اولاده بوزدقلری مثالو

حلب نائبی [*] دخی کشته شمشیر و (روم قلعه) (بره جک) و (عینتاب) بکرینی اسیر ایندیله .

علاء الدوله بک بومظفر بنده اله کچ-یردیکی تیرانداز عرب عسکرینک فیما بعد اوق اتمغه براماملر یچون اللرینک باش پر مقلربینی کس دیروب صالیویره مشدر .

علاء الدوله بک عساکر مصریه بی (ملاطیه) به قدر قووالیوب فقط (سلطان قایتبای) جانبندن کوندلرش اولان بش بیسک کزیده مصر سوار یسنگ ملاطیه در بندنه پوصو طومش اولدقلربینی خبر الهرق یعقوب پاشایه قطعاً بیلدیرمکسزین کندی طاقیله صاوشمش اولدیغندن یعقوب پاشا یاننده کی جزئی عثمانلو عسکر یله غافلانه مصر سوار یلرینک کینه کاهنه اوغرادی .

مصر اولر چوقلق و کندیلری واتلری دنج و عثمانلور اولق واتلری بورغون اولق جهستیه قوزیلان بازار کار روزارده

[*] دوات جراکسه مصر یه ده ایات والیرینه نائب

اطلاق ایدیلوردی .

مصر لور كارلى و عثمانلى طاقى بك چوق خسارلى
چيقديلر . يعقوب پاشا بك از قلان ارقداش ليريله
سمت سلامتہ كو جيله چيقه بيلدى .

دمنجك بيان اوانديغى وجهله قرمان بكار بكيسى قره
كوز پاشا ادنه و طرسوس و حواليسى ضبط ايتد كدن
صكره كيفيتى پاي تختہ عرض ايدوب صادر اولان
فرمان على پادشاهى اوزرينه اورالك محافظه سنى
حدود امر اسندن (موسى بك) و مناسبت صهريله
پادشاهه منتمى اولان (فرهاد بك) نام ذاتلرايله عشاير
روساننه حواله ايدرك كندوسى مقر مأمور يئنه رجعت
ايتشيدى .

اسملىرى ذكر اولنان بكار تجربہ سز ادملر اوله رق بى
قيدانه جنبش ليريله مشغول ايكن سلطان مصر طرفندن
تعيين واعزام قلنان (مصر امير كبرى اوز بك) و شام
امير الامراسى (تمرز) عساکر كليه ايله هجوم
ايتديلر .

موسى و فرهاد بكارا كچه مقابله و مقاتله ده بتون

اقتدار لرینی صرف ایشلر سده احتیاط سز اقلری جهتیه
 اسباب مقاومتلری نقصان اولدیغندن عساکر
 مصریه غالب کله رک هوسی و فرهاد بکار مقبول
 اولدیلر .

فقط ادنه و طرسوس قلعه لرنده بولنان محافظلر قاعدلری
 تسلیم ایتیب امر محافظه ده دوام واقدام کوستردیلر .
 (علاءالدوله) بکک و فاسزلخی سیئده سیله (یعقوب
 پاشا) فرقه سنک (ملاطیه) جهته ده و بکک
 احتیاط سز و اهلیت سز لکری سببیه دیگر فرقه عثمانیه نک
 (ادنه) و (طرسوس) طرف لرنده دوچار انهم
 اولدقلری جناب پادشاهک مسموعی اولنجده دهاقوتلو
 براردوسوقیله مصر لودن اخذ انتقام ایدلسنه قرار
 ویروب (سکزیوز طقسان بر) سنه سنده سرای
 همایون خواص بندکانندن اولوب شرف صهریت
 شاهانه یه دخی مظهر اولان اناطولی بکک بکیسی هر سک
 زاده (احمد پاشایی) سردار نصیبیه وزیرای
 بنامدن حضر بک زاده (محمد پاشا) ایله قرمان بکک

بکیسی (قره کوز پاشا) بی مشار البهک معینه
ویرهک بتون اناطولی صنوف عکریه سه یله (ادنه)
جاننه سوق واعزام بیوردیلر .

حضربک زاده محمد پاشا ذاتاً و زماناً و سنناً و لیاقةً
احمد پاشایه مقدم اولدیغی حالده کندوسنک احمد
پاشا قومانداسنه ویرلسندن طولایی قابی قیریلهرق
و قره کوز پاشا دخی برطاقمحرک حیت سوززلره افساد
ایدرك بینلرنده خفياً شو یله برقرار ویردینرکه :

[بزنفدر چالشسق قزانیه جق مظفریت هر سک زاده
نامنه عائد اوله جغندن دشمن ایله محاربه وقوعنده
اوزاقدن سیرجی اوله لده هر سک زاده بی دشمنه
ازدیرهلم .] دیدیلر .

فی الحقیقه طرفینک اردولری (ادنه) طرفلرنده
بولاشوب محاربه یه طوتشدقلرنده محمد و قره کوز پاشالر
کندی قوماندالرنده اولان عسکرلره برلکده عارفاری
ارنکاب ایتدیلر .

سردار احمد پاشا میدان محاربه ده یالکز و دشمنه

نسبتله پك قوتسز قالمش ایکن حائز اولدیغی جوهر
 دلیری و بسالت و حیت حکمنجه اوته کیلر کبی ذل
 فراری قبول ایتمیوب رفاقینده فلان عثمانلو دلاور لیله
 برابر صوگ درجه یه قدر چالیشه رق بالذات میدان
 مبارزه ده دشمندن خیلی نفوس تلف ایتمش ایسه ده
 چر کسلرک چوقلغی مناسبیله باشه چیه میوب نهایت
 وجودنده متعدد یاره لر الدقدن صکره دشمن پنجه سنه
 دوشدی .

و بونک اوزرینه بقیه عساکر عثمانیه دخی تارمار
 اولدی .

ادنه و طرسوس قلعه لرینک محافظلری اردوی عثمانینک
 اوضه ورتله انهرزانی و سردار اکرمک طوتلدیغی
 مشاهده ایدنجه قلعه لری امیر کبیر (اوزبک)
 طرفنه تسلیم ایتدیلر .

اوزبک ادنه و طرسوس قلعه لرینی و حواله سی نی ضبط
 ایدرک هر سک زاده احمد پاشایی حرب اسپری صفتیله
 (مصره) کوتوروب (سلطان قایتبای)
 عرض جیله ایلدی .

یووقوعات دخی پادشاهک معلومی اولدوقده برقاچ دفعه دَر
 عساکر عثمانیه نك بویله مغلوب اولسی تأثر لرینی موجب
 اولدیغندن وزیر اعظم (داود پاشا) نك مکمل
 بر اردو ایله حدود ممالک غربه عزیمت ایتمسی فرمان
 بیوردیلر .

داود پاشا (سکزیوز طقسان ایکی) سننه سنده یکی
 چری و سپاه بلوکلرندن مقدار کافی پیاده و سواری
 عسکرله استانبولدن حرکت ایدوب وروم ایلی بکلر
 بکیسی (خادم علی پاشا) دخی روم ایلی نك صنوف
 عسکریه سیله کلیبولیدن اناطولی یقه سنه هر روز
 ایله التحاق ایلیوب مکملجه بر اردو هیئتنده
 اولدقلمری حالده حدودده بولنسان (اوچ قیو)
 یا یلاسنک اوته جانبنده و (الاطاغ) اتکنده
 چادر لرینی قوردیلر . بوراده ذوالقعدز زاده علاء
 الدوله بک دخی ورود ایتمسیله اردونک صورت
 حرکاتی مذاکره و تعیین ایتدیلر :

شویله که : : مقدا قرمان اوغلی قاسم بکک وفاتنده

انتخاب اهالی ایله ایچ ایل و توابعی حکومتنه برلشمش
 اولان طور غود اوغلی (محمدود) بک ایله بعض عشایر
 او اراق عصیان حائنده بولندقلری جهتله بولنری
 بو حالده و کیروده براغوبده اردونک بردن بره دشمن
 ممالکی ایچنه سوقی مناسب اوله میه جغندن اولا محمد
 بک و عشایر عاصیه تادیب اولنمق اوزره وزیر اعظم
 اردوبی اوچ قوله تقسیم ایله روم ایلی بکر بکیسی
 علی پاشا قوتنی طرسوس جانندن و اناطولی بکر بکیسی
 سنان پاشا قوتانی دخی (اولاش بوردی) دینیلان محلندن
 سوق ایدرک کندوسیده بالذات کندی قومانده سننده
 بولنان برنجی قول ایله (بلغار) طاغندن یوزوبوب
 محمدود بک مدار قوه فسادیه سی اولان طور غود
 و (ورساق) عشیرتلیک اطرافنی صاردی .
 محمدود بک یقه بی اله ویره جکفی اکلا اینجه عائله سی ایله
 برابر حلب طرفنه صاوشدی .
 عساکر عثمانیه محمدود بکی حلبه یقین محارره قدر تعقیب
 ایتدیلسه ده یتیشه مدکارندن کیرویه رجعت
 ایتدیله :

محمود بلك فراری اوزرینه عشایر عاصیه رؤساستندن
 (بوغا اوغلی) (سومك اوغلی) (اورن اوغلی) (ارق شیطان)
 و (اوغوز بك اوغلی) ناملریله معروف اولان بلكر وزیر
 اعظم داود پاشایه دخالت و عرض انقیاد و مطاوعت
 ایلدیلر .

عشایر عاصیه غائله سی بو صورتله بتیریلوب قونیه و لایتنك
 احوالی اصلاح ایلدیش ایسه ده بونلرله اوغراشیلورکن
 موسم سفر کدران ایدرك (ادنه) جانبنه کیدیلوبده
 چراکسه دن انتقام المغه وقت قالدیغندن اولباده شرف
 صادر اولان فرمان عالی پادشاهی مؤججه او تصور
 سنه آتیه به بالتعلیق داود پاشا پای تختیه عودت
 ایلدی .

§

(اندلس) قطعه سنده بولنان دولت عربیه اسلامیه
 برمدتدنبرو اعدانك مهاجمات متوالیه سنندن فنا حانده
 صیقیلوب سلطان بایزید حضر تلرندن استمد ادا تملریله
 سنه هر قومده امرای بحریه دن (کمال رئیس) بر مقدار

سفاین ایله اسپانیه صولینه کوندرلش ایسه ده بوندن
برفائده حاصل اوله مدیغی مسطور صحایف توارینخدن .

§

صدر اعظم داود پاشانک ادنیه متوجه در سعادتدن
حرکتی ائنده (بغداد) بکی (استغان) ک طرف دولت
علیه دن بکلکده ابقاسی تصدیق بیورلق نیازینی مشعر
عریضه سی و سفیر مخصوصی کله رک بغدادک ایکی سنه لک
جزیه بدلی دخی تقدیم اولنمسه - یله جانب سلطنت
سینه دن دخی مسوالات مسروده سنک قبول بیورلدیغی
- و پاشانک شو و سفر دن عودتنده ، تا کید مصافات
ضمننده مجارستان قرالی جانبدن ترک تار یخلرنده . (یخشی
اوغلی) دینیلان بر سفیر کلوب بعد اداء السفاره مجارستانه
عودت ایلمک اوزره یوله چیقهرق (سمندره) طرفلرینه
وصولنده - وقتیه بو یخشی اوغلی عسا کر عثمانیه
اقبجیلرندن برینی طوتوب آتشد ، یاقش اولدیغندن - او
ادمک فرنداشی سفیر مومی الیهی اثنای راهده انتقاماً

قتل و اعدام ایلدیکی و سفیرک ادم لریده اوقاتلی اولدرد کاری
بوسنه نك وقایعندندر .

§

﴿ تکرار ادنه جانبنه اردوسوقی ﴾

(سکزیوز طقسان اوچ) سنه سنده پادشاه شوکت پناه
ادرنه دن استانبول تخته کاهنه عودتله مصر اودن انتقام
التمق ایچون رکاب و زراسندن خادم علی پاشایی سردار
نصب و روم ایلی و اناطولی و قرمان بکار بکیری خلیل
سنان و یعقوب پاشا لری دخی سردار مشار الیهک
رفاقتنه تعیین ایله ربیع الاخر اوائلنده ادنه جانبنه بر
اردو دها چیقاردیلر .

مصر سلطانی قایتبای دوات علیه ایله عقد مصالحه
ارزه سنده اوله رق بو ارزونک حصولنی نسهیل ایچون
مقدما دوچار اسارت اولان هر سک زاده احمد پاشایی
بو ائشاده اطلاق ایله معززاً استانبوله کوندرمشیدی . جناب
پادشاه ایسه عسا کر عثمانیه نك بر قاج دفعه در اوغرادقلری

انہراملرہ مقابل بر مظفریت قرانلماذ قچہ مصالحو اولماوق
 قرارندہ بولندقلرندن ہرسک زادہ احمد پاشایی قپودان
 دریا نصیلہ سردار علی پاشایہ بحرأ معاونت ایتمک
 اوزرہ یوز قطعہ سفاین حریہ ایلہ طرسوس
 واسکنندرون سواحلنہ مأمورایتدیلمر .

سردار علی پاشاعسا کر مجتعه کلیہ ایلہ ادنہ ولایتہ
 داخل اولہرق مصر لونک اوارہ اق اوجہتدہ قوہ کافیه سی
 بولند یغندن (اناوارزا) (کورہ) (ایاس) (نمرون) و (ملواند)
 قلعدلی زحتسزجہ ضبط ایدیلوب بولردن (ایاس)
 قلعدسی ہدم ودیکر لری تعمیر و تحکیم اولندقدنصکرہ
 روم ایلی بکار بکیسی خلیل پاشا (سیس) قلعه سنک فتحی
 ایچون روم ایلی عسکر یلہ اورایہ کوندردلی .

خلیل پاشا سیسی محاصرہ ایدرک مصر او طرفندن
 سیسدہ محافظ بوانان نبی بک ایچہ مقاومت کوستردی .
 فقط قلعدنک برج و باروسی طوپ صدماتندن رخنہ دار
 اولدقدن ماعدا متعاقباً بالذات سردار اکرم دخی

کایدوب محاصره بی تشدید ایتمسـ یله نبی بک ناچار
قلعه نك تسلیتمه مجبور اولدی .

علی پاشا سیس قلعه سنی ضبط ایدوب نبی بکی پای
تخته کوندردی .

عثمان لونک بو منوال اوزره ادنه جهتلرینی ضبط ایتدیکی
سلطان قایتبای ک مسموعی اولنجه اودخی عساکر
کلیه جمع ایدرک مصر امیر کبیری اوز بک قومانداسیله
اردوی همایونه قارشو سوق ایتدی . و امیر سلاح (تمرز)
وامیر اخور اعظم (قازصوی) کبی رؤسای مشهوره
چراکسه بی و (شام) (ضربلس) (صیدا) و (رمله) نائبلرینی
و (الف) و (خمسایه) سردارلرینی اوز بک معیننه
و بردی رمضان اوغلی و طورغود اوغلاری دخی مصر لو
ایله برلکده ایدیلر .

بونلر ادنه یه طوغری (بقراض) طاغنه کل دکلرنده
— مذکور طاغک اتکنده و ساحل در یاده اولوب بهرحال
کچمکه مجبور اولدقلری طریق قپوادن دریا احمد پاشا
دو نهای همایون ایله قوریمتده اولدیغنی کوردکلرندن —

برو طرفه کچه دیوب اورا جقدہ قائد قلمی حالده طالعلمی
یاور لیکله بر شدتلی فورطنه ظهور ایدرک دو تنمای همایونک
هر برینی بر طرفه آتش اولدیغندن سنه مر قومه رمضانک
سکزنجی کونی (جیحان) و (سیحان) نهر لینی بالرور
ادنه نک طرسوس جانبنده واقع (اغا چایی) نام
موقعه اردوی همایونه ملاقی اولدیلر .

حاصلی طرفین صفلرینی ترتیب ایدرک محار به به
کیرشیدیلر . غوغا فنا حالده قیرشیدی .

اردوی همایونک صاغ جناحنده بولنان قرمان عسکری
- اوتهدن برو قرمان اوغلارندن او کړندکاری -
وجهله بلا ضرورت عارفراری ارتکاب ایدوب بونره
باقه رق اناطولی عسکری دخی انهزامه یوز طوتدیسده
سردار جلادتشعار یکی چری وسار قپوقولاری وروم ایلی
عسکری ایله ثبات تام کوستره رک دشمن اردوسنی
رجعتنه مجبور ایتدی .

اولا بزم فراریلرک حالرینی سویلیهلم :
قرمانیلر میدان حربدن چکیلوب کنه دیلری کبی

سائر عساکر عثمانیه بی دخی قاچار و او حالده اردوی
همایونک اغراخی دشمنه قالور ظنیه کیروده بولنسان
اردو چادرلرنده بولدق لری قیمتی اشیای یغما ایتد کدنصبره
ملکتلرینک یولنی اوزلدیلر .

مصر اردوسندن (تمرز) و (رمضان)
(طورغود) اوغلاری قرمان فرار یلرینک ارققارینه
دوشه رک خیلی قوالدیلسده - حریفلر فرار
ویغما کرک فنلرنده استناد اوله رق شوایکی ایشی
کال مهارتله اجرا ایتد کلرندن - مصر جنس دیلری بیله
ایاقلرینک توزینه ایریشه دیلر .

تمرز و رفقاسی تعقیبندن کیرو دونوب انلرده اردوی
همایون چادرلرینی برقات دها حقلد قدن صکره میدان
حربه عودت ایتد کلرنده سردار اکرمله اکثر عساکر
عثمانیه بی ثابت و مصر اردوسنی پریشان و متشتت بر حالده
کورد کلرندن بزم قرمانیلر کتی بو یاد کارلر دخی
کنسدی سردارلرینی ترک و چادرلرینی غارات ایدرک
حلب یولنه طوغرلدیلر .

قپودان دریا احمد پاشا دمنجک سویل نیلان فورطنه دی
 کچیردکن صکره ینه ساحله یاقلاشوب اولکی موقعی
 طوتمش و دو نماندن قره به عسکر دو کدرک بولره تعبیه
 ایتش ایدی .

مصر فرار یلری بو عسکره تصادف ایتسه یله بزم
 چادرلردن و کندی چادرلردن چار پدقلری اشیانک
 هپسنی وارقداشلرینک خلیله سنی دو نمان عسکرینه
 براغهرق بقیه السیوفی بیک فلاکتله سلامت یقه سنه
 جان آتدیله .

سردار اکرمک ثبات و جلادتی ثمره سیله مصر
 اردوسنک عمومی دخی میدان حربدن قاچاردیغی
 زمان بعض امرادشمنی تعقیب ایتک ایستدیله رسده
 چونکه وهله اولاده قرمان و اناطولی طاقلری قاچش
 وروم ایلی بکلر بکیسی خلیل پاشا قولنده بوانلر
 دخی دشمننک خدعه حربه قیلندن اولهرق یوک
 حیوانلرینک اوزرلرینه سطل لکن سینی کبی قلایلی
 و پارلاق اوایی نچاس اصوب اوزاقدن زرهللی سواری

کبی کو ستر مسنه الدانه زرق انلرده کند بلی رینی قور یئق
 وه میله حین محاربه ده اورته قوله هیچ یاردم
 ایده مد کلرندن سردار بالکر اورته قول ایله دشمنک هیئت
 عمومیه سنه مقاومته مجبور و نامداران امر ادن اورنوس زاده
 (عیسی بک) و (سلیمان بک) نام ایکی برادرل
 وشجعان عسکر دن نیجه بهادرل مقتول اولدیغندن
 شان ظفر اردوی همایونده قالمش ایکن دشمنک تعقیبی
 مناسبته قوه باقیه نك طاغیدلیسی مناسب اوله میه جغنی
 سردار و امر ادن مشهور (طورخان بکزاده عمر بک)
 بیان ایتملیله دشمن کاملاً (سبحان) ایرماغندن
 اوتیه ایچکدن صکره اردوی همایون دخی کیروده کی
 چادرله چکلدی .

لکن چادرلک یغمایه اوغرا دیغنی , و عسکرک اولکی
 تخمیندن زیاده طاغلدیغنی , و شاید دشمن اردوی
 همایونک بودرجه پریشاندیغنی اکلا یوبده هجوم ایده چک
 اولورسه مقاومت ممکن اوله میه جغنی , و او حالده ایش
 فزایی نتیجه ویره چکنی سردار اکلا دیغندن بعد الظفر

ریبوک هزیمت ورزالتہ اوغرائلمقسزینی سلامت یقہ سنہ
بوللمق اوزرہ اوکیجه بتسون طوبلر و آغر مهمات
(ادنه) قلعه سنہ طولدیریلوب (کولک بوغازی)
یولی طوتلاری .

اوز بک دخی (سبحان جیحان) ایرماقلری
بیننده اولان اردوکاهنه واروب نمرزک حرکات
و فرار بینی و بولده دوئنا عسکر یله ماجراسنی
تحقیق ایدنجه فراری قوردیسه ده برکه دولت علیه
اردوسنک حانی اکلامق ایچون جاسوسلر تعیینیله انتظار
ایتدی .

سردار علی پاشا بک بوجه محرر مهمات حر بییدی
قلعه یه طولدیروب کیرویه رجعتنی تحقیق ایتدکده
تکرار ادنه به عودت و قلعه نلک محاصره سنہ مبارزت
ایلدی .

ادنه قلعه سنک اوز بکی ظفردن مأیوس ایده جک قدر
استحکامات و اسباب مدافعاتی موجود ایدی . حیفکه
از قضا جیحانه آتش الوب بوندن طولانی محافظ قلعه

یانش و عسکرجه دخی خسارات کلید ظهوره کلمش
 اولدیغندن محصورلر اوج ککوندن زیاده مقاومت
 ایدمه یسه رک بالمعاهدده قلعه بی اوز بکه تسلیم ایتدیلمر .
 کله لم سردار علی پاشابه :

علی پاشا قرمان ارکلیسنه بالوصول اوراده توقفله
 تفصیل احوالی عتبه پادشاهی به عرض ایتسی اوزرینه
 شرفصادر اولان فرمان عالیده - مقدمه قرمان بکر
 بکیسی اولوبده هر سک زاده احمد پاشانک سردار
 اولدیغی سنه محمد پاشایله برلکده مرتکب رزیه
 فرار و باعث انواع خسار اولان (قره کوز پاشا)
 بوجاره به ده دخی فرار یلرک پیشواسی اولدیغندن انک
 و (قیصریه) سنجاغی بکی (یولار قیصدی)
 لقبیله ملقب (سنان) و (قره سی) بکی قرال
 اوغلی (اسحق) و روم ایلی صنوف عسکر یه سندن
 (قزلبه مسلم) طائفه سی بکی قره جه پاشا زاده
 (اسکندر) بکرک و اناطولی (کتخد او دفتر داری)
 ایله میمدان محار به دن قاچان سائر نجیتسز و سنانک

مقیداً و محبوساً اردودن اول پای تخته کوندرلمسی اداره
 بیورلسیله علی پاشا حکم فرمان عالی بی بالاجرا کندوسیده
 هیئت اردوی همایون ایله در سعادتیه عودت
 ایلدی .

محبوسلر اسمتانبوله واصل اولنجیه قره کوز پاشا
 تکرر جنایتیه مبنی اعدام اولنه رق دیکر لری
 مأموریتلرندن عزل و طرد بیورلمشدر .

§

(سکر یوز طقسان درت) سنه سنده برکونا وقوعات
 حربیه اولمادیسه ده سنه مر قومه جادی الاولاسنده
 بردفعه ورجبی ابتدا سنده دخی بردفعه (ادرنه) ده
 جسیم یانغسلر اوله رق و تموز رومینک در دینه تصادف
 ایدن رجبک یکر می دردنجی کونی دخی ینه ادرنه ده
 مدهش صاعقه لر دوشه رک بونلردن طولایی ظهوره
 کلان خسارات عظیمه مصائب حربیه بی تجاوز
 ایتشدر .

§

﴿ علاء الدوله نك مصر لو ايله اتماق ﴾

مرعش و البستان قطعده سی حکمداری علاء الدوله
 بك بولندیغی مسنده دولت علیه سایه سنده نائل اولمش
 و سلطنت سندیه نك حكومت چرا کسه مصریه ايله
 بوزشمسنه ینه کندیمی سببیت و یرمش ایکن تفصیلاتی
 یکن محاربانده مصر اونک غلبه سنی کوره رک - غالبه
 تبعیت - مسلکنی بالالتزام دولت علیه دن قطع رسته
 مناسبت و علی پاشانک ادنه طرفلرنده محاربه سی ائنده
 امیر کبیر اوز بك طرفنه ملتجیانه نامه تقدیمه مسارعت
 ایدرک بو نامه سنده قزینی اوز بکک اوغلنه تزویج ایتمک
 و یر اوغلنیده سلطان مصرک خدمت خاصه سنده
 کوندرمک املنده اولدیغنی بیلدیرمش و اوز بك دخی بو
 التجایی مع الممنونیه قبول ایلمش ایدی .

علی پاشا بو وقوعاتی بالتحقیق پای تحته عودتنده حضور
 شاهانه یه عرض ایتدیکندن و علاء الدوله نك یرادری
 اولوب مقدا مصر لو طرفندن اخذ و گرفت اولنده رق
 شامده محبوس بولنان (بداق) بك اتفاقاشوار اتق نصلسه
 محبسدن فرار ايله در سعاده کلمش بولندیغندن پادشاه

دارا در بان ذوالقدر به حکمدار لغنی بذاق بکه احسان
 ايدرك كرسى حكومتى ضبط ايدہ بيلمسيون لازم
 کلان معاونت عسکریه نك اجراسنى اماسيه واليسى
 حضرت بك زاده محمد پاشا ايله قيصریه بکى ميخالزاده
 اسکندر بکه امر وحواله بيوردیلر .

بذاق بك ممالك ذوالقدر به نك رؤسا و افرادندن بك
 چوق طرفدار بوله جغنى اميد ايتديكيچون معاونته مأور
 اولان امرا و عساكر عثمانیه نك كاملا طو پلانمسنى
 بکلمه كسزين ممالك ذوالقدر به يد طوغرى شتاب و علاء
 الدوله نك محمد و ملزندن اولوب قيرشهرى حكومتنده
 بولنان (شاه رخ) بکى طوته رق باباسنده رغماً كوزلرینه ميل
 چككم يعنى انسان ايچون اعظم عنايات الهيه اولان
 نور بصردن محروم ايتمك كبي بر غمدار لغنى ارتكاب
 ايلدى .

علاء الدوله بك نور دیده سى اولان اولادينك عيسى
 طرفندن اويله بر ظلمه اوغراداغنى ايشيدنجه جهان

کوزینه زندان اوله رق جمع و جلب عسکرله بداق بکک
اوزرینه بوریدی .

یداق بک ممانک ذو القدریه رؤسا و افرادندن اومدیغی
تبعیت وه - اونتی کوره مدیکی کبی نزدنده قیصریه بکی
اسکندر بکدن بشقه قوت بولمادیغندن (قرمان) بکک
بکیسی محمود بکه بر مکتوب یازوب امداده یتشمسنی
استدعا ایتدی . محمود بکده درحال قرمان
سپاهلرینی طوپلایوب (نیکده) حدودینه
مواصلت ایلدی .

لکن بداق بکک مؤخرأ تعجیلی متضمن محمود بکه
تکرار کوندردیکی مکتوبی علاء الدوله نک انه کچه رک
علاء الدوله مکتوبک عباراتی شو « مقدا سزدن
استمداد اولندیسه ده خصمک اقتدار سزغنی جهته دفع
وتنکیلنه یانمزه کی عسکر کفایت ایده جکندن بیهوده
زجت ایدوبده کلیمه سکز « صورته تبدیل واکلا شلیه جق
یولده محمود بکه تسبیل ایلش اولدیغندن محمود بک بو
مکتوبی النجه نیکده دن کبرویه دوندی .

علاء الدوله بویله بر خدعه ایله خصمی قوتسز بر اقدقدن
 صکره بداق بکک اوزرینه شدتله حله ایدرک ظهوره
 - کلان محاربه ده بداق بک تحمل ایده میوب فراریولنی
 الدی . فقط میخال زاده اسکندر بک شجاعت
 مودوئه سی ایچا بنجه قاچغی ناموسنه یدیره مدیکندن
 یاننده کی عسکر یله صوک درجه به قدر چالشمش ایسده
 دشمنک کترتی مناسبیله باشه چیه میوب ارقداش لرینک
 اکثری و کندوسنک اوغلی مقتول اوله رق نهایت
 کندوسیده خصمک پنجه اسارتنه دوشدی .

علاء الدوله اسکندر بکی نشانه ظفر اوله رق (قایتبای)
 طرفه اعزام ایله برابر سلطنت سنیه نک ضعف حالندن
 بحثله - بالمهاجه ممالک محروسه نک ضبط ایدیله جکی
 سرودر - بوللوا تشویقاتی متضمن عربضه
 کونرددی .

ایشته بوتشویق و تحریک اوزرینه (سکز یوز
 طقسان بش) سنه سنده (اوزبک) کلی عسکرله

ممالك ذوالقدر به جهتندن (قيصريه) به كلدرك
قيصريه بي تحت محاصره به الديو .

صورتحال پای تخته عكس ايندكده هر سك زاده (احمد
پاشا) اناطولى عسكريه (قره حصار صاحب)
طريقندن اوز بكك مقابله سنه كوندر يلوب متعاقباً
اوز بكك قيصريه نك محاصره سنى تركاه (نيكده)
(اركلی) و (لارنده) طرفلرينه تجاوز واورالده
تعديات عظيمه به نجاسر اينديكى خبرى انديغندن
پادشاه بالذات سفر ايتمسنى تصميم وعساكر مجتمعه
اسكداره پكيزلك و تداركات حريمه اكمال ايندك اوزره
اوتاغ همايون (بشكطاش) ساحلنه قورديريله رق
اورايه نقل بيورديلر .

﴿ استانبولده جيخاننه نك اتش المسى ﴾

شهر يار حيت شعار دولت چرا كسه ايله مكلجه بر
چار پيشونده اخذ انتقام ايتك اوزره بشكطاش ده
تداركات جسيمه سفر به ايله مشغول ايكن سنه

مر قوه (شعبانك يكرمی ایکنجی) وتموزك يكرمی
 دردنجی کونی قوشلق وقتنده جو هواده بر سیاه بلوط
 حاصل اوله رق استانبولی قور قیج بر ظلمت قاپلادیغی
 حالده دهشتلی رعد و برق ایله صاعقه لر دوشمکه و شدتلی
 یاغورلر یاغغه و عظیم سیلار افعه باشلدی .

هر کس کمال رعب و خلیجان ایله بواندیغی یرده حیران
 ایکن (آت بازارنده) اولوب فوق العاده متانتی
 مناسبیله حین قحدره جیخانه انخاز اولنان (کون
 کورمز کلیسا) سنده موضوع کلی باروته صاعقه
 اصابت ایتمسینه کلیسانک قبه و دیوارلری کوک یوزینه
 پران و اطرافنده بوانسان درت محله نک بیوت و ابنیه
 سائره سی بر آن ایچنده خاک ایله یکسان و نیجه نفوس
 بشریه بیجان اولدی .

قوشلق وقتندن ایکندی زمانته قدر استانبولک هر طرفنی
 دومان بورو یوب خلق قیامت قوپدی ظنیه بر هول
 جانکداز ایچنده قالدی .
 باروتک زور ایله اتیلان طاشلردن وسیلارک صدماتندن

- ۱ استانبول واسکدار و غلطه ده یک چوق ابنیه منهدم
 ۲ اولدرق خسارات عظیمه وقوعه کلدی .
 کلیسانک قبه سی کوك یوزینی طولاشد قدن صکره
 (قزل اطه) قربنده دکره دوشمش اولدیغندن بلیه نك
 درجه سی بوندن ا کلاشیلور . !!

§

﴿ دولت چرا کسه مصریه ایله مصالحه ﴾

بعض علما دولت چرا کسه ایله حرب و مقاتله نك حلنه
 فتوا ویرمشلر سده او عصرده شیخ الاسلام و مفتی الانام
 بولمان شاملی (زین الدین علی غربی) افندی اباحت قتاله
 فتوا ویرنلری تخطئه و جرح ایدرک پادشاهی دائمی
 سمت صلحه سوق و اماله یه چالیشور و تسهیل مصلحت
 ایچون امر او روئسای عرب ایله دخی مخیره و مکاتبه
 ایدر ایدی .

بوئناده (تونس) پادشاهی « سلطان عثمان »
 طرفندن چند قطعه سفاین ایله مصحف شریف و کتب

احادیث وسائر تحف و تفار بقدرن مرتب هدايا و نامه
 مخصوص كلوب بونامه ده دولت مصریه ایله مصالحه
 بیورالمسی التماس ایلمش اولدیغندن زین الدین افندی
 سلطان عثمانك شو التماس و توسطندن برقات دها
 قوت الهرق - برقاچ سنه دنیرو « ادنه » « ادرنه »
 و « استانبول » شهر لرنده جیحاندر اتش المق
 وعظیم یانغینلر و زلزله و قوعوب و لوق کبی ظهور ایدن
 آفات سماویه و بلا یای مده شه نک بین المسلمین اختیار
 اولنان مقاتله شئامتندن نشأت ایتدیکی و مصر اونک
 تجاوزات واقعه سی ایسه علاءالدوله نک تحریکاتی
 ثمره سی اولدیغی - مقدماتیله پادشاهی تکرار عقد
 مصالحه یه ترغیب ایتدیکنندن و اولجه سوق اولنان
 هر سک زاده احمد پاشانک « قره حصار صاحب »
 جوارنده واقع « صیغانلی » اواسنه وصولنده
 اوز بکک مقابله صددنده اولوب چکیلوب کیتدیکی
 خبری دخی زین الدین عربی افندی نک قوانی تصدیق
 ایتدیکنندن پادشاه مصالحه یه اظهار رغبت و سفر نیتندن

فراغت بیوردیلر . واستانبولک صاعقه وسیل
 بلاسندن اوتور یلوب طور یله جق حالی قالدیغیندن
 ادرنه جانبیه عزیمت واوراده دخی هواده فناق حس
 ایتلریله برمدتجک تفرج صورتیله « انبصله »
 و « کوملجنده » طرفلرینی سیاحتدن صکره مذکور
 « سکز یوز طقسان بش » سنه سی ذی الحججه سی
 اواخرنده ینه استانبوله عودت ایلدیله .

زین الدین افندی پادشاهک مصالحه یه میلانی
 کورنجه درحال کندی طرفندن « سلطان
 قایتبای » ه بلیغانه برمکتوب یازوب انی دخی صلحه
 تشویق ایلدی .

سلطان « قایتبای » مولانا زین الدین عربک
 تبلیغات ونصایحی مع الممنونیه تلقی وقبول ایدرک
 « سکز یوز طقسان التی » سنه سی اوائلنده سفیر
 مخصوص ایله طلب صلحی متضمن جانب پادشاهی یه
 برنامه ارسال وبونامه نکره سنده - محاربات سابقه
 اثناسنده دولت علیه نکره یدضبطنده کچمش اولان

« چقورا ووا » ده واقع اوج عدد قلعه حرمین الشریفین
 اوقافسه مر بوط اولدیغنی بیانله بونلرک ردایدلسنی -
 التماس و اشعار ایتش اولدیغندن طرف شاهانددن
 تمامیه موافقت و مجدداً عقد مصالحه و مسالمت اولندرق
 مصر سفیرینک اعاده سیله برابر دولت علیه جانبندن
 دخی « قایتبای » ه بایلقایله مخصوص سفیر و نامه
 کوندرلدی .

§

ذکر اولنان (سکزبوز طقسان بش) سنه سنده
 استانبولده بر سور پرسروز یا پیلوب آهنوز امر مسنون
 ختانی اجرا اولنمیان شهرزاده لر سنت ایتدیلدیکی
 مثلوبنات مخدرات پادشاهیدن بری مرحوم « اوزون
 حسن خان » ک حفیدی « احمد میرزا » به و بری
 صدر اعظم داود پاشانک مخدومنه و بری دخی
 « اشقودره » یکی « نصوح » بکه عقد و تزویج
 پیورلشدر .

« اوزون حسن خانک حفیدی احمد میرزا نه صورتله

دولت علیّه نزدنده شرف صهریت سنیّه به نائل
اولدی ؟ بوراسیده بیلنمک ایچون بروجه آتی بعض
تفصیلات ویریلور .

جلد ثانیده بسط و بیان اولندیغی وجهله « فاتح سلطان محمد
خان » ایله حسن خان بیننده ظهوره کلان وقعه معلومه
حریه دن صکره حسن خان التی نفر اولاندن التی یوکی
(سلطان خلیل) ی حال حیاتنده ولی عهد تعیین ایتک
ارزوسنده بولنه رق سلطان خلیک کو چوکی و مشارالیه
داماد احمد میرزانک پدری بولنان (اصفهان) حاکمی
(اوغور او محمد میرزا) اصحاب شجاعت و بسالتدن
بولنق و امر او عسکری طاقنک کندوسنه توجه و میلاری
دها زیاده اولق حسیده سلطان خلیک ولی عهد لکنه
راضی اوله مدیغندن و او اراق حسن خان نامزاج
بولندیغندن محمد میرزا نوبتندن اول ایران تختنی جبراً
ضبط ایتک آرزوسيله قوه عسکریه جمعيله اصفهانندن
شیرازه یوریدی .

حسن خان هر نقدر مبتلای عمل واستمام اوله رق

حیاتندن امیدسز ایدسه ده محمد میرزانک مغایر اداب
ینوت حرکتسدن دلکیر اولسه یله انی نادیب وتنکیل
ایلک اوزره کندیس بدخی عسا کر کلیه ایله شیرازه
توجه ایلدی .

محمد میرزا پدرینه مقابلیه مقتدر اوله میوب (حوزستان)
طریقندن (بغداد)، واورادنده دیار بکره صاوشمش
ایسه ده حسن خان فرقه معتبه سوقیله دیار بکره دخی
صقشدردیغندن حضرت فاتحک ملاذ افتادکان اولان
عتبه مشفقانه لرینه التجایه مجبور اولدی .

جناب فاتح جانبندن میرزا حسن قبوله مظهر اولغله
برابر عهده سنه (سیواس) ایالتی توجیهیله دخی
تلاطف بیورلدی .

لیکن: محمد میرزا امرای ایران طرفندن - کویا پدرینک
وفاتی وقوعه بولدیغندن بحثله کندیسنی حکومت ایرانیه
دعوتی متضمن - کلان ساخته خبرله فریفته وهوای
تخت وتاج ایله شیفته اوله رق طرف سلطنت سنیه به
خبریه ویرمکسزین جانب ایرانه شتاب ایدوب حالبوکه

حسن خان حال حیاطه بولنسیله کندیسنی حرباً
 قارشولیان عسکرله چاره سز محاربه به کیریشه رک اثنای
 جنک و پیکارده سینه سینه برتیر جانکداز اصابیلله
 وفات ایتدی .

ایشته او وقت مشار الیه احمد میرزا حضرت فاتحه
 دخالت و سرای همایونده برمدت تربیه کورد کدن صکره
 بوجه مشروح سلطان بایزید حضرتلرینک کریمه
 محترمه لرینی تزوجه احراز شرف صهریت ایلدی .

مشار الیه احمد میرزا نزد سلطنت سنیه ده نائل اولدیغی
 حضور و راحتک قدرینی تقدیر ایدوبده شورشگاه
 ایرانه عطف نگاه رغبت ایتمک لازم کلوردی .

فقط بالاستقلال حکمرانلق خیالی بیچاره میرزایه
 اوغرایه جغی مخاطراتی ملاحظه ایتمک میدان
 ویرمدی . شویله که : فریدون بک مجموعه سننده
 مندرج اولان مکاتب مطالعه سندن مستبان اولدیغی
 وجهله مملکت ایرانک دوچار اختلال اولدیغندن
 و خاکسزقالدیغندن بحثله (احمد میرزانک) ایرانه

کوندرلمسی ضمنده (اق قیونلی) بکاری طرفندن طرف شاهانه به بر نیاز نامه تقدیم قلند بیغی مثل او بو بکر کند و سنده بشقه جه او یوله دعوت نامه کوندر مسیله (احمد میرزا) ایرانه عازم اوله رق اگر چه او وقت تحت ایرانه دسترس اولان عمی زاده لرندن (رستم خان) غلبه ایله سلطنت ایرانه بی ضبط ایده بیلمش ایسه ده طو تدیغی مسلاک انتقام کارانه مناسبیله بالاخره امرایی کند و سندن توحیش ایلمسیله رئیس امرای (ابراهیم سلطان) ایله بیئلرنده ظهوره کلان بر محاربه ده بو احمد میرزا دخی باباسی کبی نشانه تیراجل اولدی .

« تاج التوار یخده - مشار الیهک ایرانه عزیمته سلطان بایزید خضر تلری طرفلرندن رضا کوسرلمد بکیچون مشار الیه برکون عادت مألوفه سی وجهله اکلمنک اوزره (غلطه) یه کچر کبی (اسکدار) بکچوب اورادن عجمستانه صاوشمش اولدیغی - بیان اوانه پورسده سلطان بایزید طرفندن اق قیونلی بکی

(علی) بك ايله سائر امرايه خطاباً يازلمش اولان
جواب نامه همايونك مآنه نظرأ مشار اليه احمد ميرزانك
يادشاهك رخصتيله كيتديكي نمايان اوله بور .

§

بزينه صددمزه رجعت ايدهلم .
(سكرن يوز طقسان التي) سنه سي ابتدا الزنده منوال
مشروح اوزره مصر لو ايله عقد مصالحه اولنه رق
بوسنه آسايش و راحتله امرار اولنمش ايسدده (سكرن
يوز طقسان يدي) سنه سي حلوننده بروجده اتى يته
سفر ل اچلدى .

﴿ ارناودلغه سفر همايون ﴾

مجار قرالى بولنان (ژان هونباد) وفات ايدر ك ترك
ايمش اولديغى اوغلى اورويالورك (مترس)
زيدكلى نكا حسز قارىدن حاصل اوله اولديغى چون
مجارستان اركانى بونك صندالى قرالى يه جلوسنى قبول
ايتيوب مجار قراللى يله قرابتى بولنان (لهستان)

قرانك براوغلنى جلب ايله (انكروس) قرانلغنه
 انتخاب و تعیین ایتشلرایدی .
 لیکن بوقرارده رأیی بولنمیان بعض رؤسای ملت دیگر
 طاقه مخالفت ایتدکلرندن مجارستانده بر اختلال داخلی
 پیدا اولدی .

بزم حدود امراسی بو اختلال صره سنده مجارستانك اسنیلاسی
 بك آسان اوله جغنی حضور پادشاهی به عرض ایتدکلری
 مثلاً (سمندره) محافظی (خادم سلیمان پاشا)
 دخی جواریت مناسبیله (بلغراد) محافظی بولنان
 شخص ايله محاربه ایدوب - کویا پادشاه بالذات بلغراده
 سفر بیوررل ایسه بلغرادی بلا محاربه پادشاهه تسلیم
 ایده جکنه دائر محافظ مومی الیهدن سوز - الدیغنی
 عتبه شاهانه به ییلدرمش اولدیغندن و بلغرادن دولت
 علیه ضبطنه المنسی ایسه اقدام مهمام ملکیده دن
 بولندیغندن پادشاه بالذات بلغراده یوریمك نیتیه
 تدارکات سفر به یه تشبث بیوردیلر .
 فقط بلغراد محافظنك سلیمان پاشایه و یردیکی سوزده

ثبات ایتسی مشکوک اولوب بویله برلاقردی یه اعتماد ایله
 بلغراد سفرینی اشاعه ایتک مناسب اوله میه جغنه مینی
 بلغرادک ضبیطی مسئله سی مکوم طوتلق وارنا و دلغک هنوز
 داخل دائره فتوحات اولیان محله ری تسخیر ایدمک
 اوزره جهت سفرک ظاهرا ارنا و دلق سمتنه تخصیصی
 بانتسب قپودان دریا (سنان پاشا) اوچ یوز قطعه
 سفاین متنوعه ایله اولجه (اولونیه) یه کوندر یلوب
 متعاقباً موکب همایون دخی مذکور (طقساز
 یدی) سنه سی جهادی اثنائیه سنک سکرنجبی کونی
 استانبولدن حرکت و (صوفیه) صحراسنه نصب
 خیام شوکت ایتدی .

بوصرده خادم سلیمان پاشادن کلان معروضاتده
 مجارستانک بالجمله ارکان و رؤسای مؤخرأ اتفاق
 ایدرک اختلالی برطرف و بلغراد محافظتک نیتنی
 اکلا دقلر یچون اتی عزل ایله بلغرا ده دیگر بر محافظ
 تعیین ایلمک لری اشعار اولنمش اولمس ایله ارتق بلغراد

افکارندن صرف نظرله موکب همایون مجارستان
ایچنه یوریدلمک ایستلندی .

لکن قرال جدید طرفندن دخی متعاقباً نامه وهدایا
ایله سفیر مخصوص کله رک قرال سابق زمانده منعقد
اولان عهدک بقاسی ودولت علیه به هر سنه ویرلسی
تعهد اولنان ویرکونک دوام اعطاسی قبول وتصدیق
ایدلمش اولدیغیدن مجارستانه کیدلمکده ایجاب قلمدیغنه
مبنی اردوی همایون (صوفیه) دن (مناستر)
طریقله ارناوداغله یوریدلدی .

ذات شاهانه یکریمی درت کون (تپهدان)
قصبه سنده ارام ایدرک بوایامده وزیر اعظم (داود
پاشا) قومانده سیله اردوی اطرافه سوق ایله
ارناوداغک خیلی محملارینی تسخیر وعصاادن کلی نفوس
اسیر ایتدیروب عرض اطاعت ایدن اهالی رعایا سلیمکنه
ادخال واسباب ضبط واداره استکمال اولندقدن صکره
موکب پادشاهی پای تخته عودت ایلدی .

بیان اولسان سفر هما یوندن عودت اولنورکن مناستر
ایله پرایه ارسنده درویش شکننده برشتی پادشاهک
کجه جکی طار بر یولک اوزرنده طوروب موکب همایون
مرور ایدرکن عیاسنک التنده صاقلادینغی قلیچی تشهر
ایدرک خنکاری اوزمق قصدیلله هجوم ایتدی . هله
رکاب شاهانده بولنان (اسکندر پاشا) یتیشه رک
اورمغه میدان بر اقامتسزین بر (ششپر) ضربیلله
شقی مر قومک باشنی ازدی .

بووقعه نک اوزرینه ممالک شاهانده او یله درویش
صورتنده کزینن نقدر سرسری وقلندر مقوله سی
اشخاض واریسه دفع وطر دایدلیدیکی مثللا واسفار
شاهانده و دیوان [*] کونلرنده خدمت و محافظه

[*] اش بودیوان صدر اعظمندن وقبه التی وزراسی
دینبلان وکلادن وقاضی عسکرلردن مرکب اوله رق
سرای همایونده ایام مخصوصده عقد اولنور بر مجلس
کبیر عالی اولوب بونده پادشاهان حضراتی جریان
عدالتنه ناظر بولندقلری حالدیه استماع دعاوی و فصل

شهریاری به معین اولان خدمه خاصه و قپوچی
 ظائقنک مسلح بولنوبده اومقواه سوء قصده بولسانلره
 دقت ایتملی اصول اتخاذا ایدلمشدر •
 موکب همایونک (ادرنه) به وضولنده (استانبولده)
 شدتلی و باخسته اغی بولندیغندن بونک اندفاعنه قدر
 حضرت پادشاه درت ای ادرنده اقامت و عالت
 مذکورنک اندفاعنده استانبولی تشریفه رغبت
 پیورمشلدر •

§

﴿ مجارستانه افتجی سوقی ﴾

(سکز یوز طقسان سکز) سنه سنده مجارلونک نقض
 عهد ایله ممالک محروسه به بعض مرتبه تجاوز ایتدیکی
 عتبه شاهانه به عرض اولندیغندن بالمقابله انکروس
 الکانی چاپول ایدلمک اوزره (سمندره) والیسی

خصوصات عمومیه ایدیلوردی • طوپ قپوسرای
 همایوننده بولسان دیوان یری جالاموجوددر •

میخال زاده علی بک یکریمی بیک اقبجی عسکر یله
مجارستانه سوق اولندی .

اقبجی طاقی اسکی اصولارندن اولدیغی وجهله بغما
وغارته قویولدقلرندن مجار اولر بونلرک رجعت خطلرند
بولانان در بندلره عساکر کافیه تعبیه ایدرک عودتلیرینه
قدر مقابله قیدنده بولمادیلر .

اقبجیلر ایستدکلری کبی چاپول ایتد کدن صکره ممالک
محروسه یه عودت ایلک اوزره غافلانه در بندلره واصل
اولدقلرند مجار اولرک خرواتلق بانلرندن (دردنجنی)
نام سردار قومانداسیله پوصولره صاقنسان عسکر
میدانه چیقهرق سل سیف ایله حر به کیرشدکلرندن
وعساکر عثمانیه هم پوصولده دشمن بولانسندن غافل
همده برچوق اشیا ی معتمنه بی حامل اواق ملابسسه سیله
حسن مدافعه یه مقتدر اوله مدقلرندن اکثریسی
شهید اولدی .

علی بک بیک زحمله بقیه عساکر سیمت سلامت
چیقاره بیلدی .

بوسنه بكار بكیسی یعقوب پاشانك خروا تلقدہ

مظفرتی

میخال زاده علی بك فرقه سنك مجارستانه هجوم
ایتدیلمسنه مقابل مجار قرالی دخی (بوسنه) اوزرینه
قوهٔ عسکریه سوق و تسلیطنه قرار ویرهك ینه اسمی
سبقت ایدن (ردنجینی) قومانداسنده اولق اوزره مجار
و خروات طاقندن و پاپانك اعانه صورتیله كوندرمش
اولدیغی ایکی بیک (ایتالیان) عسکرندن مرکب براردو
ترتیب ایتدی .

خروا تلق رؤء ساسندن (کراخا) نام بان سلطنت سنیه
مطاوعت و حایبندده بولندیغیچون بو اردو اولاکراخانك
زیر حکومتنده کی ممالکه هجوم ایلدی .

بوسنه بكار بكیسی یعقوب پاشا مجار لونك تصوراتنی
اولجه بالتحقیق باب عالی دولتیه عرض ایلد دشمنك مدافعه سنه
مأمور اولمشیدی .

بناء علیه مجار اردوسنی بوسنه قطعہ سنه ایاق باصدر متعسزین

ایلروده قارشوایوب چار شمشق اوزره بوسنده دلاور لرینی
 بالاستصحاب خرواتلمنه طوغری یوریدی . وائسای
 راهده - حضرت فاتح زماننده فتح و تسخیر اولمشیکن
 مؤخرأ نصلسه مجارلویه کچمش اولان - (بایجه)
 قلعه سنی حصر و تضییق و بایجه محافظی (میخال) بر
 ارهلق قوه موجوده سیله قلعه خارجه چقهرق وقوع
 بولان محاریده میخالی فنا حالدہ مغلوب وینه قلعه یه
 طیقلمغه اجبار ایتدی .

بو ائناده مجار اردوسنک خراتلمغه ککرخانک زیر
 محافظه سنده بولنان قلعه لری محاصره ایتدیکی یعقوب
 پاشانک سموعی اولسیله بایجه نک محاصره سنی ترکه
 (استرویجه) طریقندن (اونه) نهری کوپریسندن
 (اسلاونیا) یه مرور ایدرک اون بش کوندن زیاده او
 طرفلری عساکر اسلامیه یه غارت ایتدیردکن صکره
 مجار اردوسی قوماندانی درنجینی نک حکمدار اولدیغی
 مالکه داخل اولدی .

درنجینی کندی حکومتکاهنه عثمانلو عسکرینک هجو منی

ایشیدنیجه بتون قوتنی طوپلایوب عسا کر عثمانیدی
مدافعه به قوشدی .

یعقوب پاشا ایسه (سادوار) نام در بنددن کچه رک
اوجوارده واقع بر معمور شهرده درنجینک محفوظ بولنان
کلی اسلحه سنی ضبط و اغتنام ایتش ایدی .

حاصلی : (سکز یوز طقسان سکز) سنه سی ذی
الحجه سنک یدنجی کونی (قربوا) نام موقعده
طرفین بر برینی بولوب محاربه به کیرشدیلر .

دشمن عسکرینک اکثریسی زرھلی سواری اوله رق
هددجه دخی بزم عسکر دن زیاده ایدیسده یعقوب
پاشانک بسالت و مهارتی عثمانلی بهادرلرینک شجاعت
و غیرت مسئله لریله برلشدیگندن نسیم ظفر عسا کر
اسلامیه به یاور اوله رق اعدا منھزم اولدی . و درنجی
دخی بر عثمانلی قهرمانک انه دوشه رک اسیراً یعقوب
پاشانک حضورینه کتورلدی .

بو محاربه ده دشمندن طقوز بیک بش یوز نفر مقتول

بولنوب اون بیک قدرده اسیر الندیغی یعقوب پاشانک
 بو وقعہ بی شامل بر منظومہ سندہ مصر حدر .
 یعقوب پاشا درنجینی بی سائر اسرا ایلہ برابر پای تختہ
 اعزام و تفصیل مظفریتی طرف پادشاهی بہ عرض
 واعلام اتمسایلہ درنجینی قرہ حصار صاحبده حبس
 و تسجین و خدمات مشکورہ سنی تقدیراً یعقوب پاشایہ
 جانب شاهانہ دن مرصع قلیج و طونامش اتلرا احسان
 بیورلدیغی مثلوه اموریتی دخی اوزمانلره کورہ ولایت
 ماموریتلرینک برنجیسی عد اولنسان روم ایلی بکار
 بکیلکنہ تحویل و بوسنہ یه ده (یحیی پاشا) تعیین
 اولندی . واره دن چوق کچمکسزین یعقوب پاشارکاب
 وزیراسی سلکنہ الندی .

§

﴿ بالی بیک لهستانہ سفری ﴾

بر قاج سننلر دوات غلبہ جہ برکونہ غائلہ ظہور
 انجوب (طنوز یوز ایکی) سنہ سندہ لهستان سفری
 اچمشدرن .

شویله که : (له) قرالی ممالک محروسه به تجاوز ایتک
تصورنده بولنوب فقط بو تصورک فعله کتورلمسی
بغدانلوی اله المقله حاصل اوله جغندن بغدان بکنی
دائرةً اتفاقنه دعوت ابتدی .

بغدان بکی سلطنت سنیه دن دفعاتله کوردیکی تأدیبات
ایله اوصلاشمش اولدیغندن شمعی دولت علیه به
مربوط بولانان رشته مطاوعتی قیریمده لهلونک اتفاقنه
کیره جک اولسه دولت علیه طرفندن پک بیوک قهر
وتدمیره اوغرایه جغنی تفکر ایدرک و فقط لهلوی دخی
اچیقندن اچیغه قیرمغی ایستیه رک بروجه آتی بردسیسه
قولانندی .

بغدان بکی - دولت علیه نک قوه قاهره سنه قارشو
کلمک کندوسنجه مشکل اوله جغنه دائرة - له قرالنه
ملایمانه وریاکارانیه بر جواب کوندره کله برابر لهلونک
تصوراتندن و کندوسنه اولان تکلیفندن بئمله امرای
دولت علیه دن برینک سریراً بغدانه کوندرلمسینی دخی
جانب باب عالی به اشعار ایتش اولدیغنه مبنی امرای

حدوددن بریسی التی یوز قدر عسکرله بغدادنه
کوندرلدی .

بک بوجزئی عسکری کویا دولت علیه نک بغدادن دایهنده
ترتیب ایتدیگی بر اردونک طلیعه سی حکمنده قویوب
و بغدادن عسکرندن دخی درت بیک قدر کزیده و جنکاور
نفراتی عثمانلی البسه سی الباسیله بر موقعه تعبیه
ایدوب - بغدادنه عثمانلی اردوسنک چرخه جی فرقه سی
کیرمشدر ، بونلرک مدافعه سیچون همان بش التی بیک
له عسکری یتشدیر - دیوله قرالنه ساخته فریاد نامه
کوندردی .

قرال بکک خفی پولتیقه سندن بیخبر اولدیغی حالده
استمدادینی حقیقی قیاسیله لاجل الامداد التی بیک زرهللی
سواری چیقاردی .

بوسوار یلرغا فلانه بغدادن داخلنده بر همیشه نکه
کیردکلرنده اوراده پوصو طوتان عثمانلی و عثمانلی
قیافنده کی بغدادنی عسکر بردن بره هجوم ایتلریله
لهلولر شاشیروب درجنک اول منهرزم اولدقلرندن او

التی بیک سوار بیک انجق بیک نفری قورتیله ییلدی .
 ماعداسنک بر طاقی تلف و بر طاقی اسیر اولدی .
 بغداد بکنک اشبو خدمتی نزد شاهانده بالتقدیر التونلی
 و مرصع (اسکف) و سائر هدایا ارساله تلطیف
 یورلدی .

اهلو دولت علیه علیه ایته بکی تصورات عداوتکاری به
 مقابل شو صورتله بر تأدیب کورمش دیمکسه ده باب عالی
 بو قدر جق تأدیبی کافی کوره مدیکندن لایقیله اخذ
 انتقام اولنق ایچون (سلسه تیره) بکی مالتوج زاده
 (بالی) بک قرق بیک عسکر دن مرکب بر اردو ایله
 لهستانه مأمور ایلدی .

یواردو (بغدادانه) واصل اولنجیه بغداد بکی
 دخی التحاق ایدرک (طوره) نهری اوزرینه
 کوپری انشاسیله لهستان دروننه یوریلدی .

بالی بک لهستانک هر طرفی عساکر عثمانیه به دور ایندیروب
 مقابله سنه کلان دشمنی حرباً قهر و تنکیب و پک چوق
 قلاع و قصباتی تخریب ایلدیرک و عسکره کلی مال

غنیمت واسیر الدیره رق (کلی) و (اق کرمان)
 طریقیله عودت ایلدی .

§

﴿ موره سفری ﴾

موره قطعہ سنده اولوب (وندیک) دولتی اداره سنده
 قلان (اینه بختی) (متون) و (قرون) نام
 محلاک تسخیری دولت علیه نک جمله منافعندن بولنسیله
 سلطان بایزید حضرتلری بالذات اوحوالی یه سفر ایتک
 نیتیله (طقوز بوز درت) سنه سنده بری و بحری
 تدارکات جسمیه حربیه یه تشبث بیوردقلری مثلا واردوی
 همایون (موره) جاننده کیدنجه وندیکلونک دخی
 (بوسنه) طرفنه تسلط ایتسی ملحوظ اوله رق
 دشمنک اورالره تجاوزاتنه قارشو طور مغه مقتدر
 حرب ازما بوزیرک (بوسنه) ده بولندیرلمسی
 الزم واهم وفایح زماننده بوسنه والیلکننده بولنمش
 اولان متعاقدین وزیرادن (اسکندر پاشا) نک

جلادت و اہلیتی مسلم اولد بے پاشا ای مشار الیھی
دخی (یحیی پاشا) یرینه بوسنہ یه والی تعیین
ایتدیلم .

موکب پادشاهی مورہ یه یور بکده اولسون بزاولا
(اسکندر) پاشانک حرکات و مظفریاتنی ایراد
ایدہلم :

اسکندر پاشا بوسنہ یه بانعزیمه پای تختدن الدیغی
تعلیمات موجنبجه و ندیکلوینی اوجهتدن اشغال ایتک
اوزره و ندیک ممالکندن (رادینہ) یه هجوم ایلدی .
واورالجه نائل ظفر اوله رق مظفریات واقعه سنی طرف
پادشاهی یه عرض ایتدی . او اثناده موکب شاهانه
اینه بختی یه قریب بر موقعه واصل اولمشیدی .
اسکندر پاشانک حرکت و موفقیتی طرف شاهانه دن
بالتقدیر (و ندیک) ممالکنی تضییقه دوام ایلدسیچون
یکیدن امر و تعلیمات کوندرلمس یله اسکندر پاشا
(و ندسیا) نک پک چوق رلرینی افین طریق یله دور
ایدک و برقاچ موقعه ظهوره کلان محار بانق قرانه رق

مظفراً و مغتناً مقر مأمورینده دوندی . والدیغی
اسرانک خمسی اولق اوزره پادشاهه ایکی بوز کنج
کوله کوندردی .

موکب همایونک حرکاتنه کلام :

اوزمانلر دولت علیه نك بحراً قوجندیغی و نديك دوتی
ایدی . انی تهدیده مقتدر اوله بيلك ایچون پادشاه
قوهٔ بحریه مزك تزیدینه صرف همته ایکی سنددنبرو
ترسانهٔ عامر دهه متعدد سفاین حربیه انشا ایتدیردکلی
صرده اووقته قدر امتیالی کورلماش صورتده
(کوکه) تعبیر اولور ایکی قطعه بیوک قالیون

یاپردی . بونلرک طولاری یتشرزراع ایدی .

بو قلیونلرک بری مشهور (کمال) و دیگری (براق)
رئیس قومانداسنه ویریلهرک اوچ یوز قدر سفاین
متوعه ایله قیودان دریا (داود پاشا) مورده صورینه
کیتمک اوزره دریا به چیقارلقدن صکره موکب همایون
دخی سنهٔ مر قومه شوانده حرکت ایلدی .

موکب همایون (وارداریکجه سی) حوالیسنه واصل

اونجه اولجه کیدوب (اینه بختی) بی حصر
 وتضیق ایتک ایچون روم ایلی بکر بکیسی (مصطفی
 پاشا) عموم روم ایلی عسکر یله ایلرویه کوندرلسیله
 مصطفی پاشا اینه بختی بی برأ تحت محاصره یه الدی .

لکن دونمای هم ایون مخالف هواره تصادفه اوچ
 ایدن زیاده دریا یوزنده طولاشد قدن صکره اینه بختی یه
 یاقلاشمش ایکن برشدید فورتنه ده ظاهر یله
 (متون) قلعه سنک جانب جنوبیسنده واقع رجزیره
 ایمانه دوشوب قپاشمش وکیلرده صووذخیره قالدیغندن
 ودشمنک ممانعتیله ساحله ده چیقمه مدقلرندن عساکر
 بحریه مزک خاناری پک فناشمش ایدی .

دونتانک بومضایقه سی (موره سنجاغی) بکی خلیل
 پاشا طرفندن بالاستخبار اوکونلرده اینه بختی یه فریب
 (چتالجه) نام صحرایه واصل اولان حضرت
 پادشاهه درحال عرنش و اشعار اولنمسیله دونتانک ورطه
 تهلکه دن قورتارلسیچون وزرای بنامدن صدر سابق
 هر سک زاده (احمد پاشا) یه اناطولی سوار یلریله

برابر ایکی بیگ ایکی چری ترفیق و یکی چری بلراتلره
 ارکاب اولنه رفق کمال سترعتله دونماتک قپاندیغی
 محلاک قارشو ساحلنه کوندرادی . واینه بختی موقعی
 ایام صیفده پک سیحاق یابدیغندن پادشاه اینه بختی به
 کیتیبوب اورابه قریب وهواسی لطیف بریایلانسه
 عزیمتله مصطفی پاشا اردوسنه پی در پی امداد
 کوندرامکله تقویت ویرلمکله باشلاندى .

احمد پاشا سیرسریع ایله بور ییوب (متون) ساحلنه
 مواصلت ایتدیگی صروده دونماتک همایون دخی
 موافق برروز کار بوله رفق معهود لیماندن چیتیه بیلش
 و مساط اولان دشمن دونماتکله طوبلاش رفق (الوهش)
 نام محلاک حذاسنه کلمش ایدی . احمد پاشا موجود
 عسکر و ذخایر ایله برابر بوراده دونماتک همایوننه دخوله
 موفق اولدی . دونماتک همایون احمد پاشانک زاد و ذخیره
 ایله ورودندن کسب قوت ایتدیسه ده یوز اللی قطعهدن
 زیاده مکمل دشمن سفاینی اولجه اینه بختی لیمانی
 بوغازینی طوتش اولدیغندن ایشته بوراده دونماتک

همایون غایت قانلو بر شمار به بد طوتمغده مجبور اولدی .
 شویله که : وندی کلورک محاربه بحر به ده مهسارت
 مسله دلزندن ماعدا دوتغای همایون اوچ ایدن زیاده
 فورتنه لر کوره رک ایچنده کی عسکر مشاق دریادن وقت
 ذخایردن طولایی ضعیف دوشد کلارندن دوتغای
 همایونک دشمن دوتغاسنی یارو بده اینه بنجی بوغازندن
 ایچرو به کچمسی محال حکمنده کورینوردی .

لیکن عثمانلوانک شعایر مدوحه و متمنازه سندن بریده
 صوک درجه یه کلد کجده - دشمن از اولسون چوق
 اولسون - فراری ارتکاب ایتمک شیمه سی اولدیغندن
 دوتغای همایون دشمنک کثرت وقوتنی کان لم یکن
 حکمنده طوته رق همان بوغازه حمله ایتدی . و محاربه یه
 کیرشدی . طرفین یکدیگرینه یاغور کبی کله یاغدره قده
 اولدقلری صروده دشمنک بیکر نفر جنکچی عسکرینی
 حامل ایکی بیوک قالیونیه بشر بوز نفرلی بر (ومانه)
 ویز (پارجه) سفینه لری (براق) رئیسک سوار

اولديغی قابونی اورتلرینه الهرق (رانپسا)
 ایتک اوزره قلاب وزنجیرلر ایله یاپسدیلر .
 قالیون همایونده بولنان قهرمانلر اطرافه آتشلر صاچغه
 باشلیوب وهله اولاده دشمنک ماونه و پارچه سنی ضرب
 دانه طوب ایله غرق ایتدکلرندن بونلرده کی بیک قدر
 دشمن عسکری دکره دوکیله رک اکثریسی
 بوغوالدی . و برطاقنی دخی عساکر سفاین اسلامیه
 قانجه لره طویلادی .
 فقط براق رئیس دشمن قابونلرینک اورته سنده
 ضیقیلوب قالیون همایونی قورتارمغه بدرلوجاره
 بوله مدیغندن دشمن قابونلرینه آتش و یرمسبیله
 هم انلرهمده قالیون همایون یاندی . و براق رئیس
 ایله قالیونده بولنان (یکی شهر بکی کمال بک) و بشیوز
 قدر عساکر اسلامیه شهید اولدی .
 قالیون همایون عسکرندن بدی یوز قدری یوزه رک سائر
 سفاین اسلامیه چقبوب قورتلدیلر سده دشمن
 قالیونلرنده کی ایکی بیک عسکرندن دل قورتلدی .

و بونلره مؤخرأ امداده كلان ديكبر دشمن قاليونى دىنى
 دوتماى همايون طرفندن ضبط اولدى .
 براق رئيس كى فن بخريده يكانه بر قپودانك شهادتى
 بخريده جه بيوك ضايعاتدن و محسرتق اولان قاليوندن
 وسائر سقايندن خيلى مجاهدين اسلاميه نك تلف اولسى
 دىنى تأسف اولنور حالاتدن ايديسه ده (و نديك)
 دوتماسى پك چوق خساراته اوغرا دىغى حاله پلاس
 پاندراس فرار انكتنى طوتديغندن مظفر يت ميدانى
 ينه عثمانليده قالدى . و دوتماى همايون ظفر
 بايراقلىرى اچهرق (اينه بختى) ايماننه دخول ايله قلعه
 بحرأ دىنى ابلوقه ايدلى .
 اينه بختى محافظى - دوتماى همايون كلوبده قلعه ي
 صاره جق اولورسه تسليمه مجبور اوله جغنى - اولجه واقع
 اولان تسليم تكلينى اوزرينه مصطفى پاشايه بيان ايتش
 ايدى . فى الحقيقه دوتماى همايون ليمانده كيرنجده
 محافظ بالاستيمان قلعه نك تسليمه مسارعت
 كوستردى .

(طقوز یوز بش) سـنـه سی محرک یکر می او چنجی
 کونی اینه بختی قلعه سی مصطفی پاشا طرفندن ضبط
 اوله رق قلعه نك مفتاح لری حضور پادشاهی به تقدیم
 اولندی .

هرسك زاده احمد پاشا دخی دوتمان چیقوب خاکپای
 شاهانه به یوز سوردی .

اشبو اینه بختی فتحنه دائر (طقوز یوز بش سـنـه سی
 صفر نك اوائلی) تاریخچه مؤرخا ممالک محروسه به
 نشر اولمش اولان فتحنامه همـایونك بر صورتی [۱]
 اشارتیه ذیل جلدده ترقیم اولنور .

مؤسم شتا تقرب ایدوب موکب همایونك پای تخته
 عودتنه لزوم کورنمش ایسه ده اردونك عودتی حالنده
 دشمنك ینه کله رك (اینه بختی) بی استرداد ایتمسی
 ملحوظ اولدیغندن بو محذورك دقیمیچون دوتمانك (امور
 بك ایمانی) دینیلان ایمانده قشلا دلمسنه و دشمن سفاینك
 دخوننه مانع اولوق اوزره اینه بختی بوغاز ینه قارشو قارشو
 ایکی طایه باپلمسنه قرار ویریله رك وطایه رك انشاسنه

روم ایلی و اناطولی بکلی بکیلی (مصطفی) و (سنان)
 پاشا و کله جک یاز (متون) و (قرون) قلعه لرینک
 تسخیرلنده قوللانمق ایچون (پروزه) ایمانده قرق
 قطعه (ماونه) سفاینی انشاسنه دخی پروزه بکی
 (مصطفی بک) مأمورایدیله رک موکب شاهانه (ادرنه) به
 عودت ایلدی .

§

پادشاه یوقاریده بیان اولان یا یلاقده بولندیغی اثناده
 وزیر اعظم (ابراهیم پاشا) حلول اجله ارتحال
 ایتمش اولدیغندن برینه موکب همایونک ادرنه به عودتی
 صروده ایضای فریضه حج ایله حجازدن عودت ایلمش
 اولان قوجه (مسیح پاشا) تعیین اولمشدر .

§

﴿ متون و قرون قلعه لرینک فتحی ﴾

(پروزه) بکی مصطفی بک انشاسنه مأمور اولدیغی
 قرق قطعه سفایندن بکرمی قطعه سنی ایام شتاده اکل

ایدرك دریاہ ایندر مش ایدی . بر کبچہ علی الغفلہ (وندیک)
 دو نمانسی (پروزہ) ساحلنہ بالور و دبو کیلری احراق ایتد کدن
 صکرہ قلاع خاقانیدن (رایتقہ) نام قلعه نك محاصرہ
 و ترضیقنہ ایتدار ایلدی .

رایقہ قلعه سی محافظلری اطرافدہ بولنسان امرای
 عثمانیہ دن استمداد ایتشلر سہدہ موسم شتا اولق مناسبیلہ
 مصطفی بکدن ماعداد امدادہ کیدن اولدی . اودخی
 وقتیلہ یتیشہ مدیکنندن رایتقہ قلعه سی دست اعدایہ
 کرتار اولدی .

مصطفی بک رایتقہ یہ واصل اولدیغی زمان قلعه بی
 دشمن یندنہ بولدیغندن تکرار استخلاصیچون خبلی
 چالشمش و حتی برادری حین محاربه دہ شہید دوشہ رک
 کندوسیدہ کلہ ایلہ ایاغندن یارہ لشمش ایدی . لیکن یانندہ
 طوپ بولمدیغی جهتلہ سعی واقدام نك بر فائدہ سی
 اولہ مدیغندن کیرویه دونوب هنوز دستکاهدہ بولنسان
 دیگر یکر می قطعہ ماونہ سفینہ لر نك اکلانہ غیرت
 ووقوعاتی - ووندیک دولتی اوروپا حکم دار لرینی
 سلطنت سنید علیہنہ اتقاقہ دعوت ایتمش اولدیغندن

جمله سنک بر او بجزر امهاجمه به حاضر لقمده اولدقلربی
استخبار ایندیکنی - باب عالی به بیلدیرمکه مسارعت
کوستردی .

مصطفی بکک شواشعاری اورزربنه (موره) جهتده
قوه عسکریه عثمانیه نك تزییدی دولتخدههم کور بلهرك
ایام صیف حلوايله موکب همایونک وصولنه قدر
(اینه بختی) لیمانده بولسان کیلرک ترمیماتی بالاجرا
اینگ بهارده (متون) قلعهسی ابلوقه ایدلک ایچون
وزیر (یعقوب پاشا) عزب و مسلم طائفدلرندن اون
ایکی بیکدن زیاده پیاده ابله بکرمی بیک سوار بدن و بر مقدار
یکی چری هسکرندن مرکب برفرقه بده سردار تعیینله
در حال موریه اعزام اولندی . مذکور (طقوز یوز
بش) سنهسی رمضان اوائلنده موسم بهاروزمان
سفر و پیکار ایرشمسبیله موکب پادشاهی ادرندن
حرکت ایدرک آهسته رفتار ایله ذی الحججه اوائلده موره
داخلنده کائن (لوندار) واصل اولدی .
واون سکر کون لوندارده ارام اولنهرق بو اثناده یعقوب

پاشانك دوتماي همایونی قالدیروب (متون)
 قلعه سنی محاصره ایتدیکی استخبار اولندیغندن موکب
 همایون دخی اوندارد قالقهرق متون اوزرینه
 واردی .

روم ایلی صنوف عسکر به سی موکب همایونک وصولندن
 برماه مقدم ودوتماي همایون دهاسکرهجه متونی
 صارمش اولوب موکب شاهانه نك وصولندن صکره
 امر محاصره برأ و بجرأ تشدید ایدلمش و قلعه نك برج
 و باروسی صدمات دانه طوب ایله تخریب اولدیهرق
 قنج و تسخیری قوه قریبه به کتیرلمش ایکن وندیکلونک
 وسائر منفعلر نك ترتیب ایتدکاری مکمل دوتما برکون
 بردن برده روتماي همایونک اوزرینه هجوم ایتدی .
 هجوم ایتدی امدوتماي عثمانینک آتشنه طیانه میوب
 مغلوباً رجعت قهقری به مجبور اولدی .

بومحاربه بخریه ده وندکلونک چند قطعه سفینه لری
 عثمانلو دوتماي طرفندن ضبط و برقطعه سفینه لری
 دخی غرق ایدیله رك ضبط اولنان سفینه لره کی جنکچیلر
 محصورله رغماً قلعه به قارشو صلب اولندی .

« اسرا قتل و صلبی او عصر لرده تدابیر حر بیسدن
 عد او انور و هر دولجه مرعی طو تیلور بقاعده غیر
 محقه اوله رق اعصار اخیرده بومنا سبتسرتک دنیانک
 هر طرفنده منع اولمئسدر . »

بونک اوزرینه محصورلره یأس کلوبده قلعه بی امان
 ایله تسلیم ایتملری امید او انوردی . لیکن قلعه نیک
 فوق العاده متانیدله برابر ایچنده کی طو پییلر ماهر
 اولدقلرندن فتور کتور میه رک مدافعه ده دوام
 کوسرتدیله .

تمدید محاصره ایله قلعه نیک تسخیری قابل اوله میه جنندن
 یوریدیش ایلمکه قرار ویریله رک اردوی همایون
 بوتدیر ایله مشغول اولدیغی حالدده و ندیکل ونک بر قاج
 بیک تفنک انداز جنکچی بی و برچوق مهمات حر بی بی
 حامل اوله رق درت قطعه جسمیم قدرغه بی
 صیغتی بر روز کار ایله سنه مر قومه محرمنک اون
 دزدنجی کونی بر ایکنیدی وقتنده دوتنای همایونک

ایچندن کچوب مهمات و جنگجیلری قره‌یه دو کدن صکره
قدرغه‌لی عثمانلو‌یه قالماق ایچون یاقدی‌لر .

بویکی کلان عسکر و مهمات ایله قلعه یکی‌دن قوت
الهرق امر تسخیر بتون بتون صارپه صارده‌جغندن
دشمن عسکر و مهمات وارده‌نی قلعه‌یه المق مشغولیتنده
ایکن همان یوریش ایدلسی تنسیب اولنه‌رق عموم عسکره
هجوم امری ویرلدیکندن مجاهدین عثمانیه اولدک‌لرینه
قالد‌لرینه باقیوب درون قلعه‌یه آت‌لدی‌لر .

محصولر دخی محافظه جان و وطن غیرتیه مدافعه
و محاربه‌ده جلادت کوسه‌تردک‌لرندن ایکندی وقتندن
اقشامه واقشامدن تا صباحه قدر متونک ایچنده
طرفین یقه‌یقه‌یه برحرب ایتدی‌لر که قانلر سیل کبی روان
وعساکر اسلامیه طرفندن مملکتک هر جاننده آتش ویریله‌رک
بتون اخشاب ابنیه سوزان اولدی . صباح
اولجه دشمنک مدافعه‌سی منقطع اوله‌رق قلعه‌بدنلری
عثمانلو سنج‌اقلریله طونادالیدی . و کار کیر ابنیه

ایچنیده و کوشه ده بوچاقده بوانان دشمندن جنکچی
 طاقی اعدام اواندرق سائرلی کاملاً اسیر ایدلدی .
 پادشاه مظفر سپاه متونی بووجهله ضبط ایله قلعه نك
 خراب اولان برج و باروسنك تعمیراتنه مأمورلر تعیین
 یوردقلری مثلاً و زرادن (خادم علی پاشا) بی
 دوئتا سرداری نصیله قبودان دریا (داود پاشا) ایله
 برابر (قرون) قلعه سنك تسخیر چون سوق ایدیلر .
 علی پاشا دوئتا ایله متوندن اولان (انورین) اوزرینه
 کیدوب اوراسنی امان اعطاسیله فتح ایدرک کیفیتی
 حضور پادشاهی به عرض ایتدکده حسن خدمتی
 باله تقدیر قرونك تسهیل استیلاسی چون امداد اوله رق
 (یعتوب پاشا) بی دخی برطاقم کزیده عسکرله
 تسیر یوردیلر .
 سردار علی پاشا انوریندن قرونه متوجهاً حرکتله
 برابر - قلعه بلا محاربه تسلیم اولور ایسه مال و جانلرینه
 امان و یريله جککنسه دائر - قرون محافظنه بر خیر
 کوندردی .

متاتله مشهور اولان (متون) قلعه سنک بيله سطوت
 قاهره عثمانی به طیانہ میوب اہالیسنک انواع فلاکتہ
 اوغراد قرینی (قرون) محافظی تفکر ایله پاشانک
 شو تکلیفی مع المنونیه قبول و مال و عیال لر یله فرنگستانہ
 نقلارینه مساعده اولنق شرطیله قلعه سنک تسلیمہ
 موافقت ایتسیله علی پاشا قرونی دخی ممالک عثمانیہ
 سلیمکنہ ادخال و بروجہ عہد و امان اہالیسنی کاملاً
 سفینہ لره ارکاباً ایستدکری محلا ره اعزام و ارسال
 ایتدکن صکرہ متونہ عودتله خاکپای شاهانہ به یوز
 سوروب فتوحاتی عرض ایلدی .

پادشاه مورہ قطعہ سنک والیلکنی (سرہستی)
 طریقہ علی پاشاہ تفویض و بوقطعه ده اولوب ہوز
 (وندی کلی) یندنہ بوانان بعض محلا ری دخی استیلا
 ایتک اوزرہ مشار الیہک رفاقتنہ لزومی قدر عسکر ترک
 ایدرک کندولری ادرنہ به عودت و ادرنہ ده قرق کون
 قدر بعد الارام استانبول پای تختینی تشریفہ رغبت
 بیوردیلر .

﴿ اناوارینک وندیکو طرفندن ضبطیله تکرار

﴿ استخلاصی

علی پاشا مأموریتی وجهله هنوز اعدا تصرفنده بولان
(اتیقه) و (صوسه) نام قلعه لک استیلاسیچون
اوطرفله عزیمت ایتشیدی .

بوصرده (وندیک) دوتنلی بغنه (اناوارین)
اوزینه کله لک اطراف وانحاسنده کی رلونک انضمام
معاونت لریله اناوارین ضبط ایتدیلر .

کیفیت علی پاشانک مسموعی اولنجده در حال قوه موجوده سیله
اناوارینه واروب قلعه نك برأ محاصره سنه مسارعتله
برابر چونکه بتون دوتنلی همایون پادشاهک عودتارنده
استانبول لیماننه چکلش اولدیغندن و اناوارینک
استخلاصی ایسه سفاین حریه به محتاج کورندیکندن
ایجابی قدر کی بتشدیرلسنی طرف شاهانه دن استدعا
ایلدی .

بو خبر پای تننه واصل اولدیغنی آند قبودان (کمال

رئیس (قوماندۀ سیله اوتوز قطعہ سفاین متنوعہ دن
مرکب بر دو تنما چقارادی .

کال رئیس موافق هوا ایله از وقت ایچندہ (اناوارین)،
یتیشہ رک همان ایماندہ بولانان وندیک دو تنمائی اوزرینہ
هجوم ایله درجنک اول دشمن سفاینک سکن قطعہ سنی
ضبط ایلدی . دیگر لریده فراره مجبور اولدی .

بوصرہ ده علی پاشا دخی عسا کر بر بہ یہ هجوم امری
ویرمسیلہ مجاہدین اسلامیه درون قلعه یہ دخول ایدرک
دشمنک اوچ بیک نفوسی حرباً اتلاف و مملکت استیلا
اولدی . ووندیکلی دن درتیوز قدر ضابطان طاقی
ایچ قلعه یہ قیانونب امان طلبندہ بولند قنرندن بونلر دخی
امان اعطاسیلہ ایستد کلری محللرہ کوندرلدی .

علی پاشا بوندن صکرہ تکرار (انیقه) و (اصوسہ)
قلعه لری اوزرینہ یورو یوب انیقه قلعه سنی محاربه
شدیدہ جریانیله جبراً و عنوةً و اصوسہ قلعه سنی دخی
بالتضیق استیماً افتح و تسخیر ایلش و بونلر کده استیلا سیله

(موره) نیم جزیره سی کاملاً ادارهٔ سلطنت سنییه
یکمشر .

« او ائناده (انداس) قطعاً سندہ کی دولت اسلامیہ نک
کلیاً انقراضیله اسپانیولارک - وحشیلرک بیلہ تجویز
ایتمہ جکاری بر صورت شنیعهده - ارتکاب ایتدکاری
حرکات معلومهٔ حیرت فزایندن طولانی پریشان اولان
نفوس اسلامیهدن بر طاقی موره بکلمریله اورالره
اسکان وایوا ایدلمشردر »

§

﴿ قرمانده ینه براختلال ﴾

قرمان زاده متوفی (ابراهیم) بکک برادری (ایمرزه)
بکک مصطفی نامنده بر حقیقی اوله رق حال صباوتنده
وحکومت قرمانیه نک انقراضی ائناسنده دیار ایرانه
قاچیرلش ایش .

بو مصطفی اولوق اوزره حضرت پادشاه (متون)
سفرنده ایکن دیار قرمانه بر شخص کله رک دائمافساد

واختلاله مستعد ومهیا بولنان (طورغود) و(ورساق)
 عشرتلی رؤسای حکومت منقرضه قرمانده بی احیا
 ایتک زعیله بو شخصک باشنه طو پلانوب رفع اوای عصیان
 ونواحی وقرایی یغما وتالان ایلمش وایچ ایل سنجاغنی
 ضبط ایله برابر (لارنده) بی دخی تحت محاصره
 المش اولدقلری متونده پادشاهه عرض اولندی .
 اما سید والیسی شهرزاده (احمد) ک ولایتی عسکرینی
 بالاستصحاب سر یعا قرمانه عزیمتله شو حادثه نک دفعنه
 همت ایتمی ضمنده مشارالیهه وانک ورودینه قدر
 اشقیانک ممکن مرتبه منع تجاوز ونخطیرینه اعتنا
 ایلمسی ایچون قرمان والیسی شهرزاده (شهنشاه) ک
 مخدومی اولوب (بک شهری) سنجاغنی حاکی بولنان
 کوچک شهرزاده (محمد شاه) فرمانلری یازلندی .
 « بومأموریتک اصل قرمان والیسی بولنان شهرزاده
 شهنشاهه حواله اولنمیو بده انک مخدومیه شهرزاده احمد
 تفویض یورلمش اولسند وتاریخلرده شو مبحث سیاقنده
 شهرزاده شهنشاهک نامی هیچ یادیلماسند نظرأ مشارالیهک

اواراق مقر حکومتند بولنماش و یا خود بر صورتله معذرتی بولنمش اولدیغی اکلاشیلور . «

کوچک شهزاده محمد شاه فرمان پادشاهی بی الدیغی انده کنددی سنجاغنده بولنان عسکرله پدرینک قوه عسکریه سنی بالاستحساب (لارنده) به عزیمت ایدوب شهزاده احمدک دخی عساکر کلیه ابله کلمکده اولدیغی شایع اولسبله ار باب اختلال ایچ ایل طاغلرینه قاچدیلمر .

شهزاده احمد متعاقباً لارنده به بالوصول برادر زاده سی محمد شاه ابله برلشهرک اشقبانی تعقیباً ایچ ایل حدودنده بولنان (خجندی بلی) نام محله قدر کیتدیلمر سده اشقبانک ایچ ایلک مشهور قیالقرینه تحصن ایتش اولدقلمر تحقیق ایدیلوب موسم شتا دخی تقرب ایلمسینه مبنی شهزاده احمد اماسیه به و محمد شاه دخی بک شهرینه عودت ایتدیلمر .

شهزاده لک شو . امور یتلرندن ار باب اختلالی طاغلمره قاچیرمعدن بسقه بر ثمره کور بله مامش و اثر عصیان

باقی قالوب حاليله ترك اولنديغی تقدیرده قرمانلی اوجاغنک
ینه اویانسی ملحوظ و بلکی بدیهی بولمیش اولدیغندن
پادشاهک (متون) سفرندن عودتنده قرمان
اختلالنک کلیاً محو و ازاله سی ضمننده صدر اعظم (مسیح
پاشا) بر فرقه منتظمه ایله قرمانه مأمور
بیورلدی .

مسیح پاشا (طهوز یوزالتی) سنه سی رمضانده دیار
قرمانه بالعزیمه اولاقونیه ده شهرزاده شهنشاهک
حضور ینه مشول اوله رق اندنصکره لارنده به اورادن دخی
ایچ ایل داخلنده کائن (اوغادی) ناحیه سنه
کیدرک - دأما عسا کر عثمانیه به بر نقطه استناد
بولنوبده ارباب اختلالک ایلروده حرکاتنه قارشو کلتمک
ایچون اوراده بر متین قلعه انشاسیله لزومی قدر عسکر
ومحافظ تعیین ایلدی .

وقوه موجوده سنی اویچ فرقه به بالتقسیم اشقیانک تحری
وتعقیبنه تشبث ایلدی .

پاشانک لارنده به وصولنده زوئسای غشایردن بعضیلری

مصطفانك طرفدار اغنی تركه پاشایه عرضحالار تقدیم
ایدرك عفورینی دیله مشلردی .

تشبثات اخیره اوزرینه رؤسای عشایرك كافه سی وزیر
اعظمه دخانت و تقصیرات واقعهلرندن اظهار ندامت
ایتدکاری کبی معهود مصطفی دخی تبذیل شکل
وقیافته حلبه صاویشوب مصرلویه التجا ایتک ایستمش
ایسه ده حلب امیر الامر آسی - سلطنت سنیه ایله
دولت چرا کسه مصریه بیلنده منعقد اولان معاهده یه
زعیاتاً مرقومی حبس و بالاخره معدوم ایلدی .
قرمانك بو اختلالیده بو صورتله بتیریلوب وزیر اعظم
مسیح پاشا اورالجه لازم کلان اصلاحاتی بعدالاکمال
پای نخته چکلدی .

§

﴿ وندیکلونك مدالوینی محاصره سی ﴾

وندیک دولتی دولت علیه یه حرباً ترك ایتدیکی (موره)
قطعه سنه مقابل ممانك دوات علیه دن بریرالمق سوداسی

ایله تجھیز ایتدیکی دوئمناسنه فرانسه قرالی دخی اعانتا
برادر زاده سی قوماندہ سیله برطاقم کیلر علاوه وترفیق
ایدرك مجموعی ایکی یوز قطعہ سفاین حریسه اولدیغی
حالدہ بونلر (طقوز یوزیدی) سنه سی ربیع الاولندہ
بغتاً (مدلولو) جزیره سنه باورود قره به عسکر دو کدرک
قلعه یی شدیداً حصر وتضییقه باشلادیلر .

جزیره ده بولنان محافظین اسلامیه دشمنی مدافعه یه
مسارعتله برابر کیفیتی اورایه قریب بولنان (صاروخان)
والیسی (شهزاده قورقود) جاننده ییلدیردیلر .

شهزاده درحال سکزیوز قدر عسکر انتخایله سلجدارلر
اغاسی قوماندہ سنه ویره رک نه صـورتله ممکن ایسه
مدلولویه کچمک اوزره (ایازمند) اسکله سنه کوندردی
واوراده (قره سی) بکی دخی برطاقم کوزیده
یکیدرله انلره ملحق اولدی .

بو بهادرلر بر کچه قایقـلرله مدلولو جزیره سنه کچوب
قلعه یه کیرمک اوزره ایکن محاصرلر اطرافلرینی الهرق
ظهوره کلان محاربه ده اکرچه سلجدارلر اغاسی ایله

عسا کر اسلامیدنک بر مقداری شهید اولش ایسه ده
بقیه سی زور بازوی جـ لادله فرنکرک صـ ولتنی دفع
ایدرك قلعہ به کیردیله .

مـ بصورلر اشبو امداددن نازه جان کسب ایدرك دشمنه
بر قاندها مقاومت کوستردیله .

مدلولونک دشمن طرفندن محاصره اولندیغی پای تخته
عکس ایدنجه وزیر هر سـ ک زاده (انجد پاشا)
سردار تعیین اولنه رق سنه مر قومه (جمادی الاولاسنده)
دوتنای همایون سـ وق اولندیغی مثالو اناطولی بکر
بکیسی (سنان پاشا) نک دخی زیر قومانداسنده
بولنان اناطولی عسکر یله ایازمنده بالعزیمه سردارک
امرینه منتظر وتابع اولسی فرمان بیوردی .

دوتنای همایونک جزیره به یاقلاشدیغنی محاصرلر خبرالجه
دوتنایک وصولندن اول قلعہ به ظفر بواق ایچون وار
قوتلریله برج و باروی حصاره هجوم ایتدیله رسده
فرانسه قرانک برادرزاده سی حین هجومده قورشون
اصابتیله تلفی اولدیغندن بونک اوزرینه فرانسزلر

هجومدن فراغت وانلرك فتورلری وندیکره دخی سرایت
ایتمسبله کلی تلفات بر اقدقلری حالدیه سفینه لرینه جان
اتهرق فرار یولنی الدیله .

احمد پاشا جزیره یه و صوانده دشمنی قاچش بولدیغندن
وقوعاتی پای تختیه عرض واش- عار ایله الدیغنی امر
موجبجه مدلولو قلعه سنک محاصره دن خراب اولان
محللرینک تعمیر و تحکیمی ایشینی اناطولی بکلی بکیسی
سنان پاشایه حواله ایدرک کندوسی دوغمای همایون ایله
استانبول لیمانیه عودت ایلدی .

§

﴿ غلطه جبخانه سنه اش اصابتی ﴾

دوغمانک مدلولو یه متوجهأ استانبولدن حرکت ایتدیکی
کونک کیمجه سنده (غلطه) ده قلعه دروننده حریق
ظهور بله جبخانه یه سرایت ایدرک خسارات کلیه وقوعه
کلدیکی مثلاًو صدراعظم مسیح پاشایکی چری اغاسی
وغلطه قاضیسی افندی ایله برلکده بر دکازک اوکنده

طوروب اطفایه مأمور اولان یکی چریله اجرای
 تشویقات ایدرلرکن جبخانه نك برهوا اولان طاشلرندن
 بعضیلری مسیح پاشا ایله قاضی افندی نك باشلرینه
 اصابت ایدرک مشار الیهم باش کون مرورنده متأثراً
 وفات ایتشلردر . مسند صدر تعظی موره والیسی
 (خادم علی) پاشایه توجیه یورلشدر .

§

﴿ بوسنه لوفجه سنك تسخیری ﴾

بوسنه حدودنده اولوب فاتح زماننده فتح اولنش یکن
 مؤخرأینه مجارلویه کچمش اولان (بایجه) نام
 قلعه منعهده بولنان دشمن عسکری اره صره بوسنه
 قطعه سنه ایصال خسار اتدن خالی قالیبوب بایجه نك
 ذخیره انباری مقامنده اولان اوجوارده واقع (اوفجه)
 قلعه سی اله کتورلدیکی حالد بایجه نك استرداد
 سهولت کسب ایده جکندن بوسنه بکر بکیسی (اسکندر

پاشا (سنهٔ مرقومه ده اوغلی مصطفی بکی ایکیبیک
پیاده و بیک سواریدن عبارت بر فرقه ایله سوق ایدرک
لوفجه بی تسخیر ایتدیردی .

§

سنهٔ مرقومه ده شهرزادکان پادشاهیدن (سلطان
علمشاه) ارتحال دار بقا ایتشدیر .
رحمة الله علیه

§

﴿ دراج قلعه سنک تسخیری ﴾

ینه (طقه-وزبوزیدی سنه سی) وقایعندندرکه
(ایلبصان) سنجاغی بکی عیسی بک زاده (محمد بک)
وندیک دولتی اداره سنده بولنان (دراج) قلعه سنی
حر با ضبط ایتشدیر .

§

بوسنه لک شئون اتندن بریده شاه اسماعیل اردبیلینک
شوکت و سلطنتنک ظهوره باشلامسیدیر .

شاه اسماعیلک سلسلهٔ نسبی صفای عقیدت و صفات مقدسهٔ ولایتله معروف اولان (شیخ صفی الدین اردبیلی) به منتهی اولورکه (شاه اسماعیل) بن (شیخ حیدر) بن (جنید) بن (ابراهیم) بن (خواجه علی) بن (شیخ صدرالدین) بن (شیخ صفی الدین اردبیلی) دیو صاییلور .

» بوسلسلهٔ بی صایمق بزجه صد ددن خارج کبیدر . فقط « اتحاد اسلام » قوتنه اک زیاده ایراث خلل و تا قیامتہ قدر توفیقی قابل اوله میه جق صورتده مسلمین بیننه القای جدل ایدن و تار یخلمری میزی برچوق و قوعات مکدره ایله طولدر مغه سبب اولان بوشاه اسماعیل اولدیغی ایچون اصل و شاننی بیلیمک لازمدر , شاه اسماعیلدن اول ملوک و امت اسلامیه بیننده غوغا و جدان یوقیدی؟ وار ایدی , وار ایدی اما مقدملری اسلام حکمدارلری بیننده ظهوره کلان محاربات اچیقیدن اچیغه ملک و سلطنت دعوا زندن عبارت اوله رق شاه اسماعیلدن صکره اولدیغی کبی مسائل ملکیه و دولیه به مباحث

مذهبیہ قارشیدرو بدہ اولہ سنیلک شیعیلک فارقلیلہ
 یکدیگری دینجہ تضلیل ایتک سینهسی یوغیدی ،
 بوشاه اسماعیل نصلسه دولت علیہ عثمانیدیه قارش-و
 ایراندہ بر حکومت اسلامیہ نک مستقل قالمیه - غنی
 اکلیوب مجرد تغایر مذهب قوتیلہ شیخلیکی شاهلغہ
 تبدیل و بردولت صفویہ تشکیل ایتک ایچون بین الاسلام
 شیعیلکی اشاعہ ایله ایکی طرف اھالیسی ارہ سنہ بر سوء
 تفرقہ براقدی کیتدی ، حیفککہ بو تفرقہ بذیان مرصوص
 امت اسلامی پک - یوکرخنلرہ اوغراندی «

شاه اسماعیلک پدری شیخ حیدرینہزی وصفت مشابحدہ
 فقط بشقہ بر تصور وافکارده بولندیغی حالده « سکر
 یوز طقسان اوچ « سنہ سنده پادشاه ایران « یعقوب
 خان « طرفندن « شیروان شاه « جانبندہ امداد
 اولہرق عساکر وفیرہ ایله کوندریلان « سلیمان بک «
 محار بہ سنده تلف اولوب او وقت شاه اسماعیل طفل
 نورسیدہ بولنسیلہ باباسنک مرده واحبابی طرفندن
 « کیلان « ہ ایصال ایله اورادہ اخفا اولمشیدی .

سن تدبیر و اصل و آبا و اجدادینک قوه قدسیه لرینه
 معتقد اولان برکروه انبوهک باشنه طویلانیسیله
 کندوسنجیه قدرت تجاوز حاصل اولنجیه کیلاندن
 اردیله کلدرک او اراق ایرانده تمدت ایدن فترتدن
 دخی بالاستفاده بابامی شیخ حیدرک قانی اراق بهانه سیله
 ملک ایرانده مانند جبجون اساله خون ایتمکه باشلادی
 و او حوالی حکمدار لرینی از زمانده محو ایتدیکی کبی
 ممالک رومی دخی قبضه تصرفنه المق ایچون اناطولی
 اهالیسنه ارشاد یوزندن دعوتنامه لر و خلیفه لر طاغیدوب
 کندوسیده مذکور « طقوز یوزیدی » سنه سننده
 حدود ممالک محروسه دن ارزنجانه کلدی .

شاه اسماعیلک حدوده ورودینی و اناطولی خلقندن
 و خصوصیه « حید » و « تکه » سنجاقلری
 اهالیسندن برچوق ساده دلانک کویا بر شمس هدایت
 بولشلر کبی جانب شرقه دو کیله رک شاه اسماعیلک
 باشنه طویلانمده اولدقلرینی پادشاه عصر سلطان
 بایزید ثانی حضرتلری ایشیدنجه احتیاطاً اناطولی

صنوف عسکریه سیه و زرادن « یحیی » پاشایی
انقریه سوق و تعیین و اما سیه حکمداری شهرزاده احمد
دخی جمع عسکره احتیاطی و ولتسنی اشعار
بیوردیلر .

دوات علیهنک بو تشبثاتی اوزرینه شاه اسماعیل ینه
ایرانه چکلدی .

سبکسران اهالی کندی حالرینه براغلسه جله سی
شاه اسماعیله مرید اوله جقلرندن من بعد « صوفی »
(درویش) صورتنده جانب ایرانه کیدنلرک صالی
ویرلامسی حدود امر اوضا بطاننه امر و اشعار و تکه
و حید طرفلرندن شاه اسماعیله ارادت کتورن مریدلر
دخی طویلانیلوب (موره) قطعه سنده یکی قتح
اولنان (متون) و (قرون) جانبلیرینه نقل و امرار
اولندی .

« شاه اسماعیل (اردیل) زیارتندن روم صوفیلرینک
منع ایلامسنه دأر طرف سلطنت سنیهیه (طتوز یوز
سکن) تاریخنده مرشدانه و شیخانه مکتوبلر کوندروب

دوات علیہ جانبدارند دخی حکیمانہ جوابلر یازلمش
اولدیغی فریدون بک منشآتندن اکلایشیلور.»

§

اوروپایه عزیمت ایتمش اولدیغی یوقاریده بیان اولنان
برادر شهریار «جم سلطان» ک مصرده قالان
کریمدلی «طهوز یوز سکن» سندسندہ درسعادتہ
جلب اولنہرق وزرادن «سنان پاشا» نک مخدومنه عقد
وتزویج ایلمشدر .

§

سلطان بایزید ثانی حضرتلرینک زمان سلطنتلری
وقوعاتی خلاصه وجهله کوز اوکنہ النورسه «طهوز
یوزیدی» سنہ سنہ قدر احوال دوات وآسایش اهالی
اولدقجه حال انتظامده کدران ایدوب اگرچه بومدندہ
دخی یوقاریلرده تفصیل اولندیغی اوزره دولت چرا کسه
ایله ایدیلان محاربانده خیلی ضایعات وقوعه کلش واره
صره ادرنه ده واستانبولده بیوک یانغینلر وزلزله لر ظهور یله
خلفق جانی یانمش ایسه ده ینہ فتوحات جدیدہ قرانقله

تلافی مافات ایداش ولیکن طقوز یوز بیدن پادشاه
 مشار الیهک آخر مدتله بنه قدر داخل ملکهده بک چوق
 اختلالات و صنوف عسکریه نک ضبط ورا بطلرینه
 باقیله مامسندن ناشی تبعه یه هر یوزدن مظالم ایر شه کلده
 آرزو اولنیمان حالات حدوث ایتش او ادیغی
 ا کلاشیلور .

بونک اسبابی دخی پادشاه مشار الیه عوارض وجودیه لری
 مانعه سیله او سلطنته بالذات احاله نظر همت
 ایده میهرک مصالح دولتی علی الاطلاق و کلابه بر اقلری
 و او عصرک حکمنجه پادشاهلر صیق صیق اطرافه
 سفر و یار اغیار انظارینی طولدیره جوق ابراز اثار ظفر
 بیورمق لازم ایکن خاقان مشار الیهک مزاج عالیلری
 مشاق سفر یه یه منجمل اوله مدیغندن مدت مدیده اسفار
 همایونک متروک قلمسی و حکم مداراق صفتیه ایالاتده
 بولنان شهزادگان دخی پدرلرینک حال فراغتکار بسنه
 نظر آسیر سلطنتک قریباً اچیله جغنی کشف الیه
 جله سی عروس زیبای تخت استقلالی آغوش و صانه

المق سوداسنه دوشو بده یکدیگرینک زوالنی مسـ تلزم
 وسیله لریقائه چالشمش اولسی ماده لریدر .
 شاه اسماعیل اردبیلینک بر مذهب جدید پرده سیله
 لعبتگاه پوانتقه ده کوستردیکی اصول شعبده بازی ایسه
 اسباب مسروده نک کافه سنه فائق بر سبب قویدر .
 بناء علیه بورادن تا سلطان سلیم اول حضرتلرینک
 جلوس همایونلرینه قدر یاز بله حق وقوعات ضروری
 بر طاقم غوائل داخلیه دن عبارت اوله جقدر .

§

صددمزه کلام : (طقوز بوز طقوز) سنه سی
 اوائلنده ممالک محروسه نک اکثر محللارینه علت مدهشه
 وبا و بلای قحط غلامستولی اوله رق خسته لک اوج
 ییل وقحط الی ییل امتداد ایتسیله برابر بوسنهلر
 ایچنده بحکمة الله نهرلر دخی فوق العاده طغیان و بوسیله
 نیجه قرا وقصبات ویران اولدی .
 لوند طائفه سندن و (ایدین سفریحصار) ی اهلایسندن
 (قره طورمش) نام شخص تدارک ایتدیکی چند قطعه

کلیرو باشنه بر یکدیردیکی حیدودلر قوتیه اقی دکرده
 قورصانلغه چیهوب راست کتیردیکی سفاین تجار به بی
 وسوا حله کوزینه کستر دیکی محملری اوروب
 غارت ایتکده اولدیغندن بوده خلقک باشنه بشقه جد بر
 بلا ایدی .

هله شقی مرقوم ایدین سنجاغی یکی (جاشنبکیر سنان
 بك) معرفتیه در دست ایدیلرک پادشاه سنه مرقومده
 قره دکر سوا حله بر یایلاقده یواند قلمری حانده درگاه
 عالی به کوندر لمسیله اشد سیاستله اعدام اولندی .
 (طقوز یوزاون ایکی) تاریخنه قدر داخلا وخارجا
 برغائله اولیوب فقط طاعون وقحط بلید لری جاری
 ایدی .

سنه مرقومده ینه اقی دکرده قورصان اشقیبایی باش
 کوسترمش و (ردوس) « قوالیر » اوجاغنک قورصانلری
 دخی « منتشا » سوا حله بر قاج قریه بی اوروب
 اهالیسنی اسیر ایتمش اولر قلمندن ترسانه عامره
 امر اسندن « قره چین اوغلی احمد بک » نام ذات بر فیاو

دوتما وعساكر كافيه ايله اق دكزه چيقاريلوب
قورصانلك اخذ و طردلر بنه موفق اولندي .

§

﴿ شاه اسماعيلك ممالك ذوالقدر يديه ﴾

﴿ تسلطی ﴾

مرعش حكمداری ذوالقدر زاده (علاء الدوله بك) ك
بديعه الجمال بر كرمه سسی اولوب ايران شاه نوجاهي
(اسماعيل اردبيلي) بو قزی تزوجه طالب اولمش وعلاء
اندوله دخي ابتدا سوز ويرهش ايمش .

علاء الدوله مؤخر آنه سييه مبنی ايسه سوزندن نكول
ايميله شاه اسماعيل حد نلوب (طهوز يوز ارن اوچ)
سنه سسی رمضانده ممالك محروسه دن مرور ايله ذوالقدر لي
ممالكي اوزر بنه يوریدی . و بو حرکتی مجرد علاء
اندوله عليه نده اولديغنی ودولت عليه به بر سوء قصدی
اولديغنی طرف شاهانه به نامه مخصوص ايله بيان
و نأمين ايلدی .

فی الحقیقه شاهک حین مرورنده هسکرو حشراتنی
 قویاً ضبط ایتسیله اهالی ممالک محروسه به بر مضرتی
 طوقانماش ایسه ده بالاخره افکارینی دکشدیرو بد
 شراره فسادینی دوات علیه به صیجراتسی ملحوظ
 اوله رق سلطنت سنیه جه احتیاطلی طاورامنک لزومی
 تحق ایتدیکندن (انقره) ده اقامتله شاهک احوال
 وحرکاتنه مد انظار دقت وشاید تجاوز ایده جک اونوز
 ایسه مدافعه سنه مسارعت ایلک اوزره (یحیی پاشا)
 قومانداسیله اناطولی به بر منتظم اردو سوق
 اولندی .

شاه اسماعل (قیصریه) دن مرور ایله حکومت
 ذوالقدریه نک کرسیسی بولنان مرعشه هجوم ایدرک
 علاء الدوله مقابله به قالشدیسه ده برنجی محاربه ده
 بوزلش و بر اوغلی ایله ایکی حفیدی شاه اسماعیلک
 دست ظالمانه سنه دوشمش اولدیغندن ناچار یوکسک
 طاغله صیغنه مجبور اولدی .

بو صره ده یحیی پاشا اردوسنک انقره به وصولی شاه

اسماعیلک مسوعی و حرکات واقعہ سندن دولت غلیہ نک
قوجندینی مجزومی اولنجہ ینہ مملکتہ چکیلوب
کیتدی .

« شاه اسماعیل علاء الدوله نک اله کچیردیکی ایکی
حفیدلرینی آتشدہ کباب ایتدیروب مریدلری دخی کمال
خواهشله اکل ایتمش اوادقلری بعض تاریخلرده منقول
- وشاه اسماعیل مذهب شیعه به قوت الدیرمق ایچون
اراقه دماء سنیاکی استحلالات ایدردی - دینلسه معقول
ایسدهده بعض افسانه لرده ایشبیدیلان مرد مخوار
وحشیلردن واجلقدن اولک درجه سنده مضطربلانلردن
صرف نظرله نوع بشرک هم جنسینی بلا ضرورت
مجبره اکل ایتسنه طبیعت بشریه مانع اوله جفندن شو
روایت طرفینک یکدیگری اتهم ایچون احداث ایدہ
کلدکلری اسنادات قبیلندن اولمیلدز . »

§

﴿ شہزادہ قورقودک مصرہ عزیمتی ﴾

حضرت پادشاہک (احمد) (شہنشاہ) (قورقود)

(سلیم) نام دُرت شهزاده لرندن برنجیسی (اماسیه)
 ایکنجیسی (قرمان) اوچنجیسی (صاروخان) دردنجیسی
 (طربزون) ولایتلرنده حکمدار ایدیلمر .

شهزاده احمد سنأ دیگر لرندن اکبر وحسب العاده شمریر
 سلطنته انک کلسی مقرر بولمق جهتیله حقنده پادشاهک
 التفات وحسن توجهلری اوته کیلردن زیاده بولمسنه
 و شهزاده احمد ایسه برادرلرینک مرکز سلطنته وکندی
 مقرر حکومتنه یقین یرلرده بولمکلرینی دائماً استیقال
 ایلمسنه مبنی مقدمجه انک التماسیله شهزاده قورقود
 صاروخاندن قالدیریلوب تبعید صورتیله (تکه) سنجانغنه
 تعیین اولمشیدی .

تکه سنجانغی موقعا شهزاده نک قدروشاننه غیرشایان
 واهالیسی دخی برطاقم اترک بی اذعان اولمسیله شهزاده
 اورادن ممنون اوله میبوینه منصب سابق اولان
 (صاروخانه) نقلنی طرف شاهانه دن استدعا ایتش
 ایسه ده شهزاده احمدک خاطری کوزه دیلهرک مساعده
 یورلمدی .

بونک اوزرینه شهزاده قورقود پک مغبر اوله رق کمال
اغبرارندن بر اجنبی دولت نزدینه عزیمته قدر تنزل ایله
(طقوز یوزاون بش) سنه سی محرمنده پدرندن رخصت
المقسسزین جانب مصره عزیمت ایتدی . و مصر
ملکک فوق العاده احتراماته مظهر اولدی .

فقط شهزاده پدرینک رضای عالیسنه مغیر اوله رق
محل مأموربتنی ترکله دیار اجنبیه صیغندیغنه صکره دن
ندامت ایدرکینه تکه یه عودت آرزوسنه دوشمسایله
مصر ملککی بکرمی قدر سفینه تخصیصیله شهزاده یی
معززاً و سهلاً (انطالیه) اسکله سنه ایصال
ایلدی .

(ردوس) قوالبرلی شهزاده نک مصر دن عودتتی
بالاستخبار (سلطان جم) کبی بونی دخی کنندی اللرنده
بولندیروبده دولت علیه یه مداره نت طومتق ایچون شهزاده
قورقودی اله کتورمک اوزره قورصانلرینی صالدیردیلر .
بو قورصانلر شهزاده یه تصادف ایده میسوب فقط مصر

کیلری شهرزاده بی انطالییه به چیقار دقدن صکره عود تلرند
انلری ضبط ایتدیلمر .

شهرزاده انطالییه به وصولانده با عرض حال مخصوص
حضرت پادشاهه عرض معذرت واستدعای عفو
ومرحمت ایتدیله ینه تکه منصب بنده ابقا وتقریر
بیورلمشدر .

§

﴿ زلزله عظمه ﴾

مذکور طقوز یوز اون بش سنه سی جادی الاولاسنده
بر کبجه استانبولده بر زلزله عظیمه وقوع بولوب حرکتک
شدندن استانبول سورینک اکثر برلری منهدم و ویران
و پک چوق ابنیه خاک ایله یکسان اولوب ابنیه منهدمه
التنه قلان نجه اهالی رهرو سمت عدم و حیاته
قلانلر دخی کیمی پدر و والد سنی و کیمی عیال و اولادینی
غیب ایتش و طوروب اوتوره جق مسکن و مأوالری

قلماسش اولدیغندن ۴- و ما مبتلای حزن و ماتم
اولدیله .

بوزلزله برماه قدر امتداد ایتسیله اهالی قیرله دوکلدیله
جناب پادشاهک اقامتی ایچون سرای میداننده موقفاً
باراقدر یایدیرلدی .

بر ماه صکره حرکت ارضک ارقدمی کسایش ایسهده
شهر دلارای استانبول بر خرابه زار شکلنه کیردیکندن
خنکار استانبولی بوسالده کورمکی ایستیموب ابدیه
منهدمه نک سر یعا انشا و اعمار یچون ما مورر تعینیلد
کندولری سنه مر قومه رجبنده دیتوقه به عزیمت
بیوردیلر .

﴿ شاه قولنک خروجی ﴾

شاه اسماعیل اردبیلینک ممالک محروسه یه اکدیکی تخم
فساد اناطولیده و خصوصیلله تکه طرفلرنده خیلی
ثمر اوله رق شیعیت میدان المش ایدی .

بناء علیه بر طاقم اترک بی ادراک شاه اسماعیلک نقباسنک

(درويشلاك) (صوفياك) ناملریله قوردقلری
 دولاب اغفالته طوتلدقلرندن جله سی شاه اسماعیل
 طرفدارغنی اظهار ایله سلطنت سنیه اطاعتدن
 چیقغه بهانه اراردی .

شهراده قورقود مصدرن عودتندن صکره اهالینک
 طور وحرکاتی اسکی راده، بوله مدیغیچون اورالردن
 بسبتون تنفر ایدرک صاروخانه کیتک اوزره (طقموز
 یوز اون التی) سنه سی محر می اوائلنده بر کیجه آب انسر
 (انطالیه) یی ترکه یوله روان اولدی .

اشقیبای اهالی شهراده نك بویله کیجه لین کال تهانک
 و سرعتله کیدیشنی پادشاهک ارتحالی واحوال سلطنتک
 اختلالی وقوعنه حل ایله دائرة اطاعتدن خروج
 ایچون بر زمان مساعده بولدقلرندن ایچلرندن (شاه قولی)
 نام شقی بی کندیلرینه سردار انتخاب ایدرک رهزورد
 وادی عصیان و شهراده نك اغراغنی یغما ایتک ایچون
 ارقه سی صره پویان اولدیله .

بوشقیلر شهراده نك اغراغنه یتیشوب محافظه وایصالته

مأمور اولنلر ابله محاربه وانلره غلبه ایدرک شهرزاده نك
 كافة اموال و اشیا سنی غارت ایتدیله .
 یوقاریده ده بیان اولاندیغی وجهله حضرت پادشاهك
 انحراف مزاجلری مناسبتیله بر زماندنبرو امور سیاست
 و تدابیر ملکیده به باقیله مامسندن ناشی او عصرلرده
 اناطولایجه قوه عمومییه عد اولانان تیمار سپاهیله
 طاقنك شیرازه انتظاملری بوزولوب ضبط و ربط مملکت
 ماده سی مختل اولدیغندن او باش اهلیدن و كرك
 مرتكب مأمورلك سوء استمالی سینده سببه آلرندن
 تیمارلری انبو بده برپوله محتاج قلان سپاهی نفراتندن
 (شاه قولى) نك باشنه بکرمی بیکدن زیاده حشرات
 بجمع ایتدی .

بونلر براردو هیئتنده اولدقلری حانده قصبات و قرانی
 یغما وتالان ایدرک واهالی مطیعده بی تبه ایدرک اناطولی
 بکلر بکیایکی دقرینی ضبط ایتك اوزره (کوتاهیبه په)
 طوغری بوزیدیلر .

اناطولی بکلر بکیسی بولنان یکی چری انالندن چیقمه

(قره کوز پاشا) ارباب طغیانك حرکاتندن خبردار
 اولنج ایشی پك اوقدر مهمسه میب-وب شاه قولنه قارشو
 برفرقه کوندردی .

بوفرقة اشقیانك اوزرینه هجوم ایله هر نقدر جان حقیله
 محاربه ایتمش ایسه ده اشقیای کلیتلی اولق ملامسه سیله
 عسکرک چوغنی شهید اولدی . اشقیادخی کوتاهیسه
 اوواسنه طیاندی .

قره کوز پاشا ایش بو درجه یه واردقدن صکره مصلحتك
 اهمیتی اکلایوب نزدنده بولنان بیک قدر عسکرله بالذات
 چیه رق اشقیای کوتاهیسنك اوکنده قارشولدی .
 و بهادرلق حکمنی یرینه کتوروب اشقیادان برچوق
 نفوس تلف ایتمدی .

اماچه فائده اوقدر کلی حشراته جزئی عسکرله نصل
 مقابله اولنه یلمور ؟ بو عسکردخی محو اولوب کندوسیده
 اشقیای طرفندن دردست ایله صلب و اعدام اولمندی .
 اهل عصیان بو غلبه دن صکره بستون طغیان ایدرک
 کوتاهیسه قلعه سننی محاصره ایتمیلر . برکت و یرسون

الرنده قلعه تسخیرینه مساعد طوب و سائر آلات حربیه
یوغیدی .

بناء علیه کوتاهیہ بی استیلابہ مقتدر اولہ مدقلرندن قلعه
خارجنده اولان خانہ لری یاقوب بیقہ رق (بروسہ)
شہر بنی الہ کتورمک سوداسیلہ کوتاهیہ دن آرلدیلر .
شاه قولی اولدقجه ملاحظہ لی برخیت ایدی . بویله
کور کورینہ پای تختہ طوغری سرعتلہ کی دیشی
بکنیوب بر کرہ پای تختک حالی اکلابودہ اندن صکرہ
ایجانبہ کورہ حرکت ایلمک اوزرہ تفتیش و تحقیقاتہ
تثبت ایدی .

جناب پادشاہک حیاندہ بولندقلر بنی تحقیق ایدنجہ بروسہ بہ
عزیمتدن فراغتہ باشندہ کی حشرات شاید پادشاہ عصرک
حیاندہ اولدیغنی اکلارلرده طاغیلورلر قورقوسیلہ حقیقت
مادہ بی انلرہ اکلاتماق ایچون - شو صورتلہ « الیزدہ
هنوز صیغنه جق برقلعه مز یوقدر . شمدی طوغریجہ
بروسہ کبی بیوک برشہرک اوزرینہ وارلق مناسب
دکدر ، اولا قبضہ تصرفہ برقلعه الہم ، اندن

صکره بتون اناطولی بی ضبط اینک بزم ایچون قولای
اولور « کبی لسان قولالانہرق یولانی (الاشہر) •
طوغرلتدی •

بوصرہدہ اشقیانک تکہدن خروجلریلہ شہزادہ قورقودک
آفرانغنک غارت ایدلدیکی حوادثی پای تختہ عکس
ایتمشیدی •

حضرت پادشاہ ارکان دولتی حضورلرینہ جلب ایلہ
- احوال ملکہ عدم تقیدلرندن ناشی ایشلرک
بوپرہسہ بہ واردیغندن طولایی - وکلایی مؤاخذہ
وبعدازین ایدیلہ جنک تدابیری مذا کرہ بیوردقلرنندہ
صدر اعظم (علی پاشا) کمال غیرت و حجابندن
« بویلہ بش اون قدر تکہ ترکنک وادی شقاوتدہ
میدان المری اناطولی امراسنک قیدسزلقلرنندن ایلرو
کلشدر , اومقوله درنتی اوباشکنہ اہمیتی اولور ؟ »
دیدرک مسئلہ بی پادشاہہ پک اہمیتسنز کو سترمک
ایستش واناطولی بکلر بکیسیلہ سائر امرایہ شدتلی
امرلرطاعتش ایسہدہ متعاقبا (قرہ کوز پاشا) نک

انہزام و شہادتہی حوادث مکدرہ سی دخی ظہور ایلمیلہ
ہیسنی حیرت الدی .

سلطان بابزیدک امراض وجودیہ و شیخوخت طبیعہ
ایلمہ ذاتا مزاج عالیلری مکدر ایکن دولتک بوصورتلمہ
اسباب استعدادیہ ہرج ومرجہ اوغرامسندن طولایی
اکدار قلبیہ لری دہا زیادہ ارتہرق ارتق تاج و تختدن
باہکلیہ تنفر و کندولری بر کوشہ یہ چکیلوبدہ بقبیہ
عربی آزادہ لکلہ کچیرمک اوزرہ سریر پادشہ اہی بی
بیوک شہزادہ (سلطان احمدہ) ترک و فراغ ایتمکی
تفکر ایدوب فقط او لاشاہ قولی بلیہ سنک ازالہ سی
واناطولینک اشتیادن تخبلیہ سی الزم اولدیغندن بو بادیہ
وکلای دولت ایلمہ عقد انجمن مشوریت بیوردیلر .

شہزادہ احمد حلیم و محسن بر ذات بولمسنہ مبنی بتون
وکلارکان اکا خلوص کار و سلطان سلیم کی شدید
الشیکیہ بر شہزادہ نک بختہ کلمسندن پک زیادہ قورقدقلری
جہتلمہ ہرخصو صدہ شہزادہ احمدہ طرفدار ایدیلر .
بوکا مینی خنہ کارک کوستردیکی زای ونیت انلرکدہ

افکارینه موافقت آید بکنند صدر اعظم علی پاشا
 کندینی اور ته به اتوب بالذات اناطولی به عزیمه اشتیابی
 بر طرف اید جکنی عرض ایلدی . وجع اید بیلدیکی
 عسکری قومانده سنه الهرق (طقوز یوز اوندی)
 سندسی اوائلنده اناطولی یقد سنه یکدی .

« بواثنارده شهزاده سلیم (قریم) و (بساریا)
 طریقه قبله طونه دن روم ایلدی به بالمرور بر چوق و قوعات دن
 و پای تخت عسکر یله چورلی فر بنده شدتلی بر محاربه
 ایتد کدن صکره منزه ماینه کغه به رجعته مجبور اولمش
 ایسه ده شهزاده مشارالیهک حین جلوس سنه قدر
 سرزده میدان ظهور اولان و قایع مهمده سی منسللا
 بردوزی به او قنق ایچون بو و قوعاتک تفصیلاتی صکره به
 براغلمشدر . »

علی پاشا اناطولی به یکدی دینلدیدی : مشارالیهک
 مأموریت رسمیده سی شاه قولی غالمه سنی دفع ایتمک
 ایسه ده کندو سنک بالذات کیتد کدن اصل غرضی
 شهزاد احمدی اجلاسه بول بولمغه منحصر اولهرق

شہزادہ احمد دخی انقرہ بہ کلمش و علی پاشا تک اناطولیجہ
اولان حرکاتی شہزادہ احمدک حرکاتہ مربوط بولنمش
اولدیغندن شمعی سوزی شہزادہ احمدہ نقل ایتک لازم
کادی .

﴿ شہزادہ احمدک انقرہ بہ ورودی ﴾

یوقارودہ کی اجالدن و آتیدہ کی تفصیلدن معاوم
اولور کہ (طر بزون) حکمداری (شہزادہ سلیم) ک
روم ایلی بہ کلیشی پدرلینک امور سیاسیہ بہ باقہ ماملرندن
ناشی ملکک پک فنا برحالہ دوچار اولدیغنی و بیوک
برادرلینک حکمرانلق خصایصندہ نقصانلری
جہتہلہ نصل اولسہ انلرہ غلبہ ایدہ بیلہ جگنی
اکلامسہ بیلہ زور بازوی جلادتیلہ برایاق اول سریر
سلطنتی یداقتدارینہ المقاملندن عبارت ایدی .
بناءعلیہ شہزادہ احمد برادرینک طر بزوندن حرکتنی
ایشیدنیجہ عقلی باشندن صحرایوب - ودیکر برادری
شہزادہ قورقودک تکه بی ترکلہ صاروخانہ کلبو بدہ

پای تختہ یا قلاشمسی دخی افکارینہ ط۔ وقتوب۔
 قورقودی قورقودہرق ینہ تکہ سنجاغنہ دوندرمک
 و کندوس۔ یدہ روم ابلی بہ کچہ رک (استحقاق ترتیبی)
 حکمنجہ تخت عثمانی بی سلیمان اول کندوسی ضبط
 ایدو برمک اوزرہ اما۔ یدہ دن قالقوب جمعیت کثیرہ
 ایلہ (انکرو) بہ کلدی . واورادن طرف پاشاهی یدہ
 یازدیغی عریضہ سنده ۔ حضرت خنکارک اولادینہ
 افراط اوزرہ محبت و شفقتلری اواددیغی۔ ون جہلہ سی
 حدلرینی تجاوزلہ ایستدکلری کبی حرکت ایتمکدہ
 اوارقلرندن ۔ تأدیبلری ضمنندہ کندوس۔ نہ رخصت
 و برلمنی استیذان ایتدی .

طرف شاهانہ دن جوابا یازیلان فرمان عالیہ « برادرک
 قورقود موقع مأمور یننی بواستز و مناسبستز بر صورتہ
 ترک ایتدی کیچون نصل۔ اختلال قو پدیغی معلومدر .
 اورالک اہالیستندہ دخی شیعی چوقدر شاید سنک
 اما سیہ دن انفکاکک مناسببتیلہ برفتنہ دہا اویانور ،
 همان مقر مأمور بتکہ عودت ایت ، برادرلرک بذل

لطف واحسان ایله بالاغفال سـنک سر بر سلطنتله
 بختیارلنک تدبیر یله اوغراشله یور، ارباب خروجک
 غائله سی منـرفع اولنجه مقصـودک حاصلدر . «
 دینله دک اختلالک بیومسندن احترازاً شهرزاده احمدک
 ینه اما سـیه یه رجعتی مراد ابدلش ابدده شهرزاده
 خلاصه سی شو مانده تکرار برجـواب یازدی «فرمان
 پادشـاهانه لر ینه امثالاً نیتک اجر اسندن صرف
 ابدده مسده حاضر یانده کلی عسـکر اجتماع ایتش
 ایکن شاه قوی غائله سـنک اندفاعنه مأموریتـه
 اولسون مساعده بیوراسون . «

شهرزاده نک اشـبو جواب اخیر ی حضرت پادشاهه
 واصل اولنجه - چونکه شـهرزاده عیش ونوقه
 مبتلا اوله برق جهان باتسه قیدنده اولمدیغی حالده
 ارباب طغیانک دفع وتنکیلی یولـده حسن نیت
 وغیرت کوسـتر مسندن خنکار پک منـنون اولوب تقدیر
 ونوازشی - وصـور حرکاتنه متعلق وصایا ایله -
 اناطولی اختلالنک ازالهی عقینده اجلاسی مقرر بولندیغی

وعدینی - وصدراعظم علی پاشانک زخی کنندی
 معیتنه تعیین قلندیغنی - متضمن شهزاده به جواب
 عالی وعلی پاشا اوارالق کلیبولیدن اناطولی جانبنه
 مرورایدرك اردوسنك تنظیمله مشغول بولندیغندن
 سریرعا شهزاده نك معیتنه کیدو بده بالاتحاد دفع
 غائله اشتمیا واصلح امورملك و برایابه اقدام ایلمسی
 ضمننده اکادخی فرمان سامی یازلدی .

بونکله برابر او کونلرده شهزاده سلیمک طونه دن برویه
 کچدیکنه و فکر و نظرینی افسرسلطنته دیگدیکنه
 دأرقورقنج خبرلر انندیغندن هم شهزاده سلیمه قارشو
 پای تخته برقوه کافیه بولندیرلق همده اناطولیجه
 اصلاحات حصولندن صکره روم ایلی رؤساستنه
 شهزاده احمدک ولی عهدلیکی قبول و تصدیق
 ایتدیریلوب اجلاس ماده سی بیعت عمومیه ایله
 بالسهوله اجرا ایدلمک مقصدلری اوزرینه بتون
 روم ایلی امر او صنوف عسکریه سنك اناطولی به سوق
 اولنه جق شایعه سیله پای تخته تجمع ایتسی تدبیری
 یاپلدی .

علی پاشا ذاتاً شهزاده احمد طرفلیسی و بران اولانک
 جلوس ایتدیرلسی مرقابسی بولنق ملبسه سیله
 فرمان عالی بی الدیغی آنده کمال ممنونیت و سرعتله
 انکرویه قوشوب بر صحرابه اردوسنی قوردی .
 و صوف عسکر به بی و خصوصیه حصه وول مرام
 ایچون اتفاقلرینک قزاقلسی الزم اولان یکی چری
 طاقنی شهزاده به تقدیم ایلمک و شهزاده بی دخی عسکره
 ایصندرمق اوزره اردو محلینه تشریفلرینی شهزاده
 احمده عرض ایتدی .

شهزاده دبده و داراتبله اردو کاهه بالورود صادر
 اعظمک ترتیبی وجهله صوف عسکر به مزین
 البسه لر بله یولاک ایکی کچه سنده صنف بسته سلام اولدقلری
 حالده شهزاده بی پادشاه کبی سلاملیوب القشلدقلرندن
 شهزاده اودقیقه دن اعتبارا حسیاتنده تخت عثمانی به
 مابک اولمش عدیله پک زیاده منشرح اولدی .
 واردوده ذاتنه مخصوص اولهرق قوریلان ملوکانه
 اوتاغنه نازل اولهرق عسکره عطایای کایه بذل

واحسن ايتدی . و او کون او کچه علی پاشا ایله
طائلی طائلی قونوشوب تدابیر ملکیه به متعاقب نجه
تصور لر پیوردی .

حیفا که او کچه شهزاده نک تاج سلطنت خیالیله
سوردیکی صفای صهبای بختیاری ایرتسی کون
النان براجی خیره مبدل خنار غمخوار اودی .
شویله که : ایرتسی کون صباحلین شهزاده تنزه
ایچون قیره چیه مشلر ایدی .

بوارده استانبولدن صدراعظمه برادم کلوب شهزاده
سلطان سلیمک روم ایلی به ورودیله ظهره کلان
ماجرایی بیان ایتسیله بو حوادث شاید انتشار اید، جک
ار اورسه عسکری طاقنه سوء تأثیری اوله جغنددن
وقوعاتک کیمسه به کشف ایلامسنی کلان ادمه قویاً
تنبیه ایتد کدنصره علی پاشا شهزاده احمدی قیرده
بوله رق کیفیتی کمال نأسفله عرض ایتدی .

شهزاده احمد از زمان ایچنده، از اله سنه موفق اولورم
اعتقادند، بولندیخی اناطولی اختلابدن ماعد اظهرده

جلوسنه بر مانع قلامش واوایشی بتمش ظن ایدر کن
 شهزاده سلیم کبی شیه صوات اسکندر سطوت بر
 قهر مانک پنجه صالحی بر شکار - واو که برنجی حله ده
 قور تاش اولسون - البته او پنجه یه گرفتار اوله جغنی
 یعنی تخت عالی عثمانیک ارتق قولایله کنه دیسنه
 مال اوله میه جغنی تظن بیورد قلی چون فوق العاده
 بر نأثرله اوتاغنه دونوب بحر حیره طالدی .

چاره سز خلقه رنگ ویرمک دخی مناسب اوله میه جغندن
 بر آن اول مأموریت لرینی باشه چیقار و بده پای تخته
 جان آتق اوزره همدان (شاه قولنک) اوزرینه
 وارلغه قرار ویردیله .

شاه قولنک اناطولی بکلر بکیسی قره کوز پاشایی
 طوتوب صلب ایتدکنده کره (الاشهر) طرفنی
 اوزلدیکنه دائر یوقار بده کچن بحث اونودلماسون .
 خبیث پای تختک کندی علیه نه کی تدارکاتی
 ایشیدهرک الاشهره دخی کتمیوب حشر اتیله برابرینه
 (تکه) دیارینه عودتله (انطالیه) قلعه سنی

محاصره ایتمش و قلعه نك استیلاسنه یول بوله مدیغی
 کبی صدر اعظمك مکمل اردو ایله اناطولی یقه سنه
 کچدیکنی بالاستخبار (قزل قیا) نام جبـله صعـود ایله
 تحصن ایلمش ایدی .

صدر اعظم شهزاده احمد دخی برلکـده بولـدیغی
 حالـده اردوی انقره صحرا سندن قان دیروب قزل قیا
 جوارینه یاقلا شنبه ارباب ماغیان فراره یول بوله مامق
 ایچون بتون کچیدر لرلی قوه عسـکر به ایله سد و بند
 ایدرک اشقیما بالتضییق برر ایکیشماله کچبر یانلر قتل
 واتلاف اولغنه باشلاندى .

اشقیما ارتق قزل قیا طاغنده بارینه موب عافیت
 جـله سی اردوی همـایونک سـطوت قاهره سنه
 اوغرایه جقلرینی اکلادقلرندن برکجه (قرمان)
 طریقتندن (قیصریه) به طوغری قاجدیلمر .
 وقرمان حکمداری شهزاده (شهنشاه) ک لالاسی
 اولوب قرمان جهتی یوالرینک محافظه سنه مأمور
 اولان (حیدرک) ی بالمحار به شهید ایتدیلمر .

(شاه قوی) شقاوتك درجہ سی قدر حیلہ کار بر
 ملعون ایدی . اردوی ہمایونی اغفال ایچون فرارینی غایت
 حیلہ کارانہ بر صورتہ اجرا یعنی چادر زینی وایشہ
 برامیہ جق بر طاق حیہ وانات وانراغنی بواند قلمی رلرده
 ابقا ایدرک کتمش اولدیغندن صدر اعظم علی پاشا
 بونلرک فرارینی ایکی کوز صکرہ خبرالہ بیلمدی .

﴿ صدر اعظم علی پاشانک شہادتی ﴾

اشقیابی الدن قاچردیغنه علی پاشانک پک جانی
 صیقلوب - و مر حوم حیت و جمادات اصحابندن
 بولنمق حسبیلہ ارتق تہلکہ و مخاطرہ بی دخی
 مطالعہ ایدہ میوب - سبکبار برہ قدار
 سواری انتخاب واستصحاب ایدرک عجلہ و سرعتلہ
 اشقیانک ارقہ سندن دوشدی . و مذکور (طقوز یوز
 اونیدی) سنہ سی ربیع الاخرندہ (کوک چای) نام
 محللہ اشقیایہ بنشدی .
 اشقیایا پاشانک بویلہ جزئی عسکرلہ متهورانہ ہجومنی

کورنجه فراردن فراغته کیرویه دونوب محار به به
 کیرش دیلر .

اشقیاطاقی اوزمانلرده وحتى یقین وقتلرده دینانک
 برنجی سوارسی عداولنان عشایر و سپاهی آتلولردن
 مرکب و جله سی ایبدن قازقدن قورتلش برالای
 ایپسز اوله رق پاشانک قوتنک عمومی ایسه اشقیایه
 نسبتله ازهمده اصل سواری پک جزئی اولوب برآته
 ارکاب ایله سواری حکمنده قوللانلق ایستنیلان پیاده
 یکی چری طائفه سی دخی سواری جنککنده برایشه
 یرایه مدقلردن علی پاشانک میدان محار به ده بانذات
 کوستردیکی جلادت وغیرتک فائده سی اوله میوب عاقبت
 کوکسنه بر اوق اصابتله شهید و عساکر عثمانیه دخی
 پریشان اولدی .

بونکله برابر اثنای محار به ده (شاه قولی) ایله اشقیادان
 کلی نفوس تلف اولمسیله بقیه اشقیایه بزم عساکرک
 پریشانلغنی کوره میوب ابرانه طوغری فرار ایتدیلر .
 » به شقیه لرشاه قونانک یرینه ایچلردن دیگر برخیشی

سر کرده انتخاب ایله (تبریز) قدر او غراد قلری
 قراوقصباتک التنی اوسنته کتوره رک او بولده راست
 کادکاری جسم بر ابران کار باننی اوروب بیک قدر
 بی کنه ادمی شهید ایدرک ایرانه واصل و یوانه قربان
 اولدقلری (شاه اسماعیل) ک حضورینه داخل
 اولدقلرنده شاه اسماعیل بومثلاواله اوجه صیغماز ایت
 مقوله سنک کندی ملکنی دخی فساد ویره جکرینی
 حس ایتدیکندن سر کرده لرینی و قلبور اوسنته
 کلنلرینی دردست و اعدام و بقیه سنی بالتفریق کنام
 ایتش و حتی سر کرده اش قبا ایله ایکنجیسنی قبا ناهش
 صوقزغانی ایچنه آتوبده اولدر مشدر . شاه اسماعیلک
 شو عملی الحاله هذه بین الاسلام آثار فسادیه سی دوام
 ایدن سائر اعمانه کوره محسناتدن عد اولنمیدر .
 کلام بوجانبه : شهزاده احمد علی پاشانک
 براقدیغی موقعده هیئت اردو ایله آرام و برآن اول -
 شواشقیانغاله سی بیتسه ده جلوس اینسم - خیالانیه
 تعداد ساعات و ایام ایدرکن همت و معاونتنه کووندیکی

پاشانك شهادتی خبرینی التجه كندیسنه آشیری یاس
 وحسرت كلهرك ارتق نه اشقبانك تعقیب وتدمیرینی
 نهده اردوی همایونك ادارهسنی خاطرینه كتورمیوب
 كمال نأسف وكدرله (اما سبه) به چكادی كندی .
 لكن عسكری طاقی شهزاده نك بومعامله سندن
 ثباتسزلغنی اكلا یوب صوغودقلرندن اشاغیده بیان
 اولنه جنی وجهله پادشاهك ووكلانك افكار
 وقرارلرینه قارشو كندوسنك ولی عهدلكنی
 تصدیق ایتیهرك جلوسنه مانع اولمشلردر .

§

توالیء مصائب قبیلندن اوله رق بواشاده (قونیه)
 حكمداری (شهزاده شهنشاه) وفات ایدوب
 بوقره خبر (ادرنه) ده بولندقلری حالده حضرت
 پادشاهی دلخون ومكدر ایتدیكى كبی علی پاشانك
 شهادتی واردوی همایونك پریشانلغنی حوادث
 مؤلمه سی دخی تعاقب و (شهزاده سلیم) ك
 روم ابلی به كلوبده چیره دستیء جلادتیله نوبندن

اول تاج سلطنتی قاپی افکارنده بولندیغنک شایعه لریده
 بوایام آلامه تصادف ایتدیکنه مینی سلطان بایزید
 امراض جسمانیه لرینه منضم اولان عوارض متوالیه
 قلبیه دن طولانی تخت سلطنت دکل حیات مستعاردن
 بیله اوصافش اولدقلرندن برکون ارکانی حضورینه
 جمع ایدرک اسکی نیتلری کبی همان (شهرزاده
 احمد) ک جلیله اجلاسی چاره سینه باقمسینی
 فرمان بیوردیلر .

مرحوم علی پاشانک یرینه مسند صدارتی تکرار
 احراز ایدن (هر سک زاده احمد پاشا) دن ماعدا
 وکلانک کافه سی بواراده پادشاهینک انفادی
 رأینده بولندیلر .

احمد پاشا سلطان بایزید حضرتلرینک خسته لکری
 مناسبته حل و عقد امورید استقلالنده ایکن تخته
 بریکی پادشاه کلدیکی تقدیرده استقلالنی و بلکه ده
 مسندینی غیب ایده جکنی ملاحظه ایتسندنمیدر ؟
 هرندن ایسه ارکان و وکلای سائره نک خلافتده بولنش

ایسه ده حضرت پادشاه او آرزو لریك حصولی قویا اراده بیورد قلرندن احمد پاشا بوسفر کندی رأینی طوتدیره میوب و کلای سائره روم ایلی امراسنی حضور پادشاهی به جلب ایله (شهرزاده احمده) غائبانه بیعت ایتدیره رك قرار لریك اجراسیچون پادشاهی استانبوله نقل ایتدیله . و صورتحالی بعضیلری کیرلوجه شهرزاده احمده یازدیله .

« بوقرار هر نقدر بین الوکلا کیرلی طوتلق ایستلمش ایسه ده نصلسه (شهرزاده سلیمک) مسموعی اوله رق کندوسنه اولجه تأمینات قویه ایله قبول ایتدیریلان (سمندر) سنجاغنه عزیمتدن صرف نظرله (زغره) دن کیرودونوب چورلی جوارنده پای تخت عسکر یله شدتلی بر محار به سی وقوعه وئمشدر که تفصیلی قریبا کله جکدر ،

جناب پادشاه استانبوله بعد الوصول تکرار عقد مجلس مشورت ایدرک شهرزاده احمدک اجلاسچیون ادرنده، و یریلان قرارک صورت اجراسی بخشنده،

افکار عمومی یی یوقلادقلرنده هر سك زاده احمد پاشا
 سهوزه كلوب] بومادهك تصورى اوزرينه ييله
 شهزاده سليمك كوسه ديكي مخالفت و خصومت
 وچورليده ظهـوره كلان حالت معلومدر . شمدي
 شهزاده سليم بر صورتله تطيب و تسليه وافكار عامه
 تماميله شهزاده احمد طرفنه اماله اولنماقجه اوتصورك
 اجراسى مشكلدر , جبريوانه كيداسه كرك عسكريدن
 و كرك اهايدن برچوق خلقك بزدن يوزچو يروب شهزاده
 سليمه تبعيت ايده جكاري و او حالده بتون بتون مشكلاته
 دوشيله جكي ملحوظدر , شمديك سلطان احمد
 قرمان ولايتى توجيه و كندوسنه طرف شاهانه دن
 تلطيفنامه تطير او انه ريق برمدتجك مصلحت مسكون
 عنه براغيلوبده همچان افكاره سكونت كلد كدن
 صكره اسلوب حكيمانه ايله اجراى مافى الضمير ايدلك
 مناسبدر .] ديمسيله حضرت پادشاه احمد پاشانك
 بورآيى تصويب ايدرك جلوس ماده سنك آز مدت

ایچون موقتا ناخیری لازم کلدیکنه و شهیدک قرمان
ولایتی کندولرینه توجیه اولندیغنه دالر شهزاده
احده غایت التفاتلی نامه همایون کوندرادی .

لیکن شهزاده احمد تحت عثمانی به اجلاسچون دعوتنامه
بکلر ایکن مأمولک غیری برنامه همایون النجه
نامه ده کی مواعید تسلیمتکارانه قطعاً تأثیر ایتدی
فوق الغایه حدتندی . حتی نامه همایونی ابصاله
مأمور اولان ذات شهزاده نک حدتنی کوره رک نفسنه
سوء قصدندن قورقسیمه شهزاده به وداع بیله
ایتمکسزین اما سیددن صاوه شوب سرعتله استانبوله
بالورود شهزاده نک مغبر اولدیغنی وقرمان ولایتی قبول
ایتمدیکنی حضور شاهانه به عرض ایتدی .

سلطان بایزید حضرته ولی عهدینک اغبرارینه
سببیت ویرلدیکندن طولانی ندامت وینه تصور
سابقک اجراسنه میل ورغبت اظهار ایتدیله شهزاده
احمد طرفداری اولان ارکان پادشاهک میلینی کورنجه
همان استانبوله کاحسچون شهزاده به عرضیه لریازدیله .

شهرزاده ذاتاً استانبوله کلکی قرار شد در مشیدی .
 ارکانک معروضاتی کندوسنه دها زیاده قوت
 و بردیکندن در عقب یوله دوزه لوب پادشاهک
 رخصت رسمیه سنی دخی المش اولمق اوزره طرف
 شاهانه به استیدانی حاوی یازمش اولدیغی عربضه
 مخصوصه سنه اثنای راهده مساعده جوابی الهرق
 سیر سریع ایله (اسکداره) کادی . اسکداره
 کادی اما توفیق و طالعک عدم مساعده سی سببیه
 بیچاره استانبوله کچه مدی .

در خاطر اولسونیکه : شاه قولی وقعه سنده علی
 پاشا مر حومک شهادتیه عساکر عثمانیه نک
 پریشانقلری وقوعنده شهرزاده احمد نه اشقیانک تعقیبنه
 نهده عسکرک اداره سنه احواله نظر التفات ایتدیرک
 اما سیه به چکیلوب کتدیکیچون یکی چریلر کندوسندن
 صوغودیلر دینلشیدی .

بونکله برابر شهزاده سلیمک مؤخرأ (چ-ورلی)
 جوارنده کی معرکه ده - هر نقدر منهنم اولدیسه

بیله - شجاعت و فرطه اصحابیدن اولدیغنی عموم
 عسکر کوروب اکا ایصنمشلرایدی . شو جهته
 عسکرک شهزاده احمدی قولای قولای قبول
 ایتیمه جگری و کلانک معلوملری ایسه ده روم ایلی
 امراسی قوتیله تصورلرینی فعله کتوره بیتک خیالاتنده
 بولنوردی .

وقتا که شهزاده احمد اسکداره واصل اوله رق ارکان
 دولتک مشار البهی استانبوله چکوروب اجلاس ایتمک
 نیتنده اولدق لرینی یکی چری طائفه سی اکلادق لرند،
 رؤسای بریره طوپلانوب « شهزاده احمد تن پرور
 ذوق و صفاسنه اسیر بذاتدر ، پای تختدن عساکر
 کلیه ارسالنه امداد اولمش . بکن بر قاج ایاغی چارقلی
 اشقیایک مدافعه سنه مقدر اوله مدی ، شهزاده
 سلیم کنی صفات مکمله بی جا . بر قهرمان طور رکن
 شهزاده احمدک اجلاسی خطادر . « دیهرک
 شهزاده احمدی سریر سلطنته دکل استانبوله بیله
 چکیرمامکه فرار ویردیله . واسکداردن استانبوله
 کیسه چکه مامک اوزره اسکله ره بلوکر تعیینیله قایلرک

مرور و عبور و رینی قویا منع ایله برابر شهرزاده سلیمت
 علیهنده بولتان شهرزاده احمد طرفدار لرندن (صدر
 اعظم هر سگ زاده احمد پاشا) (وزرادن مصطفی
 پاشا) (روم ایلی بکر بکیسی حسین پاشا)
 (قاضی عسکر مؤید زاده عبدالراحن افندی)
 (نشانچی تاجی زاده جعفر چلبی) و سائر ذواتک
 بر کجه خانهلرینه بالهجوم کندولرینی قاچیروب
 بتون ماملکلری یغمالدیلمر . و او کجه ناصباحه
 قدر « یشاسون سلطان سلیم » صداسیله استانبولک
 سوقاقلرنده شهرزاده سلیمی القشلدیلر .

ایرتسی کون صباخلین رؤسا و ضابطان عسکر به
 سرای همایونه عزمتله کجه لین عسکرک حسب
 الجهاله جسارت ایتدکلری یغماکر لیکدن طولانی
 عرض معذرتله برابر اسملری تعداد اولنان و کلانک
 منصلرندن عزل و طرد اولنلرینی اغز بر لکبله استدعا
 ایتدیلمر .

پادشاه حضرتلری جهه ورک صایدیغی ذواتدن

فقط مصطفی پاشایی بالالتماس منصب بنده ابقا ایدوب
 ماعداسنی ناچار عزل ایدرک اختلالی بیوتمدیلر .
 شهرزاده احمد یکی چریلره بذل نقود احسان ایله
 قبول عمومی تحصیلنه چاره کور مک ایچون رئیس
 امراسی بولنان (یولارقیمصدی) لقبیله ملقب
 (سنان) پاشایی مقدمجه استانبوله کچیرمشیدی .
 سنان پاشا بوتدیری یایمغه موفق اوله مدقدن ماعدا
 آزقالدی یکیمیچیلرک شمشیرتهور لر بله حیاتی غیب
 ایدویازدی . هله بیک زحمتله کندینی اسکداره
 آته بلدی .

قضیه شهرزاده احمدک معلومی و شاهد ناز پرور امل
 کتدیجه کندوسندن یوزچویرمکده اولدیغی مجزومی
 اولنجی ذهننی یأس وحیرت قابلا یوب نه یایمسی و نزهیه
 کتمسی لازم کله جکنی تعیین ایچون اوچ کون دها
 اسکدارده آرامدن صکره اناطولی ولایاتی قبضه
 نصر فنه المق و بالتدریج عسکری طاقنی خشنود
 ایدوبده تحصیل تحت و تاجه بربول بولوق افکار ایله

(فرمان) ولایتنه طوغری یوریدی .
 فرمان ولایتی ایسه مقدمه پدیری شهنشاه محمولاندن
 کوچک شهراده (محمد) . توجیه یورلمشیدی .
 شهراده محمد عوجه سنک فرمان حکومتنی جبراً ضبط
 قصه دیله (قونیه) اوزرینه یوریمکده اولدیغنی
 ایشیدنجه عتبه شاهانه یه فریاد نامه کوندروب -
 شهراده احمد افکار و حرکات اخیره سی سلطان
 بایزیدی اغضاب ایتدیکندن - قلعه یه تحصن
 ایله عوجه سنه مقابله ایلمسی ضمننده شهراده محمد
 امر عالی کوندرلدی .
 فقط شهراده احمد قلعه بی شدتله محاصره ایدرک
 شهراده محمد برمدنچک طبائش ایسه ده پای تخندن
 کندیسنه وعد اولان امداد ظهور ایتیب کندوسنک
 قوه مقامتی دخی پک ناقص اولدیغندن بالاستیمان قلعه بی
 عوجه سنه تسلیمه مجبور اولدی .
 شهراده احمد فرمان ولایتنک ضبطله کندوشنی بتون
 اناطولی یه مالک اولاش حکمنده طوته رق کسوب

بیچمکه باشلادی . حتی قرمانک معتبران امر اسندن
 دلی کوکز نام ذاتی - کوچک شهزاده بی مقاومت
 وعدم اطاعته تشویق ابتدی - دیهرک طوتدیروب
 بالاعدام سر مقطوعنی رغما پای نخته کوندردی .
 بو کیفیت دخی هم پادشاهک همده عسکرینک شهزاده
 اجددن انسلاب توجه و محبت لرینی موجب اولدی .
 بو ائنده شاه اسماعیلک خلفا سندن انا طولیده (نور
 علی) نامنده بر مفسددها ظهور ایدرک باشنه بر کدیردیکی
 بکرمی بیک قدر اشقیایله امام - یه به طوغری هجوم
 اتمس - یله بونک دفع و تنکیلی ضمنده شهزاده نک تعین
 ایلدیکی سنان پاشا وقوعه کلان محاربه ده منہزم
 اوله رق او حوالینک شنیعیلری دخی نور علی به تبعیت
 ایتدکلرندن ارتق انا طولینک هر طرفی اختلاله
 دوشدی .

شهزاده احمدک بو موفقیت سزلکیده استانبوله منعکس
 اولدقده طوایف عسکریه رؤسای سرای همایونه
 طویلانه رق « ارتق ملک الدن کیدیور » شهزاده لردن

بر صاحب اقتدارك تختہ جلوسی لازم كادی , شهزاده احمدك حالی معلوسدر , شهزاده قورقودك فضائل علمیه و خصائل ادبیه سنه سوز یوقسده صفت شجاعتمدن بی بهره و خصوصیه مقظوع النسل اولدیغندن پادشاهلغه لایق دكلدر , شهزاده سلیم جامع شرایط حکمرانی بوجود بی مدانی بولندیغندن انك جلب و دعوتیه جلوس ابتدیرسی عمومك مستدعاسیدر « یولو باغرشدیلمر .

سببی دمنجك سویلندیکی وجهله سلطان بایزید حضرتلری مؤخرًا شهزاده احمددن سلب توجه پیورمشلرایدی . عسكرك شو استدعای متفقانه لینه بلا تردد مساعده ایله درحال شهزاده سلیمه دعوتی متضمن حکمنامه همایون کوندردیلمر .

§

﴿ سلطان سلیمك قبل الجلوس وقوعاتی ﴾
یوقاریلرده وعد اواندیغی اوزره سلطان سلیمك

جلوسندن اولکی وقوعاتک ایشته بوراده تفصیلی
صره سی کلشدر :

سلطان یازید حضر تلی شهزادگانک اکبری اولق
و کثیرالاولاد بوانق مناسبتیله شهزاده احمده الکیزاده
متوجه اولدقلر بچون پای تختده انک خشنود اوله
بیله جکی اصول اداره بالطبع کوزه دیلور و دیگر
برادرلی ممکن اولدیغی قدر مرکز سلطنتدن تبعید
ایدیلوردی، دینلیدی .

شهزاده احمدک الکیزاده قوجندبغی شهزاده سلیم
اولوب اوده شو پولتیقه اوغرینه طریزون کی او وقتنه
کوره اقصای حدودده بولنان غایت ضیق و قلیل ایراد
برسنجاغه آتلدی .

شهزاده سلیم ایسه رزانت عقل و تمکین و سلامت
نظر خرده بین اصحابندن اوله رق حقنده کوسه تریلان
حقار تلی هیچ نظر اعتبارینه المبوب طریزونده بر حال
مضایقه ده یشار کیدر و دور بین امعان ایله پای تختک
معاملاتی و ممالک محروسه نک احوالی کوزه در طورر

ابدی . شهرزاده فریدی سلطان سلیمان ایسه
سن شـبابه واصل اولهرق ناصیهٔ حالنده ادارهٔ مملکت
و حکمداری طور و شانی رونما اولسهـ بله بوکا دخی
بر سنجاق توجیه و احسان پیورلسنی حضرت پادشاهدن
استدعا و التماس ابدی .

طرف شاهانه دن شهرزاده سلیمانه ابتدا (قره حصار
شرقی) سنجاقی توجیهـ پیورلمش ایکن قره حصار
شهرزاده احمدک حکمداری بولندیغنی (اما سیه)
ولایتنه جوار اولهرق اوایسه ال بیوک دشمنی طانیدیغنی
قرنداشی سلیمک اوغلنی یانی باشنده قبول ایده مدیکندن
وقوعـ ولان انهاسی اوزرینه قره حصار شهرزاده
سلیمان عهده سندن بالتحویل اکابدل (کفه)
سنجاقی ویرادی .

شهرزاده سلیم بو حقیقاره دخی نجمیل ابدی .
وسلیمانی کفه به کوندردی اما قاباً پک متأثر
اولدی .

بونکله برابر کندومی نفس نفیس علویسـنده

مشاهده ابتدیی استمداد جهانگیری سائقه سیله
 آزمایش شمشیر قهرمانی قبیلندن اوله رق جواریت
 مناسبتیله (کرجهستان) و (ایران) طرفترینه غزا
 وسفردن خالی اولدیغندن بوحرکتی پایتخت ارکانک
 سوء تعریفایله طرف شاهانه دن تقبیح و دفعایله
 کندوسی تکدیر و توپیخ ایلمش اولسی ، و وکلانک
 اداره سزاکلرندن ممالک محروسه نك کوندن کونه
 فناغه یوز طوموقده بولمنسی ، و بیوک برادری شهزاده
 احمدک پدرلری حیانتده تخت عثمانی به اجلاسی
 مسئله سنک ارکان بیفنده کرماکرم قراراشدیغنک
 شیوع بولسی ، تأثراتی تحمل ایدیله میه جک بردرجه به
 واردردی .

بونک اوزرینه شهزاده سلیم - بغض مؤرخینک
 قولنه کوره - بالذات پدری نزدینه واروبده احوال
 ملک ودولتی شفاها سو بیلشمک ودها طوغریسی بیوک
 برادرلرینی نااهل کوردیکچون سریر سلطنته جلوس
 ایلك اوزره پایتخته قدر کلکی قوردی . لکن

طوغریدن طوغری به کله جک اولسه شاید ممانعت
اولور ملاحظه سببه بو تصور دن صرف نظر ایدرک
روم ایلنده کندوسنه مناسب بر محل توجیهنی اوج
دفعه معروضات تقدیم یله و مخصوص ادملر اعزام یله
نیاز ایتیش ایسه ده هر دفعه سنده یأس جوابی الدیغندن
ارتق هر چه باد اباد دهرک روم ایلنده کچکی ویرمک
صورتنی قرار شدردی .

بناء علیه طربزون ایماننده تدارک و تجهیز ایتدیکی
سفاین متعده بی - مؤخرأ ویره جکی امره کوره
حرکت ایلک اوزره - ذخایر و مهمات ایله طولدیروب
کندوسی شهزاده سلیمانک مقر حکومتی بولسان
(کفه) به عزیمت ایتدی .

کفهدن تکرار حضور شاهانه به ادم و عریضه
ارسالیله استدعای سابقنی تکرار و نصل اولسه روم ایلنده
کچه جکنی بیان و اشعار ایلدی .

شهزاده سلیمک روم ایلنده کچه مکن نیتی نه اولدیغنی
یک بدیهی ایدی ، بونک ایچون شهزاده احمدک

مجلو بی بوانسان و کلا - شهرزاده سلیمک بویله بلا
 رخصت شاهانه مقرر ما موریتنی ترک ایتمسی قانون
 عثمانی به مغایر و مستلزم انواع محاذیر - اولدیغندن
 بحثله ینه طر بزونه رجعت ایلمسنگ قطعاً کندوسنده
 تبلیغ ایلمسی ، و شاید اطاعت ایتمزایسه مسبوق اولان
 وعد و قرار عالی وجهله همان شهرزاده احمدک جلب
 واجلاسی ایله سلیمک امیدینک کسدیرلسی نزومنی
 پادشاهه عرض ایتمدیلر . و او یولده تبلیغات و نصایح
 و اثره اجراسیله شهرزاده سلیمی عزم و نیتندن
 واز کچیرمک ایچون مشاهیر ادباندن و طلاق نطقیه
 اصحابندن مولانا نورالدین نام ذات فاضلی کفهیه
 کوندر دیلر .

مولانا نورالدین کفهیه بالوصول شهرزاده سلیمه
 پادشاهک امر و وصایاسنی تبلیغ ایتمدکده شهرزاده
 « روم ایلمسه عزیمتدن مقصدم مجرد پدرمه
 کوروشوبده صلاح حال ملک و دولته عائد مطالعاتی
 عرض ایتمکدن عبارتدر ، طر بزونه عودت تکلیفنگ

قبولی بنجہ محالدر . « جوابی و یروب مولانا نورالدین بوجواب ایله پای تختہ دوندی کلندی . و شہزادہ خواجہ افندی بی التفات واحسانہ یونمش اولدیغندن حضور شاهانده فوق العادہ شہزادہ نک مدح وستایشندہ بولندی .

بونک اوزرینہ پای تختدن ~~ک~~ کفہ بہ تکرار بر ما مور کوندر بلہ رک روم ایلنہ کلمسی او یہ میہ جغی ، و انا طولی طرفندن ہانکی سنجاغی ایسترایسہ توجیہ اولنہ جغی شہزادہ یہ قطعیا بیلدیرلمش ایسہ دہ شہزادہ بومامورہ دہ « ایستہ بزیدرمز حضرتلرینک عتبہ شاهانہ لرینہ کیدہ یورز ، حین ملاقاتدہ نہ فرمان بیوررلسہ موجبنجہ حرکت ایدرز « دہہ رک ما موری اعادہ ایلہ کندوسیدہ همان ایتسی کون قریم طریقہ ادرنہ یہ متوجہا بولہ دوام ایتدی . و ذخایر و مہمات کیلرینک (احیولی) اسکلہ سنہ کیدرک اورادہ توقف ایتلریمچون ما مورلرینہ امر و بردی . شہزادہ، قریمدن کچرکن تاتارخان طرفندن حقندہ

احترامات گاهه کوسه تزلکله برابر قوم تاتاردن یانه
 عسا کر کلیه ترفیقی تکلیف ایدلش ایسه ده شهزاده
 تاتار خانک اعانه سه نه تنزل ایتیه رک کنیدی عسا کر
 موجوده سیله (بسارایا) الکلایی ایچندن سرعتله
 یوریه یوب آز وقت ظرفنده طونه نک بری یقه سه نه
 چکدی .

شهزاده نک سلسیره جوارینه واصل اولدیغی سلسیره
 بکی قاسم بکک اشعار ایتله ادرنده هیئک معلومی
 اولنجه جله سی تلاش وده شسته دوشه رانحر با مدافعه
 ایچون تدارکات عسکر یه یه تشبث ایتدیله . و (اطله)
 نام محلی اردوگاه اتخاذ ایله عسا کر موجوده بی اورایه
 چیقاردیلر .

سرای همایون خدمه سه نندن مقدا طرف شاهانه دن
 کفه یه کوندلش اولان مأمورلک برینی شهزاده
 سه لیم - مجرد کنیدی اصول اداره سه ننده اولان
 انتظامی کوسه ترمک ایچون - نزدند الیه تویمش
 و بودفعه برلکده کتیرمش ایدی .

ادرنه یه یا قلا شد قدہ کند و سنک نصل عادلانہ و عاقلانہ
 حرکت ایتکده اولدیغنی و روم ایلینہ کلیشی مجرد
 احوال ملکی بالذات پدریله مذاکره ایتک ایچون
 اولوب او یله وکلانک اسناد ایتدکاری وجهله
 سر بر سلطنتی جبراضبط ایتک غرضنه مبتنی اولدیغنی
 پدرلینہ عرض ایتک اوزره او مأموری پای تختہ
 کوندردی .

بوذات دخی مولانا نورالدین کی حضور پادشاهیدہ
 شہزادہ سلیمک اوصاف مقبولہ سنندن بحث ایتسہ یله
 حضرت پادشاهک توجه قابیلری شہزادہ سلیم
 جانبنہ میل ایدیوردی . و سر بر سلطنتی اکانک
 ایتک اماره لرینی کوستردی .

و کلا خنکارک تمایلنی حس ایتجہ شہزادہ احمد
 حقنہ سہقت ایدن وعد شاهانہ لرینی یاد ایدرک
 تردد لرینی ازاله ایتدیلمر . و قوہ عسکر یه ایلہ
 شہزادہ سلیمک مدافعه و مقابلہ سنہ چیقاردیلر .
 لیکن شہزادہ سلیم یا پدرینہ قارش و قلیج چکامکی

ایستاماسندن ، یا خود پای تخت عسکرینک کترنه
 نظرا مقارمت ایده میه جگنی عقلی کسمسندن ، هر
 ندن ایسه در حال حضور شاهانه یه بر آدم کوندروب
 « کلیمم مقاتله ایچون دکدر . غرضم خاکپای
 پادشاهی یه یوز سه ورو بده احوال دولته دائر افکار
 و مطالعاتی عرض ایتمکدر . مادامکه شوامیه
 مساعده بیوراجور . باری روم ایلنده بر ایالت احسان
 بیوراسونده سایه لرنده رفاه حال ایله کچینه ایم . ینه
 فرمان کندولر بنکدر » کبی مطاوعتکارانه
 و صلح جو یانه مقدمات ایله محاربه سودا سنده اولدیغنی
 یلمدردی .

بونک اوزرینه شفقت پدری حکمنجه پادشاه دخی
 یومشایوب مولانا نور الدینی بر قاج دفعه شهزاده
 سلیمک نزدینه اعزام ایدرک انواع التفات و تسلیت ایله
 شهزاده بی بلاطیف ، و فقط سلیمک پای تختسه قریب
 بر ایاتده بولندیرلمسی و کلانک ایشنه الویر میه جگندن
 انلرک القسا و ترتیبی ایله (بوسنه) (سمندره) وهوره

سنجاقلرندن برینی قبول ایتک ایچون تخیر ایتدیله .
 شهزاده سلیم سمندره سنجاغنی اختیار و بوصورتله
 پدرلینه فرمانبرلکنی اظهار ایتدیکندن سلطان
 بایزید حضرتتری پک زیاده خشود اولوب شهزاده یه
 هدایای مناسبه ونقود وفیره علاوه سیه سمندره

والیلکی براتی احسان بوردیلر .

لکن شهزاده سلیم منصب جدیدینه برمتسلم کوندروب
 کندوسی پای تختک حرکات و نیاتی تحقیق ایتک
 ایچون یرندن قلدامدی .

و کلا شهزاده نک ادرنه جوارندن ایرلایشندن
 شهزاده لنه رک وقوعبولان اصرارلی اوزرینه سریرعا
 سمندریه عزیمتی ضمننده طرف شاهانهدن شهزاده یه
 مکررا امرلر کوندربلوب شهزاده پدرینی قیرماق
 ایچون منصب جدیدینه کیدرکی برقاچمر حله کبرویه
 چکیله رک زغره صحراسنده چاذرلینی قوردی
 اوتوردی :

و کلا ی عصر شهزاده احمدک اجلاسی خصوصنده

او قدر متهالك ایلدیله که هیچ اولمازسه شهزاده سلیم
 مقرر مامور بننه عزیمت و موصلاتی بکلمدیله، و او یله
 بر مجسم فطانتک البته پای تختده ایبلان مذاکراته
 نه صورتله اولورسه اولسون کسب و قوف ایتمک
 اقتدارینی حاز اوله جغنی دوشمندیله کنسیدی
 قرارلرینک اجرا سیچون عساکر مجتهدینی هیچ
 طاغتمسه - مزین (طقوز یوز اون التی) سنه سی
 ربیع الاخری او اخرنده پادشاهی ادرنه دن قاندروب
 استانبوله طوغر دیله .

تحفی شورا سیدر که پادشاه حیاته اولدقجه شهزاد کاندن
 هیچ بری اجلاس اولنیه جغنه دائر اولجه شهزاده سلیم
 برده عهدنامه کوندرامشیدی .

شهزاده سلیم کندوسنه ویریلان شو عهدنامه نک مغاری
 اوله رق برادرینک اجلاسی ضمنده پادشاهک و وکلانک
 استانبوله عزیمت لرینی ایشیدنجه - اوزمانه قدر
 اطرافدن و پای تختدن بعض طرفدارلرک تجمه عیله
 اردوسی ایچجه قوتلنش اولریغندن - اوده زغرهدن

اوتوز بیک سواری ایله قاقوب موکب هم ایونی
 تعقیبه باشلادی . و اوچ کونده (چورلی) جوارنده
 موکب هم ایونک بولدیغی محله برفر سخ مسافه قاله
 برفوقعه باوصول اوراده توقفله - کندوسنه
 عهدنامه و برلیشکن ینه شهراده احمدک اجلاسی
 تدبیرینه تشبث اولمسی ندن نشأت ابتدیکنی پدرلرندن
 بالاستفسار و کلانک قرارلرینک تغییرینه برچاره ارامق
 ایچون - خواص بندکانندن (شرابدار مصطفی
 چلبی) بی طرف پادشاهی به کوندردی . فقط
 بوندن برفأئده اوله مدی .

و کلا ایسه نهزاده نک کمال سرعتله کلمسی مناسبیتله
 عسکرینک یورغون اوله جغنی و بناء علیه محاربه
 ایده جک اولسه لر غلبه ایده ییله جکلرینی اکلادقلرندن
 و پادشاه هر نقدر حرب ایلمسینی نجوز بیورمدیلر سده
 غلو صورتنده بیک درلو سوز س-ویلیه رک انی دخی
 قاندر دقلرندن پادشاه لسانندن اولق اوزره (بنی
 سون بکا صادق اولان سلیم ابله جنک ایتمسون)

بولو اعلانلر ایله عسکری جنکه س-وق و اغرا
ایتدیلمر .

شهرزاده کوندرهش اولدیغی مصطفی چلبیدن بر خ-بر
بکلم-کده ایکن اوزرینه هجوم اولندیغنی ک-ورنجه
ناچار مدافعه یه حاضرلندی .

موکب همایونک موجودی پیاده و س-واری (فرق
بش بیک) اولوب شهرزاده سلیمک موجودی دخی
(اوتوز بیک) س-واری ایلدیسسه ده بونلرک اتلری
و کندولری پک بورغون ایدی .

خلاصه : بابا اوغل عسکری و بر وطنک اولاد
جانبربری قرق یلاق دشمنلر کبی شدتلی بر محازبه یه
کیرشدیلمر .

پای تخت اردوسنک هم س-واری یه غلبه سی مسلم اولان
تفنگلی پیاده سی زیاده همده ادوات حر بیه سی مکمل
وعس-کری دنج اولدیغندن شهرزاده سلیمک بوراده
مهارت حر بیه سی ایشسه یرامیوب عسکری مغلوب
و پریشان اولمسیله کندوسی خواصر خدمه سیله راه
فراری طومغه مجبور اولدی .

« بعض مؤرخین شهزاده سلیم مقابلہ ایٹامک ایستش
ایسہدہ عسکری طاقی دفع صائل یواندہ میدانہ
اتلدیغندن شو محاربہ بلا اختیار وقوعہ کلدی دیرر »
ہرنہ صورتلہ ایسہدہ شهزادہ بوزولوب قاچنجه معقبلا
ارقہ سنہ دوشہرک خیلی قووالدیلا حتی مزر اقلی
بر سواری شهزادہ یہ یتیشوب مزر اغنی صاپلامغہ آز
قالش ایکن شهزادہ نک بندہ مخصوصی اولوب مؤخر
مسند صدارت عظامای و شرف صہریت شاهانہ بی
احرازیدن فرہاد پاشا چابک طاورانہرق سواری نک
جلہ سنی دفع الہ ولی النعمتی اوور طہ دن قورتار مشدر .
شہزادہ سلیم معقبلا اوغراشہ اوغراشہ احوالی
اسکلہ سنہ کندوسی ایصال ابتدی . و پریشان
اولان عسکرندن یولردہ اوچر بشرط و پلانہرق
اوچبیک قدر سواری تجمع ایتمسیلہ بونلری قرہ دن
کفہیہ کوندروب کندوسی خواص بندگانیلہ اسکلہدہ
بکلیان سفینہ لرینہ بندرک عزیمت و سریر سلطنتہ
دعوت اولنیشہ نہ قدر بر بچی سنہ مدت کفہدہ

اوغلی شهزاده سلیمانک نزدنده ارام واقامت ایلدی .

§

شهزاده سلیمک چورلیده انهرامندن صکره پای تختده
ظهوره کلان ماجرا یوقاریده صره سیله تفصیل
اولنمشیدی .

مشار الیهک کیفیت جلوسنه دائر سو یلیه جک
سوزیمزی ربط ایچون بوراجقده یالکز شواجالی
تکرار ایله اخطار ایدرزکه : یکی چری طائفه سی
وکلانک شهزاده احمد حقمده اولان قرارلینی برکوچک
اختلال ایله بوزدقدن صکره شهزاده سلیمک تخت
عثمانی یه اجلاسنه صورت قطعیه ده اتفاق ایتملر بله
مشار البهه پادشاه طرفندن دعوتنامه کوندردی .
فقط سلطان سلیمک نه آتشیپاره هول انکیز برقهрман
صاحب تمیز اولدیغنی و بونک پادشاهلغی زمانده
ایستدکلری کبی آتوب طوته میه جقلرینی پای تخت
ارکانی ذاتا ییلورلر سده بوشیر مهیبک هیجان ماده
غضبینی مستلزم اولان چورلی مسیله سی کبی بروقعده

شنيعه نك كندی سوء صنيعلری اثری اوله رق ظهوره
 گلکسندن طولایي - بویاره او ارسلان نخته جلوس
 ایدر سه ابتدا پنجه قهرنده از یله جك كندیلری اوله جغنی
 دوشندیکه - وکلا تترشمکه باشلادیلر .

ایچلرندن بعضیلری - خیال محال قیلندن اوله رق -
 شهزاده احمددن امید منقطع اولدیسه مقدا حضرت
 فاتحك ارتخالنده سلطان بایزیدك اما سیه دن پای نخته
 وصولنه قدر شهزاده قورقود پدرینه قائم مقاملق
 طریقینه سریر سلطنتده بولندیغنی زمان یکی چری
 طاقنه پك چوق اطف و نوازش کوسترمش اولدیغندن
 - یکی چریلرانی سورلر و سلیمدن اول استانبوله
 کلیوره جك اولسه جلوسنه موافقت ایدر لر خلیاسیله -
 خفیا قورقودی دعوت ایتدیلر .

بودعوته مبنی شهزاده قورقود سرعتله استانبوله
 کله رك طوغریجه یکی چری قشله سنه دخالت
 واجلاشیجون انلردن استعانت ایتدیسه ده بودغه
 عسکرک شهزاده سلیمی انتخاب ایدیشلری فطانت و

شجاعت، سیاست، وقار، هیبت و ثبات نیت کبی
 پادشاهلغنه لازم اولان کالاتی انک حائز بولمسندن
 نشأت ایدوب شهرزاده قورقودده بو اوصاف مفقود
 اولدیغندن کندوسنک جلوسی ارزوسنک حصوله
 کله میه جکئی اسکلاتیلر . و حقننده فوق العاده
 احترامات رسمیه کوسستمکله برابر شهرزاده سلیم
 جلوسی حالنده کندوسننه بر ضرر اصابت ایتیه جکئی
 تعهد ایلدیلر .

شهرزاده قورقود برارالق پدرلینک حضورلینه داخل
 اولوب بلا رخصت استانبوله کلیشی حقننده ایراد
 اولنان سوال عتاب آمیزه بیوک برادری شهرزاده احمدک
 شرندن قورقه رق کله که مجبور اولدیغی جوابنی ویرمش
 و سلیمدن بیوک بولمسننه نظرا جاوس کندینک حتی
 اوله جغدن بمثله پدرندن دخی استمداد ایلش ایسه ده
 بو سفر تاج عثمانی اویله سننا بیوکله که و یاخود پدرک
 استخلافنه قالمیوب عادات مرعیه نک فوقنده بر آرزوی
 عمومی ایله یاوز سلاطین سلیم کبی فوق العاده برادیش

بر شهر یارک زیور سر سعادت اولی ایچون مشیت الهیه
تعلق ایتمسه. یله شهرزاده قور قودک املنه هج بر طرفدن
یاردم ایدن اوله مدی .

بر قاچ کون صکرده شهرزاده سلیمک استانبوله تقریبی
خبر لری آندی . بالجمله ارکان وعسکر و یکی چرینک
تحت جایبنده اوله رق شهرزاده قور قود بر قاچ قوناق
محلدن بالاسه تقبال پادشاه جدیدی استانبوله
یکی باغچه چابری نام محله ایصال ایتدیلر .

« نه جای دقت ، نه غریب حکمتدرکه : کچن سنه
عدوی خونکار دینلرک نشانه تیر جانکداز ایدیلان
بر شهرزاده بو کون خونکار بختیار القش لریله تکریم واعزاز
ایدیلور . زهی انقلاب !! »

سلطان سلیم بنای سلطنتی صاعلم بر اساسه ربط
ایتد کجه تخته کچی ویرمکی مناسب کوره میوب یکی
باغچه ده چادر لرینی نصبله اوج کون استراحتدن
صکره کافه ارکان و رؤسای حضورینه جلب ایدرک
« پدرم مزنی التفاته و ذوق و راحتہ اشـد یدردی .

بن ظلم و سفاهت ایدنلره قطعاً اجیمام . جزالرینی اجرا
ایدرم اکر بنم سه-یاستمه تحمل ایده میه جکسه کز ،
و بن شام و شرق و بلیکه هند و چینه سفر ایدرم
اگر بنله کیده میه جکسه کز شه-دیدن خبر و یریکز
ینه دونوب یریمه کیده یم .

قرنداشلرم احمد و قورقود حلیم ذاتلردر پادشاهلغه
انلردن برینی انتخاب ایدرسه کز راحت ایدرسه کز «
یوالو برنطق حکیم پسند ایرادیله ارکان ووکلایی
و خصوصیه عسکری طاقنی تعهدات قویه به باغلادی .
و بونک اوزرینه سرای همایونه دخوله قرار و یردی .

حاصلی : (طقوز یوز اون سکز) سنه سی
صفرینک سکرنجی جمعه ایرتسی کونی سلطان سلیم
اول الای عظیم ایله یکی باغچه دن سرای همایونه
و کمال ادب و تعظیم ایله طوغریجه پدرلرینک
حضورلرینه داخل اوله رق بونجه زماندر بابا اوغل
بیننده کچن ایام فراق و تحسر و اصحاب اغراضک
سوء تعریفاتله حصوله کلان بیهموده رنجش قلب

و تکدر طرفیندن مع الاعتذار مشفقانه یاد و تعداد
 و متحسرانه او پوشوب قوجاقلشوب تسکین خلجان
 سینه و فوؤاد اولندی . سلطان بایزید حضرتلری
 ال قاندر وب پیرانه و پدرانہ او غلنہ دعا و ادارہ
 سلطنتہ برادرلی طرفندن سببیت ویراند کجه انلر
 حقنہ غدر و اعتساف روا کورلماسنہ متعلق برچوق
 نصیحتلرله برابر بیعت رسمیه بی اجرا بیوردیلر .
 بعدہ بادشاه جدید پدرلرینی او طہ لرنده ترک ایلہ نخت
 عالی بنخت عثمانی بی تشریف ایدرک قاعدہ قدیمہ
 مرعیہ به تطبیقا کافہ ارکان و علما و رؤسا دخی بیعت
 ابتدیلر .

§

سلطان بسطامی عنوان بایزید ثانی حضرتلری سریر
 سلطنتی حقیقہ اہلی بولنان مخدوم شوکت
 موسوہ لرینہ ترک و فراغ ایتدکن بش اون کون
 صکرہ ایام بافیہ عمرلرینی بعدما برکوشہ انزوا و فراغتہ
 کچیرمک ایچون بعدما بالتجر بہ آب و هواسنی مزاجلرینہ

موافق بولدقلری (دیمتوقه) قصبه سنه عزیمت
 آرزوسنده بولندقلربنی اراده و بیان بیورملریله سلطان
 سلیم فرمانبرانه موافقتله برابر دیمتوقه قصبه سنی
 کندرلینه تملیک و او ته دنبرو ندیم اتخاذا ایتدکلری
 روم ایلی بکلر بکیسی (یونس پاشا) ایله دفتردار
 (قاسم پاشا) بی خدمت علیه لرینه تخصیص و سرای
 همایون خدمه سنیدن و عسکرک هر صنفندن معیتلرینه
 مستعد ادملر ترفیق ایتدیلمر . و ایکی قوناق محله قدر
 تعظیبات فائقه ایله پدرلرینی بالذات تشییع بیوردیلر .
 و پدر و اولاد بعد ازین یکدیگرینی کوره بیلمکدن
 مایوس اولدقلری حالدده شفقت ابوت و بنوت هیچجمله
 کوزلندن اساله دموع هجران و دلسوزانه آه و افغان
 ایدرک بر برندن ایرلدیلر .

سلطان بایزید دیمتوقه به متوجهاً یوللرینه دوام
 بیورردی . لکن امراض متنوعه ایله وجود
 عالیلری ذاتا پک دوشمنش و سنلری دخی یتشه یا قلاشمش
 اولدیغندن ادرنه جـ وارنده (سـکو دلو دره) نام

مرحله به و صـ والرنده خسته لکری تشدد ایدرک
 (طقوز یوز اون سکز سنه سی ربیع الاونک اونجی)
 کونی حلول اجل طبیعی ایله اجمال انفاس حیات و عزم
 کلشنسرای جنات ایتدیلمر . رحمة الله علیه نوحش مغفرت
 نقشلی استانبوله نقل ایله جامع شریفلری جنبنده دفن
 اولمشدر .

مغفور مشـار الیهک ولادتلی (سـ سکز یوز الی بر)
 و جاوسـلری (سـ سکز یوز سکسان الی) سنه لرنده
 وقوعبولسیله مدت حیاتلی (الشمس بدی) وسلطنتلی
 (اوتوز ایکی) سنه دیمکدر .

§

پادشاه مغفورك زمان سلطنتلی اسلاف عظامی
 زمانلی قدر شانلی کچماش ایسه ده ارناودلقده
 وموره قطعه سنده قرانیلان فتوحات و کندورینک
 استانبولده وسائر ممالک محروسه ده احیاسنه موفق
 اولدقلری حیرات وحسنات و خصوصـیله فاتح کبی
 بر قهرمانک اوغلی و یاوز سلطان سلیم کبی

۱۹۳ سلطان بايزيد ثانی

برده احبقرانك بابلسی بولموق، کبی مزیات نام عالیپرینی
تقدیسه کافیدر .

§

— ❖ — فصل ثانی ❖ —

شہزادہ جمک اور پادہ { ۱۳ } سنہ ۱۸۸۰ء
سرگذشتی شاعلیں .

﴿ شہزادہ سلطان، حکم اور وپادہ کی سرگذشتی ﴾

استانبول فاتحی سلطان محمد ثانی حضرت تلیزینک
شہزادگان معالیہ عنواندن او اوب برادر لری سلطان
بایزید ثانی حضرت تلیزینک جلوساری عقیندہ نو بنندن
اول مالک تخت و تاج اولق سوداسنہ و بوسودانک سوق
واجباریلہ اناطولیدہ خیلی غائلہ ر چیقار دقدن صکرہ
مقبلیک تضییقاتندن حیرت دریا سنہ دوشوبدہ ایچ ایل
ساحلندن ردوس شوالیہ اوجاغنہ التجایہ مجبور اولان
(شہزادہ جم) سرگذشتک بر فصل مخصوصدہ ایراد
و بیان اولنہ جنی بو جلدک فصل اولی اوائلنہ وعد
اولنمشبدی .

جنگ سرگذشتی عثمانلو تاریخ‌نویس دخی مسطور
 صحیف عبرت‌ایسه ده محل وقوعات اوروپا اولدیغیچون
 بویخنده اوروپالور لساننده یازیلان تاریخ
 بزم‌کی لردن ده‌ها زیاده صحیح خبر ویرمسی ملحوظ
 اولدیغندن بویله انلره مراجعت مناسب مطالعه
 قلندیغنه دولت علیه تاریخنی یازان اوروپالوره و انقلر
 ایچنده المانیالو هامرک فرانسزجه به مترجم اون
 سکر جلد عثمانلو تاریخنی حقیقه شایان اعتبار دینلدیکنه
 مبنی شهرزاده جم سرگذشتنی - اش - بواثر عاجزانه مک
 جمع و ترتیبنده مشوق اولان اصدقای احبادن برذاته
 هامر تاریخندن ترجمه ایتدیروب بروجسه آنی درج
 فقط بزم تاریخک تطبیقنده کوریلان بعضی معلومات
 زائده علاوه و مزج ایدلدی .

وقتا که شهرزاده جم قرمان اوغلی قاسم بکک تسویل
 واغغالی اوزرینه روم ایلی به حکمک اوزره ردوس
 شوالیه [۱] طریقک رئیسنه دخالت ایتدی

[۱] شوالیه‌ای بر او جاقدر که بدایت حدودنی اسکی

قرارش۔ دیردینی زمان - عن اصل فرنکدن دونه
 اولد یغیچون (فرنک سلیمان) دینیلان محرم بر آدنی رئیس
 طریق نزدیک اعزام و او واسطه ایله کندوسنه ردوسده
 برملجا طلبنه و او روپایه کچمک اوزره اس۔ باب تسهیلیه
 نیازینه قیام ایتدی .
 فرنک سلیمان ردوسده بر کوزل صورتله قبول اولنورق

رومالیلرک اسکی زمانیدر . فقط اشـتهارلری قرون
 وسـطاده در . اول وقت بو طریقده داخل اولق
 ایچون اصیل ونسب اولق و یا حر بارشان قرانمش
 بولنق کبی بر طاقم شرطلو و بدئلنده رسوم و تشریفات
 مخصوصه و ارایمش . و بونلر زده اولورسه اولسون
 بر حقیق اولق کور بر لسه انکله اوغراشوب عدل و حقی
 برینه کتـورمک و صاحبسزارامل و ایتامه حمایت
 و صحابت ایتک و وظیفه لر ایله کندولرینی مکلف طانیرلر مش
 بونلرک اصل پارلاق زمانلری میلادک طقوزنجی عصری
 اولوب اهل صلیب محاربات معهوده سـئنده دخی
 میدان المشلدر . بونلر دوس جزیره سنی بیک اوچوز

جنگ مطالب واقعه‌شی شوالیه‌لک جمعیت مشورت‌ننده
 وضع موقع تذکر اولندی . بو مطالبك قبولی هم
 کندولرینک شانلرینه لایق همده پولنجه لرینه مطابق
 اوله جغندن اسعافنه قرار ویرلدی .
 بواشاده جم معینده یالکز اوتوز کشی اولدیغی حالده
 کلکیا [۲] سواحلنده واقع قورفوس لیمانه موصلت

اون تاریخ میلادیسنده یونان ایمپراطورلرندن الهرق
 اوراده مس-تقلا تمکن ایتدیله . او وقتدن تا قانونی
 سلطان سلیمان زمانه قدر ردوس اللرنده قالدی .
 پادشاه مشار الیه بونلری اورادن یوسکوردنجه المانیا
 ایمپراطوری و اسپانیا قرالی مشهور شارلکن بونلره
 مالطه جزیره‌سنی ویردی . اوراده بیک یدیبوز طقسان
 سکن تاریخ میلادیسنه یعنی بوناپارتک مالطه‌بی
 استیلاسنه قدر قالوب اندن صکره ناملری دنیادن
 قالدی .

[۲] کلکیا فرمان دیارینک قدیم اسمیدر :

ایدرک کدک احمد پاشانک تعقیب و تضحیتی ردوسدن
 جواب انتظارینه میدان ویرمیدیکنیدن اوراده
 کندوسنی برقرمانلو کیسنه آتمش ابدی .
 کمی به بیندیکنک ایرتسی یعنی سکرزبوز سکسانیدی
 سنه سی جادی الاخره سنک اوچنجی ویک درتیز
 سکسان ایکی سنه سی تموزینک یکرمنجی کونی رئیس
 طریقک ویردیکی پساپورت ایله عودت ایدن فرنگ
 سلیمانک را کب اولدیغی قایق و جی استصحابه مأمور
 اولان قاستیلیا باش پاپاسی « دون الوارزدوزونیاغا » نک
 قومانداسنده کی دونما شهزاده جی بولدیلر .
 سلیمان هر نقدر رئیس طریقک افادات واقعه سنندن
 تأمینات کافیه اله مدیغنی جه اخطار اتمش ایسه ده
 جم بوراسنه عطف نگاه ایتدیرک کلان کیلردن
 برینه بینسوب اوچکونده ردوسه واصل اولدی .
 و تعظیفات فائقه و شانلو برالای ایله قبول اولندی .
 شوپله کد : جک کیدن حیوانله چیقیمی ایچون
 اوزری اقمشه نفیسه ایله طونادلمش اون سکرز قدم

سرگذشت جم ۲۰۱

طوانده و درت قدم عرضنده مخصوص بر کوپری
 یاپلوب ساحلدن کمی به اوزادادی . ردوس
 شوالیه لری شهزاده نك مستحفظی مقامنده معیننده
 کتمک اوزره اسکله ده بکلیورلردی . الایک کچدجکی
 سوقاقلر کونا کون حالیر و چیمکلر و جشیر دالیر بله
 تزین اولمش ، پنجره لر بالقونلر فوج فوج تماشا به
 کلان کوزل کوزل کیلی قادینلرله طولاش ، وسطحکلر
 اوزرلی سیرجیلرک یوکنه تحمل ایده مز بر درجه به
 وارمش ایدی . خدمتکارلر و موسیقه جیلر بیراملق
 اثوابلرینی لابس اولدقلری حالده فرانسز هوالریله ترم
 ایدرک الایک اوکی صره کتمکده واردلرنجه (هیروز او متین)
 دینیلان پاپاس دایقانلوری ایکی البسه لریله کچمکده
 اولوب بونلردن صکره شهزاده نك صول طرفنده رئیس
 وارقه لرنده امرای مملکت یوریمکده ایدیلر .
 « سنت اتین » میدانته وصوللرنده رئیس طریق
 (دوبوسون) النی اوچ کره کوکسنه قویوب شرق
 عادتی اوزره شهزاده بی سلاملقدن وصاغ النی دخی

مشار الیهه اوزاندقدنصکره یوله دوام و بو ائناده
 ترجان واسطه سه یله تعاطی کلام ایدرک شهزاده
 ایچون حاضر ائمش اولان فرانسز سراینه داخل
 اولدیلر .

شهزاده نک دایبسی علی بک کلیکیا سوا حلتده بولنان
 بولنان حرم و چوجقلری و معیت خلقنی و اشیا بی ردوسه
 نقل ایتک اوزره بر سفینه یه ارکاب اولندرق قاسم بک
 نزدینه کوندرلدی .

شهزاده بر مدت ردوسه قالب او مدتیده صید و شکار
 و ذوق و مسقا بله امر ارایتدی . براز صکره بریسی قرمان
 و ایسی طرفدن و دیگر یوزیر احمد پاشا جانندن ردوسه
 ایکی سفیر کلوب احمد پاشانک بر مکتوبنی واکر بر مصالحه
 دائمه آرزو سننده ایسه لرایلمچی کوندر بلوب قرارلشدیرلسی
 تکلیفنی ایصال و تبلیغ ایتدیلر . رئیس و اعضاء
 طریق بو باده هم منافع ملکیه لرینی همده مهماننوازلق
 شرائطنی کوزده دوب - بو صرده شهزاده نک رد
 و تسلیمی طلب اولنده جغنی واکر چه بوکا مخالف

اولسه بيله شهزاده نك ضربه خنجرله وياخورد تسميم
 صورتيله اهلاكي خوفندن وارسسته قائمه ميه جني
 جهته - جك جزيره دن اخراجنه وشواليه طريفك
 فرانسه ده كائن مستلكا تندن برنده اقامه ايدلمسسته
 قرار وپردیلر .

رئيس طريفك جك تخت سلطنت عثمانی به جلوسی
 تقدیرنده حکمی اجرا اولمق اوزره شهزاده به برعهده نامه
 امضا تدرمه مو فوق اولوب بونكله جم شوالیه لر
 طريفك دو نمانسه ممالک محروسه لیمانلرینی كشادا تيمکی ،
 و هر سنه او چيوز نفر خرستیان اسراسنك بلا خرج
 و بلا بدل قيد اسارتدن اخراجنی ، و كندوسی ایچون
 ایدیلان مصارفی اوده مك اوزره یوز اللی بيك دو قا
 التونی اعطاسنی متعهد اولمشدر .

(اشبو عهدنامه جك خط دستيله ممضی و سكر یوز
 سكرسان یدی سنه سی رجبك بشی تاریخيله مؤرخ
 اوله رق ایوم (مالطه) خزینه اوراقنده محفوظدر .)
 « شهزاده ردوسدن سلطان یازید حضرتلرینه عفوینی

مستدفی بر عریضه کوندروب پادشاه مشارالیه طرفتدن
 یازمش اولان جوابنامه همایونده کندوسنی فرنگلردن
 قورتارو بده عودت ایتدیکی و عریضه سنده کوستردیکی
 تأمینات وجهله حرکت ایلدیکی تقدیرد مقدا
 تخصیص اولنان معینات سنوبه نك ینه اعطا
 اولنه جنغی وعد اولمشدر . بومکتوبلرد . ذیلده (۲)
 و (۳) اشارتلیله مسطوردر . «

بیک درتیوز سکسان ایکی اغستوسنک نهایتی کونی
 شهزاده جم اوتوز نفر خدمتکاری و اوراده مباحه
 ایتدیکی بکرمی قدر ترک اسراسی برابر بولاندیغی حاده
 رئیس طریقک برادر زاده سی (شوالیه دو بلانشفور) ک
 قومانده سنده بولنان سفینه به بنوب ردوسدن فک
 لنکر اقامت ایلدی .

و ایرتسی کونی شوالیه طریقک (شوالیه کوی دومون
 وارنو و دوپرا) نام سفیرلی سلطان بایزید نزدینه
 کوندردی .

بوسفیر استانبولده برصورت ممتازده قبول اولوب

در عقب پادشاهک مرخصی بولنان وزیر اعظم
احمد پاشا و مقدماردوسی محاصره ایدن مسیح پاشا
ایله مکالمه به مباشرت ایتدیله .

آز قالدیکه دهها ابتدای مکالمه ده مصلحت بوزیلور
ایدی . شویله که احمد پاشا ک اول برخراج اعطاسنی
تکلیف ایدوب بواساس اوزرینه عقده صالحه ایسه
سوالیدله کران کلمسیله اشبو تکلیف رد ایدلدی .
مسیح پاشا ردوس ایله فصل اولور ایسه اولسون
عقد مصالحه ایدلسی ارزوی پادشاهی اولدیغنی
احمد پاشایه تفهیم و بیان ایتسیله اوده کندوسندن
زیاده معتدل المزاج اولان مشار الیه مسیح پاشایه
ترك تسویه مصلحت ایدرک چکلدی . واندن صکره
مصالحه منعقد اولدی .

شرائط معاهده دخی اتیده محرر ماده لردن عبارتدر :
برأ و بحرأ حال صلحده بولنلق . طرفینک تجارتی
سربست اولوق . ایکی حکومت تبعه سندن یکدیگری
نزدنده بولنان اسرا تبدیل دین ایتدگری حانده اعاده

ایدلک . تبدیل دین ایتمشله ایسه طرفین یکدیگرینه
اسیر باشنه یکرمی ایکیشردوقا تأدییه ایلک . هالبقار
ناسده واقع (سن پیر) قلعه سی ملتجیلره تعرضدن
مصون برماوی اولوق اوزره باقی قالمق . اشبو مصالحه
پادشاه حیاتده اولدقجه دوام ایتمک .

ایلیجیلر شو صورتله بر مصالحه نك انعقادندن صکره
هدایای نفیسه یه مستغرق اولدقلری و برابرلنده
بر عثمانلی مأموری دخی بولندیغی حالدیه ردوسه عودت
ایلدیلر . بو مأمور شهزاده جـك ذاتنه دائر اولوق
اوزره رئیس طریق ایله دخی خفیاً بر معاهده عقد
ایدوب بونك مقتضـه اسنجه جمـشـه والیه لر طریقنك
املا کندن بر محلدیه ایقونلوق اوزره پادشاه بهر سـنه
اغستوسـنده قرق بشـبـیک دوقا تأدییه ایتمکی تعهد
ایتمشـدر . ورتونك نار یخنده شهزاده ایچون
وبریله جـك اقچه یه دائر اولان اشبو ایکنجی معاهده
برنجی عهدنامه یه مربوط کوسـترش ایسه ده
فأورسن بونلری تفریق ایدوب ایکنجی معاهده نك

بر وجه محرر ایلیچیلرک ردوسه عودتندن صکره
بر عثمانلی مأموری معرفتیه عقد ایلدیکنی بالخاصه
ذکر ایشدر .

« شهزاده جم فرانسییه عزیزمتندن ارتخاننه قدر اوچ
سنه مدتی شوالیدلرک وفرانسه قرانک و پانک
اولدقچه مساعدیه بر اساسارنلری نختنده امر ارایدوب
بومثلاو دوچار فلاکت اولنلرک بالطبیع استجلاب
ایتدکاری شفقت مقتضاسنه و شهزاده نک دور بازید
خانوقایعنبجه واوروپانک برقاچ حکمداری پولاتیه سنجه
حاصل ایتدیکی تأثیرات ایجابنه مینی بوبخشیده براز
تفصیله لزوم کورندی . »

چک را کب اولدیغی سفینه ردوسدن حرکتندن
صکره مخالف هوایه تصادف ایتدیکنندن طقوز کون
دکز زده چالتهانه رق (استانکوی) لیمانده آرامه
مجبور اولدی .

هوادوزه لوب شعبانک اون سکرنجی ویک درتیوز سکسان
ایکی سنه سی تشرین اولنک ایکنجی کونی (مسینا) یه

واز دیلر . واوراده سفینه نك محتاج اولدیغی تعمیر
 و تجدید اوازمی بعد الاجرا بنه یوله دوزلدیلر .
 جم بولده کوندزلی یونس بالقرینك صوفشتر تملرینی
 و کیجه لری (اتنا) یار طاغنك کوزل منظره سنی
 تماشا ایله اکلوردی . بر کیجه شهرزاده طعام ایدرکن
 کو کرتنه نك اوستنده یاقلمش اولان فنارلك ضعیبی
 برناپولی یلکن سفینه سنك بونلرک اوزرلینه وارمسی
 موجب اولدی . اکر جم کورلمش اولدی کندوسنی
 اله کچیرمکی امل ایدینسان ناپولی قرانك ید ضبط نه
 دو شمسی محتمل ایدی . چونکه بتون اوروپا حکمدارلری
 بویله برقیتملی اسیره دسترس اولق ایچون محاسده ده
 بوانتمده ایدیلر . (شوالیه دو بلانشفور) شهرزاده بی
 وادملرینی کمینك انبارلینه ایندیروب وشوالیه طریق
 بیراغنی کشاد ایدوب بوضورتله کیجه اوزرلینه کلان
 سفینه دن و کرک ایرتسی صباح (پویلا) سواحلنده
 تصادف ایتدکلری اون یدی قطعه دیگر سفینه لردن
 هیچ قوجتمسزین یولنه دوام ایتدی . بوقورقودن

صکره کینک کو کرته سنده فنار یا بقدن زیاده سیله
اجتناب ایدلشدر .

حاصلی التي هفته متمادیا دریا نورد سخن و فلاکت
اوله رق هله (نیس) لیمانه و اصل اولدیله . شهرزاده
نیس اطرافنک مناظر فرحفراسنی تماشاده ایکن ارزوی
وطن کندوسنی روم ایلی طرفلرینه طوغری تمید
سیاحت اولنه دوشیردی . و بواملنی بلانشفور دن
صاقلایه مدی . لکن ذو بلانشفور جوابه ابتدار
ایدوب - شمدی فرانسه طپراغنده بولندقلری جهته
فرانسه قراننک اذن و موافقتی اولدقجه اوس سیاحتک
ممکن اوله میه جغنی ، و معیتی خلقندن بریسنک کندولردن
برینه ترفیقا قرال جاننه کوندربلسی لزومنی - بیان
و کیده جک ادمک اون ایکی کون ظرفنده عودت
ایده بیله جکینی تأمین و در میان ایتمسیله شهرزاده دخی
خواص بندکانتدن خطیب زاده (نصوح چلبی) بی
(پاریس) اعزام ایتدی .

قطب نصوح چلبی ایکی کونلک یول کیدر کیتز اثنای

را هده توقیف و حبس ایدلمش اولدیغندن بیچاره شهزاده
 نیدسه تمام درت ای نصوح چلبینک عودتنی بکلدی .
 شهزاده شـعره هوسکار اولسـیله بو مدته شعر ایله
 اشتغال ایدردی .

بودرت ای مدت ایچنده فرنگ سلیمانک او غرادینغی
 آتی الذکر برتهلکه دن بشقه وقوعات اولیوب شهزاده
 بردوزی یه وغیر متغیر احوال ایچنده عمر کچیردی .
 اوتهلکه ده شودرکه : فرنگ سلیمان عثمانلولرجه
 اغراض و عفووی قابل وشوایه لر عندنده جزای اعدامه
 مقابل برجنایله متهم اوله رق - و عثمانلوتار یخلرینک
 روایند کوره سلیمان لسان اشنا اولدیغیچون فرنگلرک
 شهزاده بی نه پواتیقدره الت ایده جکلری شهزاده طرفندن
 بیلنمک اوزره سلیمانک تفریق ایسنیله رک - سلیمان
 حتمده شدید جزا اجراسنه قالمیشاش و جم بونی
 او ورطه دن پک چوق مشکلات و جزاسنک کندی
 طرفندن ترتیب ایله جکنه دائر اعطای تأمینات
 ایله تخباص ایده بیلشدر .

شهرزاده جم سلیمانی فی الحقیقه خزینه سنده حبس
ایلمش ایسه ده اره دن چوق کچمکسزین اسباب
فرارینی بانتدارک فرانسز قیافتده (روما) یه
صاوشدرمشدر .

علت مهلکه و باوارالق (نیس) وحوالیسنی گرفتار بلا
ایتمکه باشلامش اولدیغندن بو ماده شهرزاده بی
فرانسه نك ایچرو طرفلرند بر محله قالدردق ایچون
شوالیدله بیوک بهانه اولدی . وسکز یوز سکسان
یدی سنه سی ذی الحججه سنک یکر می یدنجی و بیك
درتیوز سکسان اوچ سنه میلادیه سی شباطنک
بشنجی کونی نیسدن حرکت ایتدیرلدی .

جم اثنای راهده نصوح چلبی بی بولدی . و (سن ژان
دومورین) اوزرندن (شامبری) یه واصل اولدی .
شامبری والیسی بولنان (دوق دوساواوا) عموجده سی
اولان فرانسه قرالیله کورشمکه کیتمش اولدیغندن
اوراده موجود دکلدی .

برقاج کوز صکره شهرزاده نیسدن قالدیریاوب (روسپیون)

طرفنده شوالیهلرک بر مقاطع سنه کوتورادی .
 جم بوراده اصدقا سندن مصطفی و احمد بکری
 فرانسز قیافتنه قویوب مجار قرالی نزدینه کوندر مشدر .
 بوندن مقصدی منوی ضمیری اولان فرارک اجراسنده
 طوته جینی یوللری او کرنگ و امنیتله کیدوب
 کیده میه جکنی ا کلامق خصوصندن عبارت اولوب
 اوراده اش بو مأمورلرک کوندرلرک کورینه دایر هیچ
 پرسوز تکیون ایتماش اولسنه نظرا ارا نیلان امنیتدن
 قولای بر شی بوغیدی .

« عثمانلی تاریخلرنده مجار قرالی نزدینه آدم کوندرش
 شوالیهلرک شهرزاده بی اغفال ایچون تشویقلرینه
 مبنی اولدیغی و کیدن آدملرک بردها نام ونشانلری
 بلورمدیکی بیان اولنه یور » .

نه ایسه : شهرزاده اوراده بولندقچه او حوالی
 کویولوری استانبول فانیکنک اوغلی کلش دبه رک
 تماشایه قوشوشورلردی .
 (دوق دوساوا) پارسدن شامبری به عودتنده

روسیوندن کچهرک جم ایله کورشمس وش-والیه لردن
استخلاصی امرنده لندن کلانی اسپرکه میه جکنی وعد
ایتمشدر .

بودوق هنوز اون درت یاشنده برنوجوان ملاح
افشان اولدیغندن شهزاده جم بونک مقنورن حسن
و آنی اوله رق حقنده شعرنر سویلش و یادکار اوله رق
دوقه شام تیموری اوزرینه التون ایلمه لی قیتدار
پر سلاح اهدا ایلمشدر .

جم اورادنده قالدیر بلوب (ایزر) و (رون) نهرلنده
قایقلره بندیر له رک سه کز بوز سکسان سکر سنه سی
جمادی الاولاسنک بکر می برنجی و بیک درتیوز سکسان
اوج سنه سی حزراننک بکر می بدنجی کونی (پوی) ه
نقل اولندی .

شهزاده پویه وصولنده سلطان بایزیدک مقدا ما مورا
ردوسه کلش اولان ایلمچیبسی حسین بکک فرانسه
قرالی نزدینه متوجها شامبری به وصوانی ایستدی .
فقط فرانسه قرالی اون برنجی اوئی حسین بکک پارسه

وصول شدن اول اغستوسک اوتوزنده وفات ایتش
 اولدیغنه مینی شوالیه لر بو فرصتدن بلاستفاده
 - بوارالق فرانسه داخلنده بعض قاریشتملر وقوعی
 ملحوظدر ، تقیدات احتیاطیه ایجابیدر - دیه رک
 بیچاره شهرزاده نک اتباعنی کندوسندن تفریق و بونلردن
 با دفتر بکرمی طغوز کشی بی سه کز بوز زرهللی مسکره
 ترفیق ایدرک کونوردیلر .

« ایلیچی حسین بکک مأموریت خفیه سی یاننده بولنان
 وجی تاج عثمانی به مالک ایتک ایچون اسه باب تدارکنه
 مقدر اوله جق قدر دهاتدن صاییلان بر طاقم ذواتک
 طاغیدلسی مسئله سی اولدیغی عثمانلی تار بخلرندن
 اکلاشیله یور » .

چک کرک اتباعنک یانندن ایرمامسی و کرک برادری
 طرفندن کلان ایلیچی ایله کورشدیرلمسی حقند .
 وقوعبولان ملتساتی شوالیه لرجه رهین اسه عاف
 اوله مبوب - شو معامله کندوسنک حصول آمانه
 برچاره سریع ایدوکی - جوانی ویریلور ، و اتباعنک

حسن معامله دن بشقه برشی کورمیه جگاری وعد
 اولنوردی . واقعا بونلر (اغ مورت) . و اورادن
 (نيس) . کوندريلوب اندن دخی ایلچی حسین بک
 ایله برابر برسفینده ارکابا سنه مر قومه رمضانک
 سلخنده ردوسه اعزام قلمشلدردر . فقط بو بیچاره لر
 فورتنه لره طوبیله رق اوچ آی دکز اوستنده غوطه خوار
 انواع مشاق اولدقلری حالدہ ذی الحجہ نہایتندہ
 کوجله ردوشه واره بتلشلردر .

جم اتباعندن ایرلدقدن صکره برقاج آی دها (پوی)
 شهرنده قالوب اندن بر قلعه یه واندندہ (ساسناژ)
 قصبه سنه کوتورلدی . شهرزاده بوراده (فیلیپین الن)
 نام بر دختر پری پیکره تعشق و انکله مکاتبه
 ومخابره ایدرک اسارت وغربت آلامنی بو صورتله تخفیف
 ایدردی . نه چاره که برقاج آی مرورندہ (بورغنوف)
 قصبه سنه قالدیرلدی که اوراسی رئیس طریق
 دوبوسونک مسقط رأسی و مقاطعه لرندن بریسی
 ایدی . شهرزاده نک یاننده براغیلان آدم لرندن

ج۔ لال بك بوراده خسته لنوب قالمشدر .
 جم بورغونوفدن دخی مونتویل ومورستل طریقله
 (بو قالیمی) بکنک ساحل بحرده کائن قلعه سنه ایصال
 اوانوب بوراسی شهرزاده یه ایکی سنه محبس اولمشدر .
 جم ارتق اوزون اوزادی محبوسیتیه وعلی الخصوص
 یار غمکسارلندن مهجور اوله رق یالکزغنه طاقتیاب
 اوله مامسنه مینی محافظلرینی اغفال ایله فرار یولنی
 بولق ایچون تدابیره تشبث ایلمش وصوفی حسین بکی
 فرانسز قیافتنده (بور بون) پرئسی نزدینه کوندرمش
 ایسه ده حسین بکک اوراده ایکی سنه امتداد ایدن
 مأموریتی برئمره حاصل ایده مامشدر . بورغونوفده
 خسته قلان جلال بك مؤخر اکسب صحتله شهرزاده نك
 نزدینه ککشیدی . شهرزاده انکله فرار اسبابینی
 مذاکره باشلادی . او اراق فرانسه مجار
 و ناپولی قرالریله پاپانک سلطمان بایزید علیهنه
 سوقنی مراد ایتدکاری اردویه تحت عثمانینک ذی الیدی
 صفتیه کندوسنی سردار ایتک ایچون دو بوسون

ایله مخبره و مذاکره ایتمکده اولدقلرینه شهزاده واقف اولدیغندن یا بوصولته و یا خود فرار طریقله قید اسارتدن قورتیله جغنه پک امین ایدی . فقط دو بوسونک قولاندیغی دسایس جک حریتندن مستفید اولق افکارنده بوننان حکمدارانک بونجه مساعیلرینی نتیجه سز براقدی . و کندوسنک فرارتصورتیده فعله کله میوب مدت اسارتی اوزادقچه اوزادی .

سلطان بایزید حضرتلرینک تخصیص پیوردقلری مبلغدن ماعدا دو بوسون برحیله ایله شهزاده نک مصرده بوننان والده سیندن دخی یکریمی بیک دوفا آلمش و بو خصوصده - شهزاده عهد قریبده عودت ایده جکدر , او یولده وقوعه واه جق مصارف ایچون پاره لازمدر - کبی اسان قولانمشدر .

عثمانلی مؤرخلرینک یازشلرینه باقیلورسه دو بوسون شهزاده نک نشانجیسنی بالاضلال بیاض اوزرینه برچوق کاغد نشانلدوب و ایستدیکی کبی طولدیروب

كرك شهزاده به دأر حكمدار لرله مخاره ائناسنده
 وكرك وسائل ساژده بو كاغذ لرله ابش كور مشدر .
 حتى جم طرفندن - قيد مجبوسيتده بولنموب مجرد
 آرزوی وجدانی ایله شوالیهلر نزدنده اقامت ایتكده
 اولدیغنه - دأر اوروپا حكمدار لرینه یازلمش اولان
 ساخته مکتوبلردخی اوصورتله یازلمشدر .

هر نقدر اشبو مکتوب ساخته کارلخی اوزمانك
 پولتیه سنه و رئیس طریق عاقبتی نامعلوم نیاتنه
 یاقیشور ایسه ده ایوجه دوشونیلور ایسه شهزاده بی
 بر بریله پایلاشه میان قرالردن هیچ برینك جك
 قيد مجبوسیتده بولمدیغنه الدامش اولسی فرض
 ایدیه مز .

دوبوسون پاپا و ناپولی قرالی ایله شهزاده نك تخلیه
 سبیلی مکالمه سنده اولدیغی ائنده اشبو ایکی حكمدار ك
 بیننه تفرقه دوشمش و بوسیهله جك فرانسه ده اقامتی
 اوج سنه ده اوزامشدر .

شوالیهلر شهزاده بی مخصوصا کندوسیچون بنا ایتمش

اولدقلری بر مستحکم قلعه‌یه نقل ایتدیله . بوقلعه
یدی قات اولوب برنجی طبقه‌سی و بودروم قاتنک اوستی
مطیخ و ایکنجی قاتی اوشاق اوطله‌ری و اوچنجی
و دردنجی قاتلری شهزاده‌نک کندی دأره‌سی اولوب
دها یوقاروده کی ایکی قات دخی محافظه‌یه مأمور
شواله‌ره مخصوص ایدی .

رئیس طریق دو بوسون شهزاده‌نک ردوسده توقیف
ایدلش اولان سنان‌بک و ایاس‌بک نام ادملرینی و سائر
توابینی بوارالق کوندروب بووسیله ایله شهزاده‌یه
یازمش اولدینی مکتوبنده دخی معاملات واقعه دنطولایی
اعتذار و یقینده حریتنک اعاده اولنه جفته دأر تأمینات
اظهار ایلش ایسه‌ده بو تأمیناتک فعلیاتی کوسترلامسته
و غموم اسارت تحمل ایدیله مز بر درجه‌یه واره‌سنه مینی
شهزاده ایله رفقای مصائب دیده‌سی ینه فراره
قالش دیلر سه‌ده ینه بجره مدیله .

بو ائنده چه دأر بعض تکلیفات ایچون حسین‌بک
نامنده یارسه بر ایلیچی ورود ایتدی .
فرانسه قرالی (سکرنجی شارل) ایلیچی حسین‌بکله

ملاقاته تنزل ایتیموب پاپانک و شوالیهل طریقنک
 مامورلرینه جک (ایتالیا) یه نقلنه رخصت و بردی
 و « پاپانک برترک شهزاده سنه مالک اولسیله خرسنیانلنک
 سعادتنی یوانده کسب ایده جکی منافعدن بنده منون
 اولورم » دیمش ایسه ده شهزاده نک محافظه سیچون
 یانه اللی نفر فرانسز شوالیه سی ترفیقنی ، و شاید
 کندی رضاسی اولقمسزین جمی بشقه دولته تسلیم
 ایده جک اولور ایسه پاپانک اون یسک دو قانآدی
 ایتسی لازم کله جکنی بو مساعده یه شرط اتخاذا
 ایتدی . و پاپا شهزاده نی بو صورتله الینه
 کچیردی .

جم ایچون طرف پادشاهیدن المقده اولدقلری فرق
 بشبیت دو قایه مقابل پاپا شوالیه لره بعض معافیات
 و امتیازات احسان ایتمش و دو بوسونک خدمات
 واقعه سنه دخی قاردیناللق رتبه سیله مکافات
 ایلشدر .

طالعسزجم یدی سنه دن صکره شوالیه لک اسارتندن
 قورتلدیسه ده پاپانک اسارتنه دوشمش اولدی .

شهرزاده سکز یوز طقسان اوچ سنه سی ذی الحجّه سنک
 بشنجی و بیک درتیوز سکسان سکز سنه سی تشرین
 ثانیه سنک طقوزنجی کونی معهود قله دن قالدیریلوب
 مارسلیا طریقله (طولون) • واورادن معیتی خلقیله
 ایکی قطعه ردوس قایغنه ارکابا (چویتاوکیا) به
 واندنده پاپا سکزنجی (اینوسان) ک اوغلی
 (فرانچسکو سبوس) نک سراینه ایصال و بیک درتیوز
 سکسان طقوز سنه سی مارت نک اون اوچنجی کونی
 الای ایله رومایه ادخال اولندی •

بو ایله شهرزاده نک معیتی خلقی برنجی صروده اندن
 صکره پیاده و سواری عساکر مستحفظه و پاپانک
 وقاردینانلرله روما اصیلزادکانک خدمه خاصه لری
 ایکنجی صروده کیدرلردی • رئیس طریق
 دوپوسونک برادری اولوب ردوس محاصره سنده
 حرکات دلیرانه ایله شهرت الان (وبقونف دوهمونبیل)
 آت اوزرنده اولدینخی حانده پاپانک اوغلی سببونک یانی
 باشنده بولنوب و بونلردن صکره ده شهرزاده غایت

کوزل دونانمش بر آتہ را کب وار قہ سی صرہ (اوورینا)
 باش پاپاسیلہ رفاقتنہ مأمور اللی نفر فرانسز شوالیلہ رینی
 مستحجب اولوب الک ارقہ دہ پاپانک باش مابینجیسی
 واکا بر رہبان ایلہ قاردینالر کیتکدہ ایدی . جم
 رومادہ (واتیقان) سراینہ اقامہ وایرتسی کون اوورینا
 باش پاپاسی و فرانسہ سفیری واسطہ لیلہ پاپا سکرنجی
 (ایوسان) . تقدیم اونندی . جم پاپانک حضورینہ
 کیرکن صاریغنی چبقارمسی و پاپانک اوکنسدہ دیز
 چوکسی تشریفانجی طرفندن اصرار اولنمش ایسہ دہ
 شہزادہ موافقت ایتمیوب همان ہیئتیلہ طوغریجہ
 پاپانک تختہ توجہلہ پاپایہ صاریلوب اووزینی
 اوپدی . قاردینالردہ بوبولده معاملہ ایتدی .
 بعدہ بر عبارت مختصرہ ایلہ وقورانہ پاپانک جایتنی
 استدا ایلدی .

مؤخرًا شہزادہ صورت مخصوصہ دہ پاپا ایلہ کورشمک
 آرزوسندہ اولدیغنی بیان ایلمسی اوزرینہ تکرار
 ملاقاتلری وقوعبولوب بودفعہ شہزادہ یدی سنہ لک

اسارت‌نده چکدیگی محن و مشاق جانکداز و والد
 و زوجه و اولادینه اولان اشتیاق تحسرافرازی پایایه
 حکایه ایدرکن کوزلرندن سیلان ایدن دموع حزن
 و ملال پایاییده اغلامه درجه سنده متأثر البال
 ایتدی .

پایا شهرزاده به لندن کلان معاونتی دریغ ایتیه چکنی
 و فقه ط مصره عزیزتی پدرینک تختیه نائل اولوق
 مقصدینه مانع اوله جغندن شمديلاك او صورتک
 اویه میه جغنی و مجارستان قرالی کندوسنک روم ایلی
 حدودنده بولمنسی طلب ایلدیکنی وعد و بیان ایتدیگی
 صروده تحف اوله رق جک هر شیدن اول خرسدیان
 دیننه کیرمسی لازم کله چکنی ده تکلیف ایلدی .

جم شوتکلبغه جوابا « دکل تحت عثمانی بتون دنیا به
 پادشاه اوله جغمی بیلسهم دیننی ترک ایدهم » کلامی
 ایراد ایدنجیه پایا ارتق اصرار ایتیبوب بعض کلمات
 تسلیمت آمیز ایله شهرزاده بی مسکنه کوندردی .
 او اثناده روماده مصرملکی طرفندن برالیچی وار

ایدی که شهزاده نك رومایه کیردیکی کون استقباله
 چیه قهرق شهزاده نك حضورنده بره قپانوب آتک
 ایاغنی او پمش ایدی . جم شوالیه طریقی ربیس نك
 کندوشیچون سفاین احضار ایتک بهانه سیله مصر
 ملک نیدن یکر می بیک دوفا غصب ایتمش اولدیغنی
 بوایلچیدن ایشندی . ایلیچی بو مبلغک شوالیه لردن
 استردادینی طلب ایتسه یله کرک پاپا و کرک اول وقت
 سلطان بایزید طرفندن روماده سفیر بولانان مصطفی بک
 اربه کیروب بشبیک دوفا ایله تسویه مصلحت
 ایتدیله .

عثمانلی ایلیچیسی جک پاپا مالکینده توفیقچیون مقدا
 قرارشدیرلمش اولان سنوی قرق بک دوفا بی عرض
 و تکلیف ایتکه مأمور ایدی . بر روایتده دخی
 سلطان بایزید بویله بر مبلغک ایفاسی مجبور یئندن
 قورتلقله برابر هم شهزاده نك همده پاپانک ازاله
 وجود لرینه موفق اولق ایچون مخصوصا قاتلر
 کوندرمشدر دینیلور . و حتی بوندن طولایی تحت

اسـمـنـطـاقـه النـمـش اولان (قریستوف ماقرینودل
 قاستانیو) نام شخص پادشاهک تعلیماتیله بوایکی
 فعل قتلـی بردن اجر الیمک نیتندله اولدیغنی اقرار ایلدیکی
 موثوق اولهرق ادعا اولنـؤر .

بونجه محن وآلامه مسـتـغـرق اولان شهزاده جم عثمانلی
 سفیرینک عودتندله برادری سلطمان بازیده بر مکتوب
 یازوب بونده بعد ازین مذاواعت کامله و مصادقت
 غیر زائله ده بولنه جغنه دائر عرض تأمینات ایتشدر .
 بونک اوزرینه اوج سنه دهـا مرور ایدوب بومدته
 شهزاده (پایا آنیوسانک) سراینده یشامشدر .
 وقتا که پایا آنیوسان وفاتنی منبج اولان خسته لیکه
 دوچار اولدی ، شهزاده بی (سنناتر) قلعه سنه
 نقل ایله صورت قویه ده محافظه سنه اعتنایه
 باشلادیلر . ویکی پایا آنیجی (ایکساندر بوریجا) نک
 انتخابندن صکره ینه واتقان سراینه قالدیردیلر .
 پادشاه آل عثمان نزدینه ابرایلیجی کوندرن پایا اشـبو
 بوریجاـدر .

پاپا بوجیا بوا ایلمچیسی واسطه سیله شهراده نك سنوی
 فرق بیک دوفا مقابله ده حبس وتوقیفنه دوام ویاخود
 دفعه اوچیوز بیک دوفا اعطاسه بیه اعدام اولنق
 صورتلرینی سلطان یازیده تکلیف ایلدی !
 بوا ایلمچیده پاپانک تشریفاتیجیسی (جورج بوجیاردو)
 ایدی . پاپانک نأمینات دوسه تانه سنندن پادشاهه
 بردرجه امنیت کلمشیدی که براسه قپوس ایچون قاردینالاق
 رتبه سی ایستدی .

پاپانک سفیری استانبولده چک ازاله وجودی ویا
 دوام اسارتی مذاکره سنی ایده طورسون : فرانسه
 قرانی سکرنجی شارل بیک درتیوز طقسان درت سنده سی
 ایلونک اون سکرنده فرانسه اردوسه بیه ایتالیا به داخل
 اولدی . قرال شارل ایتالیا ده نائل غلبه اوله رق
 سنه مرقومه نك نهایتکی کونی (مدیسیس)
 خاندانک فلورانسه دن طردینه و (پیر) شهرینک
 فیورانسه حکمندن تخلیصنه موفق اولدیغی کبی
 عسکر یله رومایده کیردی .

پاپا شهزاده بی برابر الهرق (سنتانتر) قلعه سنه تحصن
ایتمش اولدیغندن قرال شارل رومایه دخوانک اون
برنجی کونی پاپایله بر مصالحه عقیدنک مواد اساسیه سی
قرالشدیردی .

یومعهده نیک باشلوجه شرائطنندن بری شهزاده نیک
کندوسنه تسایمی ماده سی اولوب چونکه شارل
شهزاده بی آتی ایچون تصمیم کرده سی اولان فتوحاته
بر آت انخاذا اتمک ایستردی .

بعسد المعاهده قرال شارل و پاپا بوجیا و شهزاده جم
بینده بر ملاقات وقوع بولمشدر . بوملاقنده پاپا
شهزاده یه - قرالک کندوسنی برابر آتی ایستدیکنی -
بیان ایتمدیکی صروده برنجی دفعه اولهرق (پرنس)
عنوانیله خطاب ایدوب - شهزاده ایسه بو آنه قدر
بوجیادن (پرنس شهزاده) لفظ لرینی ایشتیه رک
معاملات متعظمانه سبیله دلخون اولدیغندن پاپایه
چو ابا « شمدی یه قدر بکا پرنس معامله سی ایلدی
ایستر قرال بنی برابر کوتورسون ایسترنه محبوسا بوراده

قالهیم بن ایگرده بر اسیرم بنجه ایکیسیده مساو بدر «
 دینجه پاپا محجوب ومبهوت اولوب «سزه اسیر نضر یله
 باقغی حق تعالی مقدر ایتسون سزایکیکیزده پادشاه
 و پادشاه زاده سکر بن بوراده بر ترجان حکمندهیم «
 جواب یله کندیسندن ازاله محجوبیت ونهخته چالشدی .
 اوچ آکون صکره وقوعبولان دیگر بر ملاقاتلرنده پاپا
 شهرزاده بی قرال شارلی به تقدیم و اوده بیوک مارشانک
 تحت محافظه سنه تسلیم ایتدی . پاپا اوغلانی
 شهرزاده به ترفیق ایلشدر .

شهرزاد، بوصورتله رومادن حرکت و بش کون (التری)
 شهرنده اقامتدن و اثنای راهده (مونته قورتینو)
 و (مونته سان جیووانی) وقوعات خونریزانه سنی
 مشاهده ایتدکن صکره فرانسه اردوسیه برابر
 (بیک درتیوز طقساز بش) شباطنک یکر می ایکنجی
 کونی ناپولی به واصل اولدی .

پاپانک استانبولده کی ایلمچسی (بوجیاردو) سلطان
 بایزیدک بر سفیر یله برلکده (انقونا) به چشمش ایسده،

(سنیغابا) و الیمی (ژان دوروور) او وقت
 قاردینال بوانوب مؤخرأ (ایکنجی روپن) عنوانیله
 پاپایق مسندینه کچن (ژولی) نک طرفداراغنی الترام
 ایدرک کندوزینی طوتدقدن ماعدا سلططان بایزید
 طرفندن چک ایکی سنه لک و برکوسی اوله رق پاپایه
 تسلیم اولمقی اوزره مستحجب اولدقیزی سکسان بیک
 دو قایی الیزدن المشر .

عثمانلی سفیری نصلسه یقه سنی (ژان دوروور) دن
 قورتاروب (هوماتو) مارکیسی (فرانسوا دوغوزراغ)
 نزدینه فرار ایتدی و او ده دولت علیه ایله اولوقت
 معاملات دوستانه ده بولندیغیچون سفیرک استانبوله
 عودتی اسبابنی تسهیل ایتدی .

پاپا بورجیسا بو وجهله انندن سکسان بیک دو قایی
 قایدردقدن وایلرود، المق امیدندن دخی محروم قالدقدن
 صکره حرص و آزیینی تسکینه بریول دها بولوب
 او کریوه ضلالتله کیتشدر او ده سلططان بایزیده
 چک قانی ضامسی ماده سیدر .

ایتالیان و عثمانلی مؤرخلر شهزاده جک کج نائبرلی
 برزهر ایله تسمیم اولندیغنده متحد ایسه لده صورت
 اجر اسجه اختلاف ایشلردر ایتالیا لورک قولنه کوره
 جک استعمانی معناد ایلدیکی شکرک ایچنه بر بیاض
 توز قاتلمسبله تسمیم اولندیغنی اکلاشیلور حتی بورجیا
 قاردینالرینی دخی بو واسطه ایله دیار عدسه کوندرردی .
 نه دیندار پاپا !! بالاخره کندوسنیده بویله زهرلدی .
 نه حکیم پاپا !!!

ترک مؤرخلریده اوس-توره اوزرینه زهر سه-ور یلوب
 انکله شهزاده تراش ایتدیرلمش و اوفاجق برجیرتیدن
 وجودینه سم نائبرایش اولندیغنی روایت ایدرلر .
 هر نه صورتله او اور ایسه اولسون بی طاع جم پدرینک
 وفاتی دقیقه سندنبروه هیچ بر راحت کوره میوب دست
 غدار فاکدن کاسه کاسه نوش زهرابه اندوه و ستم
 و اور و پاده اون اوج سینه اولاد و عیانندن مکهج-ور
 و هر نکلرک نوات-تفه حله کاراته لری او غورندر متمادی
 محبوس و ا-ور اولدیغنی حانده اک ص-کره جام جم

پرینه نجرع تلخابه باده سم ابدرك (طقوزیو سنه
 هجریه می) جمادی الاخره سنک یکر می طقوزنجی
 و (بیک درتیز طقسان بش سنه میلادیه می)
 شباطنک یکر می دردنجی بازار ایرتسی کونی افشامی
 اچهلی شهرنده مسومما عازم دارالجان اولمشدر .
 رحمة الله علیه

اوروپالور مشار الیهی الت ایدوبده ملت اسلامیه
 علیهنه اولان تصمیمات عدوکارانه لر بنی اجرایه
 متهانک بولندقلر بنی شهزاده اکلا دیغیمون دایما
 بوبولده الت اولمقدن قورقاردی . حتی اخر عمرنده کی
 تضرع و نیازی « امان یار بی اکر دین دشمنلری اهل
 اسلام علیهنده اولان تصورات مضره لر بنی اجرایه
 بنی الت ایدو جکلر سه برکون اول روحی قبض ایله »
 دعاسی اولمشدر .

مشار الیهک قرناسی بولنان سنان و جلال بکلر جنازه نک
 غسل و تکفیننی وسائر لوازم دینیه بی اجرا ابتدیلر .
 فرانسسه قرالی شهزاده نک انجام حالندن حقیقه متأثر

اولدیغندن جنازه نك ایچنی بهار ادوب و بر محفظه
 آهینه و ضلع ایتدیروب (غائت) شهرنده بر محل
 مخصوصه تودیع و جلال بك ایله ایس بکی محافظه سنه
 تعیین ایله برابر مخلفات موجوده سنی مصدره بولسان
 عالمه سنه ایصال ایلك اوزره خطیب زاده (نصوح
 بک) تسلیم ایلدی .

سنان بك تبدیل قیافله شهزاده جك وفاتی خبر
 و یرمك اوزره ناپولیدن استانیوله صاوشدیغنی کبی
 نصوح بك مضره کیده جك یرده یاهوانك مخالفتمدن
 و یاخود سلطان بایزیده خلوص ایتمک مطالعه سندن
 ناشی بندیکی سفینه استانیول ایمانه و اصل اولدی .
 و مستحجب اولدیغنی مخلفاتی دخی سلطان بایزیده
 عرض و تقدیم ایلدی .

شهزاده جك بر طوطی قوشی او اوب تعلیم قوتیله دائماً
 (الله ی نصر السلطان جم) عبارۀ دعایه سنی تقلید
 ایدر مش . بو قوش مخلفات میانده سرای همایونه
 کتور یلوب سرای قپوسندن ایچرو کیرر ایکن

« الله رحيم الساطان جم) الفاظنی تقلید ایش

اولدیغی مرویدر .

شهرزاده جم کندوسنک ارض اسلامده دفن اولمشی
 وصیت ایش اولدیغندن سلطان بایزید مخصوص
 مأمورلر کوندروب جک نعشینی (سچلیاتین) قرالی
 (فردریق دراغون) دن اخذ و جلب ایله بروسهده
 سلطان مراد ثانی مرحومک تر به سی جوازنده تر به
 مخصوصه سنه دفن ایتدیرمشدر .

شهرزاده مشار الیهک ولادتی سکز یوز التمش درت
 تاریخنده وقوعبولوب حین وفاتنده اوتوزالتی باشنده
 ایدی .

اون صباسی پدری حیاتنده بختیارلقه کچمش واون
 باشنده ایکن قرمان حکمداری اولهرق لذت حکمرانی بی
 طامش ایسه ده بیچاره نك انجام کاری تفصیل
 اولدیغی وجهله پک اجینه جق حالددر . هله
 اوروپا حکمدارلرینک پونتیه لری وردوس شوالیه لری
 رئیس دبوسنک خیانتی و پاپاپورجیانک قاتلک صفتی

ارتکاب درجه سندنده اهانتی زواللی بی الی صکره دام
 هلا که دوشیرمشدر • اوروپالوموئرخلر - مشارالیه
 ناپولی واسپانیاده کی ایکی فر دیناندن برینک و یا
 مجار قرالی (ماتیاس قوردون) و یا خود و ندیک
 جمهوریتنک اننه یکمیش اولیدی بونلرک منافع
 مخصوصه لری ایجابنجه مشارالیهی ساحه حریتیه ایصال
 و بلکه تحت عثمانی یه مالک اوله بیللمسیچون اولانجه
 اقتدار لرینی صرف و ابذال ایدر لر دی - دیر لر •

مشارالیهک طبیعت شعریه سی مشهور در • اوروپاده
 سو بیلدیکی بر منظمه (دوق دوسا ووا) ایله کورشدیکی
 زمانک احوالی حاکی اولدیغندن زبرده یازیلوب
 بونکله سرگذشت عبرت انگیزینه ختام ویرلمشدر •

﴿ منظومه شهزاده جم ﴾

جام جم نوش ایله ای جم بوفرنیکس - تاندر
 هر قولک باشینه یازیلان کلور دوراندر

فرستی فوت ایله عیش ایله سور ذوق و صفا
 کیمسه به باقی دکل دوران بو دیا فاندرا
 عیش قیل بو شهرده شهرزاده افرنگ ایله
 کیم بغایت نازنین و سرور خوباندر
 سرو قد سمین بدن محبوب افرنگ کوزل
 آی ایله کون حسنک عشقنده سرگرداندر
 ساکه بو حسن ایله ای شهرزاده ساغر صوندیغی
 تخت چین ملک یمن ایران ایله توراندر
 پادشاهلق بوندن اوز که اولماز ای شهرزاده جم
 خاطرک خوش ایله جام ایچ مجلس زنداندر
 منت اول اللهه ایم طاپو که دائم خسروا
 خوبلر بان اوغلی بانلر لطفکه حیراندر
 صاعلو وصولو باش اوروب ایاغکه دوشنلرک
 هربری ملک فرننگ برینه بر باندر
 چانور چنگ و دف ایله ارغنون قانون مثال
 نی غریوندن فرنکجه سر بسر افغاندر

خوبلر کندو دلجه نغمه لر اغاز ایدر
رقص ایله رفتار ایدنلر حوریدر غلمانلر

اون ایکی بان اوغلی بان قارشو کده التون جام چکر
اون سکر ساقی بو مجلسده کوزل دوراندر

جه سی زرین کمر التونلو دیبار ایله
باشلری زرین کلاه هم قوللری عریباندر

شهد ایله سکر نبات قند ایله خرما ی تر
نقل ایچون انواع نعمتلر بیله چنداندر

سکریم سود ایله یوغرلش سمیددن کلچهلر
تازه بادملر انک اوستنده کیم ارکاندر

الما و امرود و نارنج و تورنجلر بحساب
فندق و قیصی و عناب چیمک ریحاندر

قارشو که بان زاده لر ال قاشورب قارشو طورر
بز مکاهک جنت الماوی یرک بوسماندر

یدی قیلاق قانامش صافی شراب لعل ناب
ساقی سمین لندن هر طرف رنداندر

بونلرایله ای جوان شهزاده سلطان جم سکا
 برکیچه ذوق ایلمک هر شه-یلره رجحاندر
 خسروا کوکلیکی خوش طوت عیبه مشغول اول مدام
 چونکه بو دنیا اوینک آخری ویراندر
 حکم ایدنلر بوجهمان ملکنه شرق و غربدن
 کر سلیمان کر سکندر جمله سی مهماندر
 پادشاه اولدر که هر کز ذاتنه ایرمز زوال
 حی و باقی وقادر و خلاق انس و جاندر
 عالمی بر امر ایله وار ایلمک حکمننده در
 ینه بر امر ایله بوغ ایتمک اکا آساندر
 ویر صلاتی مصطفایه تاکه حق ازادایده
 شول یکتا کریم فرنگده بندایبه زنداندر
 یوری وار ای بایزید سن سوره کوردورانکی
 سلطنت باقی قانور دیرلر سه بو یالاندر

فصل ثالث

سلطان سام اولك { ۹ } سنهك
وقاييني شام ادر

﴿ سلطان سلیم اولك زمان سلطنتلری ﴾

لسان عوامده یاوز لقبیله مشهور اولان (سلطان سلیم اول) حضرتلری سنا کندولرندن بیوک ایکی برادرلری اولدیغی حانده استحقاق ذاتیسی ثمره سیله وعمومک اتخایله پدرلری سلطان بایزید ثانی حضرتلرینک حال حیاتلرنا ه طقوزنجی پادشاه اوله رق طقوز یوزاون سکز سنه هجریه سی صفر اخیرینک سکزنجی جمعه ایتسی کونی اس-تانبول پای تختنده سر بر شوکت مصیر عثمانی به جلوس یوردیلر .

پادشاه ج-دیک ایلك اجرا آتی اولجه بعض ارکانک دعوت خفیسی اوزرینه جلوس ایدله در سعادتیه کلوبده قبول عامه به مظهر اوله میان برادرلری شهرزاده قورقودی کندولرینه صداقتدن ابرلامق اوزره عهد

وميثاقه ربط ايله منصب قديمی بولنان صاروخان
سنجاغنه تعین واعزام ایتسیدر .

سلطان سلیم اداره امور دولتی پک چغرندن چیقمش
بولدیغندن ملک فوق العاده بر اجراءت سیاسیبه
احتیاجنی اکلابوب داخلا وخارجا اتخاذهنی
قرارشدردیغنی تدبیرلرینی عمومه تصدیق ایتدیرمک
و بوضوحه دوستنی دشمننی دخی سچمک اوزره
حدود ولایانده بولنان امرانک پای نخته تجمع ایتلرچون
جلوسلری عقینده فرمانلر نشر ایتدیلر . امرانک
اکثریسی فرمانه امثال ايله استانبوله طو پلانیدیلر .

فقط شهزاده احمد طرفداری و هنوز انک ظهـور
کوکبه اقبـالنک امید واری بولنانلر کلمدیلر . بولردن
بعضـیلرینی امر اولوالامره مخالف ایتدکلیچون
کندی ادارلرنده بولنان اهالی و عسکری طاقی
طوتوب پنجه سلطنته تسلیم ایلرله عبره لاسأربن
بیولری اورلدی .

شاه اسماعیل بادکارینک درویشلک طاسندن سادهدیلان

اهالی به ایچردیکی شربت سموم فساد و ضلال
 تأثیر به دولتک جکر کاھنه ایشلیان داء عضال اختلال
 ملائک هر طرفنی معاینه ایدوبده اقتضاسنه کوره بعض
 اعضاده عملیات جراحیه اجرا ایدلکجه بالکز
 مر کزدن قوماندا علاجیه مندفع اوور دردردن
 اولمدیغی جهتهله پادشاه حکیم سیرت - دوات علیه سی
 اسکی حالی بولنجبه قدر - اکثر زمانلرینی سفر بر
 کچیره جکر رینی بیلد کلرندن کندولری سفرده بولند قجه
 مرکز سلطنتده قائمه قاملق ایتک اوزره (کفه) ده
 بولتان نجلنجیلری شهرزاده (سلیمان) ی دخی پای
 تخته دعوت ایتشلر ایدی . اودخی بواثناده استانبوله
 کادی .

امر انک اجتماعدن صکره پادشاه مذاکرات مهمه
 ومهام مالکیه ایله اوغراشمده ایکن شهرزاد احمدک
 فرمان جهتمده حرکات تجاوزیه سنی ارتیردیغی واوغلی
 (علاءالدین) ی قوه عسکریه ایله بری طرفه سوق ایله
 بروسه شهرینی ضبط ایتدردیکی خبرلری ظهور ایتدی .

شہزادہ احمدك سنا وعادتا استحقاقی اولمق لازمكلان
 جلوسدن محروم اولسنه نظرا كنديسندن بكنيلان
 حر كته بودكلى ابدى ؟
 بو خبرل اوزرينه پادشاه و كلا و امرابى حضورينه
 جلب ايله « پدرم مرحوم برادرلرم طرفندن سببیت
 ويرلد كچه انلره بر ضرر ایتماكلكمى وصیت بیور مشلر
 ابدى ، بن او وصیتلرینی محافظه ایتكدهم ، انجق
 سلطان احمدك حر كاتنی ایشتیكیز ، بیلورسكیز كه
 شو مقامه كلیشم نفسم اچون دكلدر ، مقصدم دولتكم
 ناموسنی اكال ایتكدر ، بویله داخلی مخالفلر موجود
 ایكن دولتی خارجی دشمنلردن قورتارمق نصل ممکن
 اولور ؟ ارتق بندن كناه و وبال قالدی ، بزم اچون
 همان اناطولی به كچوبده سلطان احمدك غائله سنی
 بر طرف ایتك لازمدر ، زیرا بر ملكده ایكى پادشاه
 اوله ماز ، مخاطبات حكیم پسندانه سیله و كلانك
 افكارینی اراشدردقده جمله سی فرمانبرانه موافقت
 كوت - بتدیلمر • بعده سلطان سلیم اسباب سفریه بی

بالا کمال شهرزاده فریدی سلیمانی پای تختده قائم مقام
 براغوب طقوز یوزاون سکز سنه سی جهادی الاولاسنک
 اون بشنجی کونی اسکداره مرور ایله اناطولی به
 یور بدیلر .

بروسه بی استیلا ایند کوچک شهرزاده علاء الدین
 عوجه سنک کمال سطوتله اناطولی یقه سنه کچدیکنی
 ایشیدر ایشتمز بروسه بی ترکه قرمانده بولنان پدرینک
 یانسه قدر قاچدی . حضرت پادشاه ارتق بروسه
 جهتنه باقیوب ایلو ولیدرک (انقره) به وصوللرنده
 امرای مشهوره دن (مانقوج اوغلی علی بک) ی
 برفرقده به سردار تعیین ایله شهرزاده احمدک اوزرینه
 سوق ایتدیلر .

شهرزاده احمد پادشاهه قارشو اسباب مدافعه تدارکنه
 چالشوب بو باده اناطولی امر اسنه مراجعت ایتمش
 ایسه ده امر انک چوغنی صاحب تخت و تاج دن ایربله مدیغی
 جهته درجه کافیده، عسکر طویلا به مامشیدی .
 بناء علیه علی بکک قونیه به هجومی ایشیدنجه

مقاومته قیسه میوب اوتہ دنیرو حکم دار بولندیغی
 (اماسیه) بی اوزابہرک وقونیه ایله اماسیه نیک بینی
 موکب همایون کیمش او ادیغیچون طوغری بولنده
 کیده میهرک ملاطیه و دارنده طرفلرینه طوغری
 فراره مجبور اولدی .

لیکن علی بک تعقیبیدن کبرو قالدیغی کبی شهزاده نیک
 یاننده بولنان امرانک بر طاتیغی دخی انجام کاری
 ملاحظه ایدرک - وقتیه عتبه پادشاهی به دخالتله
 باشلار بینی تیغ سیاستدن قور تارمق ارزوسیه -
 شهزاده دن ایریلوب موکب همایونیه دخالت ایتمش
 اولدقلرندن واماسیه حکومتی طرف پادشاهیدن داود
 پاشا زاده داماد (مصطفی بک) ه توجیه بیور یلوب
 اوراسیده دشمن اننه کیرشمش بولندیغندن شهزاده
 یاننده کی بک جزئی خرمه سیله طاغیره چبتهقان
 بشقه چاره بوله مدی .

حضرت پادشاه برای انقرده اقامتله - شهزاده احدک
 قوتی طاغیرلسندن ناشی - ظاهر حالده موکب

همایونک اور ارادہ بولندیرلسنه لزوم قلامش کبی
 کورندیکندن صدر اعظم قوجده مصطفی پاشانک
 تنسیبی وجهله عسا کر مجتمه اورادن وطنرینه
 طاغیدیلہرق موکب شاهانه بروسه به عودت ایلدی .
 فقط شهرزاده احمد اعاده و کسب اقبال ایدہ بیلک ایچون
 جلب قلب عامه به محتاج بولندیغنی اکلایوب
 موخرأ خلقی کندیسندن خشنود ایدہ بیلہ جک برمساک
 طوتسیله بوسایه ده اناطولیده خیلمی طرفدار پیدا
 ایتدیکی کن موکب همایون انقره ده بولندیغنی مدته
 صدر اعظم قوجه مصطفی پاشا ایله خفیاً مخابره
 ایدرک ایدہ کندیسنه بد ایش اولدیغندن براراق
 فرصت دوشیروب کاخ و نیکسار طرفلرندن
 طولاشدوق بغتہ اما سیده هجوم و مصطفی بکی
 اخذ و گرفت ایله اما سیده بی زیر تصرفنه اندی .
 و متعاقباً مصطفی بکی قید اسارتدن آزاد ایله برابر
 کندیسنه وزیر ایلندی .
 بعض روایاته وروش وقوعاته نظراً مصطفی بک دخی

اولجه شهزاده طرفه - مدن مجلوب اولهرق اما سیه نك
 ویرلسی طانیشقلی دوکوش قیلندندر .
 شهزاده نك تعقیبه و حدودك محافظه سنه مأمور اولان
 ماقوجزاده علی بك بو حالری کورنجه سرعتله بروسیده
 کلهرك اناتولی امراسنك شهزاده احمد طرفنه میل
 ایتدکلرینی و اما سیه نك کیفیت اس-تیلاسنی حضور
 شاهانه به عرض ایتدی .

بوارالق ایسه خلق لساننده درلو اراجیف پیدا
 اولهرق - هر زمانده عصرینك حائی بکمز وایی حال
 ندر؟ انی بیلز هرزه کویان اکسک اولمازیا - کیمی
 شهزاده احمدك جسارت و درایتندن بحمله انك و کیمیده
 شهزاده قور قودك تخته کلمس-نی ارزو و بعض بوش
 بوغازلر دخی سلطان سلیمک علیهنده کفتکوا یتکه
 باشلادقلرندن ش-هر یار جلادت شعار دولتنی هر بار
 تهلکه به دوش-یرمکده اولان اختلالات داخلیه دن
 قورتارمق و اندنصکره تعرضات اجنبیه نك مدافعه سنه
 میدان بولمق عزم جهانکیرانه س-یله برادر و برادر

زاده لرینی اورتادن قالدیرمغنی ذهنلرنده قرارلشدردیلمر .
 اووقت بیوک برادرلری مرحوم شهرزاده (شهنشاه) ک
 اوغلی (محمد) وشهرزاده (محمود) مرحومک اوغلاری
 (موسی واورخان وامین) وشهرزاده (علمشاه) مرحومک
 مخدومی (عثمان) نام بش شهرزاده بروسه ده ایدیلمر .
 برکون پادشاه تنزه بهانه سیله قیره چیقسوب ماهور
 بیوردقلری بلوک اغاری بوبش شهرزاده بی کناهی
 ملاک عدمه کوندردیلمر . رحمة الله علیهم

§

﴿ شهرزاده قورقودک نتیجه حالی ﴾

جلوس ائناسنده شهرزاده قورقود پادشاهه صداقتده
 قاله جغنه سوز ویرمش وانک اوزرینه طرف پادشاهیدن
 دخی بالتأمین صاروخان والیلکنه تعین بیورلمش ایسه ده
 لذت سلطنت قولایلقله اونودیلمر شی اولمدیغندن
 ومحرک و مفسددر دخی تک طورمدقلرنندن شهرزاده بینه
 سلطنته طلبکار اولدیغنی واسباب حصولنی تحریدن
 خالی قالدیغنی بلان کرچک روایت اولمغه باشلادی .

« بوروایتک اوزرینه پادشاه بر تشبیده بولنش اولمی که
 شهزاده قورقود عهد و میثاقنده ثابت وابدیلان
 روایتلرک کاذب اولدیغندن بختله کندو سندن ازاله
 نهمت واستدعای مرحمت یولنده طرف پادشاهی به
 برضراعتنامه تقدیم ایتشدن بونکله سلطان سلیمک
 یازمش اولدیغنی کزرکاهلی جواب عالی ز یرده (۴) و
 (۵) رقلربله کوریلور . »

عجبا شهزاده قورقود صحیحاً اوسوزنده طور یورمی ؟
 یوقسه روایت اولندیغنی کبی برفرصت وقوت بوله جق
 اولسه تخت هوسکارلغنه قاقبیشه جقمی ؟ بورالربنی
 شبهه سزجه اکلماق اوزره پادشاه امر اوارکان
 لسانندن اولهرق شهزاده قورقوده « سلطان سلیمک
 شدتندن و غضبندن عالم دلکسیردر هر کس سزنی
 ایسته یور همان سربر سلطنتی تشریف یسوریکز »
 بوللو مصنع مکتوبلریازوب مخصوص بر ادمله
 کوندردیلمر .

شهزاده شو مکتوبلری النجه سلطنت سوداسی سویدای

قلبنی اودرجه صاردی که نه مکتو بلرک ساخته اولوب
اوندیغنی تخطر نه ده سلطان سلیم کبی شیرصوات
پر پادشاه بختیارک پنجه سندن شکار قایق قابل اولوب
اولیه جغنی تفکر ایتمکسزین موافقت جـوابی یازی
و یردی .

شهرزاده قورقودک افکاری یازدیغنی جوابنامه دن معلوم
اولجه پادشاه وقت غیب ایتمکسزین یاننه کزیده
عسکرینی بالاستصحاب - سورکون اوینه کیدیلپور -
اشاعه سیله بروسه دن حرکت ایدرک بش کون ظرفنده
مغنیسا یه ایریشوب آب آنسز شهرزاده نک سراینی
قوشاندی .

بیچاره قورقود نه به اوغراددیغنی و بوورطه جانکدازدن
نصل قورتیله جغنی بیله میوب هله پیاله نام
بنده سهـبله بر آته را کبا باغچه قپوسندن کندیسنی
طیشارویه آندی . و بو سفرلک تیغ ییـدریغ
پادشاهیدن قورتلدی .

حضرت پادشاه شهرزاده نک سراینی و مغنیسانک هر

طرفنى نحرى ايتىدىروب قورقوددن بر اثر بوله ماينجه
اطراف وانحايه معتبلر و امر ل طاغيده رق كندولرى
ينه بروسه يه رجعت ايتديلر .

شهرزاده قورقود مغنيسادن صاوشديغى زمان معتبلر
النه دوشمامك ايچون قيده بر مغاره يه صاقلانمش
ايدى . اوچ هفته او مغاره ده بعد الارام مقدا
كندوسنك حكومت ايتديكى تكة طرفلر ينك
بولنى ايزىنى بيلديكى جهته تكة سواحلندن برسفينه يه
سوار او اوب جم سلطان كنى فرنكستانه صاوشمق
بولنى دوشومش اولديغندن يارغارى پياله ايله كيجه لرى
بول كسديره رك تكة سنجاغى داخلنده ديكر بر مغاره يه
داخل اولديلر .

« عادى بولجىلر ك پيله ما كولات بولقده نه درجه ده
زحمت چكدكلرى آسيا سىياحلر ينك معلوميدر ،
بوللر ايسه طوتلق قورقوسيله قصبات و قرايه
اوغرايه مدقلرندن بوللر ك سىدرمق تدار كنده دوچار
اوللرى لازم كلان شدت ضرورت وسفالت دوشونيلورسه
موجب حزن اليم اولور »

پساله قوت لایمیت بولاق ایچون طاغیری طولاشوب
 راست کتوره بیلدیکی بر کویلو به حالرینی افاده
 ومغاره بی ارئه ایتدی . بو آد مجکز بونلره بر قاج کون
 ما کولات طاشید قدن صکره برسغینه بولویومک
 اوزره شهزاده نک اسبنه سوار اوله رق سوا حلد
 طولاشور کن ضابطان کندوسنی یقالبوب بیندیکی
 اسب کندیک کویلوک حالنه متناسب اولدیغی
 جهنله استنطاقه و بالاخره اشکنجه یه چکه رک
 حقیقت حالی وشهزاده نک بولندیغی مغاره نی سویلتدیله
 و کویلونک مجبوری دلالتیله شهزاده قورقودی اخذ
 و گرفت ایتدیله .

تکه بکی قاسم بک در حال پای تخته عرض کیفیت
 ایتسه یله طرف شاهانه دن شهزاده نک بروسه یه
 جلیچون آدم لر کوندر یلوب بروسه یه قریب بر محله
 کتور ادکده ویریلان امر موجبجه شهزاده قورقود
 دخی دارعه بایه انتقال ایتدیله . ونعشی بروسه یه
 نقل اوله رق اجدادی ژر بملینه دفن اولندی .

شهرزاده، مشارالیه، فضائل علییه و کمالات ادبیه
اصحابندن بر ذات عالی قدر اولدیغی مسطور صحایف
تواریخدر . رحمة الله علیه

§

کلام شهرزاده احمده : صدر اعظم قوجه مصطفی
نهانی شهرزاده احمدک طرفداری اولوب شهرزاده یه
میدان و برمک اوزره قیش باصدی بها نده سیه
انقره دن عسکری طاغیده رق پادشاهی دخی بالتشویق
بروسه یه عودت ایتدیردکن صکره رؤسای عسکر
اراسنه کیرلوجه فتنه لر القاسنه جرأت ایتکنده
اولدیغنه سلطان سلیم مطلع اولسه یله مصطفی پاشایی
و بروسه ده کی کوچک شهرزاده لری بعدالازاله شهرزاده
قورقوده بازدیغی مکتوب بدیع الاسلوب یولنده شهرزاده
احمده دخی امرا و رؤسای عسکر اسانندن سلطان
سلیم خوزیز و شدید بر پادشاهدر ، بی کناه
شهرزاده لرک ره مصطفی پاشانک بغیرحق قانلرینه کیردی ،
ارتق خلق به-ون به-ون کندیسنندن صوغودی ،

عموم سرك جلوس كزه منتظر در ، استانبول تختی
شمدی خالی اولدیغندن اورایه تشریف ایدرسه كز
ضبطی بك قولایدر ، بو طرفدن مقابله و مدافعه
وقوعبـ و له جق اولورسه جمله مز اردوی همابونكزه
كچمك اوزره اتفاق ایتسزدر « مآلنده مکتو و بلر
كوندرمشـیدی .

شهرزاده احمد دخی بومکتو بلره تمامیه قاپیلوب در حال
طوپلایه بیلدیکی خفیف سواری ایله قرمان طرفیندن
استانبوله كلك اوزره اما سـیده دن حرکت ایدرك سیر
سربع ایله قونیه حدودینه كیردی .

قرمان بكار بكیسی همدم پاشا کیفیتی طرف شاهانه یه
بیلدیرمهـیله خواص بنـدكاندن امیراخور محمد بك
طایعه سرداری تعیین اولنده رق شهرزاده نك مقابله سـنه
كوندراندی . و اناطولی بكار بكیسنه دخی
و باده تعلیمات لازمه ویرلدی .

شهرزاده احمد پای تختدن مکتوب یازانلك بالاستقبال
کندوسـنه پیغت ایده جکری امیدیه ارمنی در بندینه

قدریافلاشوب هیچ کیمسه دن بر اثر کوره مینجه اندیغی
مکتوبلرک ساخته اولدیغنی او وقت اکلادیسسه ده
ایش ایشدن کچمش و اطرافنی محمد بکک فرقه سی
و اناطولی اردوسی صارمش اولدیغندن یکی شهر
طرفنه دوندی . نه فائده که حضرت پادشاه دخی
سطوت مشهوره سیله یکی شهر صحراسنی آلمش
بولندیغنی جهتله اوراننده ازنیق طرفنه فرار
ابتدی .

اناطولی عسکری بالتهقیب صیقشدرملربله شهزاده
بوراده جلادت فطریه سنی اظهارایدرک رستمینه حربه
کبریشوب جمله اولاده اناطولی طاقنی منہزم ایتش
ایسه ده موکب شاهانه دن تعیین اولنان دوقه کین زاده
احمدپاشا وسلطان سلیمک کفه دنبری معیتلرنده بولنان
اصدقاندندن تاتارخان زاده سعادت کرای برفرقه
ایله امداده یتشمربله شهزاده نک اقتدار متساومتی
کسلدی ونهایت بودخی دست بی امان عسکره گرفتار
و حضور شاهانه یه کتورلدکده امثالی وجهله عازم
دارالقرار اولدی .

شہزادہ مشار الیہ غایت کریم و بندہ پرور و ذوق
 و صفیہ مائل بروجود مکارم سیرایمش رحمة الله علیه .
 مشار الیہک مراد نام مخدومی ایران شاہی اسماعیل
 اردبیلی و علاء الدین نام دیگر مخدومی دخی دیگر
 بر قزنداشیلہ برابر مصرملکی سلطان غوری نزدینہ
 فرار ایدرک اورالردہ وفات ایتمشلردر .

شہزادہ احمدک اعوان و انصاری عسا کر شاہانہ
 طرفندن دردست اولنہرق حضور پادشاہی بہ
 کتور یلوب بونلر حقنہدہ سیاست شدیدہ اجراسی
 اومولورکن جملہ سی مظہر عفو عالی اولمشلردر .

§

ایشته شمعی سلطان سلیم حضرتلری تخت عثمانی بی
 رقبا نظرندن قورتاروب بوندن صکرہ ایستدیکی کبی
 ادارہ امور مملکتلہ اعداسی ایلہدہ چار پشمغہ میدان
 استقلال بولمش اولدی .

﴿ خاطرہ ﴾

» سلطان سلیم باغ خاندان سلطنتدہ یتشمش برچوق

شهرزادگانہ و خصوصاً بونلردن بروسہ کندی
 جایزہ صیغیان بش نفر نوجوانہ نصل قیدی؟ کبی
 تعریض لراہ بعض مؤرخلر سلطان سلیم خونریزک
 اسناد ایدرلر و ابنای عصر یزدن بعضیلریدہ
 دنیاک شمدیکی اصولنہ و آسایشنہ بقارلرده اوبلہ
 دیرلر . لکن بر کرہ اوزمانک حالنی کوزاوکنہ آوبدہ
 موازنہ ایدہلم : عجبا بو شهرزادگان صاغ قالسہ لردی
 کندی حالرنده طورلر می ایدی؟ و عجبا سلطان
 سلیم آلرلرہ اوغراشعقدن ملکجہ برایش کورہ بیلور میدی؟
 و برمدتنبرو وجود ملکہ عارض اولان علت مہملکہ
 اختلاک ازالہ سنہ نصل چارہ بولنوردی؟ سلطان
 سلیم کندی سنہ اعتراض ایدنلردن زیادہ قرنداشلرینہ
 محبت و رقتی واردی . فقط نہ یاپسون؟ مملکتی
 اختلال حائندہ بر اقسوندہ بو قدر میلون نفوسنی پایمالی
 ایتسون؟ چارہ سزدوانتک مبتلا اولدیغی درد
 هولنا کہ کندی خاندانی اعضاسنی فدا ایتدکن بشقہ
 درمان بولہ مدی : «

بخت-مره دوام ایده‌لم : حضرت پادشاهك ارتق
 اناطولی جهت-د، اقامت‌یرینه لزوم قالمدیغندن روم
 ایلینك احوال-نده باقق اوزره بروسه دن حرکته
 کلیبولی طریقله ادرنه تختگاهنی تشریف بیوردیلر .
 سلطان سلیمك اختلالات داخلیدی کلیا ازاله به موفق
 اولدقلری اطرافه منتشر اولنجه هر دو اتدن وافلاق
 وبغدان بکلرندن آغره هدیه لر ایله سفیر لر کوندر یله رك
 عرض مصافات و تجدید معاهدات اولنمشدر .
 بوسه سفیر دن مجار ایلیچیس-نك حبس ایدلدیکی بزم
 تاریخلرده مسطور ایسه ده اسبابی بیان اولنماشدر .

﴿ ایران سفری ﴾

یوقار بدن بری ایراد اولنان وقوعات دلالت ایدر که
 ممالک محروسه نك مؤخر ا دوچار اولدیغنی شورش
 واختلال ایران شاهی اسماعیل اردیبیلی نك اثر افساداتی
 اولوب اگرچه سلطان سلیم مقدمه اناطولی-نك
 هر طرفه دستمده مقتضای تعیینیه شاه اسماعیل طرفداری

کچینان فرق یک قدر شیعیلری ثبت دفتر ایتدیروب
 بونلرک کیی مقتول کییسی محبوس اولمش ایسه ده
 اصل فساد منبعندن کساز یعنی شاه اسماعیله برضربه
 تأدیب اورلماز ایسه دولت علیه عثمانیه نك حیاتی
 تهلهکده کورینوردی .

صاحبقران زمان سلطان سلیم اسکندرتوان حضرتلری
 طربزون والیلکننده بولندقلری وقت شوحوالی کشف
 ایدوب حتی تحت عثمانییه نوبتندن اول طالب اولیشی
 دخی دولت خاندانی او تهلهکده دن قورتارمق غیرت
 جهانگیرانه سنه مستند ایدی . جلوس همایونلرینک
 برنجی وایکنجی سنه لرنده موانع داخلیه نك ازاله سیله
 اوغراشوب انلری بر طرف ایتد کدن صکره اوروپا
 جهتهنجه دخی بریت خصمانه استعدادی کورمد کلرندن
 ارتق شرق سفرینی قراراشدیردیلر .

دیانت اسلامیه مقتضاسندن و دولت علیه نك دائماً
 مرعی طوتدیخی قاعده قدیمه دندرکه حرب و صلح
 مادهلری عموم وکلا وارکان بیننده عریض و عمیق

مذاکره اولند کردن صکره فتوای شرع شریفه ربط
ابدلد بجه اجرا اولندماز .

بویران سفری دخی و کلاو علمایینده بعدالتذکر عجمه
ایله مقاتله نك حل و لزومه قرار و فتوی ویرلدی .
و موسم بهار حلوانده حرکت اولتی اوزره تدارکات
عظیمه به تثبث اولندی .

طهوز یوز یکر می سنده می محرمی حلوانده موسم
بهار دخی دخول اتمسیله محرمک یکر می اوچنجی بازار
ایرنسی کونی موکب همایون ادرنه دن حرکتله
استانبوله بالورود شهرزاده سلیمان مقدمه حکمدار اغنه
تعیین و اعزام قلندینی صاروخاندن جنب ایله بنه مسند
فائده مای سلطنته اقامد , و ایران طرفلری و کیدیله جک
محلار او سینه قورافلق اولدیغندن اردوی همایون
اداره جه صیقلدی چکمامک ایچون بحرا طر بزون
طر بقیله کلی ذخایر نقلی تدبیری کورلد کدن صکره
صفرک یکر می دردنجی کونی اسکدار بقه سینه مرور
اولندی .

موکب همایون از میده واصل اولنجه شاه اسماعیلله
اعلان حربی متضمن اوله رق ذیلده (۶) اشارتیلله
صورتی مسطور اولان نامه همایون کوندرلدی .
یونامه دولت علیه نك حرکاتی ا کلامق و اهالی بینه
فساد براقق ماور بئیلله شاه اسماعیل طرفندن اناطولی یه
کوندر یا بوده شیعیی تفتیشی ائناسنده اله کچیراش
اولان ایرانی بر شخص ایله کوندرلشدر . مؤخر
ینه اثنای راهدن ایکی قطعه نامه همایون دها ارسال
اولنوب انلرک صورتلریده زبرده (۷) (۸) نومرولریله
مرقدر .

اردوی همایون قونیه و قیسریه طرفندن بوریوب
ائسای راهده صنوف عسکریه فوج فوج التحاق
ایدلر و حضرت پادشاه تزئید معاش و وظائف ایله
عسکری طاقنی تلطف ایلرل ایدی . سبواسه
مواصلنده عسکر زیاده نشدیکندن بر عموم بوقلمده سی
اجرا بیوردی . وبوبوقلمده بوز قرق بیک موجود
بولندی .

او سنه ایران و کردستان طرفلری پک قور اقلق اولدقدن بشفه شاه اسماعیلک انشته سی و کردستان حکمداری بوانان (اوسنجال و اوغلی محمدخان) پادشاهک ایرانه توجهلرینی تحقیق ایتدکده او حوالی خلعتی وطنلرندن قالدیروب ازر بایجانه سورمش کوتورمش اولدیغندن سیواسدن اوتیه سی بیاغی شهنلکدن خالی ایدی .

بناء علیه او قدر غلبه لک براردو ایله ایران ویرانه لرینه کیریله جک اواسه ذخایر و علف تدارکنده ضرورت چکیله جکندن هم اردوی همایونک غلبه لکی تخفیف ایدلک همده اناطولی طرفی بتون بتون یوش براغلامق اوزره حضرت پادشاه عسکرک ایچنده پک کنج یاخود پک اختیار بوانان فرق بیک قدرینی تفریق ایدرک (قیصریه) و (توقاد) بیننده بر اقدیلر .

حضرت پادشاه سیواس . وقعنده اردوی همایونلرینی کوزلجه تنقیح و تنظیم ایتدکدن صکره ارزنجانه طوغری توجه ایله سنه مر قومه جهادی الاولاسنک

یکرمی بسنجی کونی بصی چمن نام موقعه وصولرندہ
 مقدا کوندریلان اوچ قطعہ نامہ ہما یونہ جواب
 اولہرق شاہ اسماعیلدن (شاہ قولی افای) نام نامہ رس
 بدیلہ بر مکتوب و بونک مفادنجہ کویا - پادشاہک
 نامہ لندہ ایراد بیوریلان تعربضات برش خسوار
 وتریاکی کابلرک نشئہ سزو قتلرندہ یاز دقلری شیلر
 اولدیغندن نشئہ لرینی تازہ ملک ایچ - ون کوندرلش
 یوللو - برحقہ دہ مکیف معجون کلدی .

سلطان سلیم اسماعیل اردیلینک شووضع عجمانہ
 وعجیبانہ سندن حدتلوب نامہ رسی اعدام ایلہ برابر
 ذیلدہ (۹) اشارتیلہ یازیلان زہر الود نامہ ہمایونی
 شاہ اسماعیلہ کوندردیلر .

موکب ہمایون (ارزنجان) ، وارنجہ - چونکہ
 سیواسدن اوتہ سی او وقت شاہ اسماعیلک بجلہ
 ممالکنندن بولدیغنی ، حالده هنوز دشمنندن بر اثر
 کورلیدیکی واردونک ذخیرہ ادارہ سی طاراشمغہ باشلادیغنی
 جہتلہ - رؤسای عسکری پلندہ « بوقدر اغر

اردو ایله بویله خراب و خالی مملکتلر ده حازنده
 منجر اوله جق ، باری قارشومزده دشمن اولسه جنک
 ایتمکدن کیرو طورماز ایلك بیه-وده بره بوو براندرده
 نیچون طولاشوب یاتملی « کبی گفتکولر چ-وغالوب
 بنه روئسا وارکاندن بعضیلرینک نحر یکیله نفرات دخی
 او بولده مر لداندیلر سه ده جناب شهر یار عظیم الاقتدار
 اوسوزله قطعاً قولاق و یرمیه رک ایران پای تختی بولنان
 تبریز ، قدر کیده جگنی قطعیا اراده او مسافه بی فرق
 مر حله ده کسدیره جکلرینی تعیین و افاده یوردیلر .
 ارکان و روئسا پادشاهی عز مندن فراغت ابتدیرمک
 ایچون - هر افاده سی نزد شاهانده مثر ظن اولنان -
 قرمان بکلر بکیسی (همدم پاشا) بی تونسیط ایتمبله
 همدم پاشا بویله تهاکه لو بر و ساطتی سائر عادی
 زجالر کبی اوزر بنه الهرق عسکر لسانندن اولوق اوزره
 خنکاره عودته دائر لاقردی سوبلک ایستد کده غضب
 شهر یاری علوریز اولدیغندن بیچاره نک در حال باشی
 کسلدی . بونک اوزر بنه ارتق هیچ کیمسه عودت
 س-وزینی اسانه کتورمکه جسارت ایده مدی .

استانبولدن طربزون طریقله کونداسی ترتیب اولنان
ذخایر اردوی همایونه واصل اوماق ایچون بش اون کون
ارزنجانده ارام و بورادن شمسوارزاده (علی بك)
و میخالزاده (محمد بك) و (بالی و بوده) ایله امرای
بایندریه دن اولوب ظرف پادشاهی به دخالت
و مطاوعت ایتمش اولان (فرحشاد) بك برفرقه ایله
طلیعه اوله رق ایلرویه سوق و اعزام اولندقدنصکره
موکب همایون ارزنجاندن حرکت ابتدی .

فایح مرحومک اوزون حسنله محاربه سی وقوعبولان
(اسکی تپه) نام مرحله به مواصلنده دخی (یانیه)
و (طربزون) بکلری (مصطفی) و (محمد بکلر
سپاه سواریلر یله بایبرود قلعه سنک تسخیرینه مأمور
ایدلی .

سوکن مرحله سنده کرجستان حاکم لرندن (مرزا
چابک) طرفندن بربعوث واسطه سیله اردوی همایونه
کللی ذخایر و سایرهدایا کلوب مرزا چابک ایرانلوبه
قارشو دائرة اتفاقده بولندیرلسی منافع دولته موافق

بولندبغندن طرف پادشاهیدن دخی مرزایه مخصوص
 سفیر و مناسب هدیه ارسال اولندی .
 شاهک روئسای عسکر یه سندن کور شادی دیمکله
 معروف بر بهادر بزم عسکر دن اسیر المق ایچون
 اطرافده طولاشورکن یقه بی اله و بروب کوله نام
 مر حله ده حضور همایونه کتورلسیله بالاستنطاق شاه
 اسماعیلک تبریز ده بولندبغنی خبری الندی .
 الشکرد موقعنده یکی چریلر بنه اباغه قاقوب
 « اوج ایدر متصل یول یور بیورز . دشمندن برنام
 و نشان بوق ، ارتق چکدی کمز جانمزه بتدی » دهرک
 خیلی سو بلندیلر . حتی بعض کستاخلری پادشاهی
 اخافه قصدیله اوتاغ همایونک قبه سنه قورشون
 آتمغه قدر جسارت ابتدیلر . لکن سلطان سلیم
 اویله باتردی یه پابوج براغیر و عزم و نیتسیدن دوز
 پادشاهلردن اولدیغندن بوللره بر چوق نصیاح
 مؤثره دن صکره « بوسغردن دونک احتمال بوقدر ،
 بنی سون یکتیلر بنله برابر کلسون ، جانی ایستیان

قورقافلر اولرینه کیتسون « بولنده قطعی جواب
ویرمکله بیکی چری ضابطان و نفراتنک بهادرلق
غیرتربی تحریک ابتدا کلرندن عسکر دخی برابر کیتمکه
مجبور اولدی .

الشکر ددن حرکت اولدیغی ائنده طلبعه سردار لرندن
میخالزاده محمدبک طرفندن بالی چاوش کلوب اوسنجالو
اوغلی محمدخانک (خوی) ده وشاه اسماعیلک دخی
یقین بر محلمده بواند قلابی خیر ویرمسایله حضرت
پادشاه اردوبی سرعتله توریدوب (ماکویه)
توابعدن (قازلی کول) مرحله سنه مواصلتده دیگر
طلبعه فرقه سی شهسوارزاده علی بک جانبدن کلان
ادمک افاده سنندن دخی شاهک اردوسایله برابر خوی
صحراسنده اولدیغی تحقیق ایتدی .

سلطان سلیم فضائل حکمرانیده اولان مهارتلی قدر
فن حربده دخی استاد بر شهریار حکیم نهاد اولدیغندن
خصمنی اغفال ایچون اولجه کوزل بر خدعه حریره
یا پیشلر ایدنی . شوایله که : فرخشاد بکک

آدملرندن شیخ حسن نامنده اهل وقوف برذاتی
 جاسوسلقله ایلرویه کوندروب بزم طرفده بولنان کرد
 وترکان رؤسائی لسانلرندن شاه اسماعیله تقدیم
 اولنق اوزره ابلهفریبانه برده مکتوب تصنیعیله شیخ
 حسنه ویرمشلر ایدی .

شیخ حسن (ارجان) نام موقعهده شاه اردوسنه داخل
 اولهرق احوالی نجسس ایدرکن عجملربونی یقالوب
 شاهک حضورینه کوتوردکلرنده شیخ حسن شاهه
 روم وترکان بکلرندن شاهمه کیرلوخبرلرکتورمیشم ،
 روم ایلی امر اسندن دخی محب علی چوق کیشیلر
 واردر « دیه رک کوبا کندوسنک دولت علیه
 امر اسندن شاهی سونلر طرفندن مخصوصا اعزام
 اولسدیغنی و بو امر انک حین محار بدهده شاه جاننده
 تبعیت ایده جکلرینی تفهیم و معهود مصنع مکتوبی
 تقدیم ایتدی . و عزازیله درس ویره جک قدر
 مهارتلی کینان اسماعیل اردیلی بی قاندردی .
 شاه بو حالدن پک منسون اولهرق مکتوبده کی امضا

صاحب‌البرینہ انواع و عدالطنی و (چالدران) صحرا سندنہ
 اردوی عثمانی ایلہ عقد مصاف ایتمکی نصیم ابتدیکنی
 متضمن جوابنامہ یازدی . ایستہ بومکتوبی شیخ
 حسن قازلی کول مرحلہ سندنہ حضور شاهانہ یه
 عرض ایلہ مشهودات و تحقیقاتنی دخی بیان ایتمشیدی .
 شاه اسماعیلک رؤسای عسکر یه سندن قره قول
 اوله رق اردوی همایونک اطراف سندنہ کزنمکنده اولان
 برخان دها بزم طلیعه فرقه لر ی طرفندن دردست اولمیلہ
 بونک استنطاقندن دخی شاهک چالدران صحرا سندنہ
 محار به یه کبر سمنک قرارنده اولدیغنی اکلش لندی .
 و بو اراق اذربایجان ملحقاتندن بایزید قلعه سنک
 مستحفظ لرینک دوات علیہ یه عرض انقیاد و تبعیت
 ابتدکارینک خبری المنس یله بو کیفیت حصول موفقیته
 دلیل اتخاذ قلندی .

نتیجه : طهوز یوز یکر می سندنہ سی رجینک ابتداسی
 صالی کونی چالدران صحرا سندنہ ناظر برتپه نک باشنه
 اوتاغ همایون قور یلوب شاهک اردوس سندنہ صحرانک

جانب شرقی۔۔۔۔۔ کورندی . او کیجہ صباحہ قدر
طرفینک قرہ قولاری یکدیگر یله چار پشمقدن خالی
قالدیلمر .

علی الصباح حضرت پادشاه اردو بی صف حرب
اوزره بالترتیب قاعدہء قدیمہ دوات علیہ و جھلہ
اناطولی عسکرینی بکار بکیلمری سنان پاشا ایله صاغ
جناحہ ، روم ایلی عسکرینی بکار بکیلمری حسن پاشا
ایله صول جناحہ و ساقہ الجیش و مقدمہ الجیش
فرقہ لریله سائر امرایی دخی ایجاب ایدن محاربه
بالتعین کندولریده معیت همایونلرنده
وزیر اعظم (هر سئک زاده احمد) و وزرادن
دوقه کین زاده دیگر احمد و مصطفی
پاشا لری بولندیغی حالده اردونک قبایکاهنده طوروب
بو هیئت پر هیئتله تپه دن اشاغی صحرا یه یوریدیلمر .

موقع حربده طورلدیغی وقت طوب و مهمات عربہ لری
ویوک حیوانلری و سائر اردو اغراغی زنجیرله بر برینه
ربط ایله اردونک ارقه طرفی بر استحکام حاله

قونلدیغی کبی طوپلردخی مناسب موقعلره یراشدیرلدی .
 و محاربه یه باشلانلدی .

شاه اسماعیل اردوی همایونی بردن بره سه واری یه
 چیکتتک قصدیله کندی قوماندده سنه الدیغی فرق
 بیک ایران سوار یسنی بزم صول قوله و دیار بکر حاکی
 اوسنجالو اوغلی محمد خانک قوماندده سنده کی سواری بی
 دخی صاغ جانبه هجوم ایتدیردی .

جناح یمین قوماندانی سنان پاشا زمانه کوره فن حربده
 ماهر اوله رق طوپلری کوزل اداره ایتسیله محمد خان
 طاسقی طوپ دانهلریله یره سرلیدی . و محمد خان
 واوغلاری و شجاعان مشهوره عربدن مشهد شریف
 والیسی محمد کانه و بغداد حاکی خلیفه بک و خلی
 رؤسای ایران مقتول و بقیه سیده رجعته مجبور
 اولدی .

لیکن شاه اسماعیل بزم صول جناحک اوکنده صف
 بسته اولان عزب پیاده لرینی فنا حالده چیکینیوب
 و محاربات شدیدده جریاندن صکره روم ایلی عسکرینی

دخی انہزامہ یوز طوتدیروب قبلکاکاہہ ہجوم صددندہ
ایکن حضرت پادشاہ برقاچ بلوک یکی چری قہرمانلرینی
امداد اولہرق صول قولہ سوق ایملریلہ یکی چریلر
صول قولک ارہ سندہ مختلطاً جنک ایدن عجم سواریلری
اوزرینہ قاعدہ حر بیہ دن اولدیغی اوزرہ دوست
ودشمن ایرمقہ سزین قورشون ائمغہ باشلاینجہ عجملر
کیرو یہ پوسکوردیلر .

شہاہ اسماعیل اردییلی کندوسنک تشکیلی ایتدیکی
دولت نوظہور صفویہ شو حربک نتیجہ سبیلہ تقرر
ایدہ جکئی بیلدیکیچون ہردراو فداکارلغی کوزینہ
الہرق اردوی ہمایونک ارقہ جانبدن ظفر بولورم
زعملہ ساقاۃ الجیش اوزرینہ شدتلی بر ہجوم دہا
ایتدی . ہجوم ایتدی اما بلاسنی شمیدی بولدی .
دمنجک دیندیکی وجہلہ اردوی ہمایونک ارقہ طرفی
طوب و مهمات عربہ لرینک زنجیرلرلہ بریرینہ باغلامسندن
ناشی بیاغی برقلعہ کبی ایدی . شاہ وقومانده سندہ کی
سپاہ کوز قرغناغیلہ بو استحکامک ایچنہ او غرابوب

بری طرفدن یکی جری سر بازلری تفت-کاراه و سائر
صنوف عساکر عثمانیه سیف و سنان ایله کیرشد کلرندن
عجملر منهنم و اکثریسی مقتول و معدم اولدی .

بومقالمه خوزریانه اراسنده اسماعیل اردبیلی الندن
وقولندن قورشونله یاره لندیغی حالده برچامورلی محله
آئندن یره یو وارلنوب بر عثمانلی شاهبازی شاهین کبی
اوزرینه آت صال دیسه ده شاهک خدمه سنندن بریسی
نفسنی فدا ایدرک « شاه بنم » دیوایلرولسیله عثمانلی
فرق ایده میوب حریفی بقالدی . و شاهی طوئدم
دیهرک حضور پادشاهی به کتوردی .

عجملر بیننده (آت چکن حضر) نامیله مزاری
زیارت اولنان حضر نام بر ایرانلی او اراق آتی شاهه
تقدیم ایتدیکندن شاه بواسبه را کبا بش اون آدمیله
فرار یولنی آلدی . اقسام قرانلغنده ایران اردوسی
کاملا پریشان اولش و ارتق حرکات خصمانه احتمالی
قلامش ایسه ده حضرت پادشاه احتیاطا یاتسو وقتنه
قدر آت صرتنندن ایندیله .

یاتسو وقتده دشمنك احوالی تمامه ا کلاشلدیغندن
 پادشاه و عموم عسکر چادرله چکیلوب صباحه قدر
 مظفریت شملکری ایدلدی . و ابرتسی کون
 چالدران صحرا سنده ارام اولنه رق ارکان و رؤسا
 طرفندن پادشاهه تبریک ظفر رسمی اجرا اولندی .
 بوملحمه عظاماده بزم عسکردن دخی کلی تلفات وقوع
 بولوب اناطولی قولنده ایاس بک نیکده بکی یور کچ پاشا
 زاده اسکندر بک بکشهری حاکمی قارلی اوغلی
 سنان بک قیصریه حاکمی او یس بک قره سی حاکمی
 سلطان زاده محمد بک و روم ایلی قولنده بکار بکی
 حسن پاشا ایله ماتوج اوغلاری دینبلان و بری صوفیه
 و بری سلاستره بکی بولنان علی و طور علی بکار و دونه
 سنجاغی بکی حسن اغا و پرزرین بکی سلیمان بک دیگر
 یوز کچ پاشا زاده محمد بک و یا حال اوغلی مصطفی بک
 کبی نامدار امرای ودها سار مشهور رؤسا غیب ایدلش
 ایسه ده دشمن اردوسی همان بالکلیه محو اوله درجه سنه
 کتیر یابوب عسکر یمز دخی غنایمه مستغرق اولمشلردر .

شاه اسماعیل رؤسای عسکر به سنک جسارت
 و ثبات لرینی موجب اولق ایچون زوجه لرینی محارباته
 برلکده کوتور لرینی اصول اتخاذا ایتمش اولدیغندن
 اش بو محاربه ده دخی کندوس سنک زوجه لر یله رؤسای
 عسکر به سنک قاریلری موجود بولنمسه یله بونلاردوی
 همایون طرفندن ضبط اولنمش ایسه ده شاهک طوتیلان
 بر زوجه سنندن ماعداسی پادشاه طرفندن صالحو برلش
 یعنی وطن لرینه کوندرلشدر .

شاه اسماعیلک زوجه سی - مجرد شاهک شدت
 قهر و کدرینی موجب اولور و بلکه حریف قهرندن
 اولور - مطالعه سیله اردوی همایونده توقیف
 ایدیلوب - اعجامک نکاح لر ی اهل سنت قتنده صحیح
 اولیان (متعه) اصولنه مستند اولدیغی جهته -
 علمانک تجویزی اوزرینه بو خانمی توقیفی جعفر چلبی
 عقد شرعی ایله تزوج ایتشددر .

بومظفریت عظیم الشهرته دأر شهزاده سلیمان جانبنه
 وممالک محروسه قاضیلرینه و بعض ملوک و حکام

اسلامیہ بہ علی الاصول ظفر نامہ لکھنؤ اور لندن .
 بولنڈرن شہزادہ سلیمانہ یازیلان ظفر نامہ نک صورتی
 ذیل جلد دہ (۱۰) نومبر و سہلہ کوریلور .
 رجبیک در دنجی جمعہ کونی موکب ہمایون ایران
 پای تختی اولان تبریزہ متوجہا چالدراندن حرکتہ
 (خوی) صحرا سنہ مواصلتہ تبریزک وشاہ اسماعیلک
 خزان و اموائک مضبوط و محافظہ سی ضمتندہ دوقہ کین
 زادہ احمد پاشا ایلہ دفتر دار [۰] پیری چلبی و سکنان
 باشی برفرقہ ایلہ ایلر و بہ کوندرا دی . و افاضل
 علمدان اولوب سلطان سلیمک معیت اہل پرور یلرندہ
 واک زیادہ حسن نظر و اعتمادی تختندہ بولنان مشہور
 مؤرخ ولانا (حکیم الدین ادریس بدلیسی) سلاطین
 باندریہ زمانندہ دیوان موقعلکی خدمت معتا
 بہاسہلہ ایراندہ بولندہ یعنی و ایرانک بتون اعیان

[۰] بدایت تنظیمات خیر بہ یہ کلنجیہ قدر امور مانیدہ
 نظارتی مقامندہ بولنان ذواتہ دفتر دار شق اول
 دیکلوردی .

و ارکانیله معارفه سابقه سی اولدیغی جهتله پادشاه طرفندن تبریز اهانیه- نه عفو و امان تبلیغ ایتک ایچون اودخی احمد پاشابه ترفیق ابدلی .

احمد پاشانک مأموریتنه دأر تبریز اکابر اعیانندن میر عبدالوهابه و سایر ارکانه خطابا اصدار بیوریلان امر عالی الیه تأمین اهالی بی متضمن تبریز قاضیسی شمس الدین طرفنه یازیلان استماننامه نك صورتلریده ذیلده (۱۱) و (۱۲) رقلریله مسطوردر .

شاه اسماعیل حرب میدانندن قاچدیغی وقت عثمانلی تعقیبچیلرندن قورقوسنندن غایت سرعتله یول الدرق ایرتسی کون تبریزه واصل اولمش ایسه ده - بر طرفدن تبریز اهلایه- نك کندیسنه نظر حقارتله باقشلمری بر طرفدنده خصم جانستانک ارقه دن ایرشمسی احتمالی - تبریزده اقامته- جسارت ایتدیر می-وب تبریز (داروغه سی) یعنی ضابطه ناظری حلواجی اوغلی حسین بکی هم محار به اثناسند، غیب اولان (اجلی خانم) نام برنجی زوجه سنی ارا یوب بولمق همده

شاید عثمانلی اردوسی ایلروایو بده دوز کیدرسه مملکتی
 ضبـط و حفظ ایتک اوزره تبریزده ترکه کنـدوسی
 (درکزین) طریقیله عراقه طوغری صاوشدی .

« تاجلی خانم ایران اردوسـنک بوزغونلغـنده اله
 کـدیکی قریبا حکایه اولنان خانمـدن بشـقه در .
 بوتاجلی خانمک دخی امرای عثمانیه دن مسیح پاشا
 زاده نک الفـه کچمش و حتی بر کچه چادرنده یاتمش
 اولدیغی حالده مسیح پاشا زاده به او کچه بر چوق
 مجوهرات تقدیمـله برابر یالواروب یقاروب یقاسـنی
 قورتارش اولدیغی مرویدر »

احمد پاشانک مأموریتنی حسین بک ایشـدنجده شاهک
 خزینه سـنده بولنان ایشـبای نفیسه بی بالاخذ اودخی
 فرار ایتمش اولدیغـدن احمد پاشا بلا مزاجم تبریزه
 داخل اولدی .

متعاقبا حضرت پادشاه دخی رجبک اون النجی کونی
 تبریزه بالمواصله خارج شهرده (سرخاب) دیزیلان
 موقعه نصب اوتاغ شوکت بیوردیلر . واهالی

طرفندن فوق العاده برالای ابله قبول اولندیلر .
 سلطان سلیم حضرتلری اوسنه نك قیشنی تبریزده
 نکیروبده . موسم بهارده شاه اسماعیلک ارقه سنه
 دوشه رك انی اخذ و استیصال و ایران ممالکنی کاملاً
 سلاک ملک عثمانی به ادخال ایتک نیتند ، ایدیلر .
 لکن او ییل ایران ممالکنده افراط اوزره قحط اولاق
 مناسبتیه ایام شتاده اردونک اداره سی قابل اوله میه جغندن
 و عسکره بر پریشانلق عارض اولورسه دشمنک
 کندینی دروب طوفیلایوب هجوم ایتسبده پک ملحوظ
 بولندیغندن بحمله و کلا وروءا عودت طرفنی ترجیح
 ایتلریله پادشاه دخی اصرار ابده میه رك تبریزده فقط
 طغوز کون اقامت ورجبک یکر می بشنده ممالک محروسه یه
 منوجها اورادن حرکت ایتدیلر . و تبریزک اعیان
 اها لیسندن و ارباب فنون و کالدن بیس قدر خانه
 اصحابنک بالجله عائله و اموال منقوله لر بله برابر استانبوله
 نقلته همت بیوردیلر . مشهور شیخ الاسلام انام
 وخواجه بنام تاج التواریخ مناچی سعد الدین افندی

مرحومك پدری و سلطان سلیم حضرت نریك ندیم خاصی
 (حسن جان افندی) ایله جدی (حافظ محمد
 اصفهانی) دخی بیان اولنان بیک خانه جله سندندر .
 برده امیر تیمور نسلندن مدوح مشاهیر شعرا خراسان
 پادشاهی (حسین بیقرا) نك اوغلی اولوب شاه
 اسماعیلک صدمه ظالمانسنه اوغرایوبده او اراق
 تبریزده کوشه نشین خجول اولان (مرزا بدیع الزمان)
 نام تخت دوشگوننی دخی مرزا استانبوله کتور مشلدر .
 بو ذات استانبولده چوق بشاره میوب مطعوناه وفات
 ایشدر .

موکب همایونک تبریزه عزیمت ایتدیکی یوللرده ذاتا
 اثر عمران بولمادیغی وینه او یوللردن عودت اولنسه
 اداره جه مشکلات چکبله جکی جهته عودت ایچون
 (قاغزمان) و (قره باغ) طرفی ترجیح واختیار
 اولندی .

قره باغده مواصلنده حضرت پادشاه ینه اسکی نیتلرینه
 یعنی حدودده بولنوبده اول بهارده دیار ایرانه بولکلمک

افکارینہ مبنی اور اجقده قشلاق ارزو سنده
 بولندیلر سده یکی چری زمره سی سفر بلك مدتک
 امتداد بله برابر ایران ویرانه لرنده پک چوق مشقتله
 دوچار و بویوزدن عسکرک عمومی ضعیف و بی اقتدار
 اولدقلرندن بحثله سنه ائیه ده بنه ارزو بیوریلان
 یرله کیدمک اوزره ارتق و طنه عودت اولمسنی
 بالاتفاق استدعا ایتدکلرندن یوله دوام اولنوب شوالمک
 التیسنده (اماسیه) یه کئندی . پادشاه اما سیه ده
 اولسون قشلاقسنی قطعیا اراده بیوردقلرندن صنوف
 عسکریه طاقم مناسب وجوار شهرلره و قصبه لره
 تقسیم ایدادی .

﴿ خاطره ﴾

« بعض مؤرخین سلطان سلیم عسکرک اطاعتسزلکنندن
 ناشی عودته مجبور اولیوبده اوسنه تبریزده یا خود
 قره باغده قالسیدی اوسنه بی تعقیب ایدن موسم بهارده
 عجه سستانی سراپا تسخیر ایدردی دیورلر و بوبابده

اردودہ بولنان و کلابہ جیتسزک و عسکرہ اطاعسزک
 اسناد ابدہ یورلر، لکن ینہ او موثر خلرک افادہ لرندن
 ا کلاش-یلہ یور کہ قحط بلبہ س-یلہ ایران و کردستان
 طرف لرنندہ عسکری کچندیرہ جک زاد و ذخیرہ یوسفدی
 بو حالده یوز بیک عسکردن واکا کورہ بونجہ حیواناتدن
 مرکب براردو اورالردہ نصل قیشی چیقارہ یلموردی؟
 حتی قیش قیش باصمقسزین عودت اولنمشیکن یوللردہ
 ذخیرہ سزاکدن و موثر ا شتاتک شدتلہ حکمنی اجرا
 ایتمسندن ناشی پک چوق زحمتلر چکیلوب اثنای راہدہ
 بیک قدر عسکرک و خبلی حیواناتک اجاقدن تلف
 اولدقلری و عسکر ناچار غارتکر لکہ قویولہرق
 (طایب شبنخی) نام منزلده اہالینک وقوعبولان
 شکایتلرینہ مبنی سلطان سلیمک صدر اعظم ہر سسک
 زادہ ووزرادن دو قہ کین زادہ احد پاشالری عزل
 و تأدیب ابتدیکی و ذخائر تدار کیچون بیک درلو تدابیر
 اجرا سنہ مجبور اولندیغی ثابتدر، بو حاللرہ نظر اتبیرزدہ
 یاخود او حدوددہ، قالنسیدی چکیلہ جک شدایدن ما عدا

وکلانک دیدکاری کبی احتمالکه شاه اسماعیل بر فرصت
دوشیروباردومزه هجوم ایدردی و چالدران مظفرینک
شانیده هبایه کیدردی .

§

موکب همایون تپریزه کیدرکن (بایبرد) قلعه سنک
تسخیرچون بعض امر اقومانده سیله تیمار سپاهلرینک
تعمین اولندیغی یوقاریده بیان اولمشیدی . بونلر
واسطه سیله (بایبرد) قلعه سی حربا وجوارنده کی
(کیغی) قلعه سی استیمانا تسخیر اولنوب حین عودتده
اناختارلری حضور شاهانده به تقدیم اولنش ایدوکنندن
ایران و کردستان حدودینی محافظه ایتمک شرطیله
(بایبرد) (ارزنجان) (طریزون) (جانیک)
(قره حصار شرقی) بر ولایت اعتباریله امپراخور
اول (بیقلی محمد اغا) به پاشالق ایله توجیه اولندی .

§

موکب همایونک اماسیه به داخل اولدیغی کون
شه سوارزاده (علی بک) پادشاه ایله همراکابلق

شرفنه نائل اوله رق شو شرق سفرنده ظهوره کلان
 خدمات ممدوحه سندن طولایی انواع التفاته مظهر
 اولدیغی صروده - چونکه ذوالقدریه حکمداری
 (علاءالدوله) نك اردوی همایونه التحاق و مرافقت
 ایتماسی معنا شاه اسماعیله طرفدار اولدیغی اشراب
 ایتدیکی جهته پادشاه اکا طارغین اولدقلرندن -
 حکومت ذوالقدریه نك علاءالدوله دن اخذ ایله
 کندوسنه احسان ایده جککرینی علی بکه وعد
 بیورملریله علی بک همان پادشاهک اتنک ایاغنه
 قپانه رق الدیغی وعد جلیک واجبه شکرانیتنی ایفایاش
 و طرف شاهانه دن دخی موقتا (قیصریه) سنجاغی
 بانتوجیه علی بک ذوالقدریه حدودینه تقریب
 ایلدیشیدی .

علاءالدوله نك (سلیمان بک) نامنده کی اوغلی ینه
 طرف شاهانه دن منصوب اولوق اوزره او ائساده
 (بوزاوق) سنجاغند بولندیغندن علی بک طوغریجه
 بوزاوقه هجوم ایله بعد الحار به سلیمان بکی در دست

و قتل و کیفیتی حضور شاهانه به عرض ایتمیله بوزاق
 سنجانی دخی علاءالدوله به رغما علی بکک منصبه
 الحاق پیورلدی .

§

شاه اسماعیل موکب هماونک ایراندن عودتدنصکره
 ینه تبریزه رجعتله برابر سلطان سلیمک سنه آتیه
 بهارنده ممالک ایرانه هجوم ایده جکر بنی تحقیق ایتمیله
 بو مخاطره نک اوکنی المق اوزره دولت علیه به عرض
 مذات واستدعای صلح و مسالمت ایتکدن بشقه چاره
 دوشونه مدیکندن اشراق ساداتدن و تبریز علماسندن
 (میر عبد الوهاب) ی سفارته حضور شاهانه به
 ارسال - و خطیئات واقع سنک عفو یله برابر چالدران
 وقع سنده طو تباش اولان زوجه سنک اعاده و ککنوسنک
 طرف شهر یاریدن نیابت طریق یله تخت ایرانده ابقا
 پیورلسنی متضمن - برده متدالانه عرضیه و برچوق
 قیمتدار هدایا تقدیم ابتدی .
 حضرت پاشاهک عجمستانی تسخیر ایتک خصوصنده

اولان فکر جهانگیراندر پنی شاه اسماعلک استدعای
متزلزلانه سی تعدیل ایده مدیکندن او وقتک اصـولی
اوزره میر عبدالوهاب ورفقاسی استانبولده و دیتوقده
قلعه بندایدلی .

§

شاه اسماعیل چاندرانده بوزو اوبده قاجدیغی زمان
تبریز اهالیسی وقتیه شاهدن و امر اسندن کوردکاری
مظالم و تعدیانک انتقامنی المی بولنده امر او رؤسای
عسکریه نک ماللرینی یغما و تاراج و اهل و عیاللرینی
بیک درلو حقارتله ازعاج ایتش اولدقلرندن شاه تبریزه
عودتنده اهالی بی سراپا قتل عام ایتش ایستش ایستده
عقلای ارکانی بویله برغدر شیع جنکیر یانه و وحشیانه نک
اجراسی دکل - بوسره ده اهالی به ادنا مرتبه ییله
مجازات ایدلسی - بسبتون کندی دولتک محوینه
سبب اوله جغنی نصیحت ایتدکلرندن عفوعومی اعلان
ایدک حتی اووقعه دن طولابی اهالی و عسکر بینه
تحدث ایدن دعاوینک استماع و رؤیتنی دخی منع
ایتشدر .

شوققره بی یازمقدن غرض شاه اسماعیلک اوغرادبغی
مصائبک درجه سنی بیلدیرمکدر .

§

حضرت پادشاه امامیه ده بواندقلری هنکامده
یکی چری زمره سنک او باشلری بعض ارکانک
تحریریکله تبریزعودتی اثناسنده عهدده سنه رتبه
سامیه وزارت توجیه یوریلان دفتردار سابق پیری پاشا
ایله معلم شهر یاری حلیمی چلبینک خانلرینی باصوب
برطاقم ادب سزلیکه جرأت ایتدیلسنده فسادلری در عقب
حسن صورتله باصدیرلشدر .

اقدمجه مسند صدارت عظمایی احراز ایدن دوقه کین
زاده احمد پاشانک علاءالدوله ایله مخبره خفیه یه
جرأتی طرف شاهانه دن تحقیق قلمسایله آنک
وکننداسنک باشلری کسلسدر .

§

﴿ کجاک قلعه سنک تسخیری ﴾

مرحوم بابازید اول عصرنده فتح و تسخیر او انوبده ینه

او عصرده امر تیمورک ضبط ایش اولدیغی کاخ
 قلعه سی شاهک جمله ممالکندن اوله رق بو قلعه نك
 مناتی جهتیه دروننده کی ایرانلر حدود ممالک محروسه یه
 و خصوصیه یکی فتح ایدیلان ارزجان طرفلرینه
 تجاوزدن خالی اولدقلرندن و کاخک انده بولندبرلمسی
 سلطان سلیمک ایران و کردستان حقنده اولان نیات
 و تشبثاتی تسهیل ایده جکندن موسم بهارده موکب
 همایون دخی یشمک اوزره اولجد کاخ قلعه سنک
 حصر و تضییقی (بایبرد) و ملحقاتی والیسی بقطی محمد
 پشایه فرمان بیورلمسیله محمد پاشا پادشاه دها اماسینه ده
 ایکن بر موجب فرمان عالی زیر حکومتده کی محارک
 عسکرله کاخی تحت محاصره یه المشیدی .

طقوز یوز بکر می بر سنه سی موسم بهاری ایریشوب
 بو سنه نك ربیع الاولنک بشنده موکب همایون
 اماسینه دن حرکتله ربیع الاخرک بشنده کاخه
 مواصلت ابتدی .

کاخ محصورلری ذاتا محمد پاشانک تضییقاتندن صبقاش

ایدیلر . موکب همايونك دخولى كوني بالجمله عساكر
عثمانيه هر طرفدن طوپ و تفنگ ايله شديد مهاجمه
ايتدكلرندن التي ساعت طرفنده كاخ قلعه سي جبرا
فتح و تسخير و دروننده بونان ايرانبير طعمه شمشير
ايدلى .

حضرت پادشاه كاخ قلعه سنك ضربات طوپ ايله
رخنه دار اولان محللر يني تعمير ايله برابر بر مستحکم
برج دها علاوه و امر محافظه سني عساكر كافيه
ترقيقه امر ادن قره چين اوغلي احمد بکه احاله
بيورديلر .

﴿ ممالك ذوالقدریه نك استیلاسی ﴾

مرعش و البستان و ملحقاتندن عبارت اولان ممالك
ذوالقدریه حکمداری ذوالقدر زاده علاء الدوله بك
فانح مرحومك چراغی اوله رق بوانديغی مسند و شرف
دولت عليه به اتما وانتساب سابه سنده حاصل اولمش
ايكن سلطان بايزيد ثانی عصرنده ينه كنديسنك

سببیتله آچیلان مصر مسئله سی اثناسنده دولت
 علیه بی ترکیه مصر او پولتبقه سنی اختیار و بو حرکتله
 طبیعت اصلیه سنده مر کوز اولان نان کورک
 و وفاسزلق رزبلیه سنی اظهار ایش ایسه ده مصر او ایله
 عقد مصالحه اولمقله برابر بو سیئاتی دخی سلطان بایزید
 مرحوم طرفندن اغماض اولمشیدی .

علاء الدوله او زماندنبرو هم دولت علیه بی همده
 مصر او بی کندیسنه کوجندر میسه جک صورتده
 بر مسلاک طوتوب فقط مصر او به دهها زیاده خلوصکار
 کچیزدی .

بو دفعه کی شرق سفرنده سلطان سلیم کندوسنی
 معاونت و مرافقه دعوت ایتدیکی حالده اجابت
 ایتماسی شاه اسماعیل طرفدارغنه محمول اولدیغندن
 و حضرت پادشاه آسیای وسطاده و بلکه مرکز
 سلطنتی محیط اولان بتون آسیا و اوروپاده کی او یله
 اوشق تفک حکومتلرک المحاسیله بر کار علو هم تله
 صفحه افکارنده ترسیم ابتدکاری یکی بر خبر بطه بی

میدانہ قویق نیات عالیہ سندنہ بولند قہرندن کباخ
 قلعه سندنک فتحندن صکرہ ممالک ذوالقدر بہ نک
 علاء الدولہ النندن استخلاصیلہ ممالک عثمانی بہ الحاقنی
 ذہنلرنده قرارشدیردیلمر .

بناء علیہ کباخدن سبواسہ مواصلتلرنده اناطولی
 بکلر بکیسی سنان پاشانی اون بیک منتخب سواری
 ولزومی قدر پیادہ بکی چری ایلہ طلیعہ اولہرق
 علاء الدولہ اوزرینہ سوق وشہسوارزادہ علی بکی
 دخی ترفیق ایلہ برابر ارقہلرنندن موکب ہما بونلرینی
 دخی پورتدیلمر .

سنان پاشا (البستان) . وموکب ہمایون قیصریہ
 طہققاتندن (اینجہ صو) بہ واصل اولہرق علاء الدولہ
 (اوردکلی) نام محلدہ بولندیغنی حالده قضیبہ دن خبردار
 اولسیلہ بالجملہ اولاد و عیالنی و اموالنی مناعت
 طبیہ سنی بولنان (طورناطاغنی) نام جبلہ نقل ایدوب
 جرح ایدہ بیلدی بکی عسکر بلہ بو طاغک اتکمندہ مقابلہ بہ
 حاضرانہ می .

هرقدر امر اسنك عقلایی - سلطان سلیم ایله
 باشه چیتله میه جغندن کندبسی آنک قوجاغنه آتوبده
 عفو و مرحت دیلکدن بشقه چاره اولدیغنی -
 نصیحت ایندیلسده دیکلدی .

نه خیال محال !! شاه اسماعیل کبی بتون ممالک
 شرفیه بی هرج و مرج ایدن صاحب خروجک باشه
 چیتله مدیغنی بر پادشاه عظیم الاقداره قارشو
 علاء الدوله نك مقابله یه حاضرلنسی کندینک
 و خاندانک اجلنی تعجیل ایدرجه سنه بر حرکت
 جاهلانه دکلیدر ؟

موکب همایونک زجت المسنه بیله حاجت قلمسزین
 سنان پاشا ربیع الاخرک بکرمی طقوزنجی کونی
 علاء الدوله نك جمعیتکهنه هجوم ایدرک برنجی
 محاربه ده، ذوانقدر به عسکری بوزو اوب علاء الدوله نك
 باشی کسادی . و سنان پاشا بوزغون طاقنک
 ارقه سنی بر اقایوب هیچ بر دل قورتلدیغنی کبی عساگر
 عثمانیه (طورنا) طاغنک باشنده قدر چیتله رق

علاءالدوله نك كافة اموال واشيائى يغمايدلدى .
 حضرت پادشاه مر عشه قريب (كوكون)
 مرحله سنده بواندقلى حانده علاءالدوله نك رأس
 معطوعى ايله برادرى عبدالرزاق بك وفاملیدان برطاقم
 اسرا حضور پادشاهی به كتور يله رك عبدالرزاق بك
 وسائر اسيرلر دخی اعدام ایدلدى . و على العاده
 ملوك و حكمدارانہ ظفر نامه لر طاغیدلدى . كاخك
 و عمامك ذواتقدر به نك فتوحاتنى جامع اوله رق قائم مقام
 تحت سلطنت (شهزاده سليمان) . يازمش اولان
 ظفر نامه نك بر صورتى (۱۳) اشارتيله تذييل
 ايديلور .

سنان پاشا جادى الاولانك التنجى كوني عتبه شاهانه به
 بوز سوردكده خدمت واقعه سى تقدير و مسند
 صدارت عظاما ايله توقيه بيورلشدر .

§

موكب همايون اما سیه دن كاخك كيدر كن (قرجه
 بك چايرى) نام مرحله د، سلطان مصر (قانصوغورى)

طرفندن برسفير کلهرک حامل اولديغی نامه سنده
 علاءالدوله حقنده بیان حایت و صحابته برابر شهسوار
 زاده علی بکک قیصریه و بوزاق سنجاقلرندن
 قالدیرلسی ، و ممانک ذو القدریه ده غورینک نامنک
 یا خطبه لده مذکور و یا خود سکه لده مضروب اولسی
 طلب و التماس اولنمش اولسیله سلطان سلیم « غوری
 ار ایسه بوندن صکره نامنی مصرده ابقا ایده یلسون ،
 دیهرک او وقت بوکاجواب یازمغه بیله تنزل ایتمیوب
 سفیری اعاده ایتمش لرایدی .

اونامده جواب مسکت قیلندن اوله رق علاءالدوله نک
 رأس مقطوعی قیصریه دن غوری به ارسال و اهدا
 و برده عربی العبارة ظفر نامه اسرا قلمشدر . بونک
 صورتی دخی ذیل جلدده (۱۴) رقمه مسطوردر .

§

حضرت پادشاهک آسیاجه اولان تصویرلی تمامه
 فعله کلامش ایسه ده (اما سیه) ده بولندقلری زمان
 (مجارلو) نک بوسنده قطعده سنده واقع (ازورنیق) .

تجاوزله بعض خسارات ایتمی ، و طوایف عسکر به نیک
 بر قاچ سنه در علی التوالی مشاق سفریه و شداید
 حریره ایله پریشان الحال اولسی ذات شهر یاریلرینک
 بر کره پای تخته عودتله روم ایکنده دخی ابراز سه طوت
 و مهابت بیورملرینی ایجاب ایتد بر دیکندن قیصر به دن
 عسکری و ملرینه طاغیدوب کندولری دخی استانبوله
 عودت و استانبوله آز بر مدت قالد قدن صکره ادرنه
 تختگاهنه عزیمت ایتدیلر .

سلطان سلیم استانبوله مواصلت بیوردقلری زمان
 شرق سفرنده نیات عالیله لرینک تمامی اجرا سنه حائل
 اولان موانع که باشلوجه سی عسکرک ایکیده برده وطنه
 عودت آرزوسایله ایاقلانملری ایدی . بو حاله سبب
 اولنلری اکلایوبده سیف سیاستنه اوغراق ایستیبوب
 یو بایده صیبی صیبی اجرای تحقیقات ایتدکلری صره ده
 بر کون یکی چری زمیره سنک رؤسائی بالذات سمرای
 همایونه جلب ایله « شرق سفرنده ایلرویه کیتامک
 ایچون عسکری ایاقلندیرانلر ، و اما سیه ده پیری پاشانک

و حلیمی چلبینک خانہ لرینی یغما یہ س۔ وق ایدنلر
 کیلردر؟ « دیوصیقشیدیردقلرنده بونلردخی کتہ مقتدر
 اولہ میوب - عسکری تحریک ایدنلر (اسکندر پاشا)
 ایلہ مؤخر افاضیہ عسکرک مقامنی احراز ایدن توقیعی
 تاجی زاده (جعفر چلبی) وسکبان باشی (بال یزناغا) اولدیغنی
 سویلککہ مجبور اولدقلرندن اسکندر پاشا ایلہ سکبان
 باشی درحال جلاد بی امان الینہ تسلیم اولندی .
 جعفر چلبی عظمای علمادن بولنق حیثیتلہ حضرت
 پادشاه لوم لائمه میدان ویرمامک وانک اعدامنی کندنی
 فتواسنہ بنا ایلک اوزره جعفر چلبی بی حضور لرینہ
 جلب ایلہ « عسکر اسلامی عصیانہ سوق ایدن آدمک
 جزاسی ندر؟ » یوللو اس۔ تفتایوردقلرنده قاضی عسکر
 افندی باشنہ کلہ جکنی بیلیہ رک « ثابت اولورسه
 قتلدر » جوابنی ویردیکندن جناب شہریار
 جلادت شعار « ایشته سنک عجم سفرندہ
 عسا کر اسلامیه بی تحریک ایتدیکنک بنم عنده مدہ
 ثابت اولدی , وکندی فتواک ایلہ قتلک لازم کلدی »

خطابیه جعفر چلبی بی بعدالالزام اعدام ایتدیره شلردر .

§

سلاطان سلیم دوات علییه سنک کندی آرزوسی کبی
 اقتدار وعظمتک بر درجه علییه وصولیه مدار اعظم
 اولان قوه بخریه نک تنظیمی دخی خاطر لرندن
 چیقار میوب بود فعه استانبولی تشریف لرنده ترسانه
 جهت لرنده بر چوق دستکاهلر و انبارلر انشاسنه
 باشلا تدیلر .

بوانشآت آز زمان ایچنده اکیل اولمئله برابر او عصرده
 هر دولتک دوتماسنه فائق صورته سفاین حربیه
 وجوده کتیرلشدر . بواساس سایه سیدر که : خلف
 اشرفلری (سلاطان سلیمان) دورنده سلطنت سنیه نک
 قوه بخریه سی دنیانک برنجی دوتنمسی طانندی ،
 وهند وچینه وارنجه بتون دکزلده عثمانلی سنجاغی
 تفرد ایتدی .

§

﴿ کردستان، فتوحاتی ﴾

عموم کردستان شاه اسماعیل اردبیلی به تابع ایسده
 طائفه اکراد سنی المذهب بولمق مناسبه او تابعیتدن
 ممنون اولدقلرندن دولت علیه جه حکیمانہ برتدبیر
 طوتلسه کردستانک ممالک محروسه به الحاقی قابل
 اوله جغنی سلطان سلیم شرق سفرنده کشف ایدرک
 تبریزدن عودتلی ائناسنده امرای اکرادی بالتأمین
 تبعیت دولت علیه به دعوت ایلک اوزره مولانا
 (حکیم الدین ادریس) ی (مرند) نام مرحله دن
 کردستانه ارسال و امرای اکراده مولانانک ترتیبی
 وجهله اسمالتنامه لاسبال بیورمشلر ایدی .

مولانا ادریس مرند دن ار می اشنی سوران
 ازبیل عمادیه بختی جزیره عمریه موصل بدلیس
 سعرد دیار بکر و حصنکیف طرفلرینی دور
 ایدوب اورالک بتون اهل بسنی ابرانلر علیه نه
 ایاقلندیردی :

شویله که : امرای اکراد بنه مولانا ادریسک
 تعلیمه بریره طویلانوب حصنکیف امیری ملک خلیل
 ایوبی و بدلیس حاکی امیر شرف الدین و حیران
 حاکی امیر داود و صاصون حاکی علی بک و عمران
 حاکی عبدل بک و عزالدین ش-یر بک زاده امیر ملک
 عباس کبی طوائف ماو کدن معدود بکرمی بش ذاتدن
 مرکب بر مجلس ملیده شاه اس-ماعیلدن فک رابطه
 تابعیتله سلطان سلیمه بیعت ایتکه ، و کندولزندن
 هانکیسی رئیس او اس-ه دیگر لری چکه میه چکن-ندن
 طرف دولت علیه دن عموم کردستانه بر سردار طلب
 ایلیکه قرار و یردیله .

مولانا ادریس بو احوالی پی-دردی طرف شاهانه یه
 عرض ایله و ایجاب ایتدی که امرایه پادشاه جانبدن-ندن
 تملطیف نامه لر و هدیه لر جلب ایدردی .
 امرای اکراد او مجلسده و یردکلری قرار اوزرینه
 بالاتفاق ایرانلو و ایرانلو طرفدار لری ایله محاربه لری ایدرک
 و طنلرینی برر بر ایرانلیلردن قورنار مشلردر .

﴿ دیار بکرک تسخیری ﴾

دیار بکر حاکمی و شاه اسماعیلک انشته سی (اوسنجالو اوغلی محمد خان) چالدران محاربه سنده مقتول اولدیغی زمان دیار بکرهاالسی قلعه ده قالان عجملری طرفه دفع ایله سائر اهالی کردستان کی شاه اسماعیلدن فک ر بقه تابعیت ایتش لر ایدی .

بزم اردونک ایراندن چکله سله شاه اسماعیل تبریزه عودت سنده دیار بکر لونک و اکرادک عصیانلرینی ایشیدوب بونلری تکرار دائره اطاعتیه المق ایچون مقتول محمدخانک برادری (قره خان) ه دیار بکر ولایتینی بانتوجیه بونی بشبیک سواری ایله دیار بکره سوق واعزام ایشیدیدی .

قره خان دیار بکر کی محاصره ایدوب اهالی اطرافده بولنان امرای اکراددن استمداد ایتدکلری کی طرف سلطنت سزیه دن دخی کندولرینه بر سردار تعیین اولنسنی حضرت پادشاه امامسیه ده ایکن مولانا

ادریس واسطه سیله استرحام ایتلرینه بناء جانب
 شهر یاریدن بر مقدار سه واری ایله کوندرش اولان
 درگاه عالی متفرقه لرندن وعن اصل دیار بکر اهالیسندن
 یکید احمد اغا نام ذات شجاع برقرانلق کیجه ده ایران
 عسکری اراسندن کچوب قلعه نك دروننه دخوله موفق
 اوله رق سلطنت سنیه جانندن دهها کلی امداد کله جگنی
 محصورله خبر ویردی .

بونک اوزرینه اهالی قوت الهرق قلعه نك برجلرینی
 عثمانلی سنجاقلریله دونادوب شدتله مدافعه به
 باشلادیلر .

فقط طرف پادشاهیدن کوندریله جگی وعدا اولانان قوه
 کافیه عسکریه نك کاخ و ذوالقدریه مسئله لرندن
 طولانی ارسالی تا آخر ایتسه یله دیار بکر تمام بر سنه
 محصور قالدی . بوسنه ظرفنده شاه اسماعیل
 پیدر پی قره خانه امداد کوندرمکده قصور ایتماش
 ایسده مولانا ادریسک همت وغیرتی ثمره سیله بتون
 کردستان خلقی ایرانلو علیه نه مدافعه به اقدام

ابتد کارندن قره خان دیار بکرك استیلا سینه دسترس
 اوله مدی .

لکن اهالی شداید محاصره دن صیقیلوب دولتجه
 معاونت کافیه اجرا وانمد قیجه بالاخره ایرانلو به اطاعته
 مجبور اوله جقلرندن مولانا ادریس بانذات حضور
 شاهانه به یوز سوروبه کردستانه مخصوصا یاردو
 ترتیب و تسریب ابتدیرمک ایچون یوله طوغریلوب
 (بایبرد) . وصولنده مقدمکی معروضه اتنک جوابی
 اوله رق الدیغی فرمان عابیده - عساگر عثمانیه نك
 برقاچ سینه در شرق سفر لری یورغونقلر بینی چیقار مق
 ایچون وطنلرینه عودتلری لازم کلدیکندن دیار بکرك
 امرای اکر ادهم تبه محاصره دن قورتارلسی ممکنیدر ؟
 یوقسه بهمه حال دولتجه عسکر ارسالی لازمیدر ؟ -
 دیو سـ وئال بیورلسیبله مولانا ادریس بایبرده
 توقفه اورادن حضور شاهانه به مخصوصا آدم وعربضه
 کوندروب - دیار بکرك استیلاسی و کردستانک
 دولت عابیده مال ایدلسی مجرد عساگر منتظمه

تعیینش محتاج اولدیغنی و بایبرد و ملحقاتی و ایسی
 بیقلی محمد پاشانک سردار نصیبله اماسیه و ملحقاتی
 و ایسی شادی پاشانک دخی و لایتنانک حاوی اولدیغنی
 بش سنجاق عسکرله سردار رفاقتنه تعیین بیورلسنی -
 انها و استعدا ایندی .

مولانانک شو و عرضی قبول اولنهرق همان ولایتلری
 عسکرینی طو پلایوب دیار بکره کیتلری محمد و شادی
 پاشالره فرمان بیوردی .

محمد پاشا اردوسنی ترتیب ایتمکله مشغول ایکن مولانا
 ادریس لازم کلان محلاری طولاشه رق اون ییک قدر
 اکراد عسکرینی کیغنی موقعنه طو پلادی . و مؤخر
 پاشالر دخی برنشهرک مکملجه بر اردو اولدقلری حانده
 دیار بکره توجه ابتدیلر .

بو اثناده قره خانه امداد اولهرق شا، طرفندن
 کوندر بلان ایران سردارلرندن کردبک ره راستنده کی
 (جبا قجور) ی بالمحاصره برلوسی انندن ضبط
 ایتشیدی .

سردار محمد پاشا یوانی جباً قجوره او فرادوب کردبکی
 قاچردقدنصره اردوی عثمانی بی دیار بکره قریب
 قره کوپری به ایصال اینجہ قره خان دیار بکرک
 محاصره سنی ترک ایدرک ہنوز ایرانلی اندہ بوانان (ماردین)
 قلعہ سنہ قاچوقہ مجبور اولدی .

محمد پاشا طقوز یوز بکر می برسندہ سی شعبانی اوائلندہ
 بلا مزاجم دیار بکرہ داخل اولہرق اہالی مملکت
 سلطنت سنہ نک تابعیتی شرفنی قرانقلہ برسندہ دنبرو
 چکر کلری مصائب محاصره بی اونودوب شہر کلر
 ایتدی لر .

سردار محمد پاشا ایرانلونک اورالردن بتون بتون ایاغنی
 کسمک ایچون همان اردوی قره خانک ارقہ سی صرہ
 ماردینہ یورتدی .

اردوی عثمانی (چوسق) نام مرحلہ یہ واصل
 اونجہ قره خان ماردین قلعہ سنک محافظہ سنی بعض
 ضابطانہ حوالہ ایلہ کندیس۔ نک مال و عیالی الہرق
 (سنجار) چوانہ طوغری صاوشمش اولدیغی خبر

الذی یغذون چوسقده، توقف اولندرق بالمشاوره ویریلان
 قرار و جهله ماردینک استیمان صورتیله ضبطی
 چاره سنه باقلمق اوزره مولانا ادرسی و (صکیف)
 امیری (امیر خلیلی) علی طریق السفاره ماردینه
 کوندر دیلر .

مولانا ادریس اولاخارج مملکتدن انصایح و تهدید اتدن
 مرکب بر مکتوب بلاغت اسلوب کوندر وب اهانک
 اطاعتلرینی جلب ایتمش و مملکتده کی ایران عسکری
 اهانک دولت علیه به تبعیت ایتدکلرینی ایشیدنجه
 ایچ قلعه به قیاملریله ملک خلیلی کندوسنک بشوز
 قدر عسکر یله ماردینه ادخاله موفق اولمش ایسه ده
 بری طرفه شادی پاشا ایله سردار محمد پاشانک
 فصلسه ارزنده بوز و قلق حاصل اوله رق شادی
 پاشا « بنم مأمور یتیم دیار بکره قدر دردها ایلروسنه
 یوریمکده طرف پادشاهیدن «أذنون دکلم» دهرک
 کندی قوماند سنده کی ایالت عسکرینی بالاستصحاب
 اما سیه طوغری ارادی کندی .

سردار محمد پاشا عسا کر باقیه ایله ماردینه بالعزیمه
ایچ قلعه نك تضييقنه نشبث ایتك ارزوسنده بولندیسده
اردونك نصف قوتندن زیاده سی شادی پاشا ایله
چکلمش وقصور عسکری دخی انلره باقرق عودت
ایتك افکارینه دوشمش اولدیغندن محمد پاشا یکرمی
درت ساعتدن زیاده ماردینه ده طوره میوب دیار بکره
عودته مجبور اولدی .

اردوی عثمانینک بویله تفرقه یه دوشدیکنی (سنجار)
چولرلنده طولاشان قره خان ایشیدر ایشتمز عودت
ایدرك ماردینی تکرار ضبطنه کچیردی .

« ملا اردیسک حسن تدبیر و بلاغتی ثمره سیله قان
دو کاکسزین اله کیرن بر مملکتک شادی پاشانک سوء
حرکتندن طولانی الدن چیقدیغنه نأسف اولنماق
قابل دکلسده، تعجب اولنما لیدر .

چونکه : - تار یخلرک بزه خبر ویردکاری وقوعات
قدیمدن صرف نظر له .. عصر مزده تحدیث ایدن
عجایبات و معاملات دولیه اثناسنده بزم بعض پاشارک

سلطان سلیم اول ۳۰۷

اقبال یاریشی اغورنده دولت عایه بی نقدر ضایعاته
اوغراندقلری معلومدر »

صدددن چیقمه یلم : سردار محمد پاشا دیار بکره
وصوانده شادی پاشانک حرکات واقعه سنی ملا
ادریس ایله مشترکا باب عالی به عرض و انها
وکردستانک تماما تسخیری اقتداری حاصل اولوق
ایچون عسکر یتشدر لمسنی استعدعا ایتسیله حضرت
پادشاه شادی پاشایه غضبلنوب انک و اکا او یوبده
اردوبی ترک ایدن سائر امر انک مجازات لایققلرینی
بعدالاجرا فرمان بکلر بکیسی (خسرو پاشا) نک
بتون فرمان وانا طولی سپاهیلریله هممان دیار بکره
کتمسیچون امر عالی کوندردکاری مثلاو پای تختدن
دخی بیک نفر یکی چری ایله (سپاه) و (سلحدار)
بلوکارینی اغازی (سنان) و (بالی) اغازله موسم
به ارده دیار بکره ایرشمک اوزره سردار محمد پاشا
معیننه مأمور یوردیلر .

بوعسکر کیدرکن اثنای راهده اولوب هنوز ایرانلو

ادامه سنده بولنان (خرپوت) قلعه سنی کاخ محافظی
 احد بک انضمام معاونتیه بالتضبیق اوج کوز طرفنده
 تسخیر ایتش لردر .

اشو پای تحت عسکرینک دیار بکره وصولندن اول
 سردار محمد پاشا مناسبستیز حرکت عسکریه اجرا سیله
 بر مقدار سواری تلف ایتدیر مشدر .

تفصیلی شودر که : شاه اسماعیل قره خانه امداد
 اوله رق (همدان) حاکی (یکان) و (کلهر و کراد)
 حاکی (چوقا سلطان) و (بغداد) حاکی
 (قیصر سلطان) قومانده لریله (کرکوک) و بغداد
 طریقیه ماردینه خبلی عسکر کوندروب بونلر ماردینه
 بانوصول عثمانلو اردوسنک ماردینه شجومه سد حائل
 اولق ایچون دیار بکر ایله ماردین بیننده واقع کرخ
 نام محله اردولر بنی قور مشلرایدی .

اواره لوق قرمان بکر بکیسی خسرو پاشا دیار بکره
 و اصل اولش ایدو کندن سردار محمد پاشا
 ایکی بیک سواری انتخاب ایدرک و کندی بر خدعه

حربیه یاقق ایچون کرخ ایله دیار بکرك اراسنده کی
 دجله نهری کو پریس-نده پوصو طوت رق کرخده
 بولنان ابران اردوسی اوزرینه بر کره شدتلی هجوم ایله
 در حال کیرویه قاچاق کو س-ترو بده دشمنی بالاغفال
 پوصویه جلب ایتک اوزره سوار یلری سوق ایتدی .
 حالبوکه ایرانلیلر سردارک مناوره سنی نصل-سه تحقیق
 ایدرک انلرد- لازم کلان تدابیر مدافعه بی اجرا ایتش
 اولدقلرندن بزم س-سوار یلر دشمنی غفلتده در ظنیه
 چادرلرینک اوزرلینه هجوم ایتدکلرنده عجملردر عقب
 بولنرک اطرافنی قوشاندیلر .

کرخ ایله کو پرینک اردسی خیلی مسافه اولدیغندن
 ماعدا بوللری چاموراق و بطاقلق اولسه یله بزم
 سوار یلرک انلری بورغون اولدیغندن نه قاچقه نه ده
 اوقدر کترتلی دشمنی مدافعه یه متدر اوله میوب برطاقی
 تلف و برطاقی اسیر اولدیلر . ایچ-لرندن آنلری
 دنج و یوکرک بولنان جزئی مقداری کوچ ایله کو پری به
 یتسه-یتش ایسه لرد- سردار باشقا اولجه ابران

اردو سنک کر خدن قالمش اولدیغنه دائر اصل سز
 برخه برالمسی اوزرینه کوپری باشه نی ترکله دیار بکره
 چکلمش و کوپری بی مؤخرأ عجم لر طومش اولدیغندن
 کوپری به ینیشه بیلان سه وار یلریمز دخی اورا جقده
 دشمن پنجه سنه دوشدیلر .

سردار محمد پاشا شو و خطا سندن طولابی متأسف
 اوله رق دیار بکرده استانبولدن کوندریلان صنوف
 عسکر یه نک و صولنه منتظر اولدیغی حالده بو عسکرک
 قره کوپری به واصل اولدیغی بالا تخبار کیندو سیده
 دیار بکرده کی عسا کر موجود بی استصحاب ایله
 قره کوپری به عزیمت ابتدی . دشمن ایله چار پشمق
 ایچون ترتیباته باشلادی .

قره خان اردوی عثمانینک کیفیت انتظامی و سردارک
 نینتی تحقیق ایروب اودخی اردوسنی ماردینک
 بیردجک جهتنده واقع (دده قرفین) نام موقعه
 قالدیروب مقابله به حاضرلندی .

خلاصه سردار اکرم اردوی قره کوپریدن قالدیروب

ایران اردوسی اوزرینه یوریدی . و ایغی توزیله
مچار بهیه کیرشدی .

ایران اردوسنک سوارسی مکمل ایدیسده . نقدر
مکمل اولسه سوارینک پیاده یکی چریرینک تفنکری
آتشنه قارشواوزون اوزادی طیانه میه جغنی قره خان
پیلد یکندن چالدران محاربه سنده . شاه اسماعیلک
طو تدیغی اصوله توفیقا سوارسی ایکی به بو اوب
برفرقه سنی کندی قومانده سنده و برفرقه سنی بغداد
حاکی قومانده سنده اوله رق بزم اردونک صاغنه
صولنه هجوم ایندیردی . و حله اولاده فرمان
عسکرینی خبلی صیقه شدیردی ایسه ده یکی چریلر
قورشون یاغدز مغه باشلابجه دشمن سواریلری
کیروا یوب بو صرده قره خان دخی حلقومندن قورشون
ایله اورلش اولدیغندن ایران اردوسی بستون پریشان
واتنه کووه نلر مار دین قلعه سنه طوغری شتابان
اولدی .

میدان حربده ایرانلیلردن اون بیکدن زیاده مقتول

قالوب فرار یلک ارقه سنه دخی بزم اکراد اتل-وسی
 طاقبله رق ماردینه وارنجه یتشدکارینی قیدیلر .
 سردار اکرم محمد پاشا قره خانک رأس مقط-وعنی
 سارروئسای ایران مقتوللری باشلریله اورادن باعریضه
 مخصوصه پای تخته کوندر مس-یله حضرت پادشاه
 غوری بی تهدید ایچون طقوز یوز بکرمی بر سنه سی
 رمضانک اواخری تاریخی بر ظفر نامه ابله قره خانک
 باشنی مصره کوندر مشدر .

سردار محمد پاشایان اولنان میدان جنگنی قزانقدن
 صکره ماردینه باعزیمه اهالی مملکت اولکی کبی
 درحال اطاعت ایتشلر سده مقتول قره خانک برادری
 ایران عسکری بقیه سیله - منات طیب-عیه سی معلوم
 وامیر تیموری بیله مدت مدیده اشغال ابتدیکی مشهور
 اولان - ایچ قلعه به قیاندیغندن و او ائناده ایسه زیرده
 تفصیل اولنه جق عربستان سفریچون محمد و خسرو
 پاشا رومولانا ادریس موکب همایونه چاغرد قلرندن
 ایچ قلعه نیک فتحی بر سنه قدر تاخر ایتشد .

« مولانا ادریسک اشبو کر دستان فتوحاتندہ تدابیر
 مخصہ۔ و صہ سی براردویہ بدل ایدی . مشار الہک
 نزد شاہانہ دہ وقع و حیثیتی نہ درجہ دہ عالی اولدیغنی
 بیلنک و اوزمان کردستانجہ پادشاہک طوتدیغنی اصول
 ادارہ اکلشاق اوزرہ مولانا بہ یازلمش اولان ۲۱ شوال
 سنہ ۹۲۱ تاریخلو نرمان سامینک بر صورتی ذیلندہ
 (۱۵) اشارتیلہ کوستریلور . »

§

﴿ عربستان و مصر فتوحاتی ﴾

حضرت پادشاہ شاہ اسماعیلہ چالدران صحراسندہ
 اوردیغنی ضربہ تأدیب و وحدود بویندہ قراندقلری
 فتوحات ابلہ قناعت ایتیبوب بتون عجمستانک
 استیلاسیبلہ آس۔ یادہ کی ملت اسلامیه بی برنقطہ اتحادہ
 باغلامق نیت جهانکیرانہ سیندہ بولندقلری حالندہ
 پکن دفعہ کی شرق سفر لزندہ نیات شاہانہ لرینی تمامیلہ
 فعلہ چبقارہ مقسزین حسب الايجاب پای تختہ عودت

یوردیلر سده اونیدن فراغت ایتدیرك حتی پای تختده
بولد۔ دقلری ایامده اوچ سنه اردوی همایونی شرق
سفرلرنده اداره ایله جک مهمات تهیه سـ یله
مشغول اولوردی .

یوارالقدہ شاه اسماعیل ینہ صلح اسمندعاسیله حسین بک
وبهرام اغا ناندہ ایکی ایلیچی کوندرهش ایسه ده
سلطان سلیم مصالحه نك امکانسز لغنی اکلایمق
ایچون عادات قدیمه وجهله ایلیچیلری حبس ایدرک
طقوز یوز یکر می ایکی سنه سی موسم بهارنده ینہ
شرق سفرینی اعلان , و اولجه دیار بکر جهتنده کی
عساکر عثمانیه بی دخی جمع ایله او قولدن ایران
حدودینی طومق اوزره صدر اعظم سنان پاشایی
فرق بیک سواری ایله ایلر و به اعزام یوردیلر .

شاه اسماعیل دولت علیه نك تشبثات اخیره سنی کندی
علیه نده پک تهلکه لی کوردیکیمی ون مصر ملکی
سلطان غوری به مراجعتله یا سلطان سلیمی صلحه
اجبار یا خود کندوس یله اتفاق ایلمسنی التماس ایتسنه

و سلطان سلیم آس-یاده آن بان میدان آلمسی غوری
 حقه ده قور قولی بر حال اولس-نه و مقدا - قفا سنه
 اورر جه سنه - علاء الدوله نك و مؤخرًا قره خانك
 كله لر نك كندوسنه كوندرلسی غور نك كبر
 وغرورینه طوقنسنه مبنی غوری شاه اسماعیله یاردم
 ایتمکی كندی منافعنه ده موافق بوله رق عثمانلی
 اردولرینی شرقه عزیمتدن منع ایتمك خلیاس-یله
 اللی بیک سواری ایله سوریه طرفلرینه كلش ایدی .
 صدراعظم سنان پاشا قیصر به دن مرور ایله دولت
 چرا كسه حدوددن ملاطیفته واقف نهر (فرات)
 معبرندن دیار بکره كچمك ایچون حدوده مأمور چرا كسه
 امر اسندن رخصت رسمیه طلبنده بولندقدده جواب
 رد الدیغنسدن در حال کیفیتی و غور نك کلی عسکر
 و بشقه بریت ایله حلب طرفنه كادیكنی عتبه شاهانه یه
 عرض ایدرك (البستان) طرفنده اراده سنیه یه منتظر
 اولدی .

مسئله نك چتالاندیغی یعنی دشمنك ایکیلندیکی معلوم

اولاد قدده حضرت پادشاه و کلا وارکانی سبرای همایونه
 جمع ایله عقد انجمن مشورت بیوروب - ارکانک
 کیمسی شرف سفرندن فراغت ایلمسی ، کیمسیده
 دولت چرا کسه نك جبرامانته اقتداری اوله میه جغندن
 او طرفه هیچ اهمیت و برلیمرك ایلرویه کیدلمسی
 ستقلرینه سوق کلام ایتدکلری صروده - وزراندن
 پیری محمد پاشا پادشاهک هدف نظری هانکی نقطه
 اولدیغنه واقف اولدیغندن سه - وزه باش - لایوب
 « پادشاهم : بزه لازم اولان اعدای دواتی ازمکدر ،
 مادامکه چرکسلر شعیله معاون اوله بور انلرده دشمن
 دیمکدر ، اولانلری بتیرلم « دیمسینه و پادشاهکده
 ذاتا ذهنده قرارلشدیردقلری بو صورت اولسینه
 غورینک اوزرینه کیدلمکه قرار ویرلدی .

فقط اعلان حرب اولنمزدن اول سه فرابعث وارسایله
 غورینک حقیقت افکاری اوکر نلک مناسب اوله جغندن
 مشاهیر علمادن روم ایلی قاضیه سگری (زیرک زاده
 رکن الدین افندی) ایله امراندن مؤخر (قردجه

پاشا) نامه‌یله شهرت الان (احد بك) كوندراى .
 و بوندن اولجه غورى طرفندن شمرق سفرندن فراغت
 اولمسی تکلیفته دأر (محمد انبغا) نام سفیر واسطه سیله
 عربی العبارة برنامه کلمش اولدیغندن اونامه یه جواب
 اولق اوزره یازیلان طقوز یوز یکر می ایکی سنه سی
 محرر نك اوائلی تاریخی ترکی العبارة نامه همايون
 سفیر له تودیع اولندی .

بو نامه لک صـورتلری دخی (۱۶) (۱۷) رقلریله
 ذیلده در .

بوندن صکره حضرت پادشاه ادرنه پای تختنه سابق
 کبی شهرزاده سلیمانی قائم مقام براغوب ادرنه دن استانبوله
 کلدیله . و پیری پاشانی استانبول و صدر سابق
 هر سک زاده احد پاشایی دخی بروسه محافظه سنه
 تعیین ایدرک کندولری طقوز یوز یکر می ایکی سنه سی
 جادی اولاسنک دردنجی کونی ینه ظاهرده شرق
 سفری نامه اناطولی یقه سنه کچدیله .

موکب همايون قونیه و قیصریه طریقته یله آخر آغر

بول کس-دیره رک و سنان پاشا اردو سنک بولندیغی
 البستاندن کچهرک (بوچاق دره) نام مرحله یه واصل
 اوانجه سفیرلر بزم عودت ایدرک افاده لرندن غورینک
 عداوتی تماما اکلشلدیغندن زبرده (۱۸) اشارتیه
 مسطور اولان نامه همايون ابله مصر اویه اعلان
 حرب اولندی .

سفیرلر بزم حقیقده اولان معامله دن بحث ایلدکده فائده دن
 خالی دکدر : وقتا که مولانا رکن الدین واجد بک
 سلطان غوری بی حلبده بوله رق حامل اولدقلمی نامه
 همايونی اعضا و وظائف سفارتی اجراه اعتنا
 ایتدکلرنده - اکرچه غوری دخی تقدیر اولنسه جق
 حسن معامله کوسترم دیسه ده - چرکس امرای
 غلو ایدرک مشار الهمایی اولدیرمکه قانقش-دیلم .
 هله غوری بینه صوکنی ملاحظه ایله حبسلر بله اکتفا
 ایتدیرمشدر .

موکب همايونک ولوله دهشتی آفاق طوته رق ممانک
 عرب حدودینه یا فلا شتمده اولدیغی غورینک مسموعی

اولنجد ایاقلری صویه ایردی . ودر حال سفیرلری
محبسدن چیقاروب بر طاقم اعتذارات ایله اعاده بیه
مسارعت ابتدی . اما وقت کچدی .

بوجاق دره مرحله سندن منوال محرراوزره اعلان
حر بی متضمن غوری یه مکتوب کوندراد کدنصکره
حضرت پادشاه صدر اعظم اردوسنی و کردستان
و قرمان عسکرلرینی موکب همایون ایله برلشدیره رک
ترتیبات حریسه یی اجرا ایله دولت چرا کسه دن
عربستان و مصری نزع ایتک نیتیه حلبه طوغری
ایلر ولدیلر .

بوارالقده غوری برسفیر مخصوص ارسالیله عفو و امان
دیش ایسه ده استعداسنی قبول ایتدیره مدیکندن
او دخی بتون عسکرینی طوپلایوب مرج دابق نام
صحرای وسعه موکب همایونی قارشولدی .
ورجبتک یکریمی التنجی کونی طرفین بر حرب هولناکه
کیرشیدی .

« چندیلکلی مثل سارکی مشهور اولان کوله من

وعرب سواریلری ایله ادارهٔ عسکر خصوصاً صنده جهانک
 الک مشهور فاتح لرندن اولدیغی آثار فعلیه سـ یله ثابت
 اولان سلطان سلیم کبی بر قهرمانک زیر قومانداسـ سند کی
 عثمانلی بهادر لرینک یکدیگری نه چار پشمی ذهنـ ده
 تخیل اولنورسه شو محار به نک درجهٔ شدتی اکلاشـ یله
 یلور . »

مصر جندیلمی و عرب آنلورلی مزارقلمیله عثمانلیلمک
 بو کرلینی دلر و طرفینک او قلمی یکدیگری نک
 جکر کاهنه ایشلردیسه ده اردوی همایوندن آتیلان
 طویلر و تفنگلر دشمنی طوپ طوپ لر دس سردی .
 محار به کـ تکجه شدتلاوب مصر سـ واریلرینک
 مهاجماتی اردوی همایونک صاغ و صول جناح لرینی
 انهمه یوز طو تیرمه قده اولدیغی کوریلنججه حضرت
 پادشاه صدر اعظم سـ نان پاشا ایله وزرادن بونس
 پاشایی بر فرقه ایله صاغه و صوله امداده کوندر کدن
 صکره قلب اردو دینـ لان و یکی چری و سائر قیو
 قولرندن عبارت اولان اورته قولی بالجمله طویلرله

سلطان سایم اوّل ۳۲۱

دشمنك اورته قوانسه هجوم ایتدیردیکندن طوپ
وتفنك داندلری باران بلا کبی باشلرینه یاغمه باشلادقده
چرکسلر وعر بلر چندیلک فنی شاشیروب کیرولدیلر .
بو صرده سلطان غورینك قولاغی توزندن برکوره
چکوب آت اوزرنده طورمغه مجالی قالدیغندن اردونك
قومانداسنی امراسندن برینه ترکه کندوسی بر طرفه
چکودی . بونك اوزرینه مصر اردوسی کلیا
بوزوادی .

مصرک مشاهیر امراسندن حلب امیرالاسرای (خیربای)
حلبه و (جانبردغزالی) شاهه طوغری فرارایتلریله بونلرک
وساغر فراریلرک تعقیبلرینه فرقه لر تعیین اواندرق
خیربایک تعیینه مأمورا اولان یونس پاشا او قدر خیرلی
کندیکه محاربه نك ابرتسی کونی حلبه واصل اولوب
خیربایی حاص و حص طرفلرینه قاچش بولدیغندن
در حال مملکتی ضبط ایتدی . ساغر معتبلرده
یتشد کلرینه امان ویرمد کلرندن دردلر تپلر ممتتولین
جشهلریله طوادی .

غوری عمار به میدانن چکد کده بر صو کنارنده
سجاده سنی سرور یا تمشیدی . بسبالی کورلنک
شدندن بینی پاتلامش اولمی که اورا جقدہ تسلیم روح
ایتمشیدی .

حضرت پادشاه بعد الغلبه اوتاغ همایون لرینی قوردیروب
غورینک حالی و نه اولدیغنی صور شدیرد قده
اردوسندن چیددیغنی زمان برابر بوانوب مؤخرا اسیر
دوشمش اولان بر خدمتکاری افندیسنک و فات
ایتدیکنی و جنازہ سی صو کنارنده یا تمقد، اولدیغنی
خبر و برمه یله لاجل التحقیق کوندی یلان درگاه
عالی چاوش لرنندن بر شخص غورینک جنازه سنی
بوله رق - میدان عمار به ده مردانه کله آلان غاز یلره
تقلید! - جنازه نک باشنی بدنندن جنادلدرک حضور
پادشاهی به کتوردی .

بونادان چاوش کویا بر معرفت یا تمش کبی غورینک
باشنی مقابله سنده پادشاهدن احسان اوماردی .
با عکس شو عناس بتمسز حرکتی پادشاهک غضبنی

موجب اوله رق قتل ایله جزا ایداسی فرمان یوراش بیکن
وزرانک رجاسه یله خدمت دن طرفله اکتفا اولندی .
شهر یار جلا داتش عار مرج دابقده برکیجه آرامدن
صکره حلبه متوجهها حرکت یوروب (حیلان) نام
مرحله یه وصولارنده حلبک بتون اهالیسی استقباله
دوکلدیلمر . و حلب کنارنده کی کوک میداننه قدر
رکاب همایونده یوریدیلمر .

اوتاغ همایون کوک میداننه قورلدیغی زمان حلب
قلعه سی محافظلری دخی قلعه نك مفتاحلرینی تقدیمه
مسارعت ایتدیلمر .

حلب بکلر بکیلیکی مقدمجه سفارته غوری نزدینه
کوندریلوب حلبده حبس جزاسینه اوغرایان قرهجه
احد پاشابه وقاضیلکی چوماکچی زاده کمال چلبی یه
تفویض اولنوب ضبط خزاین و اموال ضمننده
دفتردارلغنه دخی عبدالله پاشا زاده عبدی چلبی تعیین
اولندی .

حلب قلعه سی قلاع مستحکمه دن بولندیغی جهتله

دولت چرا کسه نك و امر اس نك اكثر نقود و اموالی
 حرب مناسبه بيله اورابه وضع ایدلمش اولدیغندن
 بورادن خزینه جلیله ایچون حسابسز نقود و ذیقیت
 اش با و مهمات ضبط ایدلمشدر .

حضرت پادشاه حلبه وصولارنده فرار یلری تعیب
 ایچون یونس پاشایی جا و حص طرفلرینه سوق
 ایتلمشدری . فرار یلردن خیربای دولت چرا کسه نك
 نجم اقبالنده کوردیکی آثار نکتهدن قریبا منقرض
 اوله جغنی استدلال ایتسه یله یونس پاشا واسطه سیله
 درگا، پادشاهی به دخالت و امرای دولت علیه
 صره سنه کچهرک کسب نیجاح و سلامت ایتمشدر .

سلطان سلیم براز مدت حلبده ارادن صکره چول
 یولندن شام شریفه توجه ایدوب جا و حص حداسنه
 وصولارنده بو شهرلرک محافظه سنه مأمور اولان
 چرا کسه امراسی عرض اطاعت و مملکتلرینی بلاتردد
 تسلیمه مسارعت ایتلر بیله جا محافظانی دولت علیه
 امر اسندن اولوب بعد زمان مقام صدارته قدر ترقی

ایدن کوزلجه قاسم پاشایه و حص محافظلغی دخی
 اختمان اوغلی نام ذاته توجیه اولندی .

موکب همایون (قره لر) قریه سننده جاده یه
 طوغریلوب سننه مر قومه شعبانی سلخنده شام شریخه
 واصل اولدی .

شامده کی عسا کر مصر به موکب همایونک و صواندن
 اول اورالردن جکیلوب مصره قدر قاچش ایدیلر .
 شامک اشراف اهلایسی و بیوکی کوچوکی مطیه عانده
 استقباله شتاب ایتملیله حضرت شهر یار کردون وقار
 الای خسروانده ایله خارج شهرده واقع (مصطبه
 سلطانیه) نام موقعه نصب اولنان اوتاغ همایونده نزول
 و موسم قیش اولق مناسبتیله مصطبه سلطانیه ده
 اون ایکی کوندن زیاده اوتور میوب ملوک چراکسنک
 شامده کی (قصر اباق) دینیلان سرایلرینه دخول
 بیوردیلر . واردو خلقی دخی درون مملکتده خانه لره
 و خالره یرلشدیردیلر .

غورینک مرج دابق محاربه سننده وقوع زفاتی مصره

عکس ایـدیکی زمان برادر زاده سی (طومانبای)
 گرمی حکومت مصر یه به جلوس ایلمش و سلطان
 سلیمه مدافعه و مقاومت اسبابنک تهیه سنه تشبث
 ایتمش ایدی .

پادشاه مظفر سپاه ایسه سطوت قاهره دینی قاهره
 مصرده دخی کوسـتروب طومان باییده عوجه سنک
 نزدینه کوندرمکی تصیم و شامده اقامت ایندکلری
 مدته بر طرفدن اردوی همایونک صوسنز (عریش)
 چوللرینی کچه بیلمی ایچون لازم ارلان کلی نقلیه
 حیواناتی و صور به لری و سائر مهماتی تدارک و تیم
 ایدرلر و بر طرفدنده آچق هوالده شامک کوزل
 مسیره زنده اکلنورلر و بر جانبدن دخی سویه نک
 سواحل و انماسنک تماما بیدارده به النسی تدابیرینی
 اجرا بیورلر ایدی .

مصره کیدلک مقرر ایسه ده طومانبای شاید غورینک
 ذلاکت دن عبرت الورد قان دو کدیرمکه سبیت
 ویر مکسنزین عرض اطاعت ایدر مطالعه سیله

طومانبايه بر نامه همایون یازیلوب زعمادن چرکس
 مراد بك سفارتيله کوندرلدى .
 طومانباي سلطان سلیمك درجه افتدارندن يشعور عقلی
 کوزنده بر جاهل جسور اولسـيله - مقدونيبالی
 (اسکندر فیلبوس) كـيله قره دن مصره کیده میوبده
 هزار زحمتله بحرا عزیمت ایتد کلری و جنکیزیلرک
 و امیر تیمورک چوللره دوشمکی تجویز ایتمیهرک شامدن
 کیرویه دوند کلری حکایه لرینی اغزدن ایشیدهرک -
 عثمانلی اردوسی بهمه حال شامدن کیرویه دوز ظننده
 بولمسهـيله اطاعت ایتک شویله طورسون نامه همایونی
 تحقیرایله برابر سفیر مرادبکی و رفیقلرینی غدرا اعدام
 ایتدی .
 سلطان سلیمك کرک شهرت شمشیر عدو تدمیرلری
 عربستان چوللرینه ولوله ویرمسنندن اولسون
 کرک حسن تدبیرلری و وحشـیلر ییله اطاعته کتیرمسنندن
 اولسون شامده بولندقلری مدتجه بتون بریه عربلرینک
 مشایخ و رؤسای طاقم طاقم کلوب عرض اطاعت
 ایدرلدى .

بوصورتله عریش حدودینه قدر بتون سور به تخت
انقیاده گرمسیره (طرابلس شام) و (قدس شریف)
وصفد سنجاقلری وسائر سنجاقلر وقضای امرای دولت
علیه دن مناسب ذاتلره توجیهه اوندیغی صررده
حدودی ضابطه ایله برابر چراسه نك احوالی
پیدر پی موکب همایونه ییلدیرمک اوزره عیسی بک
زاده (محمد بک) دخی ایکی بیک سوار ی ایله
(غزه) به تعیین اولندی .

موکب همایونک احتیاجات ومهماتی بالاکمال صدر
اعظم (سنان پاشا) اولجه طلیعه اوله رق غزه به
کوندر یلوب موکب همایون دخی (ذی القعدة نك بکرمی
برنجی) کونی شامدن حرکت ابتدی .

سنان پاشا (رمله) به واردیغی زمان طومانباک
- عثمانلی اردوسی سوریه دن چککدبکی وقت سوریه بی
ضبط ومحافظه ایتمک اوزره - تعیین ایتمش اولدیغی
(جانبرد غزالی) عریشه کلمش ایدی . فقط یاننده کی
بشیک مصر سواریسیره سنان پاشا فرقه سننه مقاومت

ایده میه جگنی اکلامسیله اوحوالی عربانندن بالاستمداد
 عسکر طوپلامغه باشلادی . وعسا کر عثمانیه نك
 ایلرویه مرورلرینه مانع اولمق اوزره بولره فرقلر
 تعبیه ایتدی .

عربلرک استمداد اوانان محله قوشملری اسکی عادتلری
 اولدیغندن غزالینک باشنه کلی عربان طوپلانمده
 اولدیغنی سنان پاشا تحقیق ایدوب دشمنک جمعیتی
 دها زیاده تکثر ایتکسزین همان اوزرینه واربله رق
 تنکیل ایدلسنی تنسیب و فقط رمله اها ایسنندن خیانت
 اماراتی حس اولمسیله عسکرک حرکتی غایت کیزلی
 ترتیب ایدرک برکیجه رمله دن شامه کیده یورکی
 چیه دی . و براز بول الدقدن صکره دشمنک
 جمعیتکاهی اولان (خان بونس) نام موقعه طوغری
 صابدی .

علی الصباح که : ذی القعدة نك یکر می ینجی کونی
 ایدی . سنان پاشا عسا کر عثمانیه بی دشمن اوزرینه
 هجوم ایتدروب غزالی بردن بره کپویه رجعت ابله

کیروسندہ بولان بر طار بوغازدہ طوردی • بوندن
غرضیدہ عسا کر شاہانہ غفلتہ بوغازہ صوقولہ جق
! اور ایسہ برایش کورہ بیلک ابدی •

سنان پاشا ایسہ یکی چری تفک اندازلر بلہ اوقجی
سار پیادہ لری بوغازک ایکی جانبہ سـوق ابلہ عموم
عسکریمز بوغازدن کچنجه به قدر دشمنی اوقہ قورشونہ
طوتدیرمش اوادیغندن غزالی غزہ جهتندہ کی صحرا یہ
چقمغہ مجبور اولدی • و بو صحرا دہ طرفین ترتیب
صنوف ایدرک میدان محار به سنہ کیرشدی •

محار به اقسامہ قدر امتداد ایدرک نہایت غزالی فنا
حالدہ منہزم اولہرق مصرہ فرار ابدی •

بو غوغادہ مصر او طاقنک انجق عشری مقاداری
قورتبلہ بیلوب قصوری تاف و اسـکندریہ نائبی
خدا ویردی و غزہ نائبی دوات بای و قرق ارلاک
و اون ارلاک و خاصـکیلر امر اسـندن اللی بر نفر
معروف رؤسا مقتول اولاشدر •

سنان پاشا او اقسام عسـکری بولہ دوام ابتدروب

علی الصباح غزه قصبه سنه واصل اولدوقده اولجه
 حس ایندیکی کبی رمله خلایق فی الحقیقه عثماناوبه خاین
 و پاشانک رمله دن حرکتنده شامه عودت ایندکلیینه
 ذاهب اولمزلندن ناشی ایرتسی کونی سنان پاشا
 فرقه سنه اتحاق ایتمک ایچون اورایه وارمش و برکار بان
 سرایه قونمش اولان بر طاقم عثمانلی عسکرینی
 غزه لیلرله بر لشهرک قتل و اعدام ایتمش اولدوقلرینی
 اکلادی .

او اثناده موکب همایون رمله به قریب (خولجوايه)
 نام مرحله به واصل اولمش ایدی . سنان پاشا
 کیفیت مظفریتله برابر رمله و غزه اهلایسنک جرأت
 ایندکلی اهانتی حضور شاهانده عرض و اشعار
 ایندکده خائنلرک نادیبیچون سنان پاشایه فرمان عالی
 کوندلمسلیله بو ایکی مملکتده سیاسته خبلی اشخاص
 قتل اولنهرق رغبرت موثره کوسترلدی .

حضرت پادشاه رمله به دخولارنده معیت شاهانده لرنده کی
 صونوف عسکر به بی غزه به کوندروب کندولری

خ- واصل بند کابله قدس شریفه و اورادن دخی
خلیل الرحمن قصبه سنه عزیمتله مسجد اقصی
و مرقد مقدسه عظمای انبیایی زیارتدن صکره
کیجدلی و کوندزلی یول یوری یدرک عسقلان طریقندن
غزیه ایندیله .

صدر اعظم سنان پاشا غزه فربنده عین انصفا نام
محلده حضور شاهانده مشول اوله رق جانبرد غزالی
محرار به سنده قراندیغی غالبیتدن طولایی مظهر التفات
اولدی . وعموم عسکره دخی عطیه لتوزیع اولندی .
غزیده و زرادن حسام پاشا دخی مظهر غضب
اوله رق اعدام اولمشدر .

سپیی شوایمش که : حلب و شام خزیندن
اخذ و اغتنام اولنان مصر مسکوکاتی ممالک شاهانده
رایج دکلسمده اورالده النوب ویرلمکده اولدیغندن
عسکرک اولوفه و مرتبانه بومسکوکات صرف و اعطا
اولنوب حسام پاشا هرزه و کلاک صورتنده - بومسکوکات
عسکرکی طرفندن قبول اولنه ماز , برده بوقدر اغر

اردونك عريش چو لار يني كچ- و بده مصره عزيمتي
قابل اوله ماز- كبي مناسبتسز سوزلره سلطان سلیمي
اغضاب ايتسي ايمش .

§

﴿ مصر ك فتحي و دولت چرا كسه نك انقراضی ﴾

غزه دن مصره قدر كچيله جك يولار قطيه نامه
معروف ص- و سز چولار اوله رق اطرافى دخی قبائل
عربانك جولانكاهى اولسنه نظرا اردوى همايونك
بو يولارده صودن و ذخيره دن يك ضرورته دوشيرلما سيچون
حضرت شهر يار حكمت شعار غزه ده بر قاچ كون ارام
ايله بر قاندها نقليه حيواناتى تدارك ايتد كدن صكره
صدر اعظم سنان پاشايى ينه طليعه اوله رق خفيف
سواری طاقيله ايلرويه سوق ايدرك كندولرى دخی
هيئت اردوى همايون ايله ذى الحججه او اسطنده مصر
يولنه دوزلدیلر .

شوچولاره عهد بعي- ددن بروياغور ياغديغنى كيمسه

بباز ایکن سلطان سلیمک بخت و طالعنک اثر سعادت
اوله رق او کونلرده فوق العاده باران نازل و بون بریه
و صحرا رده سبیل صولرندن طراوت و لطافت حاصل
اولدیغندن هیچ بر ضرورت چکنکله امشدر .

فقط ذات همایونه مخصوص اشیا خورجلرینی حامل
اولان بر استر نصلسه کیرویه قاهره رق عربانک بدغصبه
کچمش و سلطان سلیمک دائماً اکلندیکی و صاف تارینی
بو خورجلرک ایچنده بولنمش اولدیغندن دن بالکیز جان
صیقه جق شو حادثه وقعی عبولمشدر .

موکب همایونک مصره قریب صالحیه قصبه سنه
وصولنده طومانباک کلی سواری ابله مصرک خارجنده
مقابله به مهیا بولندیغنی و عادلیه عمارتی جهتنه
واردوی همایونک کذرکاهنه خندقلراچیلوب
اسکندر به و مصر قلعه لرندن نقل اولنان ایکی یوز
جسم طوپلرله تحکیم ایدادیکی و فرنگلردن معلوم
طوپچیلر و تفنگچیلر تدارک ایدلش اولدیغنی خبر
الندی .

سوق الجیش فننده مهارتی مسلم اولان پادشاه
 سایم الافکار بوخبر اوزرینه خریطه خیالرنده اداره
 پرکار ایدرک مصره نصل کیرلک و دشمنک تدارکات
 جسیمه نصل حکمسنز براغلق لازم کله جکنی
 کندنی کندیلرینه فرارلشدیر دقدن صکره ایلرولوب
 مصره پک از مسافه سی بولان خانکه نام وقوعه قدر
 یافلاشدیلر . واوراده ترتیب صصف حرب و صدر
 اعظم سنان پاشایی صاغ قول ویونس پاشایی صول
 قول قوماندانی نصب ایدرک طتوز بوز بکر می ایکی
 سنه سی ذی الحججه سنک بکر می طتوزنجی پنجشنبه
 کونی - دوستلره حیرت دشمنلره دهشت - ویره جک
 برسطوت ایله مصر اوزرینه یوریدیلر .
 چتر کسلر اردوی همایونی طوغری بول ایله عالیله
 استیکاماتی اوزرینه دوشه جک و او حالده عثمانلی
 ۶۳۰ کری طوپ دانهلریله یره سر یله جک خیالاتنده
 کزند کلری جهته حاکمندن پک امین ایدیلر .
 لکن سلطان سلیمک بالذات و بر دیکی قوماندانه تطبیقا

اردوی همایون هیئت مرتبه سیله معهود است حکامات
 اوزرینه طوغری کیدر کی طوپ منزله قریب
 مسافه بی الدقدن صکره بردن بره مصرک جانب
 شرقی سنده واقع جبل مقطب بولنه بو کیلوب کمال
 سرعتنه طومانباک اردو کاهی اولان ریدانیه میداننه
 هجوم ایتدی لر . اکرچه چرک سارده مقابله یه
 طاور ایتدی لر سه ده حریف لر شو بولی هیچ تخمین ایتد ک لری
 واک زیاده کووند ک لری عادلیه است حکاماتی حکم سز
 قالمش اولدیغی جهته له شاشا لدیلر .

جان برد غزالی که حقیقه بره ادر اولدیغی حالده
 غزه جوارنده او غراد یغی انهزام رزانتندن ناموس
 شجاعتنی تمیز لیک ایچون فداکارانه بر بسالت کوستر دکه
 و سنان پاشادن انتقام المغه حاضر لشمشیدی . مصرک
 الک شجاع و زر هلی جن دیلرینی قومانده سنه الهرق
 طوغریجه سنان پاشا قولنه هجوم ایتدی . وصاغ
 قولزده کی عسکری بر برینه قاندى .
 سنان پاشا ایسه فرط جلادنه متصف ذواتدن

اولدیغندن بالذات میدانہ اتیلوب عثمانلی قهرمانلرینی
 تشجیع ایله دشمنی قویا منع ایلردی . حیفا که الدیغنی
 یاره لردن آت اوزرنده طورمغه مجالی قالیوب و کمال
 غیرتدن ناشی میدان حربدن دخی ایریله میوب
 بر محفده به بینه رک یاره لردن قانلر روان اولدیغنی حالده
 ینه عسکره « قهرمانلر پادشاهک بنم کبی بر بند، سی
 یاره لنوب اولمکله نه لازم کلور، نان ونعمت ولی النعمتک
 شکرینی یرینه کتیره جک کوندر، دشمنه میدان
 ویرمهلم، عثمانلیق شانیزی غیب ایتمه منم » کبی سوزلرله
 عسکرک شجاعت فطریه لرینی تحریک ایلردی .

صاغ قولک زده لندیکی و سنان پاشانک باره لندیکی
 پادشاهک معلومی اولنجه در حال اورته قوادن سپاه
 بلوکلرینی صاغ قوله امداد کورندمکله برابر هر طرفدن
 طوپلر و تفنگلر ایشلدلدیکندن چرکس لرک بوزلری
 دوندی .

شومچار به قوشاق وقتندن ایکندی زمانه قدرک
 دهشتلی برطرزده ممد اوله رق عسا کر مصریه نک

پک چوغی مقتول و بقیة السبوف ایله (طومانیای)
 (صعدید) ایچنه وجانبردغزالی دخی صالحیه صحرا سنه
 فراره مجبور اولدی .

سنان پاشا دشمنک انهر زمانه قدر محفه ایچنده اداره
 عسکر دن کیر و طور میوب بعد الظفر تسلیم روح
 ایتمش و بویله بر وزیر دلیرک غیبو بی شهر یاز اهل پروه
 مظفریت ممنونیتنی او قدر حس ایتدیر مامشدر .

حضرت پادشاه دشمن اردو کاهنی عسکره یغما
 ایتدیر دکن صکره عادلیده اوتاغ همایونلرینی
 قور دبروب دشمنک حالی لایقیله اکلاشلمسزین عسکری
 متفرق بر حاله دوشیر مامک ایچون اردوینی مصرک
 ایچنه صوقیوب فقط مملکتک محافظدسی ضمنده
 درون شهره جزئی عسکر اعزام و کندولری درت کون
 عادلیده ارام بیوردیلر .

بو ایامده عساکر عثمانیه معتقلری اله کچیر دکاری
 چرا کسد رؤسایینی حضور شاهانه بد کتور د کجه
 یی و نلری اور یلوردی . ریدانیه و عادلیه طرفلری

مقتولین جثدراندن کسب عفونت ایتسیله دزت کون
 صکره (بولاق) جاننده نقل اولنه رق (جزیره
 و سحطانیه) نام محله اوناغ هم ایون و نیل بوینه
 اردو چادرلی قورلدی .

فراری طو مانباک بوزغون عسکر دن و عر باندن
 اون بیک سواری بر کدیروب بر کیجه اردوی هم ایونی
 باصمق افکارنده بولندیغی استخبار و تحقیق اولندیغندن
 اردوی هم ایونجه هیچ تلاش کوستلیدرک فقط دشمنک
 مدافعه سنه کافی تدابیر و احتیاطلر کورلمشیدی .
 ط- و مانباک فی الحقیقه بر کیجه کلش ایسه ده اردوی
 هم ایونک غافل اولدیغنی اکلایوب اردوی بی باصمغه
 جسارت ایده میهرک مصرک ایچنه دخول ابتد .
 و او کیجه مصرده نقدر عثمانلی بولدیسه بتون قلیچدن
 یگیردی . و درون مملکتده تحصن ایلدی .

غلی الصباح حضرت پادشاه وزیر (یونس پاشا)
 و روم ایلی بکلر بکیسی (مصطفی) پاشا و یکی چری
 اغاسی (ایس اغا) و امیر علم (فرهاد اغا) بی برفرقه

ایله مصره دخول ایدرک طومانباک دفع و تنکیلنه
 مأمور بیوروب بونلر مصره یوریدیلسه ده چرکسلر
 وانلره انضمام ایدن یراولر سواق اره لرنده محل محل
 متریس طوتهرق و خازه لرک پنجره لرندن و دیوار
 ارقه لرندن تفنگ و اوق و نفط و قینار صـ و کبی یا قیچی
 شبلر اتفرق شدتله مقاومت ایتدکلرندن عساکر
 عثمانیه ایکی کون اوغراشدیلر .

موخرأ پادشاه بالذات حرکته هیئت اردوی همایونی
 (رمله) میدانی طرفندن و (سلطان حسن و شیخونیه)
 عساکرلری یوللرندن درون مملکتته یورتدیروب طوپ
 و خبیره دانه لری مملکتک ایچنه اتشلر ساچغه و یکی
 چری تفنگ اندازلری پنجره لردن و سطحلردن عساکر
 عثمانیه بی ازعاج ایدنلره باش چیقارتماغه باشلادی .

بو حالدده دخی محاربه و مساومت او کیچده امتداد
 ایدرک ابرتسی کون یعنی (طقه -وز بوز بکر می اوج)
 سنه سی محرمنک سکرنجی جمعد کونی دشمنک مدافعه سی
 کلیا مندفع اولدی لکن مصرک ایچی جنازه ایله مالا
 مال برخرابه یه دوندی .

طومانبايك قلعه سز بر مملكت ايجنده شود رجه طيانسى
خير تيجش عقول وقتقط مقتولينك عدديه اللى بيكه
وارد يغى منقولدر .

حضرت پادشاه مصرى قوه عسكرى به الته ادخال
ايه بنه بولاقه چكىلوب مملكتك ايجى مقتولين
جته لزندن تخليه و تظهير او انججه به قدر بولاقه ارامدن
صكره محرمك يكرى او چنجى كوني الاى والى
سلطنت و عظمتله درون مصره داخل اوله رق
(سلطان الروم و العرب) عنواننى الديلر . و مصر
ضربخانه سنده نام همايونلريله معنون سكه
كسدريدلر .

بوار القده (جانبرد غزالى) بالواسطه و قوعبولان
استرحامى اوزرينه مظهر عفو و امان و اوده امر اى
دوات عليه سلكنه دخالتله شادمان اولمشدر .
طومانباى نصلسه مصر دن تكرر (صعيد) ايجنه
فراره بول بولمشيدى . حالا سوداى خامدن
كچه ميوب عقليجه پادشاهى بالاغفال بر فرصت

دوشبهره رك اردوی هما یونی استیصال ایتمك سودا سیله
صعیددن طرفی پادشاهی به عفوینی مستدعی ساخته
بر عریضه کوندردی .

طومانبايك شو استعدادن غرضی اغفال ایسه ده
حقیقی اولسیده ملحوظ اولدیغندن حضرت پادشاه
مأمور بن دولت علیه دن مصطفی چلبی نام ذات ایله
کندوسنه امان نامه کوندردیلر . و تأمینات
و نصایح اجرا سیجون مذاهب اربعه مفتیلر بنی دخی
مصطفی چلبی به ترفیق ایتدیلر .

غدار طومانباي بوسغیرلری دخی هیچ سو یلمتمکسز بن
قتل ایدرك اوچ بیک قدر سواری ایله ربیع الاولک
اوچنجی چهارشنبه کونی (نیل) ک جانب غربیسنده
کورندی .

فقط سلطان سلیم بوشخصک او یله برخدعه یاپه جفنی
بالملاحظه احتیاطا نیلک جانب غربیسنده بر فرقه
تسکر کچیرمشلردی .

طومانباي کزدینی آتسه آتار کی فدا بیجه سنده

بوفرقه نك اوزرینه هجوم ایستله تکرار خونریزانه
 برحاربه و طرفیندن بنه برچوق تلفات وقوعه کلوب
 طومانبای بوراده دخی مغلوب اولدیغی مثلاً حضرت
 پادشاهک نیلدن کچهرک او جوارزده بولندقلربنی خبر
 المسی اوزرینه اسکندریه سمتنه طوغری قاچدی .
 فقط درحال طرف پادشاهیدن تعقیبنه تعیین و مأمور
 بیوریلان روم ایلی بکر بکیسی مصطفی پاشا و شهسوار
 زاده علی بک و خیربای و جانبزد غزالی آتلی یوکرک
 سواریلرله ابرتسی کون کندوسنه بنشدیلر .
 و سل سیف ایله کیرشدیلر .

طومانبای نیلدن مرور و دیار غربه عبور ایتمک
 - و اولورسه ده دشمن انده اولماک - زعمیه
 آتلی نهر نیله سورمش ایسه ده معقبلیشندن
 قالدقلرندن و غس کرک ایچنده یوزمک ییلر صویه
 آتدقلرندن نهایت یقه بی اله و بردی .
 حین تعقیبه اتلاف اولنان و کندیلرینی نیله آتوبده
 بوغیلاندن ماعدا اوچیوز اسیر ایله طومانبای شهریار
 اعظم حضورینه کتورلدی .

کوستردیکی مقاومت حیرتفرزادن دخی معاموم اوله بور که
 طومانبای غایت بهادر و اداره عسکره قادر بر آدم
 ایدی . بناء علیه خطه مصر به نك اداره سیچون
 بلکه ینه استخدا مه برار مطالعه سیله پادشاه بونی
 تلف ایتمک و التفات ایله صداقتنی جلب ایلمک
 ایستد کلرندن حقنده پک زیاده لطف و مروت معامله سی
 کوسترلمش و وکلا وارکان طرفندن ضیافتلر کشیده سیله
 پادشاهه ایصندیرلغه چالیشاش ایه ده غایت عنود
 و بدخوی اولدیغیچون او التفاتلره اخلاقچه بر حسن
 مقابله کوسه ترمه دیکندن و شاید صالی ویراسه ینه
 عصیان و مخالفت بیراغنی آچه رق دولتک باشنده بر بلا
 اوله جنغی و بونکله برابر بریه عربلری (الله بنصر
 السلطان طومانبای) دعاسیله مشغول بولندقلری
 اکلشلدیغندن ربیع الاولک یکریمی برنجی کونی بعد
 التشهیر بردار ایدیلوب و نعشی اوچ کون اصیلی
 براغیلوب وجودینک دنیادن قالدیرلدیغی هر بلره
 اعلان قلندی .

اشب و مصر فتوحاتی دخی ظفر نامدله ممالک محروسه شاهانه و ملوک و حکمدارانہ پیدر پی اعلان اولنوردی . بو ظفر نامدردن پای تخت قائمقامی شهرزادہ سلیمانہ یازیلان نامہ همایون (مرج دابق) و (غزہ) و (ریدانیہ) و (نفس شهر مصر) محارباتی جامع اولدیغندن ذیل جلدہ (۱۶) اشارتیلہ یازیلور .
 بو اثنادہ امیر حرمین الشریفین بولانان شرفای حسنیہ دن (شریف ابوالبرکات ابو محمد) اوغلی (شریف ابونمی) بی بعض هدایا و تبرکات مقدسه ایله حضور پادشاهی یه کوندروب تبریک فتوحات و عرض تبعیت اتمسایله حضرت پادشاه شریف ابونمی حقنسدہ فوق العادہ احترامات کوستروب ممنونا اعادہ و پدرلرینه پک چوق عطایا و صرہلر ارسال و مصر علماسندن ایکی ذات واسطہ سایلہ حرمین اہالیسنہ توزیع اولنق اوزرہ ایکبوزیک التون و کلی ذخایر اسبال بیوردقلری مثللو حرمینک اوندنبر و مصر دن مرتب اولان مخصوصاتی دخی تزید بیوردیلر . و بوصورتلہ

(خادم الحرمين الشريفین) عنـوان شرف بیانی
قراندیلر .

سلطان سنییم حکمت معناد مصرده دخی نشر عدل
وداد بیورملربله حوالی مصریه وجـزیره العربک
عموم رؤسای طاقم کلوب عرض تابعیت و عبودیت
ابتدیلر .

حلبک قنجدن صکره دیار بکر بکار بکیسی بیقلی
محمد پاشا کردستانده هنوز عجملر بدنده قالان ماردین
ایچ قلعه سنک وسائر محللرک استخلاص بیچون کردستانه
اعاده بیورلمشـیدی . بو صوره محمد پاشا طرفندن
ماردین و حصنکیف قلعه لرینک تسخیر و کردستاندن
ایرانلونک کلیا طرد و تدمیر اولندیغی عرضی ظهور
ایتمسـیله بوده بشقه جه باعث انشراح اولدی .

موکب همایونک شامدن مصره حرکتی ائتاده احتیاطا
استانبول لیمانده بولنان دوئتمای همایونک ذخایر
کلبه تحمیلله قبودان دریا جعفر انا ایله اسکندریه
لیمانده کوندرلسی استانبول قائم مقامی پیری پاشابه
اشعار و فرمان بیورلمشـیدی .

دو نهای همایونک بو کونلرده اسکندریه لیمانه واصل اولدیغی عرض اولمسنه و شهر یار اسکندر اقتدار ذاتا اسکندریه شهرینی کورمکی آرزو ایتدکلرینه مینی جمادی الاولانک بدیسنده بعض خواص وزرا و بندگانیه نیل نهرنده برسفینه یه سوار اولدقلری حالده نیلک ایکی ساحلنی معموریت اراضیسنی تماشا ایدرک اسکندریه یه عزیمت و بر قاچ کون آرامدن صکره یته مصره عودت بنوردیلر . و بوندن صکره ممالک رومه عودت تدارکاتنه تشبث ایتدیلر . دو نهای همایونده کی ذخایر مصره نقل اولندهرق اردوی همایونک اداره سنجه موجب وسعت اولمشدر .

§

﴿ مصره والی تعیینی و موکب شاهانه نک عودتی ﴾

مصر و توابعی تماما ممالک عثمانی سلکنه کبرهش ایسه ده اورانک اداره و محافظه دائمه سی تمخیزی قدر مشکل اوله رق بناء علیه مصرک برید اقتنارده بولندیرلمسی

الزم اولدیغندن حضرت پادشاه تختگاه رومه عودت
ایتمزدن اول مقتدر بر ذاتک والی تعیینله کوزی وکنده
خطه مصریه نك حسن اداره سنی تأمین و تجر به اتمک
مرادیوروب سنان پاشامر حومک وفاتی اوزرینه مسند
صدارت عظامیه نائل اولان یونس پاشایی اولجد مصر
والیسی تدین ایتمشرایدی .

لکن یونس پاشا پادشاهک دلخواهی وجهله حرکت
ایده مدکدن ماعدا هر مأموره و خصوصیه بیوکله
کوره دنائت وملت ودولته خیانت عداولتان ارتکاب
وارتشاء مسلکنه صاپه رق دولت منقرضه چراکسه
امر اسنک فاملیالزندن جبر و تهدید صورتبه خبیلی
افچدر الدیغی و عربان مشایخسه واهالی نواحی به
آغر ویرکولر توزیع ایتمدیکی طرف پادشاهیدن تحقیق
بیورلسیه سنه مر قومه شعبانک اون برنجی کونی
یونس پاشا مصردن عزل اولنه رق مصر ولایت
جایله سی قدمای امرای مصریه دن او اوب حلبده
باب سلطنته دخالت ایتمش اولدیغی یوقاریده بحث

سلطان سلیم اول ۳۴۹

ایدیلان (خیربای) بکه توجیه واحسان بیوردی .
خیربای بك في الحقيقه مصر والملكى بك كوزل
اداره به موفق اوله رق عصر سلطان سلیمان خانیده
دخی وفاتنه قدر مأموریتی دوام ایتمشدر .

هر سنه مصر دن اخراجی معناد اولان محمل حج
شریفک زمان تجهیزی بواندیغندن حضرت پادشاه
خلافتیناه بوامر مسعودک و حرمین الشریفینه متعلق
خدمات مقدسه نک اجرا واکمالی اسبابنه سنین
ماضیه ده یاپلدیغندن زیاده اعتنا ایتدیله .

سلطان سلیم خطه مصریه و حجازیه نک تدابیر
اداره سنی بعد التیم سنه مرقومه شعبانک بکرمی
ایکنجی کونی شامه متوجه مصر دن حرکت وینه
کیدیلان طریقدن عزیمتله رمضانک بکرمی ایکیسینده
شامه موصلت بیوردیله .

اشنای راهده صدر اعظم یونس پاشا پادشاهله آت
باشی برابر بوررکن « بونجه قانلردو کیله رک اله کتیرلش
اولان ممالک مصریه نک ینه برچرکسه (خیر بایدن

کنایه) تسلیم ابدی بولسز اولدی « کبی مناسبتر
 پرسوز سویلوب حضرت پادشاه ایسه انک مصر
 والیکنده طودیغی مسلاک مرتکبانه دن طولایی
 کندوسنه ذاتا مغبر اوله رق شو اعتراضی دخی بتون
 بتون تحریک غضب ایتمس یله بونس پاشانک همان
 بوینی اولدی .

« پادشاهلک ارادات و اجرا آتیه اعتراض ایتمک
 بندگانه کوره عین خطا و لاسیما سلطان سلیم کبی
 شدید المزاج بر شهر یاره قارشو مخالف سوز سولمک عاداتا
 کورینور قضا اولدیغنی زواللی بونس پاشا بیلز
 ایتمس ! »

بونس پاشانک قتلند نص کره حضرت پادشاه مسند
 صدارت عظامایی بر اهلنه تفویض ایتمکی مراد ایدوب
 و قبسه الی وزراسندن معیت همایونلرنده بولسان
 ایکنجی وزیر زینل پاشانک اقتدار سرانغنه اوچنجی
 وزیر خواجه زاده محمد پاشانک حدات سننه مینی
 بولردن برینه توجیهنی مناسب کور میوب بر مدت

آچبقده طوتدیغی حالده موکب همایونک شامه
 وصولندنمکره استانبول محافظی وزیر آصف تدبیر
 پیری محمد پاشایه توجیه صدارت و بافرمان عالی موکب
 همایونه دعوت بیورملریله پیری پاشا طقوز یوز بکرمی
 درت سنه سی محرمنک بکرمی ایکیسنده شامه بالوصول
 خاکپای شاهانه یه مشول اولمشدر .

جناب شهریار مکارم آثار هر سنه شامدن اخراجی
 معناداولان (محل حج شریف) ک مکملانجهیز و ترتیبینه
 دخی همته خدمت حرمین الشریفینی ایفا بیوردیلر .
 او ائتاده بتون کر جستانک دولت علیه یه اطاعت
 و تبعیت ایتمش اولدیغی کاخ حاکی قره چین زاده احمد
 بک طرفندن عرض اولنسیله بو کیفیت دخی پادشاهک
 جله موقیتلرینه منضم اولدی .

مجارستان قرانک موکب همایونک مصر طرفلرنده
 بولنسی فرصتدن بالاستفاده (بوسنه) جهته
 تجاوز و تعدی ایتمش اولدیغی و ازورنیق بکی
 حاجی مصطفی بکک شهید ابدلدیکی پای تخت

قائم‌قومی شهرزادہ سلیمان طرفندن وقوعبولان عرض
 و اشعاردن اکلشادی .

او اوانده شاه اسماعیل طرفندن شامه برنامه رس
 کوندر بلوب شاه بو نامه سنده - حکمدارانک شان
 و شرفلرینه یا قشیمیه جق بر صورتده - عرض
 مسکنت و مذلتله استرحام عفو و مرحمت ایتش
 ایسده سلطنت سلیم ممالک ایرانی اقلیم عرب کبی
 کاملاً دولت عثمانیه اداره سنه المقدن بشقه صورتله
 متسلی اوله میه جقلرنندن « بو نامه نک جو ابی برنده
 وزیر یاؤر » دهرک نامه رسی مح و سا استانبوله
 کوندر دیلر .

سور به قطع سنک تأسیس اصول اداره سیجیون
 حضرت پادشاه درت بچق ماه قدرده شامده قالبوب
 بومدته شام صالحیه سنده دفین خاک عطرنک اولان
 مشاهیر اعزه کرام ماضیه دن شیخ اکبر محی الدین
 عربی حضرتلرینک تر به لریله یانی باشنه برجامع شریف
 و مدرسه و عمارت انشا ایتدیر مشلردر .

عربستانك اراضی و املاك و مقاطعاتك مكملًا تحریر
و ثبت دفتر خاقانی ایدلسی الزم کورندیکندن بواهمیتلی
ماده بی صاحب فطانت و حیثیت مأمور له تفویض
بیور مشلدر .

§

﴿ موكب همايونك استانبوله عودتی ﴾

پادشاهك افكار عالیله لری شامدن طوغریجه ایرانه
یور بئك ایدیسده ایکی سنه در عسکر و امر اشداید
حروب و قتال و تحسیر وطن و عیال ایله صیقلمش
و مجارلونك بوسنه یه تجاوزی کبی سطوت شاهانهك
روم ایلنده کورنسنی ایجاب ایتدیرر مسئله لر دخی
ظهور ایتمش اولدیغندن ایران سفری سنه آتیله ترك
اولنهرق و مع توابع شام و ایلیکی جانبرد غزالی بکه
توجیه ایدیلررك موكب همايون شامدن حرکت و برماه
قدرده حلبده اقامت ایدوب طقوز یوز یگر می درت
سنه سی رجبك اون یدنجه کونی استانبوله داخل

واون کون قدر اسے تانبولده بعد الارام ادرنه تختگاهند
 عازم اولدیلر . ومهزاده جوانبخت سلطان سلیمانی
 مرتبات خاصه لرینه بشه بوزینک اقیچه ضمیمه
 نلاطیفدن صکره یینه منصبلری بولمان صاروخانه
 کوندردیلر .

§

﴿ سوریه ده ابن حنش وقعه سی ﴾

شامک فتحنده بالجله عرب امیرلری و عربان شهنلری
 سلطان سلیمه اطاعت ایتدکلری صروده (جبل ابنان)
 امیری اولوب اونه دنبرو موقعنک صر پلغنه و جماعتنک
 کثرتنه کووه نهرک دولت منقرضه چرا کسه به پک او قدر
 انقیاد کویسترمیان (ابن حنش) دولت علیه به منقاد
 اولمش ایسه ده موکب همایونک مصره عزیمتده یته
 دائره اطاعتدن چیقمش اولدیغندن پادشاه مصردن
 شامه عودت لرنده بونک استیصال و تنکیلی خصوصتی
 لازم کالره امر و حواله و جبل ابنان حکومتی امرای

دولت علیہ دن (قورقازاوغلی محمد بک) نام ذاته احالہ
 بیور مشلر ایدی .

(ابن حنش) هر طرفدن صیقه شدیر یلوب جبلده
 بارینه میه جق بر حاله کتور لاش اولدیغندن باشنی آلوب
 کردستان طرفلرینه صاوشمق اوزره . - طرابلس
 شام والیسی اسکندر پاشا زاده مصطفی بکک اغقان
 صورتنده موافقت جعلیسی اوزرینه - طرابلس
 اوستندن و (بعلبک) جهتمندن فرار یولنی الهرق
 حص اوواسنه وصولنده شام والیسی غزالی بک
 و حص والیسی قاسم پاشا و طرابلس والیسی مصطفی بک
 موجود عسکر یله اطرافنی احاطه ایتملر یله جریان ایدن
 محاربه ده ابن حنش و عونہ سی کاملا قلیجیدن کچیرلدی .
 بو غائله ده بتیرلدی .

§

﴿ جلال نام شقینک وقعه سی ﴾

اناطولیده شاه اسماعیل اردیلبینک مذهبنده دخاتله

دوات علیہ عثمانی یہ مخالف یوزندہ کچینان برطاقم
 ارادل اشخاص جلوس سلیم خانی عقینده کمال دقلمه
 تفتیش و تخری اوله رق بومه اوله لک پک چوغنک
 و جودی قالدیراش و اناطولیده قزلباش نامی قالمادی ظن
 ایدیش ایسه ده بونلرک رؤسا سندن بوزاوقلی (جلال)
 نام شخص اوارالق مجذوب درویش قیافتندہ توقادہ
 تابع (ترخال) قلعہ سی جوارنده بر مغارہ یہ صوقولوب
 ایزینی غیب ایتمشیدی .

توقاد حوالی سندن شیعہ اہالی پک چوق اولدیغندن
 بر طاقم مفسدلر جلالک نزدینہ دوام و مجذوب الہیدر
 دیہرک اغفال جہلمہ و عوام ایتلمر یلہ حریف باشنہ
 یکر می بیک قدر مسلح اشقیابر کدیرمش و اورالک
 مأمورلی مدافعہ سندن عاجز قالمش اولدیغنی حضور
 پادشاہی بہ عرض اولندقدہ پادشاہ درحال ادرنہ دن
 استانبول پای تختہ نقل ایلہ روم ایلی بکر بکیسی
 فرہاد باشایی رتبہ وزارنلہ برفرقہ عسکر یہ یہ سردار
 تعیین ایدرک اناطولیہ سوق واعزام و ذوالقدر یہ

والیسی شہسوارزادہ علی بکک دخی ولایتی عسکر یلہ
 فرہاد پاشا معتقدہ بولمنسی امر و اشعار بیوردیلر .
 جلال پای تختدن اردو تعین اولندیغنی خبر آنجه
 س۔ یواس جانبہ طوغری صاووشوب شہسوارزادہ
 علی بک شاید سردارک وصولانی بکلیہ جک اولسہ
 اشقیانک ایران حدودینہ فرار ایدہ جکربنی ملاحظہ
 ایدرک همان رفاقتدہ کی ولایت سواریلہ البستاندن
 الغار ایلہ س۔ یواس وقرہ حصار شرقی بپنشدہ بولنان
 اقشہر اوواسندہ اشقیابہ پتشدی .

اشقیاجلہ اولادہ منہزم اولہرق جلال فرار ایتدیسہدہ
 علی بک ارقہ سنی بر اقیوب پتیشہرک اعدام و اشقیانک
 بک چوغنی اتلاف ایتدی . و جلالک سر مقطوعنی
 پای تختہ کوندردی .

فرہاد پاشا قرمان اوزرندن کیتنکدہ ایدی . علی
 بکک شو صورتلہ موقعتینی ایش۔ یدنجہ (ا کہ جک) نام
 محلدہ توققلہ حضور شاہانہ بہ عرض ایتمش و فقط
 کندوسنک وصولانی بکک کسزین اشقیانک تکیانہ

موفق و بومقابله ده طرف پادشاهیدن مظهر التغات
اولسندن طولایی علی بکه کین باغلابوب سلطان
سلیمان عصرند، بیچاره نك او جاغنه انجیرد بکه شد .

§

✽ بر شهزاده مراد حوادی ✽

شهزاده سلطان احمد مر حومك اولادندن شهزاده مراد
پدر نك فلاکتی ائنده دیار عجمه فرار و التجا ایتش
و برکون صید و شکار ایچون قیرده کزرکن قتل اولنه رق
قائلی دخی بلای اوله مامش اولدیغی دولت علیه جه
معلوم ایکن کو یا بوش شهزاده مرادك اما سیه طرفلرینه
کله رك باشنه بر طاقم خلاقك برککده اولدقلرینی
قرمانده ایکن فرهاد پاشا خبر الهرق حضور شاهانه یه
عرض ایتسادی .

شهزاده مرادك وجه مشروح اوزره ایرانده وفات
ابتدیکی هر قدر معلوم ایتسه ده ملکک ایچنده موجب
اختلال اوله ییله جك شویله بر شایعه نك بلان اولدیغی

میدانه چیقارلق و خلقك اذهانندن ازاله شك ایدلك
 او وقتك پولاتیه سنجه مهم کورندیکندن اماسیه یه
 مخصوص مأمورلر و مفتش لر کوندر یلوب بو اغورده
 برچوق آدم لر استنطاق و توقیف جزالینه اوغرامش
 و نهایت نتیجه تحقیقاتده مر اددینیلان شخصك اماسیه دن
 اسکداره کله رك اوراده وفات ایتدیکی اکلاشامسیه
 مزاری آچدیر یلوب بالمعاینه بو آدمك شهزاده سلطان
 مراد اولدیغی تبین ایتدیرلشدر .

§

❖ ردوس سفری تصیمی و مؤخر صرف نظر

❖ اولنسی

ردوس (شوالیه) اوجاغی فورسانلری دائماً اقد کزده
 سفاین اسلامیه به تعرضدن خالی اولیب مصرک
 دولت علیه اداره سنده کچم سندن طولایی ردوس
 جزیره سنک تسخیر یله اسکندریه طریق بحر بسنک
 سفانزه : آمینی الزم و سلطان سلیمک « شواق دکن بالکنز

دولت علیه به بر مر سا اوله ییلور « دید کار ینک روایتی صحیح ایسه یالکز ردوس دکل افکار عالیہ پادشاهیده بتون بحر سفید جزایر وسواحلنک استیلاسی مصمم اولدیغندن مصر عودتندن صکره قوه بحر یه نك تزید وتنظیمنه برقات دهاسعی واقدام اولنوردی . ردوسک قحقی قولای برشی اولدیغنی فاتح مرحوم زمانده تبحر به ایدلمش اولدیغنه بناء اسباب ومهمات مقتضیه نك مکمل صورتده حاضر لنسنی حضرت پادشاه وکلایه تنبیه بیوردقلری حالده وکلا بر درجه به قدر تهبه ایدیلان مهماتی کافی کوره رک همان ردوسه کیدلمکه خواهش وتهاک کوستر لر و پادشاه دل آگاه ایسه بو باده تانی بیوز لر ایدی .

بر کون پادشاه لاجل الزیاره ابی ایوب انصاری حضرت لری نك تر به لرینه کیدرکن ترسانه دستکاه لرندن برجسیم قدرغه سفینه سنک ایوبه طوغری آقوب کیتمکه اولدیغنی کوره رک « هنوز دریا سفری قرار لشمامش ایکن بوکی کیمک امریله ایندی رلدی ؟ »

دیو و کلابه عتابدن صکره « ردوسی فتح اینکه
 اوزه نیورسکز اما قلعه تسخیرینک برنجی اسبابی
 باروتدر . « نقدر باروتکز واردر ؟ و ذخایر و سائر
 مهماتکز مکملدر ؟ » یولو سوال بیوردقلرنده
 و کلا ذخیره و سائر نک درجه کفایه ده اولدیغنی بیان
 ایتدیلسه ده باروتک مقدارینی بیله مبوب ایرتسی کون
 باتحتیق برقلعه نک دوکلمسیچون درت آی صرف
 اولنه جق قدر باروت بولندیغنی عرض وافاده ایتدکلرنده
 « ردوسک قیحی بونک ایکی قاتی باروتله ممکن دکلدر .
 جدم مر حوم زماننده کوریلان خجالت اونودلدیمی ؟
 بن اقلیلر قحنه الشدم بنی بویله ناقص مهمات ایله
 برقلعه نک اوزرینسه کونور و بده صفر الید دوندرمک
 وعاله قارشور ذیل اینکمی ایسترسکز ؟ او حالده
 قلیچمدن هانکیکز قورتیله بیلورسکز ؟ » دیهرک
 و کلابی شدیداً تو بیخ و فیما بعد ردوس سفری سوزینک
 اغزه النمامسینی تنبیه بیوردیلر .

﴿ سلطان سلیمك ارتحالی ﴾

سلطان سلیم بر مدت استانبولده اقامتله تنظیم احوال
 ملك و دولتله مشغول اوله رق طقوز یوز بکرمی التی
 سنه سی شعباننده ادرنه تختگاهنه عزیمتی قرارشد برمش
 و موکب همایونلرینه متعلق احوال و ائقالی یوله
 چیقارمش اولدقلری حالدله حرکنلرندن برکون اول
 سرای همایون باغچه سننده بعد التیزه باغچه نك
 یوقوشندن بوقاری چیقارلرکن ارقه لرندله برسزی حس
 ایدرک اغاجلردن دیکن دوشمش ظنبله ندیم حاصلری
 حسن جان افندی به باقدردقلرنده دیکن اولیوب فنا
 بر چبان اولدیغنی و اطبا به کوستربله رك مناسب مرهم
 قونلسنی حسن جان افندی هر نقدر اخطار ایتمش
 ایسه ده پادشاه اهمیت و یرمیوب حمامه کیره رك دلا که
 صیقدیرمش و چبانی آزدیرمش اولدیغنی حالدله ایرنسی
 کون یعنی شعبانك ایکنجی کونی استانبولدن حرکت
 بیورمشلر ایدی .

مکر او چنان (شیر پنجه) دیدکاری درد بی درمان
 اولوب کتد کچه شد تلنه رك (چورلی) قر بنده (صرت)
 قر به سی دینیلان محل که سلطان سلیمک پدری مرحوم
 سلطان بایزید ایله محاربه سی وقوع بولان موقعدر .
 اورابه وصولرنده ارتق پادشاهک یوله دوام ایده جک
 حالری قالماش اولدیغندن اوراده چادر لر قور یلوب
 و مقدمجه ادرنه به کیمش اولان صدراعظم و سائر
 ارکان کیروبه دوندیر یلوب پادشاهک مداواتنه
 باشلانندی . لکن ای دیلان معالجات و تدابیر طبیه
 و جراحیه کار کراوله میوب و بوقدر حکمداران و ارباب
 خلاف و طغیان پنجه شیرانه لرندن نصل قور تیله مدیلسه
 کند لر یده شیر پنجه دن تخلیهس کریبان حیسات
 ایده میوب سننه مر قومه شوالنک طقوزنجی کیجه سنده
 عازم دارالسلام اولدی لر . رحمة الله علیه .

پادشاه . مشار الیهک ولادتلی امامسیه شهرنده
 سکز یوزتمش بش سننه سننده و جلوسلری طقوزبوز

اون سکرز سنه سی صفرنده و وقوع بولسا ایله مدت
حیاتلری اللی بر و زمان سلطنتلری طاقوز سنه
دیمکدر .

سلطان سلیمک شوقدر جق بر مدت ایچننده موفق
اولدقلری فتوحات و اصلاحات حقیقه محیر عه و لدر .
افکار عالیله لری ممالک محروسه دینی مدنیتک درجه
قصواسانه وارد رفق و صنایع و تجارت داخلیه بی
تأسیس و تزید ایله ثروت عمومی تبعه اسباب نافعه سنی
و بخوده کتور مک ایدی . تجارت شرقیه بی منع ایله
بو باده بعض مرتبه شدتلی سیاست کوستر شلری دخی
بو غرضه مبنی اولوب امتعه شرقیه نک ممالک محروسه بیله
ادخالی ممنوعیتنه مقابل بروسه و حاب و شام شهر لرنده
و سایر قصبانده اقمشه متنوعه دستکاهلری تأسیس
ایتمش لدر .

سلطان سلیمک اوصاف جلیله لری قابل احصا اولوب
زمانلرنده قاضی عسکر و نزد اهل پرور یلرنده پک زیاده
محترم و موقر اولان فاضل مشهور کمال پاشا زاده

افدینک پادشاه مشارالیهک وفاتلرنده سویلدکاری
مرثیه فہرست اخلاق و شمایل اولدیغندن بومبجئده
انک ایرادیلہ اکتفا اولنور .

عزمدہ نوجوان حزمده پیر
صاحب السیف و صائب التذیر

ہم صف از ابدی ہم آصف رأی
نہ وزیر ایستہ ابدی ونہ مشیر

الی شمشیر ابدی دلی خنجر
نیزہ ابدی قولی و پر مغنی تیر

از مدتہ چوق ایش ایشیدی
سابہ سی اولمشیدی عالمکیر

شمس عصر ابدی عصرده شمسک
ظلی ممدود اولور زمانی قصیر

تاج و تخت ایلہ فخر ابدز بکیر
فخر ابدردی انکله تاج و سریر

کوکلای اول سورده بولوردی سرور
کہ چالہ چاغریدی تیغ و نفیر

رزم ایشانده بزم عیشنده

گورمدی پیر چرخ اکا نظیر

چقیسه ایوان بزمه مهر منیر

گیرسه میدان رزمه شیر دلیر

اولیجق دارو کبر اول شیری

اکسون و قانلر اغلسون شمشیر

حیف سلطان سلیم حیف و دریغ

هم قلم اغلسون انی هم تیغ

§

سایه معارف پیرایه حضرت (عبد العزیز) خانیده

خبر صحیحك اشبو دردنجی جلدی دخی رسیده

حد ختام اولهرق بشنجی جلدك تسو بدینه مباشرت

اولنمشدر .

﴿ درون جلدده تذييل ايديه جي بيان اوانان ﴾

﴿ محررات صورتلری ﴾

(۱)

﴿ ممالك محروسه يه نشر اولنان اينه بنختي ﴾

﴿ فتحنامه سي ﴾

شمديكي حالده قدوه فرقه فجار واسوه زمرة كفار
ورئيس اهل النار ونديك لعين خا كسار خذلهم الله
الى يوم القرار سـ والفايام وسوابق اعدامدن
بواسـتانه يه نسبت مراسم عبوديت واخلاص وشرايط
رقيت واختصاص اوزره موابق كثيره وعهود مجده
ايله معامله ايدوب اوامر ونواهي پادشاهي به امثال

ایدرکن و ساوس شیطانی و هوا جس نفسانی
 خیشوم میشومنه سبیل بولوب جاده عهد سداددن
 جانب فساده اعوجاج کوسه تمکین بن دخی آباء کرام
 واجداد عظامم سسلکنه سلوک ایدوب عنان عزایم
 شاهانهم که قرین قضا و قدر وهم نشین قیح و ظفر در
 کفار بد کردارک ایلنه و ولایتنه منصرف و منعطف
 قیلوب جله قلاعدن بری که (اینه بختی) نام قلعه در
 ایچنده اولان کفره فبیره نهب اموال تجار و سفک دماء
 مسافران بحار ایله اشتهار بولوش ایدیلر امر
 ایلیوب سپاه ظفر پناه هر طرفدن مرکزوار احاطه
 و محاصره ایلیوب اسباب خصومات و جدال و آلات
 جنگ و قتال مهیا و آماده اولوب زبون و محزون اولیبق
 بالضرور خلاص جانی قید عذابدن عین نعمت و محض
 عنایت بیلوب امان طلب قیلوب بن دخی و فوراشفاق
 پادشاهانه مدن انلری سبی و سلب و نارت و نهب اولتندن
 خلاص ایدوب سنه خمس و تسع مائة محرم الحرامنک
 یکرمی اوچنجیمی کونی قلعه مزبوره تسلیم اولنوب

ایچنه آدم قونیلوب اول دخی جله ؤقلاع مالک محروسه مه
منضم و ملحق اولدی (الحمد لله الذی هدانا لهذا)
همیشه اعدای سلطنت مقهور و انصار دین و دولت
منصور و اعلام اسلام الی یوم النشور منشور اوله آمین
یامعین حالیا بو بشارتک اعلامیچون قولم (سهیل)
ارسال اولندی شو یله بیله سن نحریرا فی اوائل شهر
صفر المظفر سنه خمس و تسع مائة .

§

(۲)

﴿ شهزاده جمک ردوسدن سلطان یازید ﴾

حضرت لرینه عریضه سی ﴿

بعد از تقبیل عتبه علیا که از آستان کرم بعفو مجرمان
در رحمت کشاید . معروض این بنده مجرم در حضرت
جناب عالی پناه آنست که چون عمان کرم محیط مرکز
لطفست امید دارم که قطره برای محو کردن سیاه رویی
این کنه کار بیچاره و دردمند آواره از سحاب رحمت

بَرَبینَ خَاكٍ پَر خِجَالَتِ چُون دَانَهُ نِیْسَانُ بِچِکَد (بیت)
 با آب حیوان کرم و قَتَسْتِ ای سلطان ما
 احیا کنی این بنده را از حالت قلب کرم
 خسرُوا از کرم عطا بخشمت بعیدست که کسی جرم
 خود داند و روی بِر خَاكٍ استغفار مالد و لطف را
 شفیع خود سازد از قطرات باران رحمت بی نم ماند
 خصوصاً کسی که از کرده ناصواب خویش روی
 اعتذار بِخَاكٍ در کَهِتِ ساید لایق الطافی عمیمه آنست که
 اسیر کفار باشد حاشا و حاشا از غیرت اسلام که گوینده
 (لَا إِلَهَ إِلَّا اللَّهُ مُحَمَّدٌ رَسُولُ اللَّهِ) مسلم ازلی و موحد ابدی
 اسیر حق ناشناس و بی ملت شود حاشا عن کرم الکرام
 ما حصل در میدان رضایت دست و پاشکسته و کفن
 خجالت بر کردن بسته سر تسلیم بر زمین نهاد، اگر
 شمشیر قهرت بخون این بنده تشنه کی نماید (الحکم
 لله الواحد القهار) تا که در زیر زمین آسوده باشم
 در مسند شرف شرف اقبانات روی زمین بیاساید و اگر
 دست ترحمت بشفقت بر سبیل ماضی ماضی این بنده را

بنوازد و کرمت سبب خلاص این ورطه پر بیم باشد
والله العظیم وبالله الکریم وتالله العظیم و بحرمة کلام الله
المنزل و بحق احد المرسل چندانکه مسافر روح مجاور
کعبه تن باشد از قبله رضایت رونگردانم و سر نه پیچم

(بیت)

نیست حد من که از لطفت بجویم رحمتی
زانکه لطفت خسروا بی حد و بی عداد مست

خداوند بحرمة کلام ربانی و بحق دقایق سرشبحانی
و بعزة گروه مسلمین و بنبوة خاتم النبیین و باولاده
الطاهرین و باصحابه الطیبین بر ارقام بدیهای این بنده
با قلم عفو خطی بکش و نظر مرحمت برین خاک بی عزت
بر انداز که غیر از ظل ظلیل کرمت ملجأ نیست چون
غرض حال اسیر آن غم رسیده است آنچه لایق غیرت
مسلمانی و شوکت سلطان نیست امیدانست که بظهور آید

(بیت)

چون ز الطافت گرفتم قال را
حاجت گفتن نشاید حال را

§

(۳)

﴿ سلطان بايزيدك جواب نامه سى ﴾

جناب اخوتآب محبت نصاب عزت قباب برادرم جم
 اصلح الله تعالى احوال شانه وختم بالخير. أرب جنانه
 توقيع رزيح همايون نفذه الله تعالى في ربيع المسكون
 چون بحضور رسيد بدانند كه درين وقت مكتوب
 ضراعت اسلوب تو باستان دولت آشيان مادر رسيد
 وانچه غلاظ وشداد قسم ياد، وود و تغافل مارا از عدم
 ترجم قياس کرده ارکان دولت و وزراء سلطنت ادا مهم الله
 بالاراء الصائبه بعرض مادر رسانيديد و اطلاع
 همايون ما بمضمون آن من اوله الى آخره واقع كشت
 حاشا ثم حاشا كه بجهت سلطنت دو روزه ما بطريقه
 بي رحيمى را اشعار خود ساخته باشيم بلكه اين نوع
 مهم بفخواى (لا تجتمع امتى على الضلالة) بر وفق
 آراى صائبه عقلاى جهان ديده و حكماى كار
 آزموده واقع كشته است زيرا امر خلافت بفرموده

ده درویش در کلیمی بنشیند
و دو پادشاه در اقلیمی نکنند

اقتضای استقلال و عدم شرکت میباشد و آن سعادت
ازلی بتوفیق لم یزلی وابسته بسعی و کوشش بی فائده
ممکن نیست (مصراع) « دوات ندهد خدای کس را
بغلاط » و بزور بازوی کشته گیری میتوان نمود لیکن
قبض سلطنت نمی توان کرد (مصراع) « کوشش
بی فائده است سر مه بچشم بصیر » مع هذا مکتوبی که
از جانب کعبه معظمه زاده الله شرفا و تعظیما ارسال
کرده بودند بمشاوره و وزرای دولت و اعیان حضرت
تمکن آن حضرت دران اماکن شریفه مناسب دیده
و جواب نوشته ارسال کرده بودیم که همه سال از مال
حلال بیت المال خاصه بوجه نقد (ده کره صد هزار
اقچه) بخدمت ارسال نموده شد تا بلاوازم خود
خرج کرده بدعای ابد پیوند اشتغال نماید اتفاق بران
مقدار قناعت نموده و باغوا و غایبه هواجس
نفس اماره محرك سلسله فتنه گشته و از شئامت

(الفتنۃ نائمة) اندیشه نکرده مصلحت را بانجا رسانیدند که بالضروره کفر فتاری چنین بحال روزگار ایشان روی نمود حالا مادرین باب چه گویم علی الخصوص که در هر کار چون ایشان ما بمجرد برآی خود عمل نمیتوانیم نمود و باعموم عقلا چه گونه رجوع توانیم کرد که اصلا فردی را بجهت نظام عالم رضا در بودن ایشان درین مرز بوم فکبف در ولایت روم نیست و زوا نمیدارند مگر آنکه خود را از دست آن طائفه ملاعنه بوجهی خلاص کرده باز تشفع از بال حرم ذوالجلال در آوردند که هر گاه ان توفیق مرة بعد اخری اورا میسر شود ما نیز بر موجب عهد قدیم سالیانه سالفه را بوجه نقد بيقصور بحضور ارسال و ایصال می نمایم انشاء الله تعالی حسبی الله ونعم الوکیل
تحریرا فی تاریخ کذا

(۴)

﴿ شهزاده قورقود طرفندن سلطان سلیمه تقدیم

اولنان عریضه ﴾

بعد الاقاب : سابقا شان عدالت نشانکرله اخلص
الوداد عدادندن معدود اولان بو مخلص بی علتکز ایله
شویله عهد و پیمان ایلیوب در روز که خداوند بی عیب
و علام هر غیب شاهد حال و عالم مافی الباندر که اول
پیمان ایمانک ارکان بنیانی عبور اعوام و مرور ایام ایله
تزلزل و تخیل بولوق تمتع و محالدر اما طائفه اهل نفاق
صان الله المسلمین عن شیر کیده هم الی یوم المیشاق
حضور موفور الحبور یکره بو مخلص قوی الاخلاصی
انواع غمز و نمیمه ایله یرامن اکلدر لر (والله یشهد انهم
لکاذبونر بنامن قدم لنا هذا فرده عذابا صاعقا من النار)

(نظم)

رفیع رأی تو بر من تغیری دارد

بتهمتی که مرا ایشان بگفته اند جرم منی

بنعمت تو که جان را از دست نور و ضیاء
بخدمت تو که تن را ز بهر اوست غیری

نکرده ام بخلاف ضمیر تو فعلی

خداى لم یزلی شاهد م باین معنی
حالی را ای منافع ارا به که آینه شهود الغیب اندن کنایت در
خفی اولیه که جمیع جوانیز برا و بحرا احاطه اولندیغندن
غیری جانب نعم الما بکزدن دخی ار سخیلوب بو مخلص
بی اشتباهد و لخواه اوزره و بواطراف ولایت اولقلب بکزدن
و جوانیز احاطه ایدن شجاق بکزدن خبر استماع
اولید قدح احوال پر اختلال عز حضوره عرض
ایدنجه ده دک احترام و احتیاط اولوب بهض کرکاو
اسبابیز و کتابلری می قلعه به قویوب بز مخاص
متخصصکر عاطفت تام و رأفت تمام کزه و یولک زده اولان
صداقت و تمام استقامتزه اعتماد و اعتقاد و توکل حق
مطلق ایله کما کان مکانزده قرار قیلنوب جواب شافی
و خطاب کافیکزه که محرم دل قریح و مرهم جگر
جر بحد انتظار اولندی لکن شان عدالت نشان بکزدن

مستبعد و مستنکر در که بو مخلص بی ر یادن اطاعت تام
 و تسلیم عامدن غیر ی حالت صدور و ظهور بولق
 محال عقلی ایکن و من جمیع الوجوه انقیاد و امتثالده
 اولوب عهدنامه لطیف و مثال شریفکزه اعتماد قیلنوب
 دعای دوام دواته و ثناء ثبات سعادتیه بقدر القدره مداوم
 و ملازم ایکن درلودر او احوال و افعال و اقوال ایله
 مضطرب الحال و مضطرب البال او اهوز و ذات **ک**ریم
 الصفاتکزه لایق میدر که او ان صبا و تدنیزو ما بینزده
 اولان کمال محبت و و داد حقیقی و نهایت مودت و انجساد
 مدیقمزه شفقت و مرحمت اولنوب بز مخلص هو ادا ریکزه
 اصناف قصه و انواع ایذا و استهزا فکر اولنسه
 (انما اشکوا بشی و حزنی الی الله) (بیت)

بکاروم که مرا جز درت پناهی نیست

بجز عنایت تو هیچ عذر خواهی نیست

حاشا ثم حاشا حضرت پر رأفتکرتک **ک**مال عدالت
 و مرتندنکه مقدمات صرف فساد و کلمات حساده
 اعتقاد اولنوب سوء ظنله حقارت و خسارنه رضا

کوستریله قالت علت کلمته (ولا ترکنوا الی الذین ظلموا)
(شعر)

اسمع بقلبک ان الاذن کاذبه

وانظر بقلوبک ان الطرف خوان

والحاله هذه اعلام احوال پراحوال ایچون اشـ بو حامل
حروف نیاز و ناقل الوف اجلال واعزاز (عمر) بندگز
تعیین اولنوب باب سعادت مآب وعدالت منابکره مشیا
علی الوجه لا علی القدم روانه اولندی . ان شاء الله
الاکرم والارحم شرف پاپوس شریف ایله مشرف
اولوب احوال پامال علی سبیل الاجال عرصه مکرمته
عرض اواندقده بو مخلص مستحق مکرمت ولایق مرحمت
(لانخف انک من الامنین) خطایله امین بیور یله که
باقی امور شان شفقت آن حضرت پر رأفت بر وفق
مراد این بنده بی علت ممدود باد بحق الرؤف
بالعباد . مخلص بی اشتباه

قورقود عزت خواه

(۵)

﴿ جوابی ﴾

جناب عزت مآب اخوت نصاب محبت ایاب مودت قباب
 شوکت اکتساب برادرم سلطان قورقود کامبین
 و کامیاب حفظه الله تعالی و ادامه جنبه توفیق رفیع
 همایون و اصل اولدقده معلوم اوله عهد سابقم
 ابقاسنه ارسال ایلدو کک تضرعنامه و اصل اولدی
 و اولبابده سنک دخی معلوم کدر که بنم غرضم سلطنتدن
 انطفاء نارفتن اولوب سابقا جلالی (ش-یطان قولی)
 نام ملعونک طغیانده واردیل اوغلی دین اسماعیل
 یلیدک شرقه استیلاسنده و قیصریه حدودینه کلوب
 ایتدیکی اوضاعدن دین و دولته نه دکاو قصور
 ایرشمشیدی حالا بعنایه الله تعالی اذن شرع قویله
 شرق جانبیه عزیمت همایونم مقرر اولوب مادامکه
 سز عهد سابق اوزره اوله سز بوجانیدن اصلا اندیشه
 ایتیموب دعایه اشتغال بیوره سز والسلام .

(۶)

﴿ سلطان سلیم حضرت تارینک شاه اسماعیلہ برنجی
دفعہ اولہ رق کوندر دیکھی نامہ ہمایونک صورتیدر ﴾

بسم الله الرحمن الرحيم قال الله الملك العلام (ان الدين
عند الله الاسلام ومن يتبع غير الاسلام ديناً فلن يقبل منه
وهو في الآخرة من الخاسرين ومن جاءه موعظة من
ربه فاتمى فله ما سلف وامره الى الله ومن عاد فاولئك
اصحاب النار هم فيها خالدون) اللهم اجعلنا من الهادين
المهتدين غير المضلين ولا الضالين وصلى الله على سيد
العالمين محمد المصطفى النبي الامين وآله وصحبه اجمعين
اما بعد ابن خطاب مستطاب از جناب خـ لافتمأب
ما كه قاتل الكفرة والمشركين قانع اعداء الدين مرغم
انوف الغراعين مغفر يتجان الخواقين سلطان الغزاة
والمجاهدين فر يدون فر سکندر در کینسرو عدل ودارا
رای عالی نژاد سلطان سلیم شاه ابن سلطان بایزید ابن
سلطان محمد خانیم بسـ وی تو که فرمان ده عجم

سه سال را اعظم سردار معظم ضحاک روزگار داراب
 کبر و دار افراسیاب عهد امیر اسماعیل نامداری سمت
 صدور یافت تا خبیر و آگاه باشی که فعل فعال بر حق
 و صنع جواد مطلق هر چند معلل بالغرض نیست
 متضمن مصالح و حکم نامتناهیست کما ورد فی الکتاب
 المبین (وما خلقنا السموات والارض وما بینهما الا عبین)
 حکمت خلقت انسان که عین اعیان و نقاوهٔ جهان
 و خلاصهٔ ا کوانست کما قال عز و علا (وهو الذی جعلکم
 خلائف فی الارض) اما از آن جهت که افراد این نوع
 بجهت لطافت روحانیت و کثافت جسمانیت
 مظهریت اسماء متقابل را قابلیت دارد ترقب غایت
 و تحقق خلافت بی اطاعت شریعت مقدسهٔ والی خطهٔ
 نبوت علیه افضل الصلوات و اکمل التحیات صورت
 بندد هر آینه شرایع نبوی فوز و سعادت دو جهائی
 و سبب مغفرت جاودانست پس هر که از مطاوعت
 حکم الهی رخ تابد و از دأرهٔ انقیاد او امر و نواهی
 بیرون آید و هتک پردهٔ دین و هدم شرع متین را قیام

نماید بر کافه مسلمین عموماً و سلاطین عدل آیین خصوصاً
 واجبست که ندای (یا ایها الذین آمنوا کونوا انصارا لله)
 بکوش هوش بشنوند و در دفع مکابذ و رفع مفاسد
 ان مفسد بحسب الاستطاعه و الامکان بجان کوشند
 مقصود ازین تشبیه آنست که تفرقه جماعت بایندریه بحکم
 (یدت)

چو بیشه تھی گردد از زره شیر
 شغال اندر آید بسانک دلیر

از طریق تعدی امارت بلاد شرقی را متصدی کشتی
 و از کنج مذات فرمانبری بصفت باحشمت فرمان فرمایی
 قدم نهادی ابواب ظلم و بیداد را بر روی مسلمانان باز
 کرده زندق و الجادر را بایکدیگر از دواج و امتزاج داری
 و اشاعت فتنه و فساد اشعار و دثار خود ساخته عملهای
 ستمکاری بر افراشتی شاهمی و فرمانروایی را بر حسب
 دواعی هرای نفس و رغبات مایهت حل قیود شریعت
 و اطلاق از نوامیس مات پنداشتی متابع افعال و مساوی
 احوالت چون باحت فروج محرکه و اراقت دماء مکرمه

و تخریب مساجد و منابرو احراق مر اقد و مقابر و اهانت
 علما و سادات و انقاء مصاحف کریمه در قازورات و سب
 شیخین کریمین رضی الله تعالی عنهما همه بحد تواتر
 پیوست ائمه دین و علماء مهتدین رضوان الله تعالی
 علیهم اجمعین کفر و ارتداد ترا با اتباع و اشیاعت که
 موجبش قتلت و سب علی رؤس الاشهاد متفق الکلام
 و الاقلام با سرهم فتوا دادند بناء علی ذلک مانیر جهت
 تقویت دین و اعانت مظلومین و اغاثت مله سوفین
 و اطاعت او امر الهی و اقامت مر اسم ناموس پادشاهی
 بجای حر برو پر نیان زره و خفتان پوشیدیم بعنایه الله
 و حسن توفیقه الوبیه ظفر دثار و عسا کر نصرت شعار
 و شیران کارزار و دلیران خنجر گذار که چون تیغ از نیام
 غضب بر آرند عدوی مدبر را قاطع بدرجه طالع کر آید
 و چون تیر بکمان کین دارند سهم موت الخضم ببرج
 قوس در آرد در شهر صفر ختم بالخیر و الظفر از دریا
 عبور فرمودیم بدان نیت که اگر نایدباری عزوجل یاری
 کند بسز پنجه قوت کامکاری دست و بازوی ستمکاریت

بر کینم و از سر قدرت سروری بسودای صفدری از سر
 سر اسبیه ات بدر کینم مفاصد مشر و شورت از سر عجزه
 و مسکینان برداریم و ازان آتش که در خانها زده
 دو دازد و دمانت بر آریم (من زرع الفتن حصه
 المحن) چون قبل السیف تکلیف اسلام حکم شریعت
 مصطفویست علیه السلام این نامه نامی حلیه تحریر
 و تخییریافت که نفوس آدمی زاد متفاوتست که (الناس
 معادن کعادن الذهب و الفضة) ملکات ردیه
 در بعض مزاج طبیعی است قابل زوال نیست
 (مصراع) که زنجی بشستن نکردد سفید و در
 بعضی عادیست از مزاولات شهوات و ممارست خسایس
 و اهمال طبیعت ناشی ایست اورا امکان ازاله هست
 ازان گفته اند که فیه اشرار بتأدیب و تعالیم از مقوله
 اختیار باشد بنابر احتمالی اگر خود را در سبک زمره
 (والذین اذا فعلوا فاحشه اوظاوا انفسهم ذکروا الله
 فاستغفروا الذنوبهم) و منساک و منخرط کردانی
 در همه خدای متعال را حاضر و ناظر دانی از کارهای

بد و کردارهای ناصواب و سیرتهای زشت پشیمانی
 نماید و از درون دل و صمیم جان بتوبه و استغفار درآیی
 و انقلاع و بقاع که زمینش در زمان پیشین سم ستور
 لشکر منصور مارا روی ماییده و از نعال مطایا هر گوشه
 ازان نواحی حلقه افکنند کی بکوش کشیده بود
 از مضافات ممالک عثمانی محسوب داشته بندکان
 سده عظمت پناه مارا بسپاری سعادت تراست
 از نواب کامکاری غیر از نیکویی و دلجویی و غاطفت
 و خوش خوئی دیگر چیزی نه بینی و اگر چنانچه
 (بیت)

خوی بد در طبیعتی که نشست

زود جز بوقت مرگ از دست

بر آن اعمال قبیحه و افعال فضیحه مصر و مجدد باشی
 ان شاء الله تعالی الاعز عرصه آن مملکت که از روی
 تغلب بدست تصرف افتاده است عن قرب مخیم
 اردوی عساکر نصرت ما خواهد شد مدتیست
 از غایت سبکساری سودای سرداری در سرداری

واذ فرط خود را بی دعوای جهانگیری و کشور کشایی
 بر زبان آری (مصراع) چو مردی بمیدان حردان
 در آئی . که هر چه نهاد، پرده تقدیر است بظهور
 آید (والامر یوئذ لله) والسلام علی من اتبع الهدی
 حرر ذلك فی شهر صفر المظفر سنه عشرين و تسعمائة
 (بیورت از نکمید)

§

(۷)

✽ سلطان سلیم حضرت زینک شاد اسماعیله ایکنجی

دفعه کوندر دیک مکتوبک صورتیدر ✽

انه من سلیمان وانه بسم الله الرحمن الرحيم (الاتعلو علی
 و آتونی مساین) و علی الله عنی خیر خاتمه وآله وصحبه
 اجمعین (هذا کتاب انزلناه مبارک فانبوه وانقوا
 لعلکم تغلجون) این منشور ظفر طغرا کالوحی النازل
 من السماء بمقتضای (وما کننا معذبین حتی نبعث رسولا)
 از حضرت ابهت عزات ما که خلیفه الله تعالی فی الدنیا

بالطول والعرض مهبط (واما ما ينفع الناس فيمكث
 في الارض) سليمان مكان اسكندر نشان مظفر فر
 فريدون ظفر قاتل الكفرة الفجرة كافل الكرام البررة
 المجاهد المرابط المنصور المنظف الليث ابن الاسد ابن
 الغضنفر ناشر اواء العدل والاحسان سلطان سليم شاه
 ابن سلطان بايزيد ابن سلطان محمد خانيم بجانب ملك
 ملك عجم مالك خلمه ظلم وستم سرور شرور وسردار
 اشرار داراب زمان ضحك روزگار عدیل قایل
 امیر اسمعیل عزیز دور یافت معرب از انست که از بارگاه
 عزت و پیشگاه الوهیت یرلیغ (توثق المالك من تشاء)
 بتوقيع (ما يفتح الله للناس من رحمة فلا ممسك لها)
 كلك تقدير باسم سامي مارقزده لاجرم او امر ونواهي
 نوايس الهي و امور احكام شاهنشاهی را در فضاي
 زمين چون قضای آسمانی نفاذ داد (ذك فضل الله
 بوته من يشاء) و چون بتواتر آحاد استماع افتاد که
 ملت حنیفه محمدیه علی واضعها الصلوة والتحیة را
 تابع رأی ضلالت ارای خود ساخته و اساس دین مبین را

بر انداخته لوای ظلم را بقواعد تعدی بر افراخته نهی
منکر و امر معروف از شعار شریعت دانسته شیعه
شیعه خود را بتخلیل فروج مجرمه و اباحت دماء محترمه
تحریر نموده بحکم (سماعون للكذب اکااون السمحت)
باستماع کلمات مزخرفات و اکل محرّمات نموده
(مصراع) مسجد خراب کرده و بتخانه ساخته .
پایه بلند پایه منابر اسلام را بدست تعدی درهم
شکسته فرقان مبین را اساطیر او این خواننده اشاعت
شاعت را باعث شده نام خود حارث کرده هر آینه
بموجب فتوای عتق و نقل علمای اعلام ملت و اجماع
اهل سنت و جماعت بر ذمت همت عالی نهت ما که
(علو الهمة من الايمان) نصره لدين الله المنان قطع
وقع ورد و منع رسوم محدثه که رسم قدیمست کماورد
فی قوله عليه السلام (من احدث فی امرنا هذافهورد)
و فی روایه (من عمل عملنا علیه امرنا فهورد)
متحتم و لازم کشت و چون قضای ربانی و تقدیر صمدانی
اجل اجله کفره فجره را در قبضه ما نهاده بود

کالتضاء المبرم توجه آن دیار نمود و بامثال امر (لاتذر
 علی الارض من الکافرین دیارا) انشاء الله العزیز
 اقدام کردیم تا از صوت تیغ ظفر دثار صاعقه کردار
 خار و خسی که در جو بارش ربعت غرا بنور سته و چون
 بقله الحما نشو و نما یافته ازین بر آورده در خاک مذلت
 اندازیم تا لکد کوب حوافر مرسلات ککردد که
 (وجعلوا اعزّة اهلها اذلة و كذلك یفعلون)
 و از صدمه کرز کین آیین مغز اعدای دین که بنخبال
 خام پخته شده طعمه شیران دلیران غزاة سازیم
 (وسیعلم الذین ظلموا ای منقلب ینقلبون) (نظم)
 من آنم که چون بر کشم تیغ تیز

بر ارم ز روی زمین رستخیز

کباب از دل زه شیران کنم

صبوحی بخون دلیران کنم

شود صید زاغ کمانم عقاب

ز تیغ بلرزد دل آفتاب

اگر در نبردم تو کم دیده

ز گردون کردند نشنیده

ز خورشید تابان عنانم پیرس
 ز بهرام آب سنانم پیرس
 اگر تاج داری مرا تیغ هست
 چو تیغم بود تاجت آرم بدست
 امیدم چنانست نیروی بخت
 که بستانم از دشمنان تاج و تخت
 بموجب الدین النصیحه اکر روی نیاز بقبله اقبال
 و کعبه امال آستان ملائک آشیان ما که محال رحال
 رجالست آوردی و دست تعدی از زبردستان که پایمال
 ظلم و طغیان کشته اند کوتاه کردی و خود را در سلاک
 (التائب من الذنب کمن لا ذنب له) منساک کردانیدی
 و در مذهب و ملت تبعیت سنت سنیة حنیفه محمدیه
 علیه الصلوة و التحیة و آلہ الطاهرین و اصحابہ المهتدین
 رضوان الله تعالی علیهم اجمعین (اصحابی کالنجوم
 یا یهم اقتدیتم اهتدیتم) کردی و آن بلاد را با سرها
 مضافات و متعلقات ممالک محروسه عثمانیه شمردی
 هر آینه عنایت پادشاهی و عاطفت شاهنشاهی ما

شامل حال تو گردد (نظم) سایه غدل و عنایت
 بسراوفکنیم . هر که چون مهر نه دروی بخالد در ما .
 (مصراع) زهی سعادت انکس که این اجابت کرد .
 والابحکم . العادة طيبة ثانیة . بر مقتضای
 طبع شر انکیز فتنه آمیز که ما بالذات لایزول بالعرض
 (مصراع) با سیه دل چه سود گفتن و عظ .
 یتأید الله و حسن توفیقه سر هر تاجداری تاج داری
 سازم و بساط بسیط زمین را ازان نفوس پردازم
 (الان حزب الله هم الغالبون) دست ستمکاران را
 بقوت سر پنجه ید بیضا پیچیده در هم کنیم که (ید الله
 فوق ایدیهم) باید که پنبه غفلت از کوش هوش بیرون
 کرده کفن در دوش گرفته مهیا باشد که بموجب (انما
 توعدون لات) عسکر ظفر مخصوص (کانهم بنیان
 مرصوص) چون اجل مسمی نداء (اذا جاء اجلهم
 لایستأخرون ساعة ولا یستقدمون) درد هند
 و بحکم (اقتلواهم حیث وجدتموهم) عامل شوند دما راز
 روز کارت بر آرند و دران دیار نکذارند (ولله الامر من قبل

ومن بعد و يومئذ يفرح المؤمنون فقطع دابر القوم الذين ظلموا والحمد لله رب العالمين) .

§

(۸)

﴿ سلطان سليم حضرت تارينك شاه اسماعيله دفعه ﴾

ثالثه ده كوندرديكى مكتوب هايون ﴿

اسماعيل بهادر اصلح الله شانہ مثال لازم الامثال واصل اوليجق معلوم اوله كه هتك پرده اسلام وهدم شريعت سيد الانام عليه الصلوة والسلام ايمكه قيام تام كوسترديكك حد تواتره يتيشوب نقطه طينت مضرت نهاديكى كه مر كز دائره فتنه وفساد در صفحه خطه روز كاردن اظفار خنجر و تيغ ابداره حك ايمك كافه مسلمينه عموما و سلاطين اولى الامر و خواقين ذوى القدره خصوصا واجباتدن ايدو كنه ائمه و علما كثر الله امثالهم الى يوم الجزا باسرهم فتوى ويروب اكابناء محضا احياء مراسم دين محمدى واقامت ناموس شرايع احمدى اجلى

ایچون لشکر بی شمار خصم شکار ایله سنک قصدیکه
 بلاد شرقه توجه همایون ایلیوب در یادن عبور اولندیغی
 زمانده خطاب مستطاب کوندروب مضمون شریفنده
 تغلب جهتدن تحت تصرفیکده اولان نواحی و اراضی
 سعادت ظل ظلیل رایات فتح آیاتله مستسعد اولیجق
 ار ایسک میدانه کله سک حق سبحانه و تعالی نک مشیت
 و ارادتی نیه متعلق اولمش ایسه ظهور بوله دیو
 پیور مشدم . پس بوندن غرض بوایدیکه بر قاج آی
 او کوردیدن سنندخی متنبه اولوب تدارکک ایده سک
 غافل بولندم حوزه حکومتمده اولان خلقی تماما جمع
 ایتمکه ایام مساعدا اولدی دیو عذر و بهانه ایلیه سن
 پس مدت مدیددر که مزاحمه نفوس متکاثره دن جهان
 ضیق انفس و مصادمه سلاح و سناندن هوا ضیق
 النفس و نعال مطایادن جرم زمین آهن پوش و طنین
 نای رویندن طاسیجه علیین پر خروش اولمشدر
 بواشاده سرا و جهرها و خیراوشرا سنندن جرأتی ایهام
 ایدر بر وضع صادر اولماشدر لاسیما شمدیکی حالده

دیار آذر بایجانده اولان تلال و جبال نشان سم ستور
 لشکر منصوردن سه پر پر هلال اولمشه یکن دخی هنوز
 سندن نه نام و نشان پیدا ونه وجود کدن تر هویدادر
 بر وجهله مستور الحال سن که وجود کله عدمک
 علی السوادر قلیج دعواسن ایدنلرک سپرکی بلاره
 کوکس کرمک دائم پیشه سی و سرورک دعواسنده
 اولنلرک مغفرکی زخم تیغ وتبردن سر طونق هر نفس
 اندیشه سی اولق کر کدر . (نظم)

عروسی ملک کسی در کنار کیردنک

که بوسه بر لب شمشیر ایدار دهد

حرز سلامتده پرده نشینک اختیار ایدنلره ارک آدی
 خطادرو اولدن قورقان کسنه لره قلیج قوشانوب
 آته بنک نامزادر . (بیت)

در مرک انکس بکو پد پیای

بزی ن اندر آید بچنبد ز جای

حالیا بومثابه ده اختفا و درجه زاویه خولده اختفا که
 سبب اغلب احتمال کثرت لشکر بی قیاسدن استیلاء

رعب و هراس اولقدر اوله اولسه بومعینک ازاله سی
 مصلحتی ایچون فرق بیک نفر مقداری ار لشکر ظفر
 ره بردن افراز اولنوب قیصریه ایله سیواس مابیننده
 اقامت ایتک امر اولمشدر خصمه ارخای عنان وتوسیع
 دائره یه میدان بو قدر اولور بوندن آرتق اواز اکر
 مسنده دخی غیرت وحیتدن فی الجمله شمه واریسه کلوب
 عسا کر نصر نمآثره مقابل اوله سن ازل ازالده مقدر اولان
 هر نه ایسه معرض بروزده جلووه کراوله ان شاء الله تعالی
 والسلام علی من اتبع الهدی .

حرر فی اواخر اولی الجمادین سنه ۹۲۰

(بیورت ارزنجان)

§

(۹)

❖ شاه اسماعیله دردنجی دفعه اوله رق کوندریلان

نامه همایون ❖

اسماعیل بهادر اصلح الله شانہ توقيع رفیع جهان مطاع

وحکم شریف واجب الانقیاد و الاتباع و اصل اولی بق
 معلوم اوله که درگاه سعادت دستکاهمه مکتوب
 کوندروب جرأته متعلق کلمات ایدوب از زیاد جرأته
 سبب اولور نسنه ارسال اوانندی که کلمه مسارعت
 ایده سز بزسخی انتظاردن خلاص اولهوز دیو
 بیلدیرمش سز معلوم اولدی ایدی بزذاتمزد قونیلان
 حالت و جبلتمزده اولان جرأتی عمه کتوروب مسافه
 بعیده دن سنک قصدیکه اشکر بی کران و رایات فتح
 آیات نصرت نشان ابله مراحل و منازل قطع ایدوب
 کلوب حومه حکومتکده اولان مملکتته دخول ایتدک
 آیین سلاطین اولی الامر و مذهب خواقین ذوی القدر
 پادشاهلرک تحت تصرفنده اولان مملکت منکوحه سی
 مثابه سنده در رجولیتدن حصه سی رفتودن بهره سی
 بلکه دروننده فی الجمله زهره سی اولان کسینه لر
 کندودن غیری فردا کا تعرض ایتدیکنه تحمل ایتدک
 احتمالی یوقدر اوله اولسه بونجه کوندرکه عسا کر
 نصر تمامم مملکتته داخل اووب کامرانلق ایدرلر

هنوز نه نام و نشان پینا ونه وجود کدن اثره ویدا
بر وجهله مس- تور الحال سن که حیاتیکله ممانک غلی
السواد عارضی جرأت کسب ایتکه حاجت کیمده
وارایدوکنه ظاهر حال تمام شاهددر واقع قضیه
بودر که س- ندن بر فعل وجوده کلامشدر که اندن جلادت
ومردانهک فهم اولنه صورته کلان عمل دخی سراسر
ثمره مکر و حیلده در شک یوقدر که جرأت عارضیه نک
اثری انجق تلبیس و تدلیس اولور غیری اولمز هله
مبتلا اولدیغک دردک دواسی معلومک ایش اول مقواه
نسنه استعمال ایتکه قوت قلب تحصیل ایدرمش سن
ایمدی غایت مجربک اولانی استعمال ایله باشد که
مقابلیه جرأت قویغده باعث اوله بوجانب- دن دخی
بیلورسک عنایت سکا فوق الحد اولشدر س- نک ضعف
قلبک ازالهسی ایچون قرقیک مقدری ار لش- کر ظفر
رهبردن افزاولنوب قیصریه ایله س- یواس مابینند،
اقامت امر اولمشدر خصمه مروت آنجق بو قدر
اولور بوندن ارتق اولمز اگر من بعد دخی بر قرار

وضع سابق کنج زاویه رعب وهراسده منزوی اوله سن
 ارلك آدی سکا حرامدر مغفریرینه معجر وزره یرینه
 چادر اختیار ایلوب سرداراق سودا سندن وسه سانا ذراق
 هوا سندن فراغت ایلده سن (مصراع) ز تو
 این کار بر ناید تو با این کار بر تابی . والسلام علی
 من اتبع الهدی .

تحریرافی او اخر شهر جمادی الاخره سنه عشرین
 و تسبع مائة

§

(۱۰)

﴿ شهزاده سلطان سلیمان کوندریلان چالدران ﴾

﴿ فتح نامه سی ﴾

فرزند ارجمند امجد ارشد اسعد نور حدیقه سلطنت
 وکشور کشایی نور حدیقه خلافت و فرمان روایی
 المحفوف بصروف اطایف عواطف الله عضد الدوله
 والدنیسا والدین او غم سلیمان شاه طال بقاه ونال

فی الدارین مناه توقع رفیع جهاندطاع واصل اولیچق
معلوم اوله که اردبیل اوغلی دینن مفسد و زندیق
و ملحد فتنه و فسادى شعار و کفر و الحادى دثار و تعذیب
عبادى افتخار و تخریب بلادى پیرایه روزگار ایدندیکی
سبیدن محضا اعانت ملهوفین و اغاثت مظلومین و احیاء
مراسم دین و ابقاء نوامیس شرع مبین ایتک ایچون
حق سبحانه و تعالی به توکل و سید کائنات علیه الصلوة
و السلامک معجزات بابرکاتنه توسل ایدوب لشکرتازى
سوار خصم شکار ایله آنک فصدینه بلاد شرفه توجه
ایتمشیدم دکردن عبور اولندیغی ایامده حکم شریف
کوندر یلوب مضمون عزت مقروننده هتک پرده اسلام
ایتدیکنک حد تواتره بیتشوب مشایخ و علما باسرههم
کفرینه حکم ایلایوب قتلنه فتوی و یردکاری جهتدن
نقطه وجود ناپاککی اظفار تیغ و خنجر ابدارله صفحه
روزگردن حک ایتک همت علیه شاهانه و ذمت
سنیه پادشاهانه مره واجب و لازم اولمشدر اما
قبل السیف تکلیف اسلام حکم شریعت مصطفوی

عليه السلام اولديغى حيثيدن بو كتاب مستطابي
 سكا كوندردم كه آگاه اوله سن اكر شمدى به دك
 ايتديك افعال قبيحه به صميم دلدن نادم اولوب سنى
 مسلمان اولورسك و سابقا آميزايغى باصديغى نواحى
 و اراضى بي ممالك محميّه عثمانيه به اضافه قيلورسك
 دولت سنك نواب كامياب باب سعادتآبدن عنایت
 و شفقتدن غيرى نسنه كورميه سك و اكر تبديل
 اخلاق ذميه ايلوب افعال فضيحه اوزره اصرار
 كوسترسك امر اللهم تغاب جهتندن تحت
 تصرفنده اولان مملكت مخيم اردوى همايونم اوليجق
 ارايسك ميدانه كله سن ارادة الله نيه متعلق اولمش
 ايسه، ظهور بوله ديو بيوزمشدم بمن و اقباله ديار
 اذربايجان شرف ظل ظليل رايات فتح آياته مشرف
 اوليجق ايكي دفعه حكم شريف كوندريلوب قتاله
 دعوت اولندي قطعاً مقابله بي انبايدر بوضع صادر
 اولدى آخر الامر شهر تبريز كه قديم الايامدن تختگاه
 سلاطين عجمدر محط رحال ارباب غزو و جهاد

اولمق مصمم اولوب بلده مز بوره به قریب نواحی به
 نزول اجلال واقع اولمقی مبارک رجب آینک اولکی
 کونی بوم الار بعاده ضحوه کبری وقتنده (چالدران)
 نام بر صحرا ده کلوب عسا کر نصرت مأثرمه مقاومت
 ایتمکه کندوسنده مکنت اولمدیغنه جزم ایلیوب
 جمله لشکرینی باشدن ایاغه آهن پولاده غرق ایلیوب
 دخی برمقدارینه اوستاجلو محمدی باش دیکوب صاغ
 قوله برابر کوندردنی باقی لشکر ایله کندوسی صول
 قوله کلوب جانبیندن جنک واشوب اولاشدی
 اوستاجلو محمد صفوفنی پانک قله هیجا ونهنک لجه
 و غا اناطولی بکلیر بکیسی (سنان پاشا) طرفه العین
 ایچنده خاک ایله یکسان ایدوب کندینک دخی باشنی
 آلدیلر صول قوله دخی اسمعیل مخذول کلوب هجوم
 ایدیجک روم ایلی دلاورلی بر کره یوزینی دوندر دکرندن
 صکره یینه تکرار جمله ایدوب نوایر حرب و قتال تمام
 اشتهال بولوب مدت مدیده طرفیندن قووشمه
 و دور تشمه اولوب هر طرفین نیجه بکلیر کیمی مجروح

وکیمی متعول اولوب امیرالامراء الکرام روم ایلی بکر
 بکیسی حسن پاشایه زخم سهمنک ایریشوب دشمن
 جانبندن جرأت فهم اولینیجق اول قولده اولان
 جماعت عزیزان وزمره علوفه جیان انلره یاردم
 کوندریلوب ویکیری قوللم دخی طوپ و تفنگ
 وناوک چرخ زنبک ایله اعدای دولت دینه حواله
 اولدیلر دشمن نابکار بو حالتی مشاهده ایدیجک اروق
 قرار ایتمکجه مجالی قالیوب فرار اختیار ایلدی لشکر
 ظفرهبر عقبته و اروب سنجاقلرین منکوس و معکوس
 سردارلرین متبهد و محبوس کتوروب هدف تیر
 و علف شمشیر ایلدیلر کندوسی دخی زخمدار اولدیغی
 محقق اولدی شمدیکی حالدده عنان عزیمت تبریزجانبنده
 منعطف و مصر و قدر ان شاءالله الاعز فتوحات کلیسه
 مقید اوامش اوله (الحمد لله الذی هدانا لهذا) اوله
 اولسه بوقتح جلیل التدرک بشارتیه سنی مسرور
 و شادمان و مبتهج و خندان قیلق ایچون فخر الامائل
 و الاقران قولم سنان ارسال اولندی کر کدر که شرف

ملاقاته مشرف اولی بقی حق سبحانه و تعالی جنبانه
 یو موهبه کربیه و عطیه عظیمه مقابله سنده حد
 نامحدود و شکر نامحدود ایدوب شنلکمر و شادانقر
 ایلیه سن .

تحریرانی اوائل شهر رجب المرجب سنه عشرین
 و تسع مائه (بیورت خوی)

§

(۱۱)

✽ احمد پاشا نیک تبریزه مأموریتنه دائر سلطان
 سلیم حضرتلری طرفدن یازیلان نامه همایون ✽
 اکابر و اعیان سکان خطه تبریز سیمافخرالسادات
 میر عبدالوهاب رزقت سلامتہ بعنایه و مراحم شاهانه
 سمت اختصاص یافته بدانند که شفقت و رأفت در ترفیه
 حال مسلمانان و تطیب قلوب عجزه و مسکینان و تنم
 مصالح ملک و ملت و تنظیم مناظم دین و دولت پیش
 از پیش است همه کس را شکر ایزد متعال واجبست که

ایشانرا از دست ظلم چنین ظالم غدار رهانیده و سایهٔ عدالت سعادت بخش مارا بر سر ایشان کسرتانید حالیا پیش از نزول اجلال اردوی همایون پر افاضهٔ عدل و انصاف و ازالهٔ جور و اعتساف دستور مکرم و وزیر معظم و کبیر نفخم ذوالقدر الاتم و المجد الاشم و النجابه و لکرم مدبر الامور بالرأی الصائب بین الامم نظام الملک فی العالم مقرب الحضرة السلطانية مشیر الدولة الخاقانیه المختص بمزید عنایه الملک الصمد مبارز الدنيا والدين احمد دامت معالیه بدان جانب فرستادیم چون پاشای مومی الیه بشهر تبریز فرود آید با انواع تعظیم و تجلیل و تکریم و تجلیل پیشداد اودر روید و اوامر و نواهیش همه فرمان قضا جریان قدر نفاذ ماست بسمع اطاعت و انقیاد بشنوید و امتثالش را از صمیم دل و جان قیام تام نماید و این معنی را در باره شما عین عنایت و محض حمایت دانید تحریرا فی الیوم الثانی من شهر رجب المرجب سنهٔ عشرين و تسع مائه

(۱۲)

﴿ تبریز قاضی شمس الدین کوندریلان

فتحنامه هایون ﴾

اکابر و اعیان بلده تبریز سیمای قضای مسلمانین
اولی ولایة الموحدین معدن الفضل و البقین شمس الدین
احمد دامت فضائله بعواطف و مراسم شاهانه سمت
اختصاص داشته بداند که پیشوای ملاعین و سر لشکر
جنود شیاطین اسمعیل بی دین در روز چهارشنبه
دو مین ماه رجب المرجب در صحرای چالدران بعد از
ضجوه کبری عساکر آهن پوش دریا خروش مارا
مقابل آمد بسی کوششهای بی فائده نمود عاقبت نسیم
فتح و نبروزی از مهب سر عزیز الحق یعلو و لا یعلی
اعلام ظفر اعلام جنود اسلام را طلاوه خفوق و اهز از داد
اسمعیل مخدول قضیه (من نجابر أسه فقدر بح) را
حسب حال خود دانسته از پایش شمشیر اشکر جرار
بی شمار خصم شکار سر در دزدید ما نیز در عقبش عنان

عزیمت منصرف و منعطف فرمودیم ان شاء الله الاعز
 درین چندروز عرصه خطه تبریز بشرف تقبیل
 سم ستور لشکر منصور مشرف خواهد شد عنایت
 و شفقت حضرت علیه مادر باره عامه رعایا که ودایع
 خالق بریاست فوق الحدست و از اکابر و اصاغر یکی
 مخالفت نکرده همه در مقام خدمتکاری و جان سپاری
 ثابت قدم و راسخ دم باشند تا در ظل ظلیل سعادت
 فرجام از تف حوادث ایام آسوده حال شوند و هر که
 از مطاوعت او امر و نواهی احکام پادشاهی سر پیچد
 خونش بگردنش از بطش شدید قاهره مارهایی
 نیابد که از خواص و عوام در مستقر خود برقرار سابق
 ساکن و مستقر بود با فراغ حال دعای دوام دوات
 اید پیوند مارا مواظب و ملازم باشند چنین بدانند
 بطغرای غرای کبکی سستان و کشور کشادی اعتماد
 و اعتقاد نمایند تحریرا فی اوائل رجب المرجب سنه
 عشرین و تسع مائه (بیورت خوی)

(۱۳)

﴿ سلطان سلیم خان حضرتلینک کما خک
 وذوالقدریه نك فتحنه دائر شهزاده سلطان سلیمانہ
 ارسال ایتدکاری نامہ ہمایون ﴾

فرزند ارچند اسعد ارشد امجد نور حدقہ جلال
 و سلطنت و شہریاری و نور حدیقہ کمال مملکت
 و تاجداری در دریای نصفت و دریء اوج خلافت
 المخصوص بمزید عنایہ اللہ او غلم سلیمان شاہ طال بقاہ
 توفیق رفیع ہمایونم و اصل او ایچق معلوم اولہ کہ اشبو
 سنہ مبارکہ عمت میامنہادہ واقع اولان مادر بیع الاخرک
 بشنبجی کونی یوم السبت ده قلعه کماخ اوزرینہ نزول
 نزول ہمایونم واقع اولدیغی کبی هر یکادن اژدر فم
 و آتش دم سنکین طوپ و آہنین بادلو شجہر حوالہ
 قیلدوب رعد صدا و برق پیا قوارع ایله بدنلرینی دوکوب
 یقمغہ ابتدا اولندیغی کبی ایچندہ اولان قزلباش بد معاشک
 باشنہ علامت قیامت ظاہر اولوب چالشمہ و دو کشمہ دن

قالوب سراسیمه اولدقلری باهراولمغین بی تحاشی لشکر
 جرار خصم شکار برج و بارو اوزرینه چقبوب
 قله سنه اسلام سنجاغی دیکوب عصره قریب زمانده
 ضبط و تسخیر اولوب کوتواننک باشی کس یلوب قلعه
 مزبوره ایچنده اهل اسلام مملو اولوب طائفه ملاحده دن
 تطهیر اولوب (فقطع دابر القوم الذین ظلموا والحمد لله
 رب العالمین) فحواسی ظهور بولدی و انده ییک و دزدار
 تعین اولدقدن صکره سیواسه عودت همایون
 بیور یلوب سابقا (چالدران) سفرنده ذوالقدر حاکمی
 علاءالدوله بی دولت رکاب همایونم خدمتدن انحراف
 کوستردیکندن غیرى انواع خیانتی و قزلباش او باشله
 اتقاقی درجه و ضوچه ایرشدیکی اجلدن دفع و رفعی
 واجبات دینه دن اولمغین پلنک بیسه و غا و نهنک بحر
 هیجا اول وقتده روم ایلی بکر بکیسی اولوب حالا
 وزیر اعظم اولان (سنان پاشا) دام اقباله بی اون ییک
 نفر کزیده لشکر ظفر رهبر ایله و بره مقدار یکبجیری ایله
 مقدم اوزرینه کوندر یلوب بن ذات جلالت سمانله

بر کون صکره عزیمت ایدوب بدنجی کونده ذوالقدر
 توابعندن چینی قلعه سنه قونیلوب بر کون اوتوراق
 قلندیغی ائنده پاشای مز بور دشمنه بولیشوب غالب
 اولدیغی خبری ایریشوب ویارنکی کونی سنه مز بوره
 جهادی الاوایسینک غره سی یوم الار به ایدی علاء الدوله
 بد بخنک کله بی دواتی درت نفر بی سعادت او غلاری
 باشلریله واوتوز نفر بوی بکرینک باشلریله بر قاق نفر
 چاوش ترکیسندده وزیر مز بور قبلندن کلوب سم سمند
 سعادت مند او کتله خاکسار بر اقدیلر وانک مقابله سنده
 (الحمد لله الذی هدانا لهذا وما كنا لنهتدی لولا
 ان هدانا الله) شکرانی ادا قیلوب ولایت مز بوره
 حکومتن اقر باسندن صداقت واختصاصله خدمات
 سعادت آیتمده جان و باش دریغ ایتیمان جناب ایالت
 مآب سعادت نصاب عضد الدوله والدین شهسوار
 اوغلی علی بک دامت معالیه یه و بروب اندن قیصریه یه
 کلوب عن قریب عودت و رجعت همایونمی تخت
 و بخت قسطنطینیله صوبنه منعطف و منصرف بیله سز

ان شاء الله تعالى و بو بشارت بهبه و نصرت سنيه نك
اعلامى ايجون قولر مدن قدوة الاما جد و الاهالى
چاشنيكبر (بالى) زیده مجده ارسال اولندی کر کدر که
حین وصولده انواع بهجت و مسرت ابله شکر الهی بی
ادا قلوب بوقحنامه بی علی رؤس الاشهاد او قودوب
ابواب شادمانی عامه ناس و جوهنه مفتوح قلوب
مزید قدر و جاهم ادعیه سنه بالغد و الاصل اشتغال
کوستره سنن تحریر ا فی اواسط شهر جمادی الاولی سنه
احدی و عشرين و تسع مائه (بمدينه قیصریه)

§

(١٤)

﴿ علاء الدوله نك سر مقطوب نك كوند رلدیكنه
دائر عزیز مصر سلطان غوری یه یازیلان مکتوب

هما یون ﴿

بسم الله الرحمن الرحيم الحمد لله فاتح ابواب النصره
على وجوه المؤمنين وقامع ابذية الظلمه والباغين الذين

هم كانوا اخوان الشياطين وقاهر من يترك حجته
الظاهرة وناصر من يسلك محجته الباهرة وعامر من يعمر
بالعدل والاحسان ودامر من سفك دماء بني آدم بالظلم
والعدوان قدم جبروته وعظم ملكوته لامر دلوارد
قضائه ولا مفر عن نازل بلائه كل امير في قبضه قدرته
اسير كل عسير مع بسطة رحته يسير يدور بحكمه
الفلك الدائر ويسير بامره الكواكب السائر (الاله
الخلق والامر تبارك الله رب العالمين) والصلوة على
من دعى الخلق الى النهج القويم وهداهم الى صراط
المستقيم بعد ما كانوا متورطين في مهلكة الجهالة
متخبطين في هفوة الضلالة يعينون الرفضة واصحاب
الطغيان ويتبعون الهمة واحزاب الشياطين فبلغ
الرسالة وبين الدلالة واطهر شعار الدين حتى
اهتدوا بانواره واوضح منار اليقين حتى اقتدوا باناره
وانهدم بظهوره رواق دولة الاكاسرة من الاعجام
واتسع بجوده نطاق ملة الاسلام محمد سيد البشر
والشفيع المشفع في المحشر وعلى آله مصابيح الظلم

و مفاتيح الحكم الذين اذهب الله عنهم الرجس
وطهرهم الله تطهيرا ثم نحمد ونشكر جدا يوافي
كرمه وشكرا يكافى نعمه على ما من الله تعالى علينا
ببركات ادعية الصالحة والهمم العالية
للسلطان الاعظمي الاكرمي الابجدي المجدي
العوني الغوثي الغيائي المهدي المشيدي - الاعدلى
الاورعي ظهير الاسلام والمسلمين حامى خدام الحرمين
الشريفين اسوة الملوك والخواقين معين الغزاة
والمجاهدين نصير امير المؤمنين الذي قصرت عن
تعداد اوصافه عقول العقلاء وكلت عن ذكر شمائله
الهسنة البلغاء مزين سرير القاهرة بوجوده وجوده
ومشيد بديان السلطنة بصنوف جنوده ادامه الله في دولته
لا تنهدم دارها وشوكنه لا تنقصم اثارها ونعمة
لا يطرئ عليها زوال وسعادة لا يقع فيها اختلال
من الفسوحات الواقعة في شهرين مئذنه السنة بل
في احد عشر شهرا من الحولين اى بعد مراجعتنا
من قبح العجم الى اعظم بلادنا امامية جاهها الله

مع سائر البلاد الاسلامية عن كل البلية ووقفنا الى اخر الشتاء توجهنا متوكلا على الله تعالى ومستظها بمعجزات رسوله محمد صلى الله عليه وسلم و مستمدا من ارواح اصحابه واولياء الدين رضوان الله عليهم اجمعين مع عساكرنا المنصورة في اول فصل الربيع يوم الخميس الخامس من شهر ربيع الاول اولاً الى قلعة كاخ التي كانت في ايدى الروفضة الملاحدة لعين الله عليهم ونزلنا عليهم يوم السبت خامس شهر ربيع الاخر فشرعنا في قلعها وقمعها مع القوارع الصعبة والمناجيق الشديدة وحاضرناها بجنود كثيرة واقبال عديدة واشتعل نار القتال وتزلزل عن اقدام الرجال النلال والجبال فصعق اهل تلك القلعة وتحير كمال الحيرة وامتلاء اذان المجاهدين - نبداء نصر من الله وفتح قريب - وابتهج ذلوب الموحدين بانواع المسرة من محض لطف الله الملك المجيب فلما حاز وقت العصر تنسم رياح الظفر والنصر فصعد بعض من المبارزين على بروجها وهدى

البارى الى طريق الفوز والنجاة حين عروجها ونصب
 الويه - القتح على قلاها الشامخه وانهدم اكثر جدرانها
 الراسخه فدخل العساكر فيها صفا صفا وقرعوا
 ابواب بيوتها دكادكا واخرجوهم من مغاراتهم وفرقوا
 الابهاء من بينهم ونباتهم واخذوا الالههم وضربوا اعناقهم
 (اوائك حببت اعمالهم فى الدنيا والاخرة و اوائك
 هم الخاسرون) وبقية السـ يوف (اويجدون ملجئ
 اومغارات اومدخلوا لواليه وهم يحمون) (فقطع
 دابر اقوم الذين ظلموا والحمد لله رب العالمين) فظهرنا
 ها عن هؤلاء الارجاس الانجاس وزينا بالجمع والجماعه
 والناس وبنينا جدرانها بنه احسن من الاول ورتبنا
 ذخائرها وما يحتاج اليه فيها باتم وجهه واكمل ورجعنا
 بعد نصب الوالى الى سـ يواس حياه الله (من شر
 الوسواس الخناس الذى يوسوس فى صدور الناس
 من الجنه والناس) وبعد الوصول الى البلد المزبور
 عزمنا ثانيا الى بلاد ذوالقدرية فصار مقدمه الجيوش
 فى تلك الايام امير الامراء الكرام بولاية روم ابلى والان

هو وزيرى ومشيرى الدستور الاعظم والوكيل
المفخّم نظام العالم مبادر الدولة و الدنيا والدين
سنان پاشا ادام الله اقباله وضاعف اجلاله فخرج
يوم الثلاثاء الثانى والعشرين من الشهر المسفور ووصل
الى العدو فى اواخر الشهر المذكور وقام بالحرب
وغلب عليهم باشد الضرب فلما نزلنا يوم الاربعاء غرة
جادى الاولى بالعز والنصر على الكلاء الشهير
بكوكسون فى شط تلك المملكة قريبا من الموضع الذى
وقع فيه المحاربة ورد من فضل الله وتوفيقه مبشرا
منه اليها منبئا عن حصول المرام وانهمزما الاعداء
اللائم و آتيا برأس رأس هؤلاء الطوايف اعنى علاء
الدولة المتبول المخذول مع رؤس ابنائه وامرأته
قريبا من خمسين كانوا رؤس الشياطين فقرأنا اية
(الحمد لله الذى هدانا لهذا وما كنا لنهتدى لولا
ان هدانا الله) وارسلنا من محض المسرة وفرط
البشاشة رأس ذلك الامير المخذول الى ديوان القاهرة
مصحور باخدمته قدوة الاماجد والاكارم سيف الدين بك

زيد مجده ليكون ايضا سببا لنشاطكم وباعثا لانبساطكم
 فالأمول من مكارم اخلاقكم الحسنة ومحاسن الطافكم
 المستحسنة ان تعلموا هذا الفصح المبين في الاقطار
 والامصار من بلاد الموحدين كاهودأب الملوك
 والسلطين ولاتنسوني من الذي نحن به فرحين ويكون
 معلوما لدى خدمتكم المنيفة انه قد رجعنا الى
 القسطنطينية المحمية سالما وغائما وصمنا العزيمة
 في السنة الآتية الى تسخير البلاد الشرقية ودفع
 بقيه السيوف من الرفضة القزباشية خذلهم الله
 ودمرهم بهـ ونالله الازلى وتوفيقه الابدى فالمرجو
 منكم ان لا تلتفتوا بتفرعاتهم ولا تنقيدوا بسفسطاتهم
 وما عندهم من عقول اثر الكلام المجاهدين لا يعتبر
 وان تعيدوا الرسول حسن الاعادة بعد ادائه مراسم
 الرسالة ادامكم الله وابقاكم بالدولة والسعادة الى يوم
 القيامة حرر في يوم الثلاثاء الرابع عشر من شهر
 جمادى الاولى سنة احدى وعشرين وتسعمائة .
 بيوزت قبصريه

(١٥)

﴿ مولانا ادريسه يازيلان فرمان همايون ﴾

عمدة الافاضل قدوة ارباب الفضائل سالك مسالك
هادى مناهج شريعت كشاف المشكلات الدينيه
حلل المعضلات اليقينية خلاصه الماء والطين
مغرب الملوك والسلاطين برهان اهل التوحيد والتقديس
مولانا حكيم الدين ادريس ادام الله تعالى فضائله
توقيع رفيع همايون واصل اوليجق معلوم اوله كه
شمديكچالده سده سعادتته مكتوبك واصل اولوب
سندن او مولان حسن ديانت وامانت وفرط صداقت
واستقامتك مقتضاسنجه ديار بكر ولايتك قح كاپسنة
باعث اولديغك اعلام اولمش بوزك اغ اولسون
انشاء الله الاعز سائر ولايتلك دخي فتحنه سبب كلي
اوله سين بنم انواع عنايه عليه خسروانم سنك حقكده
ميدول ومنعطفدر والحالده هذه اخر شوال مباركه
دكين واقع اولان علوفه كزاياله ايكي بيك سكه

افرنجيه فلورى و برسمور و بروشق و ايکى مربع صوف
 و ايکى چوقه و بونلردن غيبي برسمور و بروشق کورک
 قابلو صوفلر دخی و بر فرنگی کمخا غلافلو قلنج
 انعام و ارسال اولندی انشاء الله الاکرم وصول
 بواقدقه صحت و سلامتله الوب مصارفکه صرف
 ايليه سين مقابله خدمات و مجازات استقامتکده
 و اخلاصکده انواع عواطف جليله خسروانمه
 سزاوار اولوب بهره مند اوله سين و ديار بکر جانبدن
 سزه اتباع ايدوب کن بکرك مقابله صداقت و اخلاص
 و مجازت خدمات و اختصاصارينه کوره اول ولايتده
 توجهيه و تعين او لنان سنجقارينک و بکرك احوال
 و القابى و مقاديرى سنک معلومک اولديغى اجلندن
 افتخار الامراء العظام ظهير الکبراء الفخام نوانقدر
 و الاحترام صاحب المجد و الاحشام المؤيد بانواع
 تأييدات الله الملك الصمد ديار بکر بکرك بکيسى محمد
 دام اقباله به نشان شريفمله معنون پياض احکام
 شريفه ارسال اولندی کرکدرکه اول جانبده

هر بکه توجیه اولنان ولایتک احوالی ونوجهله توجیه
 اولنوب فاول بکرك القابی ومقادیری نه اسلوب ایله
 اولوق مناسب ایسه براتلری انشا اولنوب یازی ویره سز
 ومفصلا اول یازیلی پرواتک صورتلری وتیملرینک
 مقدارلرینی دخی برصورت دفتر ایدوب سده سعادتته
 ارسال ایده سز که بونده دخی حفظ اولنوب هر خصوص
 مفهوم ومعلوم اوله وهر بکه نه سنجق ویرلدیکی
 ونوجهله تفویض اولندیغی والتابلری نیجه یازلدیغی
 ورعیبلری وانعاملری نوجهله اولدیغی رسبیل تفصیل
 اعلام اولنوب اما بروجهمله ترتیب وتعیین اولنه که
 بری بری اراسنده اولان اساس ارتباط تزلزل وتخلل
 بولوق حتمالی اولیه واول پرواتدن غیری استمات نامه لر
 کوندرلک لازم اولان بکرا ایچون نشاسانلو بیاض
 کاغذلر ارسال اولندی انلردخی هر بکه نوجهله
 استمات نامه کوندرلک مناسب ایسه انشا اولنوب
 انعاملری برله ارسال اولنه وانلرک مفصلا صورتلرینی
 وانعامده نوجهله رعایت اولندقلرینی اول پروات

صورته تری ایله بدفته ایدوب درگاه جهان پناه همه
 ایصال ایدوسز که هر خصه ووص بونده دخی مفصل
 و مشروح معلوم اوله و بوجانبده اولان مهمات
 سلطانی مراد شریفم او زره بتشمشدر انشاء الله الاعز
 بنم عنان عزیزتم اول جانبه منعطف و منصرفدر
 اول بکرك حقنه دخی عواطف علیه خسروانم
 ملاحظه ایتدکلر ندن زیاده درو شمیدیکجخانه اردبیل
 اوغلی اسماعیل پرتضلیل سده سعادتیه حسین بك
 نام و بهرام اغا نام ادملرینی رسالت خدمتیه کوندروب
 تقریرا و تحریرا انواع عبودیت و نضر علی غرض
 ایدوب مابینده صلح وصلاح میسر اوورسه اول
 جانبده نه مراد اولنورسه رضای شریفم او زره قبول
 صورتن کوستروب انواع تملقلر ایلش اما انک کلماته
 وصلاحنه قطعاً اعتماد جائز اولدیغی اجلدن مذکور
 ایلچیلری دیمتوقه حصارنده و سائر ادملرینی کلید
 البحر قلعه سنده حبس ایتدردم سندخی کر کدر که
 مقهور من بورك امورنده احسن تدبیر نه ایسه انک

تدبیرنده اولوب دولت ابد پیوند روز افزونم . هـام
 ومصلحنده مجد وساعی اوله سین من بعد اصناف اثار
 جبيله کوز سانح ولایح اوله شویله بیله سن علامت
 شریفه اعتماد قله سن تحریراً فی اواسط شهر شوال
 المبارک سنه احدى وعشرين وتسعمائة الهجریه
 (بمقام دار الخلافه ادرنه)

(۱۶)

﴿ سلطان سلیم درکاهنه سلطان غوری طرفدن
 وارد اولان مکتوب جوابی ﴾

مدالله تعالی ظلال سعادتہ الامیری الکبری الاکملی
 الاشرافی الاعظمی الاکرمی الامجدی انعونی الغوثی
 المهدي المجدی عون الاسلام والمسلمین عضد
 الغزاة والمجاهدين قهرمان الماء والطین الذی جعل
 امورہ کاسمه سلیمان واعد لاعدائه عذاباً الیما الی یوم
 الدين بحق محمد واله وصحبه اجمعین وبعد فقد ورد
 معاوضتکم الغراء وثمانیبتکم البیضاء من یدرسولنا

قدوة الاكارم والاعيان يوسف القيطان في اشرف
 زمان والطف اوان المشحونه بالالطف والاحسان
 ومقرونه يانواع البلاغه ومحاسن التبيان فابتهجنا
 من ورودها وفرحنا عن صدورها .

(شعر)

فقلنا لها اهلا وسهلا ومرحبا
 بخير كتاب جاء من خير مرسل
 فطالعناها بالاعزاز التام واطلعنا على ما فيها من التحية
 والسلام فوجدنا مضمونها منبثا عن توجهكم العالى
 الى البلاد الشرقيه ودفع الملاحدة القزلباشيه
 فشاورنا امراء ديواننا في القاهرة فاتفقوا بالاراء الصائبه
 والافكار الثاقبه على ان توجه الى تلك الحدود
 بالعساكر والجنود ان نصلح بينكم كيف لا وقد قال الله
 تعالى في كتابه العظيم الى رسوله الكريم (الصلح
 خير) فان فيه منافع كثيرة منها دفع الفتن والفساد
 وعمارة النواحي والبلاد واستراحة العساكر والعباد
 فعزمتنا بالسير والراحه نحو الجلب والشام كما هما الله

تعالى عن الافات والألام مع سائر بلاد الاسلام فالمرجو
من خصالكم الحميدة والطاقم العميمة ان لاتسارعوا
في التسوجه الى تلك الولاية لان اكثر اهلها اهل
السنة والجماعة واغلبهم خيار علماء هذه الامة
وقد طرأ عليهم حوادث كثيرة في الازمنة السابقة مثل
ظهور اولاد الجنكيزية والتموريه والملعونيه وطوايف
الملاحدة السالفة وغير ذلك من الاحزاب الظلمة
وهذه القوم من افراد تلك الاحزاب لعنهم الله الى يوم
السؤال والجواب وسمعنا من اكثر الواردين
عن هذه الديار الى الحرمين الشريفين زادهما الله
شرفا وتعظيما ان اسمعيل المخدول لما هرب عن محاربتكم
الشديده قرر بنفسه اللئيمة ان لايقابل معكم قطعا
بل يسير بشمله المنفرقة كقطاع الطريق في البوادي
والجبال ويعمل بكم كما عمل حسن الطويل مع ابي
سعيد كوركان والله لايجعل في رأيه وعمره وامره خير
اولا بركة فاذا لاتظهر الغائدة في توجهكم الادفع هذه
الحيل غير مضررة الرعايا وتلف اموالهم وانفسهم حيث

قال عز من قائل (ان الملوك اذا دخلوا قرية افسدوها
وجعلوا اعزة اهلها اذلة) والحمد لله تعالى قد شربوا
سموم افابى سـ. وفكم وهر بوا عن قتالكم ليلا ونهارا
واخذتم اكثر بلادهم و قلاعهم و خر بتم اشرف
دورهم و بقاعهم قتهتك عرضهم و خرج من ايديهم
حصونهم و ارضهم و ما بقى فيهم من الشجاعة اثرا
ولا الروية في البصر ونحن اليوم من خدام الحرمين
المكرمين و نظار الصفا والمروتين فالمناسب ان نصلح
بينكم برفاهية الانام على ان لكم مهمات كثيرة غير
هذه مثل فتح ردوس و امثالها حتى سمعنا انكم هيأتم
مائة سفينة كالجوار المنشآت في البحر بالعز و بالنصر
لامر الغزاة فالعزيمة الى تسخير تلك القلعة الشديدة
اوجب منها واهم والله تعالى اعلم و احكم و ارسلنا قذوة
الاما جد و الاكارم محمد البيغا رزقت سلامته الى سدتكم
السنية لتمهيد الاسباب المصالحة فالتضرع منكم
الاصغاء بالقبول فهو اقصى المأمول و السلام و الاكرام

(۱۷)

﴿ سلطان سلیم جانبندن سلطان غوری نزدینہ

تعیین بیوریلان سفیرلرہ دائرنامہ ہمایون ﴾

بسم الله الرحمن الرحيم وبه ثقتي الحمد لله الذي اورثنا
الارض وجعلنا من الاخيار وعداده وبشرنا بان نكون
من الابرار وصالحي عبادہ فيما قال (واقدم كتبنا في الزبور
من بعد الذكر ان الارض يرثها عبادي الصالحون)
والصلوة والسلام على من اقتدينا باثاره واهتدينا
بانواره محمد الذي من الله على المؤمنين به وعلى آله
واصحابه العظام وبعده مكتوب شريف عالي مقام وارد
اولوب مضمون شريف متضمن اولدوغى احوال
مطالعه قيلنوب معلوم اولديكك بعض زمانديرو
آينده ورونده وتجار منع اولتمقدن خاطر شريفه جناب
عاليزده ملحوظ اولدق بعض قضايا خطور ايدوب
مقام شريف مزده سوء ظن اولنش ايمدى رأى عالم آريه
مخفى دكلدر كه سابقا قزلباش لعينك اوستنه وارمقدن

غرض مجرد انوار تو امیس الهیه و شرایع نبویه بی حجاب
 ظلام ظلم مخالفان دین و دولت بدین اظهار ایدوب عالی
 شرایع نبویه ایله پرور ایلمک ایدی قطعاً طمع مملکت
 و ضبط دیار خاطر شریف مزه خطور ایتماش ایدی
 مجرد جمعیتلری تفریق و برونلری کسر اولمغله اکتفا
 اولنوب شاید متنصح اولهلر دیوباقی احواله تعرض
 اولنماشیدی بعده اصلاً متنصح اولیبوب حالت
 اصلیه سی اوزره استقراری استماع اولنجیقینه غیرت
 پادشاهی ظهوره کلوب روی عالمدن اوساخ وجودلری بی
 بالکلیه تیغ آبدار ایله محو ایتمکله تصمیم ایدیجک بری
 طرفدن علاقه سی واستمدادی بالکلیه منقطع اولمغیچون
 طریق شرق سد اولنوب آینده و ارونده و تجار منع
 اولندقدن صکره هر بار که اول طرفدن برکسنه کلش
 بولنسه تفتیش و تفحص ایدیجک یا حلب بولندن یادریادن
 اسکندر به بولندن کلش بولندیغی جهت بدین جانب
 شرقه واصل اوله جق طرفک جمعیه سی سد اولنق
 قصد اولنوب اول طرفک دخی آینده و رونده سی منع

اولنوب شونلر که اللرنده متاع شرقی بولندی اکر عرب
اگر عجم اکر رومی در حالرنده شبهه اولندیغیچون
معمدو برار کفیلره ویریلوب اسبابلری ضبط اولندی
اما شونلر که اللرنده متاع شرقی بولنماشدر هیچ دخل
وتعرض اولنوب حاللری اوزره تجار تلرنده ابقا اولمشدر
یعلم الله و کفی به شهیدا که سلاطین اسلامیدن هیچ
پرینک کندویه و یا مملکتنه طمع و یا کزند ایرشدر مک
قطعا خاطره خطور ایتماشدر دخی ایتمز مادامکه امر
شرع شریف ایجاب ائمه خصوصاً سزر که مودت
سابقه مؤروئی که درجه ابوت و بنوته یتیشوب حرمین
مکرمین حرمتی دخی مرعی ایکن مقام عالیمزدن شمیدی به
دکین بین الجانبین تکدره باعث بر قضیه و عداوت
و طمع مملکتدن مبینی بروضع صادر اولماشدر
و بو معنی به شاهد عدلدر که هنوز مکتوب شریفکز
واصل اولمدین حالیا اول مفسد بی دینک آتار کفر
وضلالتی بالکلیه عالمدن محو ایملک نیتنه دیار شرقه
متوجه اولیجق عادت سالقه مقتضاسنجه بابام سلطمان

حضرت نوری خلدۀ سلطنتہ نک و حرمین کریمیندہ
 مقبول الدعویہ ظن اولانان کسنہ زک ینبوع الفضل
 والیقین (مولانا رکن الدین) زادت فضائله و فخر
 الامراء الکرام ذوالقدر والاحترام المختص بمزید
 عواطف الملک الصمد (احمد) دام مجده بی ایلچی
 تعیین ایلوب کوندر مشوزدر مجرد تحریک سلسلہ
 وداد وتشید مبانی انجاد ایچون حق علم و علامدر که
 بو جانبدن محبتدن غیر هیج نسنه یوقدر ومن بعد
 اولق احتمالی دخی یوقدر مکر بزم اعدای دینی قلع
 وقع ایتمازه که بحسب الشرع واجب اولشدر رضا
 کوسر محبوب مخالفند اقدام ایده سنز اول وقت هر نه که
 و رای تقدیر ربانیده در ظهوره کله (والامر یومثل الله)
 و کیلر احوالی ذکر اولمش معلوم کزدر که جانب بجرده
 جناب عالی زک کفار خا کساره دائماً غزوا و جهادی اکسک
 اولیوب حفظدر یا ایچون مرا کبیر جمیع زمانده مہیادر که
 بو حالتده محبتہ منافق بر وضع اولمئشدر امیددر که
 من بعد دخی جانینسدن برودته باعث اولور بر وضع

صادر اولیوب توارد رسایل مودت پیام وتردد رسل
 ذوی الاحترامدن خالی اولنمیه تا که ساعه فساعه
 قواعد وفاق و مصادقت مستحکم اولوب یوما فیوما
 بنیاد و داد مرصوص اوله تحریراتی اوائل محرم الحرام
 سنه ۹۲۲ (بمقام ادرنه)

§

(۱۸)

✽ سلطان سلیم حضرت تکرینک سلطان غوری به
 اعلان حربی متضمن ارسال بیوردقلری نامه

همایون ✽

قاصو غوری اصلح الله شانہ توقيع رفیع جهان مطاع
 وحکم شریف واجب الانقیاد والاتباع واصل او بیجق
 معلوم اوله که حالیا مکر و تلبیس و حیلہ وجهیلہ
 مختثانه طریقہ سلوک ایلوب بعض کسینه لرایله مواضعه
 ایلوب کوندرمش سن عون الهی الیه جمیع قصد
 ایتدیکنک فتنه و فساد روشن و ظاهر اولدی پس

بو اصل اوضاع نا معقول که عاجزل و نامرد دل
 و بی عقلار اوضاع بدر اربک هواسنده و سرورلک
 سوداسنده اولوب دائرة عقلدن دم اورانلرک کاری
 دکدر ایمدی اول اشخاص اله کبروب جمیع احوالری
 معلوم اولدقدن صکره بی سکا ارسال اولندی تا که
 واروب بونده نجس و تفحص ایدوب اطلاع تحصیل
 ایتدکلری اوضاع و احوالی سکا مالی و حقیقی ایله
 اعلام ایلدیلر زیرا بزم عنایة الله مقارندیله کسنه نک
 مکر و حیلله سندن پاکز و کیمسه دن مخفی و مستور
 احوالری بوقدر بنم خود عزیمت عالی نهمتم احیای
 شریعت غرا ایچون دیار شرقه منصرف قلمش یکن
 سنک اول ملحد بی دین و مفسد بدآینده تقویت
 قصدینه بعض اوضاع نا شایسته تک ظاهر اولوب
 سن آنلردن اشد اولدیغک حیثیتدن توجه همایونم
 سنک اوزرینه منعطف قیلدوب مزاجه نفوس
 متکارددن جهان ضیق النفس و مصادمه سلاح
 و سناندن هوا ضیق النفس اولوب سنک قصدیکه

عسا کر بیکران و رایات فتح آیات نصرت نشانله منازل
 و مراحل قطع ایدوب کلوب حومه حکومتکده اولان
 مملکتسه داخل اولوب ملاطیه و لارنده و دیورکی
 و شارکویبی جمع توابع و واحقی و نواحی و اراضیسی
 تلال و جبالیله ضبط و انوب جمله مضافه ممالک محبیه مدن
 اولدقدن صکره بو کونکی که ماه رجبک اون برنجی
 کونیدر سعادت ایله (توجان دره) بوغازی دیمکله
 معروف محله نزول ایلدم پس سنده دخی لذت حیت
 اولوب رجولیتدن حصه و فتوتدن بهره و درونکده
 فی الجمله زهره و ارایسه کر کدر که کنج زاویه رعب
 و هر اسده منزوی اولوب جمیع اعوان و انصارکله متنبه
 اولوب زخم تیرو تبردن سرطوتیه و ب هر قنغی وضع
 کندیکه قولای کوزیکور ایسه هیچ س عیده قصور
 قوه یوب شمد غیرت و ارایسه مراد ایدندیکک اسلوبی
 و مقصود ایدندیکک بر موضعی تعیین ایلوب کلوب
 عسا کر نصرت مأثریمه مقابل اوله سن پرده کونده
 متدر اولان هر نه ایسه معرض پروزده جاوه کر او اه

وان شاء الله تعالى (والسلام على من اتبع الهدى)
 حرر في اواسط رجب سنه ۹۲۲
 (بيورت توجان دره بوغازی)

§

(۱۹)

✽ تسخير مصره دائر شهزاده سلطان سليمان

کوندريلان فتحنامه همايون ✽

فرزند ارجمند دولتيار و خلف سعادت مند کامگار
 حذقه باصره دين و دولت و حديقه ذات بهجت ملك
 و ملت در اكليل شهر يارى درى فلك تاجدارى المختص
 باواع مواهب الملك الاله او غلم (سليمان شاه) طال بقاه
 و نال مناه توقيس رفيع همايون و اصل اوليحق معلوم
 اوله كه اشبوكن سنه طقوز يوز بكرمى ايكي رجبك
 او اخرنده حلبه قريب (مرج الدابق) نام محله
 غورى مقهور مخدول ايله مخار به قينوب بعنايه الله تعالى
 لشكر اسلام غالب و گروه چرا كسه مغلوب دوشوب

وغورینک باشی کسبیلوب سم سمند همایونم اوکنه
 نیکونسار براغلدقدن صکره (طومانبای) نام بدبخت
 بقیه السیوف ایله مصره واروب دعوای تخت و سلطنت
 ! یتکین حلبدن شاهه واریلوب انده برقاچ کون
 ارام قلوب تدارک تامه ایله اول به-ارده اوزرینه
 توجه و نهضت هم-ایونم واقع اولوب برروز پیروزده
 حق سبحانه و تعالی به توکل و سید کائنات علیه افضل
 الصلواتک معجزاته توسل و چاریار عظام و اولیاء
 کرام رضوان الله علیهم الی یوم القیام ارواح طیبه لرندن
 استدعای همت قلوب اعلام ظفر نکار و الویه
 سعادت شعار و عسا کر جنک جوئی و صاعقه خوی
 و دلبران آهنین قبای ممالک کشای و مبارزان تازی
 سوار خصم شکار ایله محجه ده-شدن قاتوب قطع
 منازل و طی مراحل قلوب طومانبای مقهور جانبردی
 غزالی نام کسنه بی شام ایالتی سکا و یردم دیو غزه
 جانبزه کوندردیکی اسماع اولمقله بوجانبده دخی
 مقدمه الجیوش اولان عمده الوزراء العظام قدوة

الكبراء الفخام الغازى فى سبيل الله المجاهد لوجه الله
 وزيرم سنان پاشا انده بوانوب مقاتله ايتـ دكلرنده
 بعنايه الله تعالى وزير مشار اليه غالب و طائفه مزبور
 مغلوب دوشـوب وجانبزدى مزبور دخی بوجانبه نوعا
 اظهار اخلاص ايدوب وكبرو قاچوب مصره واروب
 طومانبايه ملاقات ايدوب تدار كه مشغول ايكن بندخی
 فروشكوه واشكر انبوه ايله سنه مزبوره ذى الحجه سنك
 يكرمى يدنجى كوفى مصره مقابله سنده (خانكده) نام
 محله قونلوب اندن يارنداسى (برکة الحاج) و (جبل
 مقطب سمتمدن نفس شهره داخل اولمغه سعى واقدام
 اولنجىق طوتيلان دلردن خبر انديکه مقهور مزبور
 كفار خا كساردن يرار طو پچيلر كتوردوب (عادليه)
 نام عماتك او كنده برطويل وعريض خندق قازديروب
 عمى دخی كمال مرتبه مبالغه اوزره اولوب وچيقان
 طوپراغنى مترس ايدينوب وايكى يوز قطعه سنكين
 طوپلر جابجا حاضر ومهيسا ايلوب والابنى اطرافنده
 ترتيب ايدوب غدارلق اوزره ايدش لاجرم يارنداسى كه

ماه مزبورک بکرمی طقوزنجی یوم الخمیس در صاغ
 قولده هزبر بیدشه و غا وزیر اقدم سنان پاشا تعیین
 ارانان بککر بکیلر و امرا و سپاهی ایله وصول قولده
 پلنک قله هجما وزیر اکرم بونس پاشا و سائر بککر
 بکیلر و امرا ایله طوروب میینه میمنت شعارده ذوالقدریه
 حاکی شه سوار اوغلی علی بک و حلب و ایسی
 خیر بک و میسره مسرت آثارده رمضان اوغلی محمود
 بک و عینتاب حاکی چرکس بونس بک و جناحین
 مصورینده روم ایلی امرا سندن اورنوس و میخایل
 اوغلاری و قلب مظفر قویده ذات همایونم قپوم خلی
 اولان اجناد اجداد و باوک اغاری مرتب و مکمل
 قلنوب و یکی چری قولارم پیاده شاه اوکنده طوررکبی
 اول عرصه ده قیام کو ستروب و طرفیندن قره غول
 و چرخه جیلر برینه ال صونوب جداله مباشرت
 ایتدکارنده اتش قتال استعمال بولوب هر یکادن مردان
 میدان جنک کرم اولوب یورودیلر و هر جانبدن
 طوپلر و تفنگلر اتبلوب روی هوا شرار افته واشو بدن

صواعق ورعد ایله مالامال و کرد نعال مطایادن
 عرصه قتال ظلوم ایاله دونوب روز روشن اعدا باشنه
 بختلری مانند تنک و تار و مهر فک قیزمش طاس کبی
 رؤس منحوس لرینه منعکس و شراره بار دوشوب
 هر طرفدن قوغوشمد و دوندیر یشمه اولوب وصاغ
 قولدن مومی الیه سنن پاشا غورینک صول قولنی
 صیوب طو پلری اوزرینه بی پاک هجوم ایلیوب اشکر
 ضلالت رهبری مغلوب و منکسر قلوب طومائبای
 قوائه یوریدکده بتقدیر الله تعالی کندویه زخم سهمنک
 ایریشوب صول قولدن وزیرم یونس پاشا کرکی کبی
 جمله سنه جمله ایلیوب مقابلنده اولان خصمهای نافر جامی
 ضرب حسام ایله بیوجود و کینام ایدوب اخر الامر
 دشمنک یوزی عکسنه دونوب (الان حزب الله هم
 الغالبون) صداسی گاه سماخ اهل ایمانه ایریشچک
 جنود چراکسه قراری فراره تبدیل ایتد کلرنده
 (ان ینفءکم الظن ان فررتم من الموت او القتل)
 وهیدی دامن کیر اولوب این المفر کویان چار و ناچار

قاهره نك كوچه و بازارندن قاچوب و لايت صعبه،
 يونلد كارنده عساكر ظفره ائرم بركون بر كچه عقب لرندن
 تاخت ايدوب الويه منكوسه ريله اكثر امر او نامدارلري
 مقيد و محبوس حضور لامع النور يمه كتور يلوب
 هدف تير و علف شمشير قلنوب روي زمين خون
 اعدا ايله آغشته و آدم كشته لرندن پشته اولوب
 سربى سامانلري ميدان سياستده غلطان و طائر روح
 يفتوح لرينه تنكناي نيران مكان و آشيان اولدي
 و ذكر او انسان منزل مبار كده درت كون مقداري
 اقامت اولنوب بشنجي بامداد سعادت امداد اندن
 قاقوب مصره متصل نيل كنارنده (جزيرة بولاق)
 ديكله معروف موضعده عز و اجلال ايله نزول
 ايدوب طائفة چرا كسه نك سهان اولان وجود
 خبيث لرندن اول اراضى طيبه تطهير اولنمغه همت عليه
 شاهانه و دقت سنه ملوكانه مبدول و مصروف ايكن
 ناكاه (سنه ثلث و عشرين و تسعمائه) محرم الحرامك
 يدنجي كچه سى واقع اولان ايله الاربعاده طومانباي

مقهور بقیه الس-یوف اولان کروه مکروهیله خفیه
 بر کوشه دن کلوب قاهره نك ایچنه کیروب اس-واق
 ومحلانده خندق قازدیروب ومترسلریا صادوب وشهری
 تکرار کوچه بند وحصار ای دینوب آهنگ جنک ایدیچک
 بوجانبدن دخی عسا کر منصوره علی الصباح بوریش
 ایدوب طلوعدن غروبده ک ضرب و حرب اولنوب
 اگرچه کروه اعدا هر جهتدن مخزول ومنکوب ایدیلر
 لکن بالکلیه دفعلرینه بعض کوچه بند حائل اولوب
 صبحه دک ملاحظه تام ایله توقف اولدی و چون
 غراب البین شب ظلمانی بخت دشمن کی زوی هوادن
 فضای عدمه طیران ایدوب طاوس فلک بیضه صبح
 صادقدن آفاقه جلوه کر اولدی ذات همایونمله دفع
 مخالفینه سعی واقدام اولنوب اعلام ظفر نیکار والویه
 نصرت شعار فرق فرقدان سایه مه سایه کس-تراولوب
 هریری اوزریمه اوج سعادتن برهمای فرخنده فر
 کی مس-تقر اولوب (مصراع) بمن نصرت بریمین
 و بسر فرصت بر بسار : جمله قی-و خلیفی و یکبیری

قولرمله پیاده وسوار حمله قیلنوب و مترسلر باصیلوب
وختدقلردن کچیلوب تحصن ایتدکاری اولرک اوزرلرینه
زردیانلر قونیلوب وراه کر یزلی اناطولی عسکری ایله
قوشادیلوب (یوم یغشیم العذاب من فوقهم ومن تحت
ارجلهم) حالاتک مشاهده ایتدکلرنده اولاد
و اتباعلریله (یوم یفر المرء من اخیسه و امه و ابیه)
وقایعندن جمیعینسی مضطرب الحال اولوب اکثرینک
دار و بیوتی (وجعلنا عالمها سافلها) اوزره باشلرینه
یقیلوب ظالمه بنا ایتدکاری دیوارلرینک احجاری ایله
سمنکسار و ابنیه وجودلری آن واحده (کبیت
العنکبوت) تارمار قیلنوب و ظومانبای زی نسوانده
برکوشه دن چیقوب غیبت ایلیوب کیفیت احوالی
تفحص اولنورکن ولایت صعیددن کیر و تضرع نامه سی
کلوب عفو اولمش یکن طینت خبیثه سنده مرکوز
اولان نفاق جبلینسی محرک و ساوس شیطانی اولدیغیچون
در دولت پناهه کلمک بهانه سیله مصره قریب
اولدقده نبلده اسکندر به جانبنه عبور ایلیوب شام

وشرقه قاجق استد کده طوتیلان دیلدن خبر آنوب
 محقق اولیجق مقدا روم ابلی بکر بکیسی اولان مضطفی
 پاشا و چرا کسه دن بو ائشارده کلوب اطاعت ابدن
 و اخلاصله اظهار عبودیت قیلان (جانبد غزالی)
 و شهسوار اوغلی علی بک ایلغاراه عقبنجه کوندر بلوب
 بن دخی علی التعاقب یور ییوب انلر جنکه مشغول ایکن
 ماهجه اعلام ظفر انجم آینه اسکندری مانندی
 رخشان اولدیغنی کوز دکرنده شکوه و فر شهنشاهیدن
 (کانهم جر مستنفره فرت من قسوره) هراسان و کریزان
 سودای شرفدن کچوب نجم عمرلی تکرار جانب غربه
 بونه لوب متفرق و پریشان اولدقلرنده مشارالیه
 مصطفی پاشا و جانبدی غزالی قوارق و قیارق برابکی
 کون قفاسندن آیرایوب (قل ان الموت الذی تفرون
 منه فانه ملا قبکم) پیغامبله مزبور طومانبايه ابریشوب
 همعنائی اولان اوچیوز نفر دن زیاده بی دولت بکلرک
 باشلری کسه بلوب و کندوسی دست بسته و کربند
 دولت کسه سته دیل طوتیلوب رکاب همایونه خاکسار

ایرشد کارنده (ارجوا عزیز قوم ذل) منطوقه سـ یله
 عمل قیلنوب انواع رعایت شاهانه به مظهر بیورالمشیکن
 (واسـ تکبرهو) متمضاسنجه مفیددوشمیوب اسـ تکبار
 واصرار ایتمکین عبرة لاولی الابصار صلب و سیاست
 قیلنوب دارالبواره ارسال اولندی (فتقطع دابر القوم
 الذین ظلموا والحمد لله رب العالمین) والحالة هذه جمیع
 ممالک مصر ملاطیه و حلب و شام شریف و نفس قاهره
 و دیار صعید و حبش و یمن تا حد قبروان مغربه دک
 طولا و حجاز و مکه و یترب و مدینه و قدس شریف
 زاده الله شرفا و تعظیما بالتمام و الکمال عرضا ممالک
 عثمانیه مضافاته داخل اولوب و شریف ابوالبرکات
 ابن شریف محمدک صلبی اوغلی سید ابو الحسنی
 رفعت درجاته پایه سریر عالم مصیرمه کلمک اوزره اولوب
 و طوائف اعراب مشایخی بالجمله کلوب مطیع و منقاد
 اولوب انواع خلعت و عنایتلر ایله هر ریسى (وینقلب
 الی اهله مسرورا) مضموننجه شاد و خرم معاودت
 ایلوب دوام دوات ابد پیوند ادعید سـ نه قیام کوستردیلر

(فقالوا الحمد لله الذي هدانا لهذا وما كنا لنهتدي لولا
 ان هدانا الله) اويله اولسه بوقتخنامه متبركه سكا قدوة
 الاماجد والاعيان چاشنيكريم (رضوان) زرقت
 سلامتہ يندن وصول بولدقده كر كدر كه تمهيد شكر
 وسپاسدن صكره بوبشارت آمير خبري هر جانبد اعلام
 و اعلان ايتديروب (واما بنعمة ربك فحدث) امر
 عاليسنه امثال كوستروب خواص وعوامه عيش
 ونشاط وفرح وانبساط ايچون ايام معتاده قديم مقداري
 بارعام ويروب ويروج وقلاعدن شنك و شادمانلق
 اشعارينه طوپ وتفنكلر آيلوب واسواق بلادى زين
 قيلديروب صلحا وعباده وعبيد وازاده فزونى عز
 وجاهم ايچون خير دعا ايتديروب بذل صدقاته دقيقه
 فوت ايليه سن واول جانبك احوالي بيلديروب قدوم
 همايونمه مترصد اوله سن شويله بيله سن .

تحريرا في شهر محرم الحرام سنة ٩٢٣

(بمدينة مصر القاهرة)

بك اوغلنده غلطه قله سی جوارنده كوچك خندق
زقاغنده (۲۹) نومروده كائن لاتركى و شرق
مطبعه سنديه طبع اولمشدر . فى ربيع الاخر سنة ۹۲



PURCHASED FOR THE
UNIVERSITY OF TORONTO LIBRARY
FROM THE
CANADA COUNCIL SPECIAL GRANT
FOR
ISLAMIC STUDIES

